



XXV 11  
5

C 943



VIA LACTEA

LIBER

INSTITUTIONES

PHYSICAE





— 20



VIA LACTEA

*S I V E*

INSTITUTIONES

JURIS CANONICI.



VIA LAGTER

AND

INTERESTING

TO THE CANONICAL

20



# VIA LACTEA

S I V E

## INSTITUTIONES JURIS CANONICI

PER QUAM, & QUAS,

Suavi, ac brevi Itinere, Studiosi Juvenes ad intelligentiam  
Sacrorum Canonum, & Lectores omnes conducuntur.

Ad normam illarum, quas celeberrimus Jurisconsultus  
JO: PAULUS LANCELLOTUS Perusinus,  
centum, & quinquaginta ab hinc Annis composuit;

N U N C

A JOANNE CLERICATO J. U. D.

Præposito Patavino; olim in Curiâ Episcopali Patavinâ, primùm  
Promotore Fiscali, dein Auditore, demùm Vicario Generali;  
faciliori, ac magis compendiosâ methodo digestæ;

Plurimisque Pontificiis Constitutionibus, atque Canonistarum, &  
Theologorum doctrinis auctæ, & ornatae.

Episcopis, Prælatiis, Canonicis, Parochis, Confessariis, Judicibus,  
Advocatis, & Studiosis omnibus utiles valdè, ac fructuosæ.



VENETIIS, MDCCXIII.

Apud Andream Poleti.

SUPERIORUM PERMISSU, ac PRIVILEGIO.



VIA A. G. T. E. A.

24 V. E.

INSTITUTION

UNIVERSITY

THE UNIVERSITY OF

CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.

THE UNIVERSITY OF CHICAGO, ILL.



*Illustrissimo, ac Reverendissimo D. D.*

ANTONIO MARIAE BORROMÆO  
COMITI PATAVINO  
EPISCOPO JUSTINOPOLITANO

Joannes Clericatus Præpositus F. P.



*Il mirum, si hæ Juris Ca-*  
*nonici INSTITUTIONES*  
*ad Solum Episcopale Illustrissimæ, ac Reverendis-*  
*simæ Dominationis Vestræ, tanquàm ad locum re-*  
*fugii, & potentis Protectionis asylum, recurrant;*  
*cum scriptum sit, a Omnia Flumina intrant*<sup>a Eccl.</sup>  
*in Mare: & ad locum, undè exierunt,*  
*Flumina revertuntur: siquidem præcipuam cau-*  
*sam*



sam obsequiosi hujus recursus influit profunda intelligentia ; quam ( præter alias Philosophicas , ac Theologicas Scientias ) Sacrorum Canonum Illustrissima , Et Reverendissima Dominatio Vestra , tanquàm mare , in se continet ; cujus signum sufficiens est doctissimus ejus Liber , De Electione Vocalis , inter Clericos Regulares Comitibus Generalibus interfuturi , Romæ Anno 1712. Typis impressus ; in quo abstrusam , Et perdifficilem Electionis Canonice materiam , eleganti , ac facili stylo , ad normam Sacrorum Canonum , declarat . Sed ejusdem Juris Canonici copiosæ intelligentiæ amplissimum Testimonium reddidit Sanctissimus Pontifex CLEMENS XI. feliciter regnans ; qui eam agnovit in pluribus consultationibus , de Ecclesiastico Regimine , cum Illustrissimâ , ac Reverendissimâ Dominatione Vestrà habitis ; eamque remuneratam voluit per promotionem ad Nobilissimam Cathedram Justinopolitane Ecclesiæ ; quam , etsi recusatam ex humilitate Promoti , præcepit acceptari . Porro Et aliis de causis Illustrissimæ , ac Reverendissimæ Dominationi Vestræ offerendas censui has Juris Canonici INSTITUTIONES ; inter quas trium ejus Nobilium Germanorum Fratrum , Et Comitum BORROMÆORUM amor , ac benevolentia , qui omnes Juris Utriusque Laureâ ornati , Et huic insigni Juristarum Collegio Patavino adscripti , Astra sunt luminosa , à quorum



rum consanguinitate , & auctoritate Libellus iste  
maiora consequetur praesidia . Accedit deinde singu-  
lari illa benignitas , quâ Illustrissima , ac Reveren-  
dissima Dominatio Vestra alios meos litterarios la-  
bores commendavit ; ex quâ sperare licet , has quo-  
que INSTITUTIONES ab egregiâ ejus Huma-  
nitate commendationem obtenturas . Tandem dese-  
renda erat hæc , quamvis minima , oblatio ad excel-  
sam Sedem Justinopolitani Antistitis , ut ex ejus  
fulgoribus omnes de suo Clero , & Alumni sui Se-  
minarii ad earum lectionem , & studium accende-  
rentur ; ut magis , ac magis habiles fierent ad re-  
gimina Animarum ; circa quæ tota versatur atten-  
tio Illustrissimæ , ac Reverendissimæ Dominationis  
Vestrae ; cui obsequium , & reverentiam meam con-  
firmans , felicissimam , ac perennem Annorum se-  
riem à DEO enixè deprecor .

Patavii Idibus Septembris 1713.







# P R Æ F A T I O

## Studiofis Juvenibus , ac benignis LECTORIBUS.



Trùm VIA LACTEA fit in Firmamento ? nemo, etſi idiota, ignorare præſumitur ; tùm quia de eâ Aſtronomi , & Philoſophi antiqui, & moderni copioſè ſcribunt ; tùm quia propriis oculis , dum nox ſerenat , ipſam omnes conſpiciunt ; & eſt circulus ille magnus, & latus, adinſtar Fæſciæ coruſcans, qui per tranſverſum Cælum diſcurrit , comprehenditque intrâ ſe , in plagâ Boreali , conſtellationes Caſſiopeæ, Cygni , Aquilæ volantis , Perſei , Andromedæ , & partem Ophiuci , ac Geminorum : In Auſtrali verò Scorpionem , & Sagittarium , Centaurum , Argonavim , ac Aram ; prout etiam conſpicitur in Mappis . Et quoniam ipſa Fæſcia tota nitida eſt , & ejus albedo ſparſi lactis præſeſfert ſpeciem ; ex hâc Nomen VIÆ LACTEÆ ſumpſit ; & apud Græcos nuncupatur GALLAXIA , quod vocabulum Orbem Lactæum ſignificat ; ut eam appellavit etiam Cicero in ſomnio Scipionis .

Tota difficultas eſt cognoscere , quid verè ſit ? Siquidem ( omiſſis Poetarum fabulis de Phetonte , ac Lactæ Junonis , de quibus Calvus in *Proprinom. Hiſt. Verb. Gallaxia* ) variæ ſunt Philoſophorum opiniones ; & eorum Princeps Ariſtoteles opinatus eſt , illam eſſe aggregationem exhalationum accenſarum , in ſupremâ Aeris parte conſiſtentium ; quæ tamen opinio ab omnibus exploditur ; quippè ſi vera eſſet , aut tandem conſumptæ forent ; aut non ſemper à quacunque Orbis terræ parte conſpicerentur ; & firmam diſtantiâ à Polis , & ab Æquatore non ſervarent ; ut fuſè diſſerit doctiſſimus Maſtrius in *Tract. de Cælo, & Meteor. diſp. 2. num. 79. & ſeqq.* Quapropter noſtro ævo , communi omnium aſſertione , receptum eſt , VIAM LACTEAM eſſe congeriem infinitarum propemodùm Stellarum , ſimul collucentium , quæ veluti maſſa quædam candicantis cujuſdam materiæ , ſe ſe oculis noſtris præbent ; pulchritudinem Cœli demonſtrant , & itinerantibus indicant viam .

Ex his omnibus , ( Studioſi Juvenes ; ac benigni Lectores ) deducere licet quinque myſticas cauſas , ob quas hæc INSTITU-  
\*\* TIO.



TIONES Juris Canonici cœlesti illi Gallaxiæ assimilantur ; & VIA LACTEA sint vocatæ.

Prima, & principalis est *Efficiens* ; Omnipotentia, scilicet, Altissimi Creatoris DEI ; quia sicut ab ipsâ Stellulæ illæ, quæ VIAM LACTEAM conficiunt, processerunt, quando Cœlos creavit, teste Regio Psalte dicente : *Quoniam videbo Cœlos tuos, opera digitorum tuorum, Lunam, & Stellas, quæ tu fundasti.* Sic omnia Juris Canonici Decreta à Divinâ procedunt Potestate, per concessionem Clavium Regni Cœlorum factam Petro Christi Vicario, & Pontificibus Romanis ejus Successoribus : jisdem enim data est facultas ligandi, atque solvendi in utroque Foro ; & in quâcumque materiâ concernente Animarum salutem ; ad quam consequendam Canones, & Constitutiones Canonice promulgantur. *cap. Sunt quidam. 25. quest. 1. cap. Translato. De Constitut. Extravag. Ad Conditorem. De Verb. Signific.*

Secunda Causa est *Materialis*, quæ consistit in numerositate eorundem Canonum, & Canonicarum Constitutionum. Sicut enim numerus Stellarum, quæ VIAM LACTEAM conficiunt, innumerabilis est ; itâ Juris Canonici Decreta, & Constitutiones non videntur posse numerari, ob illarum cumulum existentium tùm in primâ, & secundâ Parte Decreti ; tùm in Libris quinque Decretalium, in Sexto, in Clementinis, & in Extravagantibus ; tùm etiam in Tomis Septem Bullarii Romani : Et nihilominus hæ omnes collectæ sunt in INSTITUTIONIBUS istis ; in quibus tanquàm in Fasciâ VIÆ LACTEÆ, & doctrinaliter quo ad materias, & compendiosè quoad Præcepta continentur.

Tertia Causa, quæ *Formalis* est, sumitur à claritate, nitore, & albedine GALLAXIÆ ; ad cujus imitationem præsentis INSTITUTIONES non obscuræ, non difficiles, non abstrusæ ; sed claræ in stylo ; lucidæ in explicatione ; & perspicuæ in doctrinâ reperiuntur ; itaut de eis in veritate, & absque jactantiâ verificetur, quod de Nivis candore Salomon scripsit : *Pulchritudinem candoris ejus admirabitur oculus.*

Quarta Causa est *Instrumentalis* ; videlicet insipientia mea in his INSTITUTIONIBUS conscribendis ; quæ tamen correlativa est ad illam VIÆ LACTEÆ ; scilicet ad Divinam Clementiam, quæ, ut testatur Ecclesia, *infirmam mundi eligit, ut fortia quæque confundat.* Cum sinceritate cordis fateor, me nihil scire ; itaut in veritate dicam coràm Deo, *Deus tu scis insipientiam meam* ; & coràm hominibus id, quod dicebat de se egregius ille Scriba, & Doctor : *Ego autem insipiens.* A bonitate Divinâ processerunt benedictiones, quas consequutæ sunt Decisiones meæ de Sacramentis, ac Miscellanæ, Erotemata, ac Discordiæ Forenses ; necnon Sacræ Geneleos explicatio ; ex quibus omnibus tam Ecclesiastici, quàm Laici profiten-

tur



tur magnam hausisse utilitatem ; & de quibus Divinæ Clementiæ humilimas ego gratias ago ; hoc ipsum sperans de his Juris Canonici INSTITUTIONIBUS dicturus jugiter, *Benedicam Dominum*, Psalm.  
15. 7.  
*qui dedit mihi intellectum.*

Quinta tandem Causa est *Finalis*, ob quam VIÆ LACTEÆ affimilantur præsentēs Juris Canonici INSTITUTIONES, nempe utilitas illorum, qui earum studio vacabunt. Scribit Joannes à Sancto Geminiano in *Tract. de Exempl. & similitud. libr. I. cap. 34. Vers. Tertia gratia*; quod GALLAXIA propter suam claritatem, & splendorem dirigit Navigantes, & itinerantes de nocte; & in ore omnium, tanquam proverbium est, quod VIA LACTEA est VIA ROMÆ. Sicut ergo ex attentâ inspectione VIÆ LACTEÆ navigantes per Oceanum securi perveniunt ad Portum, & qui iter agunt per terram latri intrant Almam Urbem; & Capitolium ascendant; ita Studiosi INSTITUTIONUM harum ad Portum Laureæ Doctoralis certo, ac suavi itinere pervenient; atque Dignitates, Prælaturas, Canonicatus, & Beneficia, quæ eruditis in Jure Canonico jugiter dispensantur, feliciter obtinebunt; quandoquidem Ecclesia indiget Viris Litteratis pro bono Animarum regimine. *cap. Super specula. Ne Cleric. vel Mon. cap. Cum ex eo. ubi DD. de Elect. in 6. & præcipuè habentibus perfectam Sacrorum Canonum cognitionem. cap. de Personâ. II. q. I. cap. Nulli Sacerdotum. dist. 38.* Canones enim sunt medulla Legum; & Theologiæ Moralis fundamentum; nec apti sunt regere Ecclesias, populosque eis subjectos in spiritualibus instruere, qui Sacros Canones ignorant, ut inquit Baldus in *cap. Cum causam. col. 2. de Probat.*

Igitur Studiosi Juvenes, ac alii Nobiles Viri ad Ecclesiasticas Prælaturas aspirantes, læto animo his INSTITUTIONIBUS dignentur incumbere; per eas tanquàm per VIAM LACTEAM, celeritèr, ac faciliè ad intelligentiam Sacrorum Canonum perventuri; & ex illâ amplissimas utilitates consequuturi, quas jisdem sincero corde auguror, spondeo, atque polliceor. Valete.



# NOI REFORMATORI

## Dello Studio di Padova.

**H**Avendo veduto per la Fede di revisione, & approbatione del P. F. Tomaso Maria Genari Inquisitore nel Libro intitolato : *Via Lactea, sive Institutiones Juris Cānonici, Auctore Joanne Clericato*, non v'esser cos' alcuna contro la Santa Fede Cattolica; & parimente per Attestato del Segretario Nostro, niente contro Principi, e buoni costumi, concedemo Licenza ad Andrea Poletti Stampatore, che possi esser stampato, osservando gl'ordini in Materia di Stampe, e presentando le solite copie alle Publiche Librerie di Venetia, & di Padova.

Dat. 18. Settembre 1713.

{ Girolamo Venier Kav. Proc. Reform.  
{ Francesco Loredan Kav. Proc. Reform.  
{

*Agostino Gadaldini Segret.*



# INDEX TITULORUM

## LIBRI PRIMI.

Tit. I.	<b>D</b> E Jure Canonico.	pag. 1
Tit. II.	De Jure Divino, Consuetudine, & Constitutionibus.	3
Tit. III.	De Ecclesiasticis Constitutionibus.	8
Tit. IV.	De Jure Personarum.	13
Tit. V.	De Episcopis, & Summo Pontifice.	14
Tit. VI.	De Electione.	16
Tit. VII.	De iis, qui eligere, eligere possunt.	20
Tit. VIII.	De Postulatione.	21
Tit. IX.	De Confirmatione.	22
Tit. X.	De Consecratione.	24
Tit. XI.	De Receptione, & Auctoritate Palii.	26
Tit. XII.	De Vita, & Honestate Prælatorum.	28
Tit. XIII.	De officio Archidiaconi.	29
Tit. XIV.	De officio Archipresbyteri.	30
Tit. XV.	De officio Vicarii.	32
Tit. XVI.	De Coadjutore.	33
Tit. XVII.	De Chorepiscoporum usu sublato.	34
Tit. XVIII.	De Translatione.	35
Tit. XIX.	De Renunciatione.	36
Tit. XX.	De Depositione, seu Degradatione.	38
Tit. XXI.	De Sacerdotibus in inferiori gradu constitutis.	40
Tit. XXII.	De iis, qui sunt in Sacris constituti.	41
Tit. XXIII.	De iis, qui sunt in minoribus Ordinibus constituti.	43
Tit. XXIV.	De his, quæ sunt communia tam majorum, quam minorum Ordinum.	44
Tit. XXV.	De iis, qui promoveri non possunt.	46
Tit. XXVI.	De Præbendis, & aliis Beneficiis.	50
Tit. XXVII.	De Collationibus.	52
Tit. XXVIII.	De Institutionibus, & Jurepatronatus.	58
Tit. XXIX.	De Clericis non residentibus.	62
Tit. XXX.	De Regularibus, ac Monachis.	63



# INDEX TITULORUM

## LIBRI SECUNDI.

Tit. I.	<b>D</b> E Rerum divisione.	pag. 69
Tit. II.	De Sacramentis.	70
Tit. III.	De Baptismo, & ejus effectu.	72
Tit. IV.	De Sacramento Cbrismatis.	76
Tit. V.	De Pœnitentiis, & Remissionibus.	78
Tit. VI.	De Eucharistiâ.	80
Tit. VII.	De Extremâ Unctione.	82
Tit. VIII.	De Sacramento Ordinis.	84
Tit. IX.	De Sacramento Matrimonii.	85
Tit. X.	De Sponsalibus.	86
Tit. XI.	De Nuptiis.	89
Tit. XII.	De his, quæ Matrimonium impediunt.	91
Tit. XIII.	De Triplici Cognatione.	94
Tit. XIV.	De Claudeflinâ Desponsatione.	97
Tit. XV.	De his, qui Matrimonium accusare possunt, vel contrâ illud testificari.	99
Tit. XVI.	De Divortiis.	101
Tit. XVII.	De Rebus Sanctis, Sacris, & Religiosis.	108
Tit. XVIII.	De Construendis, consecrandis, & reparandis Ec- clesiis, & Altaribus.	109
Tit. XIX.	De Unionibus Ecclesiarum.	114
Tit. XX.	De Immunitate Ecclesiarum, & Subjectione.	116
Tit. XXI.	De Censibus, Exactionibus, & Procurationibus.	121
Tit. XXII.	De Capellis Monachorum.	123
Tit. XXIII.	De Religiosis Domibus.	125
Tit. XXIV.	De Sepulturis.	126
Tit. XXV.	De Canonicâ Portione.	129
Tit. XXVI.	De Decimis.	132
Tit. XXVII.	De Rebus Ecclesiæ alienandis, vel non.	137
Tit. XXVIII.	De Peculio Clericorum, relictis, & Successionibus eorum.	139



# INDEX TITULORUM

## LIBRI TERTII.

Tit. I.	<b>D</b> E Judiciis, & illorum divisione.	pag. 143
Tit. II.	De Procuratoribus.	154
Tit. III.	De Pactis, & Transactionibus.	160
Tit. IV.	De Arbitris.	163
Tit. V.	De In jus vocando.	165
Tit. VI.	De Dolo, & contumaciâ, & in possessionem mis- sione.	170
Tit. VII.	De Libelli conceptione, & oblatione.	174
Tit. VIII.	De Exceptionibus, & Replicationibus.	176
Tit. IX.	De Mutuis petitionibus.	186
Tit. X.	De Restitutione Spoliatorum.	187
Tit. XI.	De Litis contestatione.	191
Tit. XII.	De Juramento calumniæ.	194
Tit. XIII.	Ut Lite pendente nihil innovetur.	196
Tit. XIV.	De Probationibus.	198
Tit. XV.	De Sententiis, & Re judicata.	206
Tit. XVI.	De Executione rei judicatæ.	210
Tit. XVII.	De Appellationibus.	212
Tit. XVIII.	De Restitutione in integrum.	216



# INDEX TITULORUM LIBRI QUARTI.

Tit. I.	<b>D</b> E Accusationibus , Denunciationibus , & Inquisitionibus .	pag. 219
Tit. II.	De duplici Purgatione .	223
Tit. III.	De Simoniâ .	225
Tit. IV.	De Hæreticis , Schismaticis , & Apostatis .	228
Tit. V.	De Sortilegis , Maledicis , & Sacrilegis .	231
Tit. VI.	De Furtis .	233
Tit. VII.	De Ufuris .	235
Tit. VIII.	De Adulteriis , & aliis conjunctionibus illicitis .	238
Tit. IX.	De Crimine Falsi .	245
Tit. X.	De Homicidio .	248
Tit. XI.	De Injuriis , & damno dato .	253
Tit. XII.	De Ecclesiasticis Censuris .	259
Tit. XIII.	De Sententiâ Excommunicationis .	264
Tit. XIV.	De Excommunicatione contrâ pugnantes in Duello .	270
Tit. XV.	De Excommunicatione contrâ violantes Clausuram Monialium ; & Regularium .	273
Tit. XVI.	De Ecclesiastico Interdicto .	279
Tit. XVII.	De Suspensione à Divinis .	283
Tit. XVIII.	De Irregularitate .	287



I

# VIA LACTEA

S I V E

## INSTITUTIONES JURIS CANONICI.

---

### TIT. I.

#### *De Jure Canonico.*

**I**N quacunque scientia, ad ejus cognitionem acquirendam, principia ipsius oportet investigare : sic accedentibus ad studium Juris Canonici convenit scire ejusdem Juris principia. Quapropter in primis breviter explicandum est

- 1 *Quid sit Jus Canonicum?*
- 2 *Quis Juris Canonici fuerit primus Auctor?*
- 3 *Quando initium habuerit Jus Canonicum?*
- 4 *Cujus ejus sit finis?*
- 5 *Ex quibus Præceptis emanaverit?*

Quo ad Primum. Sciendum est Jus Canonicum; prout etiam lex Canonica plures habere etymologias; nam dicitur *Jus*

à *jubendo*; quia jubet, & præcipit, quæ sunt facienda; vel quæ veniunt evitanda. Item vocatur *Jus* à *justitia*; nam mandat, & ordinat fieri, quæ justa, & recta sunt; atque prohibet, quæ injusta, & iniqua censentur: & idèd dicitur *Canonicum* à verbo Græco *Canon*, quod significat latinè *Rectum*, & *Regulam*. Pari modo appellatur *Lex Canonica*, quia, ut docet S. Thom. 1. 2. q. 90. art. 1. Lex dicitur vel à *ligando*, quia obligat, & ligat homines ad ejus observantiam: vel juxtâ M. Tullium 1. de *Legib.* à *legendo*, & *deligendo*; quia præviâ multâ lectione est componenda; vel secundum D. Isidor. lib. 2. *Etym.* cap. 10. debet dari in scriptis, ut à subditis, qui eam servare debent, legatur; & tanquàm recta Regula pro benè operando, eorundem oculis inspicenda detur. His stantibus de-

A

fini.

finitur Jus Canonicum, ut sit *Regula recta, quæ Christianorum actiones ad finem æternæ beatitudinis dirigit; ex Scripturis Sacris, Summorum Pontificum Decretis, & Sanctorum Patrum scriptis deducta*. Dicitur *Christiano- rum actiones*, quia Jus Canonicum principaliter institutum est pro populi Christiani bono regimine; non autem Pagano- rum, vel Infidelium. Dicitur *ad finem æternæ beatitudinis*, quia, (ut infrâ declarabimus) talis est scopus, & intentio hujus Juris. Dicitur *ex Scripturis Sacris, &c.* nam ex earum lectione, studio, & observatione, nec non ex Constitutionibus Papalibus, ac Sanctorum Patrum documentis formatum est.

Quo ad secundum. Respondet Aloysius Riccius *in addit. ad Institut. Canon. Lancellotti lib. 1. tit. 1. §. Constat in fin.* quod Christus Dominus Redemptor Noster fuit primus Auctor, & Institutor Juris Canonici; siquidem ipse dedit auctoritatem Petro condendi leges Canonicas, dum ei commisit regimen totius Ecclesiæ, quando dixit: *Petre pascere oves meas. Jo: 21.* idest gubernare, regere, & curam habere animarum, quæ per Baptismum ingredientur in Eccle-

siam meam: non enim populus fidelis benè regi, pasci, & gubernari potest absque Legibus, quæ à Summis Pontificibus, (quorum primus fuit Petrus) nec non ab aliis Episcopis, qui Successores sunt Apostolorum, promulgantur; & hæc leges efficiunt Jus Canonicum. Hinc etiam Christus Dominus præcipit omnibus fidelibus Ecclesiam suam ingressuris, ut obediant Juri Canonico; idest Legibus, quæ per Pontifices, ac Episcopos ipsis observandæ proponuntur; aliàs à gremio Ecclesiæ excludantur, ut habetur in illis verbis *Matth. 10. Si Ecclesiam non audierit, sit tibi sicut Ethnicus, & Publicanus*.

Quo ad tertium. Jus Canonicum principium habuit in initio Ecclesiæ; primò, quando ab Apostolis electus fuit Sanctus Matthias ad Apostolatam. *Act. 1.* Electio enim Prælatorum est de Jure Canonico. *cap. 1. & tot tit. de Elect.* Secundò, quando prædicantibus Apostolis Fidem Christianam in Jerusalem, ut habetur *Act. 6. factum est murmur Græcorum adversus Hebræos, eo quod despicerentur in ministerio quotidiano Vi- duæ eorum*; videlicet in distributione eleemosynarum, quæ quotidie fiebant pro alimentis con-



conversorum ad fidem : Idèd Sancti Apostoli ad servandam mutuam in baptizatis charitatem, congregantes se, & adhibito seniorum discipulorum consilio, fecerunt decretum eligendi, prout statim elegerunt septem Diaconos; quibus inter cætera officia dederunt onus præsidendi Mensis, & ministerium distribuendi eleemosynas pauperibus. In hoc igitur Apostolorum concilio initium habuit Jus Canonicum ex decreto ab iisdem Apostolis facto circâ Diaconorum ministeria, officia, ac functiones; tùm in curâ pauperum gerenda quo ad eleemosynas; tùm in Sacrosanctâ Eucharistiâ ministrandâ; & hoc Concilium juxtâ modernum Episcopum Nucerin. in suâ doctissimâ Historiâ Conciliorum, fuit *Anno Domini 34.* Successivè postea *Anno 51.* alia Decreta Juris Canonici emanarunt ab Apostolis circâ Circumcisionem, & alias Mosaycas ceremonias non observandas, prout habetur *Act. 15.* ubi ita Apostoli omnibus fidelibus rescripserunt, ac mandarunt, ut tantummodò *abstinerent ab immolatis simulacrorum, & sanguine, & suffocato, & fornicatione.*

Quo ad quartum. Finis Ju-

ris Canonici est dirigere hominem ad consequendam beatitudinem æternam in Cœlis, ad differentiam Juris Civilis, cuius finis est conducere populum ad temporalem felicitatem. Homo enim in duplici Politiâ consideratur; *Unâ* civili ad pacificè convivendum; *Alterâ* spirituali ad sanctè vivendum; & idèd indiget duplici directione pro utroque fine obtinendo. Sicut igitur Jus Civile intendit conducere homines ad felicitatem præsentis vitæ; sic Jus Canonicum illos dirigit ad felicitatem supernaturalem, quæ est Vita æterna; ut ex mente S. Thomæ, & Scoti differit doctissimus Mästius in *Theol. Moral. disp. 2. de Legib. num. 83.*

Quo ad ultimum. Respondetur Jus Canonicum formatum esse, ac emanasse ex Præceptis Juris Divini, Consuetudine, & Ecclesiasticis Constitutionibus, de quibus in sequenti titulo est dispiciendum.

## T I T. II.

*De Jure Divino, Consuetudine, & Constitutionibus.*

Cum itaque Jus Canonicum emanaverit ex Jure Divino, ex Consuetudine, &

ex Ecclesiasticis Constitutionibus, in primis, & ante omnia convenit scire :

1 *Quid sit Jus Divinum?*

2 *Quotuplex sit?*

3 *Quid, & quotuplex sit Consuetudo?*

4 *Quot requirantur, ut sit valida?*

5 *Quid sit, & quotuplex Constitutio?*

Quo ad Primum. Jus Divinum dupliciter sumi potest ; *largè, & strictè*. Largo modo si sumatur, est ipsa Mens Divina, quæ cum ab æterno præordinaverit creationem mundi in tempore faciendam ; tunc etiam tanquàm supremum principium tùm rerum omnium, ac hominum futurorum, præscripsit rationem gubernationis eorundem juxtâ ejus infinitam sapientiam, ut legitur *Prov. 8.* & prout advertit S. Thomas 1. 2. q. 91. art. 1. subdens quod hoc respectu Jus Divinum taliter acceptum vocatur *Lex æterna* ; & idem scribit Bonacina tom. 2. de *Legib. in genere disp. 1. q. 1. punct. 2. num. 2.* & Mastrius in *Theol. mor. disp. 2. num. 3.* ubi dat hanc definitionem, videlicet est *Regula, secundum quam vel ad bene agendum dirigimur, vel a malè agendo retrahimur*. Jus

verò Divinum *strictè*, & propriè sumptum est illud, quod Deus per seipsum ad homines tulit, & jisdem indicavit, ut ait Azor. tom. 1. *Instit. Moral. lib. 5. cap. 1. quæst. 5.* vel est illud, quod continetur in Scripturâ Sacrà, & in Evangelio, & est immutabile, ut scribit Lancellot. in *boc tit. 2. §. 1.* Hinc notant tam Theologi, quàm Canonistæ neminem posse dispensare contrâ præcepta Juris Divini, ut habetur in *cap. Sicut quædam. dist. 14. in cap. Sunt quidam. in cap. Contrâ Statuta. & in cap. Omne. 25. q. 1.* Et ratio est, quia nemo potest dispensare contrâ legem Superioris : Deus autem est Superior omnium hominum, qui Deo tanquàm Supremo superiori suo parere debent. Admittunt tamen Doctores, posse aliquando Summum Pontificem interpretari in casu dubio non esse obligationem parendi Legi Divinæ ; vel materiam non esse obligatoriam, ob aliquam gravem causam, ut quando dispensat ab observantiâ Voti, ut differit Mastrius d. *disp. 2. de Legib. num. 78.*

Quo ad secundum. Jus Divinum duplex est, *Vetus, & Novum*. Jus Divinum vetus est illud, quod traditum fuit à Deo



Deo hominibus per Moysem ; & dicebatur *Lex Mosayca* , quæ habetur in libris Exodi , Levitici , & Numerorum . Jus Divinum *Novum* est illud , quod à Christo Domino insinuatum est Ecclesiæ , & continetur in Evangeliiis . Legis Divinæ veteris Præcepta erant triplicia , nempe *Moralia* , *Cæremonialia* , & *Judicialia* . Prima continebantur in Decalogo , quod legitur *Exod. 20.* & erant decem ; quæ his versibus sunt descripta :

*Idola sperne : Dei tibi non sit*

*Nomen inane :*

*Sabbata sanctifices : Habeas in bonore Parentes :*

*Non occisor eris : Mæchus : Fur : Testis iniquus :*

*Non alii Nuptam : Non Rem cupies alienam .*

Præcepta Cæremonialia erant illa ; quæ Populo Hebræo ad Deum ritè colendum , per Sacrificia , aliosque ritus Sacros , & Cæremonias ab ipso Deo præscripta erant ; & quidem plurima , quæ leguntur *Exod. 23. à num. 14. & seqq.* & in toto Libro *Levitici* ; qui talis dicebatur , nempe *Sacerdotalis* , aut *Sacrificatorius* ; in eo enim continentur omnia Præcepta Divina Cæremonialia , quibus Israëliticus populus Deo , & Dei cultui allectus erat circâ obla-

tiones , & Sacrificia . Præcepta autem Judicialia erant plurima pariter & ipsa ; ac habentur in tribus Capitulis *Exodi 21. 22. & 23.* & fuerunt à Deo præscripta ad populum Hebræum justè , & pacificè gubernandum ; atque ad lites intèr eosdem Hebræos dirimendas . Ex prædictis omnibus Præceptis *Moralia* tantum nunc vigent , & remanent observanda ; etenim Cæremonialia , & Judicialia omnia extincta sunt per legem Evangelicam , illa enim omnia erant figura , & umbra mortis Christi , per quam novum testamentum veniebat inducendum , & Jus majoris perfectionis ad beatitudinem æternam obtinendam noviter promulgandum . Quando autem præcisè , & in quo puncto Præcepta Divina Cæremonialia , & Judicialia cessaverint ? Variæ sunt DD. opiniones ; quarum communior est , cessationem contigisse statim post Festum Pentecostes , dum Apostoli post acceptum Spiritum Sanctum novam legem Evangelicam promulgare cæperunt , ut probat *Mastrius d. disp. 2. de Legib. à num. 63. & seqq.*

Præcepta tandem Legis Evangelicæ sunt quadruplicia ; alia enim sunt *Fidei* , alia *Spei* , alia

alia Cbaritatis , & alia Sacramentorum . Azor. *d. tom. 1. Instit. mor. lib. 5. cap. 1. q. 5.*

Quo ad tertium . Cum Jus Canonicum emanaverit non solum ex Præceptis Juris Divini , sed etiam ex Consuetudine ; sciendum est , quod *Consuetudo est Jus quoddam moribus institutum , quod pro Lege suscipitur , dummodò Divini Juri , neque Canonicis contradicat Constitutionibus .* Ita Lancelot. *loc. cit. §. 2. & 3.* Duplex autem est Consuetudo *scripta* , & non *scripta* . Prima est , quando Decuriones Civitatis eam in scriptis redigerunt , & tales sunt Consuetudines Feudorum . *cap. Consuetudo dist. 1. l. De quibus . ff. de Legib.* Altera est , quæ caret scriptis ; & hæc est propriè Consuetudo , quam tamen allegans probare debet . Abb. *in cap. fin. de Consuetudine .*

Quo ad quartum . Quinque requiruntur ad inducendam Consuetudinem vim Legis habentem , & obligantem . Primò , ut sit rationabilis ; nec bonis moribus adversetur ; tunc enim non esset consuetudo , sed corruptela ; & non obstante quocunque temporis cursu minimè observanda foret . *cap. fin. de Consuetud.* Secundò , quod sit legitimo tempore observata ; vi-

delicèt in rebus Civilibus per decem saltem annos ; in Ecclesiasticis per quadragintà . Glossa *in d. cap. fin. de Consuetud.* Tertio , quod adsint actus frequentes , *l. 1. C. Quæ sit longa Consuet.* & idèd unicus actus non sufficit ad inducendam consuetudinem ; etsi quando fuisset inducta sufficeret unicus actus contrarius ad eam abolendam . Bart. *in l. De quibus . 32. ff. De Legib.* Quartò , quod inducatur animo obligandi ; & in illis rebus , in quibus eam inducentes possunt seipsos obligare . Hinc si quid fiat ex solâ liberalitate , non nascitur obligatio ita in posterum faciendi ; nam in facultativis non inducitur consuetudo . Nicol. *Instit. Civil. lib. 1. tit. 2. n. 51.* Et si Clerici consentiant in actibus Ecclesiasticæ immunitati contrariis non valet eorum consuetudo . Nicol. *ubi sup. n. 50. in fin.* Et quintò requiritur , quod ipsa consuetudo non sit à Principe prohibita , damnata , seu abrogata , tam de præterito , quàm de futuro ; Nicol. *ibid. num. 46.* Hinc Consuetudines præjudiciales Ecclesiis , vel Personis , aut bonis Ecclesiasticis introduci non possunt ; & quatenus fuissent introductæ sustineri non valent ; quia Urbanus Papa VIII. Anno 1641. per Bullam diei



diei 5. Junii : Incipien. Romanus Pontifex . . . Hujusmodi omnes Consuetudines cassavit, & annullavit; ac introduci vetuit, ut notat Fagnan. in cap. Consuetudines num. 59. & 60. De Consuetud. tom. 1. Illud etiam est notandum, quod sæpè Consuetudo à Doctoribus vocatur Præscriptio, quia hæc duo nomina sunt synonyma; & unum, ac idem significant. Verè tamen, ac propriè Consuetudo est illa, quæ observatur ab universitate populi; Præscriptio verò, quæ est in usu apud privatas, & singulares personas tantum; requirit autem & ipsa omnes illas quinque conditiones, & qualitates ad sui valorem, quas suprâ retulimus de Consuetudine. Adden. ad Rotam coràm Ludovisio Decis. 191. num. 6. & Eminentiss. Card. de Luca de Jurisdic. disc. 34. num. 28. Tandem sciendum, quod Doctori attestanti de Consuetudine non est credendum; sed est probanda per illum; qui se fundat in illa. Rota coràm Coccino Decis. 123. num. 27. & 28. & coràm Othobono Decis. 149. num. 14. & 15. Nicol. d. lib. 1. Instit. civil. tit. 2. n. 53.

Quo ad quintum. Constitutio est omnis Lex scripta. cap. Constitutio dist. 2. & toto titulo

extr. de Constitutionib. ac ita dicitur quasi communis Statutio, quia obligat omnes subditos illius, à quo ipsa fit, & promulgatur. Constitutionum autem alix sunt Civiles, alix Ecclesiasticæ. Et quidem Civiles sunt, quas Princeps, aut Magistratus laicus promulgat, vel quas Populi sibi metipsis observandas proponunt. Et hæc tanquàm leges sunt observandæ, & reverenter suscipiendæ. dist. 10. per tot. dummodò non sint contrà Evangelium, vel Decalogum, aut Jus naturale. Clem. Pastoralis. De Sent. & re Judic. Sed utrùm obligent in conscientia? & sub pœna peccati mortalis? Non sunt concordēs DD. nam alii asserunt, & alii negant, ut in cap. 1. de Constitut. S. Thomas 2. 2. q. 86. art. 9. Novissimè Mastrius disp. 2. de Legib. n. 127. & seqq.

Ecclesiasticæ verò Constitutiones sunt illæ, quæ repositæ habentur in corpore Juris Canonici; & sunt collectæ vel ex Conciliis Sacris, vel ex dictis Sanctorum Patrum, vel ex Decretis, seu Responsis Summorum Pontificum; sive ex Synodis Provincialibus, aut Diæcesanis, vel ex Bullis Pontificiis, ac Decretis Eminentissimorum S. R. E. Cardinalium, in eorum

rum Congregationibus emanatis, de quibus omnibus in sequenti titulo est differendum.

### T I T. III.

#### *De Ecclesiasticis Constitutionibus.*

**Q**uoniam Ecclesiasticæ Constitutiones sunt illæ, quæ habentur in Voluminibus Juris Canonici, ut dictum est suprâ; idcirco ad eas cognoscendas explicare oportet:

- 1 *Quæ, & quot sint Volumina Juris Canonici? & à quibus fuerint composita, & congesta?*
- 2 *Quenam sint Controversiæ, vel Materiæ, quæ discutiuntur in jisdem Voluminibus?*
- 3 *Cujus Auctoritatis sint Decreta, & Constitutiones in jisdem Voluminibus repositæ.*

Quoad Primum. Volumina Juris Canonici sunt Novem. *Primum* est Decretum Gratiani, quod in quatuor Partes principales distinguitur: Prima continet distinctiones centum, & unam. Secunda causas trigintâ sex cum suis quæstionibus. Tertia, tractatum de Pœnitentia, in septem distinctio-

nes divisum. Quarta agit de Consecratione tam rerum inanimatarum, quæ sunt Ecclesiæ; quàm animatarum, qui sunt Homines, Dei servitio, ac cultui Divino per Ordines minores, ac Sacros, promoti. Gratianus fuit Monachus Benedictinus, patriâ Clusinus, qui floruit tempore Eugenii Tertii Pontificis, & Conradi Tertii Imperatoris *Anno Domini* 1145. Scripsit hoc Volumen Bononiæ in Monasterio Sancti Felicis, ut notat Emin. Card. Bellarminus de *Scriptoribus Ecclesiasticis Verb. Gratianus Ann.* 1140. *Secundum* Volumen continet quinque libros Decretalium ex Pontificum responsis, & Constitutionibus, nec non ex Generalium Conciliorum, & aliquorum Provincialium, atque Diœcesanorum Decretis, per Sanctum Raymundum de Pennaforti Barcinonen. Ordinis Prædicatorum, jussu Gregorii Noni *Anno* 1230. compilatum, & confectum; ut testatur ipsemet Gregorius Nonus in Proemio ejusdem Voluminis Decretalium. *Tertium* Volumen est Liber sextus Decretalium, de mandato Bonifacii Papæ VIII. *Anno* 1294. à tribus doctissimis Viris, ac Sacrorum Canonum Professoribus, Gulielmo Archie-



chiepiscopo Ebrudunem. Berengario Episcopo Biterem. ac Magistro Richardo de Semis S.R.E. Vicecancellario, ex Epistolis Summorum Pontificum compositum, in quinque libros, ac Titulos septuaginta septem subdivisum; ut ex Proemio ejusdem Voluminis, ac Libri sexti deprehenditur. *Quartum* Volumen continet Clementinas, idest Constitutiones à Clemente Papa Quinto, Anno 1305. electo, in Concilio Wiennensi promulgatas; quas, cum aliis ejusdem Pontificis editis, Joannes Papa XXII. ipsius Successor in unum collectas, & in quinque libros, ac quinquaginta duos Titulos subdivisas Anno 1318. publicavit, prout in eorundem Clementinarum Proemio continetur. *Quintum* Volumen includit Extravagantes tùm ejusdem Joannis Papæ XXII. nempè Constitutiones, quæ tùm ab ipso, post Editas Clementinas, tùm ab aliis Pontificibus fuerunt promulgatæ, ut legitur in earum Proemiis. *Sextum* Volumen appellari possunt Bullaria continentia Constitutiones Summorum Pontificum, quæ non habentur in corpore Juris; sed sunt collectæ à Laertio Cherubino Jurisconsulto Romano; & inci-

piunt à S. Leone Papa, & proseguuntur usque ad Urbanum VIII. quatuor Tomos efformantes, quibus alii duo Tomi adjecti sunt, qui continent ultimas Constitutiones ejusdem Urbani VIII., nec non Successorum Pontificum usque ad Clementem XI., nunc feliciter regnantem. His Tomis sex adjungi possunt alii duo habentes Privilegia, & Constitutiones Apostolicas, quæ à diversis Summis Pontificibus emanarunt ad favorem Illustrissimæ, ac Amplissimæ Congregationis Monachorum Casinensium; & hi fuerunt confecti à R. P. D. Cornelio Margarino ejusdem Congregationis Generali Archivista. *Septimum* Volumen Ecclesiasticarum Constitutionum appellari possunt Tomi quinque Conciliorum tàm Generalium, quàm Provincialium typis impressi Venetiis per Dominicum Nicolinum Anno 1585. in quibus habentur integri actus, Decreta, & Sessiones eorundem omnium Conciliorum: ac hi sunt illustrati à moderno Episcopo Nucerino, qui nuperrimè scripsit eruditissimam Historiam Conciliorum, typis datam Venetiis per Andream Poletum Anno 1686. *Octavum* Volumen vocari potest postremum Ge-

nerale Concilium Tridentinum, quo in præfenti regitur universalis Ecclesia tùm in articulis fidei, & Sacramentorum; tùm circâ regimen Populi Christiani quo ad Divinum cultum, & observantiam Legis Evangelicæ, Episcopis, Parochis, & aliis animarum Pastoribus incumbens. *Nonum* tandem Volumen reputari possunt Libri Decretorum, seu Declarationum Eminentissimorum S.R.E. Cardinalium, quas pronunciant Romæ in Congregationibus S. Rituum, Concilii Tridentini, Episcoporum, & Regularium; ac de aliis rebus, & super aliis Negotiis, Christianam Rempublicam concernentibus, per Summos Pontifices institutis: quamvis enim disputent Moralistæ: An prædictæ Declarationes habeant vim legis? ut videre est apud Dianam *part. 1. tract. 10. resol. 29.* quæ in ejus Opere Coordinato habetur *to. 6. tract. 1. resol. 21.* Sententia affirmativa est verior, quando exhibentur in formâ Authenticâ; ut probat Barbosa *de Jure Eccles. Univ. lib. 1. cap. 4. num. 83.* & dixit Rota coràm Buratto *decis. 479. num. 21.* Declarationes supradictæ non publicantur, neque typis imprimuntur; sed passim à Doctõribus alle-

gantur; & earum Augustinus Barbosa Librum satis amplum collegit, quem *Summam Apostolicarum Decisionum* inscripsit; & novissimè idem fecit Hieronymus Nicolius in *suis Flosculis*, ordine alphabetico digestis.

Quo ad secundum. Controversiæ, seu Materiæ, quæ discutiantur in his Voluminibus, sunt Quadruplicis generis: aliæ enim concernunt Personas Ecclesiasticas, & earum alimenta; aliæ Sacramenta, & Ecclesiarum Immunitatem, cultum, & nitorem; aliæ dant formam Judiciis, & Foro contentioso pro personis Ecclesiasticis, & Religiosis: Aliæ tandem agunt de harum Personarum delictis, & poenis; ac præcipuè de Ecclesiasticis Censuris. Igitur in primis differitur de Summo Pontifice, de Episcopis, ac aliis Prælatis inferioribus; de Canonicis, Sacerdotibus, & aliis clericis: quomodò hi omnes eligantur, & promoveantur; & postquàm fuerint electi, ac promoti, quomodò, & quando Præbendis, & Beneficiis decorentur; & de his omnibus in primo harum Canoniarum Institutionum Libro. Secundæ, quas secundus Liber complectitur, declarant septem Sacramenta Ecclesiæ, ac omnia Ma-



Matrimonii impedimenta ; & subindè de Immunitate Ecclesiarum agunt , nec non de Censibus , Decimis , ac aliis rebus , quæ jisdem Ecclesiis , & earum Rectoribus debentur . Tertiæ , quæ in tertio Libro continentur , explicant formam procedendi civiliter in foro Ecclesiastico contrâ Personas religiosas , & eidem Foro subjectas . Ultimæ , quæ in quarto Libro examinantur , respiciunt crimina Clericorum , dant formam criminaliter agendi contrâ illos ; & explicant pœnas , & præcipuè Ecclesiasticas Censuras , quibus debent puniri . Ex his omnibus resultat integer Tractatus totius Juris Canonici , in prædictis novem Voluminibus contenti ; & ex hac compendiosâ explicatione Studiosi Adolescentes , brevi , ac jucundo itinere , ad intelligentiam omnium Sacrorum Canonum conducuntur .

Quo ad tertium . Si quærimus , cujus Auctoritatis sint Decreta , & Constitutiones in suprâ relatis novem Voluminibus repositæ ? Distinguere oportet Primum Volumen , vocatum *Decretum Gratiani* ; ab aliis octo subsequentibus Voluminibus suprâ relatis . Decretum Gratiani , secundum commu-

nem Canonistarum opinionem , non habet auctoritatem Juris , nec vim Legis in tribus ; videlicet in Rubricis , in Capitibus , quæ inscribuntur *Palea* ; & in Legibus Civilibus , ac Canonibus , qui non reperiuntur in locis , ab eodem Gratiano citatis , & desumptis ; ut plenè differit Fagnanus in *cap. Canonum Statuta à num. 37. & seqq. De Constitutionibus tam. 1.* Primò , Rubricæ , quæ singulis Capitulis Decreti reperiuntur præpositæ , Canonis auctoritatem non habent , ex pluribus rationibus , quas adducit Fagnan. *ubi suprâ num. 40.* sed præcipuè quia sive eas fecerit Gratianus , sive aliquis ejus discipulus , neuter poterat eis tribuere Jus , aut auctoritatem Canonis , quam non habebat . *cap. Translato . De Constitut. l. fin. ff. de Legib.* Secundò , capitula ejusdem Decreti Gratiani , cum hac voce *Palea* ; non sunt pro Canonibus recipienda , quia proveniunt ab incerto Auctore ; ut notant DD. ab eodem Fagnano *num. 43.* citati ; qui *n. 44.* subdit , eundem Gratianum dixisse , cum ipse postea viderit additionem illorum capitulorum operi suo , *Palea est , non est de grano meo* . Tertiò plures leges Civiles , & Canones anti-

qui inserti sunt , per errorem ab eodem Gratiano in suo Volumine Decreti , quæ in originalibus libris Juris Civilis , vel Canonici non reperiuntur ; ut notat Emin. Card. Bellarminus *de Script. Eccles. d. verb. Gratian.* Ided nisi prædicta Jura Civilia , & Canones Sacri reperiuntur in fonte apud eorum Auctorem , vim Legis habere non possunt . Cætera Capitula totius Decreti , quæ vera sunt , vim Legis obtinent , potissimum post expurgationem ejusdem Voluminis Gratiani factam de mandato Gregorii Papæ XIII. qui illud approbavit , & voluit esse partem Juris Canonici , ut legitur in principio ejusdem Decreti ; & notat Fagnan. *in d. cap. Canonum num. 46. de Constitut.* Hæc de Primo Volumine .

Quo ad sequentia quinque Volumina , in quibus continentur Decretales Gregorii IX. Liber sextus Bonifacii Octavi , Clementinæ , & Extravagantes Joannis XXII. nec non Bullaria Romana , in quibus habentur Pontificiæ Constitutiones ; firmiter est tenendum , ea omnia esse Scrinia Sacrosancta , in quibus reconditi sunt thesauri Juris Canonici ; omnes enim Canones , Decreta , Man-

data , & Constitutiones eorundem Quinque Voluminum habent vim Legis , & ab omnibus sunt servandæ . *cap. Canonum . de Constitut.* & qui eas non servant , blasphemare dicuntur Spiritum Sanctum . *cap. Violatores . 25. q. 1.* Et ided Papæ Decreta servanda sunt , ita ac si à Sancto Petro essent facta . *cap. Sic omnes . cap. Si Romanorum . cap. Nulli fas sit . Dist. 19. & cap. Si Decreta . dist. 20.* & ita communiter docent omnes Theologi , ac Canonistæ , quos longa serie allegat Fagnan. *in dict. cap. Canonum Statuta . d. num. 6. & seqq. de Constitut.*

Septimum Juris Canonici Volumen , quod formari diximus à quinque Tomis Conciliorum Generalium , habet & ipsum vim Legis ; & dicitur tantam habere auctoritatem , quantum quatuor Evangelia . *cap. Sicut Sancti Evangelii . dist. 15.* quare quæ in eis sunt decreta , & definita sunt ab omnibus observanda . *cap. A Sanctis . 25. q. 1.* Emin. Card. de Lauræa *in Epitome Canonum . Verb. Conciliorum Generalium Sanctitas , & auctoritas ad definiendum , & obligandum . pag. 190.*

De octavo ejusdem Juris Canonici Volumine , quod Tridentinum Concilium esse posse dixi-



diximus, nefas esset dubitare, An omnia, & singula ejus Decreta, & Statuta vim legis habeant? tùm quia idem Concilium in cap. 2. sess. 25. de Reformatione mandat, & præcipit, ea ab omnibus servari; tùm etiam quia Pius Papa Quartus in Bullâ confirmatoriâ ejusdem Concilii, & in ejus fine impressâ, jubet, & mandat omnibus, & singulis Episcopis in virtute Sanctæ obedientiæ, ut eadem Decreta, & Statuta in judicio, & extrâ judicium observent, & à subditis quisque suis inviolabiliter faciant observari.

Idem de Nono Volumine, scilicet de Declarationibus, & Decretis SS. Congregationum Emin. S. R. E. Cardinalium, ut suprâ ex Barbosa dictum est, & ego ostendi in meis Decisionibus de Sacram. Ord. decis. 15. num. 31. & latius in meis Discordiis Forensibus de Jurisdic. Disc. 2. num. 22. ubi DD.

## T I T. IV.

## De Jure Personarum.

**D**ictum est suprâ Jus Canonicum esse institutum pro recto regimine Personarum, Rerum, ac Judiciorum, quæ in foro Ecclesiastico ha-

bentur; nec non pro punitione delictorum; idcirco agendum est de Personis, & videndum:

1. *Quæ sit præcipua Personarum divisio?*

2. *Quæ Clericorum distinctio?*

Quo ad Primum. Christianorum, (de quibus semper intelligimus, cum de his, qui foris sunt, nihil ad nos. cap. Multi. 2. qu. 1.) duæ sunt species. Alii appellantur Laici, & sunt illi, qui civili societate conjuncti, ad humani generis propagationem ordinati videntur; & his licet temporalia possidere, Uxorem ducere, controversias sæculares judicare. Alii verò Clerici existunt; & hî sunt Divinis officiis dediti, atque addicti; ab omni sæculari negotio separati, ne à Divinis distrahantur. cap. Duo. 12. q. 1. & de utrisque agit Glossa hic in Verb. Populares.

Quo ad secundum. Clerici in tres classes distinguuntur: alii enim sunt Sacerdotes; alii in Sacris Ordinibus constituti; & alii nec Sacerdotes, nec in Sacris; sed in minoribus ordinibus existunt. Sacerdotes sunt Presbyteri, qui in Sacris Altissimo deserviunt; Eucharistiam conficiunt; & Sacramenta populo fidei ministrant. In Sacris sunt Diaconi, & Subdiaconi;

coni : illi sunt immediati Ministri Sacerdotum . *cap. Diaconus . 98. dist.* Isti Diaconis subfunt ; ac Sacerdotibus mediante Diacono deserviunt . Qui autem nec Sacerdotes , nec in Sacris funt ; obtinent minores Ordines , nempe Acolythatum , Exorcistatum , Lectoratum , & Ostiariatum : Acolythorum officium est , lumina pro Sacris peragendis accendere . Exorcistarum manus super Energumenis , seu lunaticis , vel à Dæmonibus obsessis imponere . Lectorum lectiones Breviarii in Ecclesiâ recitare ; & Ostiariorum ostia Templi claudere , ac aperire , Infideles , ac Excommunicatos ejicere . *cap. Prolektis . 25. dist. cap. Exorcista . cap. Ostiarius . cap. Lector . cap. Acolytus . 23. dist.*

### T I T. V.

#### *De Episcopis , ac Summo Pontifice .*

**Q**uoniam illorum , qui sunt in Sacerdotio , alii in altiori gradu ; alii verò in inferiori consistunt ; priùs agendum est de his , qui altiorem gradum possident ; deindè de his , qui inferiores funt , verba faciemus . Igitur in præsentì videbimus .

1 *Quis Summus Pontifex dicitur ?*

2 *Quis Episcopus ?*

3 *Quot sint Episcoporum ordines ?*

4 *Quæ sit horum omnium auctoritas ?*

Quo ad Primum . In latâ significatione ille est Pontifex , qui alicui populo præficitur , Civitati , ac Diœcesi pro religione conservandâ , & animabus ad æternam felicitatem dirigendis ; & hic etiam Episcopus appellatur ; idèdque Ecclesia in Officio Sanctorum Episcoporum , de eis cantat : *Sacerdos , & Pontifex , ac virtutum opifex &c.* Summus autem Pontifex verè , & propriè est Pontifex Romanus , qui nominatur Papa , quasi omnium Pater , & eligitur , Divino afflante Spiritu , à Cardinalibus in locum Divi Petri ; habetque totius Catholicæ Religionis curam in universo Orbe ; vocaturque etiam *Hierarcha* , idest Sacerdotum primus , ut in Proemio Decretalium .

Quo ad secundum . Episcopi nomen olim fuit commune omnibus Presbyteris ; sed nunc profertur solum de Antistitibus , quibus Sacerdotes , & Clerici unius Diœcesis subjiuntur ; diciturque Episcopus , quasi



quasi *Speculator*, vel *Superintendens*, quia debet speculari omnia, quæ conferunt ad æternam salutem, ut officium adimpleat perfecti Pastoris, de quo scriptum est, *Bonus Pastor animam suam ponit pro ovibus suis*. Ita S. Thom. 2. 2. q. 185. art. 7. ad Primum.

Quo ad Tertium. Tres Episcoporum ordines in Ecclesiâ Catholicâ sunt constituti; alii enim dicuntur Patriarchæ, seu Primates; & sunt illi, qui post Pontificem Romanum, primum locum tenent, & dicuntur Patriarchæ, quia in excelso loco, ac gradu consistunt, ac Patrum Principes appellantur. *cap. Cleros. §. Ordo. 21. dist.* & sunt quatuor præcipui; scilicet Constantinopolitanus, Alexandrinus, Hierosolymitanus, & Antiochenus. Alii verò Archiepiscopi, ac Metropolitanii dicuntur, & sunt Principes Episcoporum unius Provinciæ; quia in Civitate principali Provinciæ degunt; & sub se habent plures Episcopos. *cap. Scitote. 6. q. 3.* Alii tandem sunt Episcopi, qui populis Civitatis, in quâ degunt, & villarum subditarum, intrâ certos fines suæ Diœcesis, præfunt. *cap. Illud. 80. dist. cap. Provinciæ. dist. 98.*

Quo ad Postremum. Si de Summo Pontifice loquimur, ipse omnia potest. *cap. Cuncta. 9. q. 3.* & de omnibus cognoscit; nullus autem de illo, ut notatur *in d. cap. Quamvis. 25. dist.* Si de Patriarchis tractamus, maximam & ipsi habent auctoritatem; cognoscunt enim in causis appellationum de his, quæ ab Episcopis, & Archiepiscopis sunt decisa; dummodò subsint eorum ditioni, & Provinciæ. Abb. *in cap. Duo simul. extr. De Offic. ordin.* Hinc factum est, quod in signum Auctoritatis, ante illos Crux deferatur erecta per vias, & in quocunque loco, nisi sit præsens Summus Pontifex, vel Legatus de Latere. *cap. Antiqua. de Privileg.* Archiepiscopi quoque possunt inter suos suffraganeos, & auxiliares cognoscere. *cap. Pastoralis. de Offic. ordin.* & ex justâ causâ possunt etiam Provinciale convocare Concilium. *§. 1. supr. de Eccles. Constitut.* Ipsi quoque possunt ante se Crucem deferre, sed non in omni loco, ut faciunt Patriarchæ, sed tantummodò in eorum Provinciâ, nisi ex Privilegio, aut consuetudine, vel Præscriptione hoc eis sit indultum. Abb. & Host. *in cap. 1.*

*cap. 1. Ut lite pend. nihil innov.*  
 Tandem Episcopi visitant Ecclesias sibi commendatas; conficiunt Sacrum Chrisma, consecrant Altaria; & Ecclesias pollutas reconciliant; ordinant Clericos, eos suspendunt à Divinis, deponunt, puniunt, excommunicant, & solemnes pœnitentias imponunt. *cap. Cum Episcopus. de Pœnit. in 6. cap. Cum Apostolica. de Censib. cap. Accedentibus. de Excessib. Prælat.*  
 Ac hisce temporibus quoad aliqua exercent auctoritatem tanquàm Sedis Apostolicæ Delegati etiam in Regulares exemptos, præcipuè in his, quæ respiciunt administrationem Sacramentorum, & concernunt clausuram Monialium; ex pluribus Decretis Concilii Tridentini, Constitutionibusque Pontificiis; de quibus suo loco mentionem faciemus. Illud, quoque est advertendum, quod concessa Episcopis competunt etiam Archiepiscopis, & Patriarchis; attentâ Regulâ, quæ dicit, concessum minori, multò magis concessum censetur majori. *cap. Cum in cunctis. de Elect.*

## TIT. VI.

## De Electione.

**C**UM tractatum sit de illis Sacerdotibus, qui in altiori gradu consistunt; meritò nunc tractatur de viâ, per quam ad gradum ipsum promoventur; & quia talis est Electio; idè de illâ est hic agendum; & declarandum:

1 *Quid sit Electio?*

2 *Quæ in Electione desiderantur?*

3 *Quot modis fiat?*

Quo ad Primum. Scire oportet, Electionis verbum tripliciter accipi; *Activè*, prout quis eligit: *Passivè*, prout quis eligitur; & *Operativè*, qualis est actus eligendi; idcirco in hoc sensu definitur, ut *Electio sit alicujus hominis ad dignitatem, vel fraternam societatem canonicè facta vocatio*, ut hic in *g. 1.*

Quo ad Secundum. Ad validam electionem desiderantur: *Primò*, ut vacante Ecclesiâ vocentur omnes, qui jus habent eligendi, dummodo id fieri possit, nec propter moram sit Ecclesia damnum relatura. *cap. Cum inter universas. cap. Quod sicut. extr. eod.* nam si omitteretur citatio unius, qui posset vocari, electio esset nulla. *cap.*

*In*



*In Genesi. extr. de Elect.* nisi eam ratam haberent, qui non essent vocati. *d. cap. Quod sicut.* & in hoc attenditur consuetudo loci. *Glossa in cap. Coram. eod.* *Secundò*; ut saltem duæ partes ex his, qui habent jus eligendi, sint præsentés. *Tertiò*; quod major pars in electione consentiat. *d. cap. Quod sicut.* & *in cap. Coram.* & *cap. Dudum.* *De Elect.* *Quartò*, quod eligatur magis idoneus: pro quâ idoneitate cognoscendâ attendi debet auctoritas, zelus, & numerus. Auctoritas consistit in dignitate electi, ac ejus meritis vitæ. Zelus, in animo Electorum, ut sinè carnali amore eligant, & respiciant ad bonam vitam eligendorum. *cap. Si ergò.* 8. q. 1. Numerus autem, ut major sit votorum pars pro eo, quid dici debet electus. *cap. Ecclesia il 2. hoc tit.* ubi cum vacasset Ecclesia Cathalanensis, & fuissent electi duo competitores, unus simplex Canonicus, alter Cardinalis; etsi iste habuisset tantum Vota quatuordecim favorabilia; ille, verò decem, & septem; prævaluit Electio Cardinalis, ob ejus majorem dignitatem, scientiam, & ætatem. Est tamen verum, quod si major numerus votorum mul-

tum excederet, esset attendendus. *cap. Gratia.* & *dict. cap. Ecclesia il 2. hoc tit.* *Quintò*, requiritur, ut antè electionem fiat inquisitio super vitâ, & moribus competitorum. *Glossa in cap. Cumana. in verb. Contrâ formam. hoc tit.* *Sextò*, ut deindè statim Electio fiat, & in longum non protrahatur. *cap. Post præteritam. extr. de Elect.* *Septimò*, ut fiat intrâ tempus à Jure statutum. *c. Ne pro defectu. ext. eod.* Tempus autem statutum à Jure est tres menses, *ut ibi.* Intrâ quod tempus nisi fuerit facta electio, nisi legitimum impedimentum intervenerit, cessat pro eâ vice facultas eligendi in electoribus. *Octavò*, ut fiat invocatio Sancti Spiritus, sine quo nihil boni potest fieri. *c. Cum Paulus.* 1. q. 1. *Nonò*, debent eligi tres ex numero electorum, qui debeant secretè, & singulatim vota cunctorum diligenter exquirere, & demùm in scripturâ publicare, *ut §. per scrutinium. inf. eod. c. Quia propter ext. eod.* & tunc electio dicitur fieri per scrutinium. *Decimò*, ut suffragia secretò ferantur; *d. c. Quia propter.* *Decimoprimò*, ut de electione sequutâ publica documenta conficiantur. *ut infra in §. Per scrutinium eod. & d.*

*cap. Quia propter . Ultimò , ut electio publicetur , quâ publicatâ , non possunt amplius eligentes variare . c. Publicato . ext. eod.*

Illud tamen scias , quod si habens facultatem eligendi justè impeditus non potest interesse ; tunc potest alteri partes suas demandare , dummodò sit de numero electorum , & de Collegio . *d. c. Quia propter . & g. Sed & si quis .* Et si qui suscepit mandatum fuerit rogatus certam personam eligere , illam eligere debet ; & poterit si voluerit , alium etiam eligere nomine proprio , quod si simpliciter fuerit votum demandatum , tunc non potest nisi unum eligere . *g. Et si tantum uni . bic. & c. Si quis iusto . g. porro . eod. tit. in 6.* Et si fortè impeditus quis pluribus hoc idem commiserit , unus tantum eligit , qui primus officium occupavit . *g. quod si plurib. tit. eod. & c. Non injustè . extr. de Procur.* Ista verò , quæ circâ electionem dicuntur , non procedunt in electione Pontificis Maximi , quia cum cæteris præsint , convenit , ut singulari etiam modo eligatur . *c. Licet ext. eod.* Et de electione ipsius , & formâ eligendi tractatur in *c. Ubi periculum majus . eod. tit. lib. 6.* Supradi-

cta omnia limitantur in Electione Summi Pontificis , quæ facienda est à S. R. E. Cardinalibus in Conclavi , juxtâ formam novissimæ Constitutionis Gregorii XV. quæ incipit : *Æterni Patris Filius . de Anno 1621.* & est *Constit. 13.* apud Cherubinum *tom. 4.* Bullarii Rom. ubi etiam *Constit. 19.* quæ præfigit ritus in Conclavi servandos .

Quo ad quartum : Duobus modis fit electio , vel simpliciter virtute divinâ ; vel humano etiam concurrente judicio : sed quoniam credendum est , semper adesse Dei voluntatem , licèt & humanum opus concurrat , dicendum est , quod electio fit , vel per *Inspirationem* , vel per *Scrutinium* , vel per *Compromissum* .

Primo modo dicitur facta electio , quoties habentes jus eligendi sine aliquo præcedente tractatu , quasi Divini Spiritus impulsu in eundem consentiunt , eundemque nominando eligunt . *g. celebratur hoc rit.* Nec obest si de alio eligendo egissent , dummodo non fuisset actum de repentè electo . *cap. Statuimus . 61. d.* Dicitur in eundem *consentiunt* , quia si fortè à populo quis postularetur , is clamor esset . *g. quod si for-*



*si fortè. hoc tit.* Nec valeret talis electio. *c. 2. ext. eod. c. docens. 62. d.* Non enim tam per inspirationem, quàm per nefariam conspirationem is nominatus diceretur.

Secundo loco electio fit per scrutinium, quoties electoribus in unum convenientibus, suffragia secretò porriguntur, & à tribus de Collegio ad hoc assumptis numerantur, ut suprà dixi: Tunc ille, qui majorem partem suffragiorum habuerit, electus dicitur. *d. §. per scrutinium. hoc tit.* quod declara ut suprà dictum fuit.

Per Compromissum tandem fit electio, quoties illi, qui Jus habent eligendi, de per se eligere nolunt, sed Jus illud, quod eligendi habent, in idoneos arbitros conferunt, qui ipsorum vices in eligendo sustineant, & isti arbitri debent esse gravis, maturique judicii, & ex ordine Religiosorum. *c. Contingit. ext. de Arbitr. §. Per compromissum. hoc tit.* Et circà istam electionem animadvertendum est, quod si unus ex his, qui jus habent eligendi, nolit in arbitros consentire, nec vices suas mandare, non potest per viam compromissi fieri electio. *d. §. Per compromissum. ibi omnium* & notat. in *d. c. Quia pro-*

*pter & in c. Scriptum. extr. eod.* nisi maxima immineret necessitas. *c. Quanto. de Constitutionib.*

Illud etiam sciendum est, quod Compromisso celebrato, tanta est his, qui sunt assumpti ad eligendum, tributa potestas, ut aliquo actu sequuto, quamvis non sit facta electio, non possunt privari facultate eligendi: ut notatur in *c. In causis. ext. eod. & §. fin. bujus tituli.*

Tandem monere oportet Studiosum Adolescentem, quod hucusque dicta de electione Episcoporum, ac aliorum Prælatorum hodiè per totam Italiam recesserunt ab aula; nam ex *Regulâ 2. & 3. Cancellariæ Apostolicæ* eorundem electiones Summo Pontifici sunt reservatæ; & hoc ob nimias discordias, & Simonias, quæ Capitula Canonorum in electione committebant. Idcirco in solâ Germaniâ durat apud Capitula Cathedralium electio Prælatorum. In Galliâ autem, in Hispaniâ, & in Lusitaniâ Reges nominant Episcopos, ac Prælatos. Nicolius *Instit. Can. libr. 1. tit. 6. num. 10.* Pax Jordanus *tom. 1. libr. 1. tit. 1. num. 4.* ubi alii DD.

## T I T. VII.

*Qui eligere, eligique possint?*

**C**UM electio, de quâ suprâ actum est, fieri non possit, nisi adsint, qui & activè, & passivè ipsam celebrent, ob id nunc de hâc materiâ differitur: Et videbimus

- 1 *Qui possint eligere?*
- 2 *Qui possint eligi?*
- 3 *Intrâ quot tempus sit facienda electio?*

Quo ad primum: Antè omnia sciendum est, quod ea, quæ subsequuntur, non ordinariè in praxi observantur; cum Pontifices, ut mox diximus, Episcopos, & Prælatos ut plurimum eligant; ut in *Conc. Trident. de Sacram. Ord. can. 8. sess. 23.* Et ad hoc est *Regula 2. Cancellariæ Apostol.* ubi ad tollendas magnas discordias, quæ oriri solebant in Electionibus, Summi Pontifices sibi consueverunt reservare provisiones omnium Ecclesiarum Patriarchalium, Archiepiscopalium, & Episcopalium: hoc habes in *Glossâ Tuâ*: Modò ad rem

Illi possunt eligere, qui in Ecclesia sunt Canonici, & qui ex præcedentibus actibus elegerunt: *c. in Genesi. & c. Ecclesia. extr. eod.* Adsunt enim qui

licèt Canonici sint, eligere tamen non possunt, ut furiosi, & majori excommunicatione innodati. *c. Si celebrat. de Cler. excom. c. Constitutis. extr. de Appell. §. illud quæsitum. hoc tit.* Prætereâ non eligunt suspensi per sententiam. *§. In suspenso. hoc tit.* Nec hæretici, cum debeant separari à cæteris Christianis. *c. Miramur. 2. q. 1. c. fin. 9. q. 1.* Ulteriùs Laici non admittuntur ad eligendum. *§. Laicis. hic.* Quinimodò nec constituti in minoribus. *§. Sed neque hic. Clem. Ut bi. de etat. & qual.* Verum enim est, quod si sunt Patroni possunt intervenire ad juvandam electionem permittente potissimum Pontifice Maximo. *c. Quia propter c. Massana. ext. eod.* ita notatum est in *c. Nobis extr. de Jure Patron.* His adde, Impuberem, absentes, Interdictos, & eos, qui scienter indignos eligunt, & alios, qui ex justâ causâ à Superiore prohibentur. notat *c. Cum inter. c. Cum in consp. ext. eod.*

Quo ad secundum: Regulariter, qui non habet electionem activè, nec habet passivè: Hinc existentes in minoribus, Furiosi, Pupilli, Suspensi, Hæretici, & similes non eliguntur. His adjiciuntur non servantes interdictum. *c. 1. de Posul.* Item nati



nati ex illegitimo coitu: *d. c. Cum in cunctis*. Item eligentes indignum scienter, per triennium eligi non possunt. Si de Episcopis agitur, debent eligi, qui sunt corpore integri, & vitæ innocentiam profulgeant, & annum trigessimum agant. *g. oportet. hinc cum seq. & d. c. Cum in cunctis. & c. 1. & per tot. 36. dist.* Insupèr Neophiti, illi scilicet, qui de recenti Sacræ Religionis propositum assumpsere. *g. fin. hinc. c. 1. & fin. 48. dist.* Et tandem nostris temporibus ad Dignitatem electionis requiritur, quod eligendus vel sit Juris Doctor, vel in Theologiâ, vel saltem licentiatus. *c. Quicumque sess. 22. de Reform. in Conc. Trident.*

Quoad postremum: Electio fieri debet in Ecclesiis Episcopalibus intrâ tres menses utiles, quod tempus impeditis non currit. *c. Nè pro defectu ext. eod. c. Quoniam. de Concess. Præben.* In aliis verò Ecclesiis conceditur tempus sex mensium. *c. 2. de Concess. Præb. facit c. Ubi periculum. hoc tit. in 6.* Intrâ quod tempus nisi facta sit electio, nec fuerint eligentes legitimè impediti, tunc electio devolvitur ad Superiorem. *g. Interdum. hinc.* Et si post tres menses, vel tempus statutum fue-

rit facta electio, est ipso Jure nulla. Glossa tua *in d. g. Interdum. hinc.* Sicut & erit nulla, quando est facta contrâ formas traditas. *d. g. Interdum.* Sed tamèn est differentia inter hunc, & alium casum, quia in priori casu est ipso Jure nulla; in secundo verò venit annullanda per sententiam; ut not. *in d. c. Quia propter vers. priventur. ext. eod.* Et circâ primum casum est textus *in c. licet. & c. fin. ext. de supplend. neglig. Prælator.*

## T I T. VIII.

### De Postulatione Prælatorum.

**V**isum est suprà de ordinario modo, quo Prælati ad regendas Ecclesias vocantur, nunc est videndum de modo extraordinario: Et pro expositione tituli videbimus:

- 1 *Quid sit Postulatio?*
- 2 *Qui possint postulare?*
- 3 *Qui possint postulari?*
- 4 *Apud quos fiat Postulatio?*

Quo ad Primum: Postulatio est quædam extraordinaria via, quâ providetur Ecclesiæ, & illius, qui eligi secundum Juris dispositionem minimè potest in Prælatum à Capitulo, quod eligere potest, concors facta

facta petitio . Vel secundum Goffredum *in tit. de Postul. Prælat.* Est gratiæ petitio; ut cum ex gratia petitur , ut aliquis eligi possit , qui aliàs videtur inelegibilis . *c. 1. & ibi not. de Postul. Prælat. lib. 6.* Et duplex est Postulatio: Alia *solemnis* , quæ petitur ab eo , qui omne potest tollere impedimentum: *Non solemnis* , si ab inferiori fiat. *Abb. in c. 1. num. 24. de Postul. Prælat.*

Quo ad Secundum: Regula est Generalis, eos posse postulare, qui possunt eligere, dummodò postulatio fiat unanimes voce , quæ electionis vim habeat. *c. Cum inter canonicos ext. de Electione.*

Quo ad Tertium . Regula itidem est Generalis, eos esse postulandos, qui aliàs minimè eligi possunt , dummodò electio non impediatur propter animi , vel corporis vitium , sed ob alium defectum. *S. sciendum . hic . Abb. in c. fin. ext. eod.* Et sex videntur personæ , quæ postulantur: Archiepiscopus ad alium Archiepiscopatum . *c. Bonæ . de Postul. Prælat.* Episcopus ad alium Episcopatum . *c. Etsi unanimiter . de Postul. Prælat. S. Episcopis . hic .* Clericus in minoribus constitutus . *S. ex hoc apparet . tit. eod. c. Prætereâ .*

*de ætat. & qualit. Laicus . c. Episcopus . 65. dist. Illegitimè natus . c. Innotuit . extr. de Elect. d. S. ex hoc apparet :* Et non habens legitimam ætatem . *c. Cum in cunctis . de Elect.* His exceptis aliud dicuntur eligi , non postulari. *c. Si Abbatem . de Elect. in 6.*

Quo ad Quartum: Quotiescunque postulatur Clericus alterius Diœcesis , & Laicus, qui inelegibilis sit , sit postulatio apud Summum Pontificem . *c. Cum ad nostram . c. Officii . de Elect.* Id tamen est necessarium , ut interveniat scientia Episcopi, in cujus Diœcesi postulatus eligitur . *c. Fraternitatem . 72. d. cum c. seq.* Effectus autem postulationis est, ut eâ admisiâ , debeat postulatum Superior admittere , in quo casu habetur pro electo , & confirmatur . *c. Gratum . de Post. Prælat.*

## T I T. IX.

### De Confirmatione Electionis.

**Q**uoniam electio sine confirmatione administrationem non habet , idcirco nunc de confirmatione electionis tractatur: quare videbimus.



- 1 *Quid sit Confirmatio?*
- 2 *Quæ in Confirmatione sint necessaria?*
- 3 *Intrâ quod Tempus fieri debeat?*
- 4 *Qui sint effectus Confirmationis?*

Quo ad Primum: Confirmatio potest dici habitus, seu corroboratio Juris prius obtenti. *c. Inter dilectos. de fid. Instrum. Goffr. in tit. de Confirm. util. vel inut.*

Quo ad Secundum: requiritur in primis, ut sequatâ electione, eâque ab electo cognita, consensus ab ipso electo præstetur. *c. Cupientes. §. cæterum. de Electione in 6.* Secundò ut petatur Confirmatio à Summo Pontifice, vel à Legato de Latere secundum notata in *c. si Abbatem. de Elect. in 6.* Tertio causæ cognitio, quæ continet vitam electi, mores, examen, Inquisitionem. *§. si autem. hic.* quæ debet fieri in loco, ubi electus est conversatus. *c. Postquam. & Gloss. ibi de Elect.* Quarto ut petatur intrâ terminum statutum; scilicet intrâ tres menses. *§. eadem. hic.* Quo tempore transacto, nisi confirmationem petierit, electio erit penitus irritanda. *d. §. eadem.* An autem electus privetur per sententiam, an ipso

jure? dic ut plenè habetur. in *c. Quam sit. de Elect. in 6.* Et scias, quod si transacto tali tempore, electus obtineat confirmationem, non valet, quod actum est, nec potest tenere Episcopatum, & peccat retinendo fructus, quos non facit suos, nisi scienter fuisset facta per illum, qui aliàs suo jure conferre potuisset: facit ad hoc, quod not. in *c. Cum bonæ. de etat. & qualit. ordin. & d. c. Quam sit.* Quintò ut citentur illi, quorum interest, quæ citatio fit propositis edictis ad fores Ecclesiæ, in quâ electio est facta. *c. i. de Postul. §. illud. hic.* Et hoc fit eo quia si quis velit opponere, hoc possit facere, & terminus ad comparandum assignatur in ipsis edictis, quo elapso veniens non auditur. *d. §. illud.* nisi quis per calumniam opponere vellet, quo casu puniretur. *c. i. §. fin. c. Si forte de Elect. in 6.* Et hæc locum habent, etiam si quis fuerit Postulatus.

Quo ad Tertium. Postquàm electus scit electionem; debet Romam contendere, & intrâ tres alios menses confirmationem petere, ut suprâ dixi, quod nisi fiat evanescit electio, ut suprâ. Id tamen est verum, quod si infirmitas, vel longum iter,

iter, vel aliud justum impedimentum interveniat, Juris rigor remittitur. Id etiam monendi sumus, sat esse petenti confirmationem intrâ terminum statutum, iter arripere, vel confirmationem petere, etiamsi ipsam non obtineat, ut not. in d. c. *Quam sit*. & d. c. *Cupientes*.

Quò ad Quartum. Primus effectus est, quod tribuit plenum Jus, quod habitu ante competeat, nisi quis esset remotus longè ab Urbe Romæ, ac damnosum esset Ecclesiæ, si Prælati non administraret, namque iste præsentialem non tenetur confirmationem petere, aut recipere, sed personas mittit idoneas, per quas diligens inquisitio habeatur. c. *Nihil*. extr. de *Elect.*

Alter est effectus, quod per confirmationem dicitur contractum matrimonium spirituale inter electum, & Ecclesiam. c. *Inter corporalia*. de *Translat. Prælat.* Et confirmatione obtentâ potest electus omnia, quæ sunt Jurisdictionis, ut clericos corrigere, judicare, excommunicare. Non autem potest ea, quæ sunt ordinis, nisi accedat consecratio. c. *Sicut*. §. *præterea*. de *Elect.* §. *fin.* hoc tit.

## T I T. X.

## De Consecratione.

**A** Dhoc ut Prælati ea possint, quæ sunt ordinis, necessaria est Consecratio; idcirco de Consecratione tractatur: & videbimus:

- 1 *Quid sit Consecratio?*
- 2 *Qui Consecrari debeant?*
- 3 *Quæ in Consecratione solemnitas sit adhibenda?*
- 4 *Intrâ quæ Tempora facienda sit?*
- 5 *Qui vocandi sint ad Consecrationem?*
- 6 *Qui sint Consecrationis effectus?*

Quo ad Primum: Illud in primis sciendum est, Verbum Consecrare referri ad Res, & ad Personas.

Primo modo est aliquid Deo adjicere. l. *Si quando*. C. de *Bonis Vacant.* lib. 10. §. *sacræ*. Inst. de *rer. divis.*

Secundo modo est personas Deo dicare, atque vovere. c. *Pudenda*. 24. q. 1. At secundum materiam Tituli nostri Consecratio est solemnitas quædam, quæ de personâ electi fit per sacri Chrismatis delineationem, Benedictionem, manus impositionem, ac Sacrorum lectionem, quâ electus unâ cum Eccle-



Ecclesiâ, ad quam admittitur, novissimè Deo dicari, atque adjici dicitur, & videtur. Et enim consecratio fit respectu particularis Ecclesiæ: ut not. Abb. in c. *Inter corporalia*. de *Transl. Episcopi*. De hac solemnitate est text. in *g. fin. h. c.* & est text. in c. *Episcopus*. 23. d.

Quo ad Secundum: Consecrantur non solum Episcopi, Archiepiscopi, sed etiam Summi Pontifices, qui post electionem legitimè factam à Cardinalibus Episcopis consecrantur. Bal. in l. *directis num. 2. C. de Test. manumiss.* Dicitur etiam Imperatorem consecrari; sed improprie; quoniam consecratio Imperatoris non est ordinis, prout est consecratio Episcopi, sed est quædam solemnitas, quæ observatur in traditione aureæ coronæ, quæ Romæ fieri debet Pontificis manu, & consecratio dicitur. ut in c. 1. *g. unde*. ext. de *Sacr. Unct.* Ubi de differentiâ inter consecrationem Episcopi, & Imperatoris tractatur. Consecrantur & Virgines Deo dicatæ, sed de his alibi tractabimus. Fit autem consecratio Episcopi ab Archiepiscopo Metropolitano; & consecratio Archiepiscopi ab Episcopi suis suffraganeis. c. *Quia*. 64. dist.

Quo ad Tertium: Consecratio fieri debet convocatis personis necessariis Die Dominico, horâ tertiâ, & scrutinio habito cum precibus, & orationibus, duo Evangelii codicem super caput consecrandi tenent, manusque imponunt, benedicit unus, & alii consecrandi caput pertingunt, & simul sacro Chrismate manus, & caput deliniunt, quibus deindè absolutis jurat Episcopus Sanctæ Sedi, atque Pontifici fidelitatem. c. *Significasti*. ext. de *Elect.* Abb. in c. *Tua nos*. ext. de *Jurejurando*.

Quo ad Quartum: Consecratio debet fieri intrâ tres menses. c. *Quoniam*. 100. d. c. *Quoniam* 75. d. c. de *Syracusane*. d. 28. nisi legitimum superfit impedimentum; nam plurimum Ecclesiæ interest, ut consecratio fiat; & hinc est, quod si consecratio protrahatur studiosè, protrahentes puniuntur. Concil. Trid. c. 2. sess. 23. de *Reform.* Verùm per Jura hodierna sex mensium spatium videtur concessum. c. 9 sess. 7. de *Reform.*

Quo ad Quintum: Si de Consecratione Pontificis Maximi tractatur, præsentia Episcoporum est necessaria: Si de Metropolitanæ consecratione

agitur, debent interesse Episcopi Provinciales, qui suffraganei dicuntur. *S. evocandi. hic. cap. Si Archiep. de temp. ord.* Si de Episcopo consecrando, debent intervenire Metropolitanus, & secum habere duos Episcopos. *c. Episcopi. c. Provinciales 64. d. per tot. c. Nec Episcopi. de temp. ord.* Et si fortè Provinciales Episcopi propter aliquem casum haberi non possent, vocandi essent Episcopi ex vicinâ Provinciâ. *S. Illud quæsitum. hoc tit. c. fin. 65. d.* Sed primo loco vocandi sunt, qui sunt de Provinciâ, qui debent vocationi obtemperare, aut legitimam saltem excusationem asserre. *c. Non debet. 65. d.* Hoc unum moneo circâ Archiepiscopum, quod si ipse legitimè impeditus consecrationi interesse non possit, potest in hoc casu vices suas alteri committere. *S. quod si Metropol. hic. c. Quod Sedem. de Offic. ordin.* Quod videtur mirabile, quod Archiepiscopus demandet ea, quæ sunt ordinis, & ea quæ sunt meri Imperii, cum exerceatur in consecrando Jurisdictio ex officio nobili ad publicam utilitatem, ut not. in *c. Ex quâ. de Consecr. Eccl. vel Altar. & in c. Suffraganeis. de Elect.* Præterea

exigitur, ut fiat scrutinium. *S. fin. hic. c. 1. ext. de scrutin. in ord. facien.* Professio fidei. *c. Quamquam. d. 23.* & habitus secundum professionem. *c. Sanctimonialis. ead. d. 23.* & professio fidei debet fieri vel Romæ, vel in Ecclesiâ, ad quam est assumptus. *c. 1. sess. 23. de Sacr. Ord. in decret. de Reform. in Concilio Tridentino.*

Quo ad Postremum: Effectus Consecrationis est, ut post Pallium receptum possit consecratus ea omnia explicare, quæ sunt ordinis, quæ omnia sunt eidem ante consecrationem interdicta: itaut consecratio possit dici medium quoddam, cujus virtute, ea, quæ sunt ordinis, post consecrationem potest licitè demandare, ut suprâ dixi; & est *text. in d. cap. Suffraganeis.* cum post confirmationem hoc non possit facere.

## TIT. XI.

### De Receptione, & Auctoritate Pallii.

**Q**uoniam ordinarium est, ut potissimum Archiepiscopis Pallium concedatur, ut possint alios Episcopos consecrare, Concilium convocare, & conficere Chrisma, & alia  
ut in



ut in *c. Quod sicut. §. super & in fin. de Elect.* ob id nunc tractatur de receptione, & auctoritate ipsius Pallii. Itaque videbimus:

1. *Quid sit Pallium?*
2. *Quibus debeat?*
3. *A quo concedatur?*
4. *Quo tempore, & loco?*
5. *Quæ traditionem Pallii impediunt?*
6. *Qui effectus ex Pallii traditione procedant?*

Quo ad Primum: Pallium hîc in principio describitur, ut sit Metropolitanorum insigne ornamentum, quod de Corpore B. Petri sumitur, ac plenitudinem Pastoralis officii, ac Pontificalis dignitatis designat. *c. Significasti. de Elect. c. Nisi. de Aurb. & usu Pall.* Et est quid personale, quod cum personâ sepeletur, nec alteri potest commodari. *hîc in §. sed eo nec semper. & c. Ad hoc. ext. de usu Pallii.*

Quoad Secundum: Inspecto Juris rigore Pallium solis Archiepiscopis, & Patriarchis debetur, sed ex privilegio etiam Episcopis conceditur ex arbitrio Pontificis. *Abb. in Rubr. ext. hoc eod. tit.*

Quo ad Tertium: *Abb. in d. Rubr. ext. eod.* dicit, Pallium concedi solummodò à Patriarchis, & Summo Pontifice Ar-

chiepiscopis, & Episcopis: quatenus loquimur de Patriarchis intellige, quod possunt concedere Pallium illis, qui sunt in suâ dictione: sed tamen ordinarium est, ut Summus Pontifex Episcopis concedat: ut *Abb. docet ubi suprâ.*

Quo ad Quartum: Archiepiscopus, vel Episcopus Pallio utitur in suâ Diœcesi tantum, & solemnibus diebus, ut hîc in *§. sed eo.* Etenim Summus Pontifex in signum Supremæ Authoritatis quocunque tempore, & loco Pallio uti potest. *c. Cum sis. & c. Ad bonorem. ext. eod.* Item solum intrâ suam Provinciam illo uti debet. *d. c. Cum sis. & in Mis.* Solemnib. namque in Processione eo non potest uti. *ibi-dem.* Sed tamen verum est, quod interdum ex privilegio conceditur, ut possit in alienâ Provinciâ uti Pallio, permitte-  
tente Primatè ipsius Provinciæ. *c. Ex. tuar. ext. eod.*

Quo ad Quintum: Objecta crimina electo impediunt Pallii traditionem, dummodò obiciens juret de calumniâ, & se inscribat in pœnam tallionis. ut *hîc in §. bujus receptio. & in Extrav. Joan. 22.* quæ incipit. *Militiis in communibus.*

Quo ad Postremum: Pallii  
D 2 tra-

traditio efficit, ut designetur plenitudo potestatis. *hic in prin. & d. c. Ad honorem*. Et insuper tribuit nomen Archiepiscopi. Abb. in *c. Suffraganeis. de Elect.* Ac tandem efficit, ut possit Archiepiscopus omnia ea, quæ sunt ordinis, ut supra dictum est.

## T I T. XII.

## De Vita, &amp; Honestate Prælatorum.

**V**idimus quales debeant esse Prælati, qui ad Ecclesias regendas assumuntur, & de his creandis aliqua retulimus, nunc videamus quales debeant esse, postquam sunt in dignitate constituti: Et videbimus

1 Prælati nomen quos designet?

2 Quid Verba, Vita, & Honestas præseferant?

3 Quæ Episcopus facere debeat?

4 A quibus se debeat abstinere?

Quo ad Primum: Prælati nomen propriè eum designat, qui habet Jurisdictionem contentiosam. Abb. in *c. 2. de Jur. rejur.* Largo tamen modo etiam de Curato alicujus Ecclesiæ prædicatur. *c. Trium extr. de Cler. egrot.*

Quo ad Secundum: Honestatis verbum ad mores refertur, & ad animi ornamenta, & significat quales debeant esse Prælati mores; at Vitæ nomen præsefert actiones, circa quas debent Prælati vitam suam consummare; & hinc dicitur diversam esse vitam Clericorum, & vitam Laicorum. *c. Duo. 12. q. 1.*

Quo ad Tertium: Debet in primis honestati, & prudentiæ operam dare; namque (inquit *tex. hic in princ.*) *Qualis erit edificatio discipuli, si se Magistro intelligat esse præstantiorem?* concord. *c. Debet. d. 96. & c. Qualiter. 8. q. 1.* & alibi dicitur, quod Magistri moribus, scientiâ, & facundiâ debent alios præcedere. *l. Magistros C. de Prof. & Mag. lib. 10.* Et talis erit Magister, cujus comparatione discipuli paleæ dicantur. *cap. Verum. g. criminis. 25. d.* Undè inquit Glossa, quod quidam discipuli nimis festinant ad Cathedram, & dum delectantur in loco gloriæ, fiunt aliis authores ruinæ. *c. Quoniam. 78. d.* Magister enim facit Cathedram, non Cathedra Magistrum. *cap. fin. 40. d. concord. text. in c. Nemo 81. d.* Deindè debet esse hospitalis, liberalis, ac pius. *g. sed nec utram.*



*utramque* hîc. Insuper sobrius, prudens, non solum litterarum, sed negotiorum. *c. A crapula. ext. eod.* Rerum suarum curæ moderatè debet incumbere. *c. Donare. 86. d.* Et dum corrigit peccata, Clementiam iustitiæ admisceat. *g. ab improb. hîc. c. Prodest. 23. q. 5. c. Odio. 86. d.* Debet etiam Orationibus, Divinis Officiis, Prædicationibus incumbere. *g. in primis. boc tit. c. Si rector. d. 43.* Sacris litteris studere. *c. Qui Ecclesiasticus 36. d.* Perversos ejicere, corrigere, emendare. *c. Inferior. c. Facientis. 86. d.* Habitu decenti incedere. *c. Clericus. 41. d. c. Quoniam. de Vit. & Hon. Cler.*

Quoad Postremum: Debet Episcopus se à sæcularibus negotiis abstinere. *g. sicut hîc.* Tametsi negotium esset honestum, ut putâ exercendo artem Physicam, vel Chirur- gum; ut per Abb. in *c. Sententiam. ext. Ne Cler. vel mon.* & hoc in Clericis etiam. Excipiuntur tantum aliqui casus ut in *c. 1. & fin. ext. de Postulat. Præl.* Possunt enim Clerici postulare in propriâ causâ, & suæ Ecclesiæ, & pro miserabilibus personis, si ipsæ per se non possint suam tractare causam. Item debet abstinere se à con-

versatione mulierum, etiamsi sint consanguineæ. *g. Pudicus. boc tit.* Quod declara, si istæ sint suspectæ. *c. 1. de Cobab. Cler. & mul.* Et demum debet honestatem servare in quâcunque actione, & à quâcunque sus- pectione vacare. Insupèr Episcopi, & alii Prælati Ecclesia- sticis officiis mancipati non debent habitus nimis luxuriantes induere; morum enim intrin- secam honestatem per decen- tiam habitus extrinseci debent induere. *d. g. Pudicus.* Cætera videnda sunt in *tit. de Vit. & Hon. Cleric.* & apud Pacem Jor- danum *d. tom. 1. libr. 1.* ubi per novem integros Titulos expli- cat virtutes, quibus Prælati præfulgere debent.

## T I T. XIII.

### De Officio Archidiaconi.

CUM actum sit de iis Præla- tis, qui Jurisdictionem habent; cum inter illos Archi- diaconus possit numerari, quia Vicarius Episcopi dicitur, ideò nunc de Officio Archidiaconi tractatur: & pro hujus tituli expeditione videbimus.

1. *Quis sit Archidiaconus?*

2. *Quæ sit Archidiaconi Juris- dictio?*

3. *Quale sit officium ejus?*

Quo

Quo ad Primum: Archidiaconi nomen præfert Principem, seu caput Diaconorum, & potest dici Vicarius Episcopi, à lege constitutus, qui post Episcopum est omnium major, ut *bic in princ.* Et hinc dicitur oculus Episcopi. *c. Diaconi. 1. & c. 2. 93. d. c. Ad hæc. extr. eod. tit.* Debet enim Episcopus per eum administrare suam Jurisdictionem. *d. c. Ad hæc.*

Quo ad Secundum: Maxima est de Jure Communi Archidiaconi Jurisdictio. Etenim ad eum spectat Clericorum correctio, & emendatio, licet non possit excommunicare sine Episcopi licentiâ. *c. Archidiaconis. ext. eod. §. fin. hoc tit.* Præterea examinat præsentandos Episcopo pro ordinatione, tametsi ordinare non possit; ponit Abbates, & Abbatissas in sede. *c. Ut nostrum. ext. eod.* Visitat Ecclesias, & Parochias, si Episcopus sit impeditus. *c. 1. c. Mandamus. ext. eod.* & in Conc. Trid. *sess. 24. c. 3. de Reform.* Insupèr in Choro post Episcopum primum habet locum, ut not. in *d. cap. 1.* Id tamèn est verum, quod non potest ardua negotia explicare, vel causas Matrimonii, aut Concubinatus, quemadmodum nec causas criminales.

*c. 20. sess. 24. c. 14. sess. 25. de Reform. in Conc. Trid.* Sicut non potest suspendere, vel deponere. *c. Significasti. & c. Cum satisf. ext. eod. tit.*

Quo ad Postremum: Ad Officium Archidiaconi spectat, curam habere Clericorum, qui in Diœcesi degunt. *c. 1. ext. eod.* Lectorem Evangelii eligere, disponere necessaria ad Sacramentum, Clericos ad ipsum vocare, & quo ordine procedere debeant jubere. Insupèr ad ipsum spectat cura sacrorum vasorum, vel sacrorum vestimentorum. *c. Ea quæ. ext. eod.* & notatur in *c. 1. extr. de Off. Sacristæ.*

## T I T. XIV.

### De Officio Archipresbyteri.

**Q**uoniam Archipresbyteri officium est valdè simile officio Archidiaconi, ut *bic in princ.* licet Archidiaconus in Jurisdictione excedat, non autem in ordine. *c. 1. c. Officium. ext. eod.* ob id nunc de officio ipsius Archipresbyteri tractatur: & pro hujus tituli expositione videbimus.

1. *Quis sit Archipresbyter?*
2. *Quot sint species Archipresbyterorum?*

3. *Quæ*



3 *Quæ ad ejus officium pertineant?*

Quo ad Primum: Archipresbyter est caput Presbyterorum, & est ille, qui in divinis, & particularibus Ecclesiis est à Lege Episcopi Vicarius constitutus. *c. 1. extr. de Off. Archipr.* Et differt ab Archidiacono, quia Archidiaconus curam exercet fori contentiosi; Archipresbyter verò curam Ecclesiastici fori exercet. *bic in prin. & d. c. Officium.* Verùm admonet *c. 1. eod.* in hoc esse observandas loci consuetudines; namque potest esse, ut in aliis Ecclesiis Archipresbyter exerceat utriusque fori curam; & hoc idem dicit Abb. *in d. c. 1.*

Quo ad Secundum: Duæ sunt Archipresbyterorum species: *Urbani*, & illi sunt, qui dum Episcopus abest, in urbe ipsius vicem substinent; vel etiam præsentis Episcopi curam minuunt. *§. Urbani. hoc tit. d. c. Officium.* *Exteri*, sive *Foranei*, & sunt illi, qui extrâ urbem personam Episcopi representant, & ea peragunt, quæ ipse Episcopus efficeret, si præsens esset. *c. 1. & 2. ext. eod.* & ut inquit *text. in c. Presbyteri. eod. tit.* præsumt plebibus, ut Episcopus Matrìci,

quæ est Ecclesia, quamvis nihil contrâ sui Præfulis decretum ordinare, vel audere debent.

Quo ad Ultimum: Ad Archipresbyterum pertinet inchoare solemne officium, & solemnità sacrificia; assiduè in Ecclesiis stare, fratres benedicere, poenitentiam Sacerdotibus injungere; infirmos oleo perungere, benedicere absente Episcopo Clericos, dum Episcopus celebrat, adjutores eligere. *d. c. 1. 2. 3. ext. eod.* Insupèr providere debet, ut in Sacratio Sanctissimi Corporis Christi Hostiæ pro infirmis non desint. Alia connumerantur, quæ ad Archipresbyterum spectant *in d. c. 1. 2. 3.* Et hæc pertinent ad Urbanum.

Ad Ruralem autem, seu exterum tantum pertinet totius populi curam habere, aliorum Clericorum mores inspicere; exponere, quæ in Missa leguntur, prædicare Christianæ Religionis, & fidei principia: pueros edocere, frequenter celebrare, ad Synodum procedere, dies festos prædicare; baptizare, ac demùm decreta à Summo Pontifice, vel Conciliis facta recipere, cæterisque referre; ut in Conc. Trid. *sess. 5. c. 2. de Reformat.*

Nota tamèn hic in fine , quod obtinens aliquam Præposituram debet ad eam se ordinare intrâ annum , aliàs amittit honorem .

## T I T. XV.

### De Officio Vicarii.

**V**isum est Superiori titulo de Officio Vicarii à Legge constituti , nunc videndum est de Vicario , & Officio Vicarii ab homine deputati ; & sic tractatur de eo , qui nomine alieno in Ecclesiis deservit : sic continuat *Glos. hic* : & videbimus

- 1 *Qui sit Vicarius ?*
- 2 *Quæ requirantur , ut quis Vicarius esse possit .*
- 3 *Quæ sit Vicarii potestas ?*

Quo ad Primum : Vicarius ille est , qui alterius vices gerit , sive in contentiosâ jurisdictione sit , sive in voluntariâ , & non contentiosâ , illius mandato , & autoritate constitutus , qui in Officio , quodcumque illud sit , principalem personam gerit . *l. 1. C. de Off. ejus qui vicem alt. & ext. eod. per tot.* Et duæ possunt Vicariorum constitui species ; alii enim constituuntur Vicarii in Officio non contentioso , veluti in Ecclesiis ,

ut in ipsis deserviant : *c. 1. ext. eod.* Alii verò , ut alterius personam in foro contentioso sustineant . Quinimmodò quidam sunt Vicarii per modum provisionis , qui in locum mortuorum subrogantur , & successi vocantur . *Glos. in l. 2. Vers. Rector C. de Off. ejus , qui &c. c. 18. sess. 24. de Reform. in Conc. Trid.* Item alii sunt perpetui , alii temporales : Primi eliguntur , ut perpetuò sint in aliquâ Ecclesiâ . *c. Perpetuus . de Fid. Instrum.* Secundi ad tempus tantum . *c. Extirpandæ . §. quia verò . ext. de Presb. c. Pervenit. de Appellat.*

Tertia divisio est , quod quidam sunt perpetui , qui ad Parochiales Ecclesias sunt electi . *d. c. Perpetuus .* Quidam Temporales , qui ad tempus , & aliquos actus assumentur . *d. cap. Pervenit .* Quidam Generales , qui in Episcoporum Curiâ ab Episcopo sunt electi . *Glos. in Clem. Quæ in Ecclesiis . de Off. Vicarii .* Quidam Speciales , qui ad Curiam , sed ad certum articulum , locum , vel actum sunt constituti . *c. Sua . de Off. Vicarii .*

Quo ad Secundum : Primò loco necessarium est , ut sit Clericus , cum Laici Vicarii esse non possint in Ecclesiis . *c. In novâ .*



*novâ. 17. q. 7. c. Decenter. d. 89.* Quinimodò si agitur de Ecclesiâ habente aliarum curam, debet eligi Sacerdos, & canonicè institui cum certâ portione. *Glossa in c. Provideas. ext. eod. d. c. 16. sess. 24.* Insupèr exigitur, ut unam habeat Vicariam tantum. *d. cap. Provideas.* Ac Doctor quandoque esse debet. *c. 16. sess. 24. in Conc. Trid.*

Quo ad Ultimum: Si de eo quærimus, qui in Ecclesiâ deservire debet, ad ejus potestatem pertinent, quæ principalis poterat persona: quod tunc habet locum, quando Vicaria conceditur, quæ solum ex causâ concedi solet. *d. c. Provideas.* Ubi *Glos.* Si de Vicario Generali Episcopi loquimur, is potest in foro contentioso causas dirimere, & omnia illa facere, quæ Episcopus; nisi aliquid fuerit Episcopo reservatum; ut Beneficiorum collatio, remotio, & alia hujus generis, prout latè ego demonstravi in meis Discordiis Forensibus *De Jurisdictione Discord. 27.* Insupèr Vicarius potest examinare illos, quibus sunt beneficia concedenda, & etiâ examinatos eligere. *c. 18. sess. 24. de Reform.*

Hoc tamen sciendum est,

quod cum Vicarii, & Episcopi unum sit tribunal, ad Archiepiscopum provocatur. *S. fin. hic.* Quod secus est in Vicario à Lège constituto, ut Archiepiscopus. *c. Romana. De Appell. in 6.*

## TIT. XVI.

### De Coadjutore.

**Q**Uoniam interdum Episcopalis cura per Coadjutorem explicatur: ob id nunc de eo differitur: & videbimus.

1. *Quis sit Coadjutor?*
2. *Quibus detur?*
3. *Ex quibus causis?*
4. *A quo?*
5. *Quæ sit Coadjutoris potestas?*

Quo ad Primum: Ut nomen indicat, Coadjutor significat eum, qui simul adjuvat, quasi simul adjutor; & dicitur ille, qui à S. Sede, consentiente, & approbante Rectore, in locum ejus, qui ex justâ causâ impeditur, ad Ecclesiam regendam cum spe futuræ successionis, eligi solet. *c. Ex parte. ext. de Cleric. ægrot. c. Unico. de Cler. ægr. in 6.* Et illi Coadjutores esse possunt, qui possunt esse Ordinarii, cum eligantur cum spe futuræ successionis. arg. *c. Qualiter. cum seq. 7. q. 1.*

E.

Quo.

Quo ad Secundum: Coadjutor datur, legitimâ præcedente causâ, tam majoribus, quàm minoribus Prælatiis, & non solum unus, sed etiâ interdum duo dari solent. *Gloss. hic; & in d. c. Un. de Cleric. ægrot. lib. 6.* Id tamen est verum, quod si quis datur Episcopo, unus est, & consecratur; ut omnia possit, quæ sunt Ordinis, & Jurisdictionis. *d. c. Qualiter cum seq. 7. q. 1.*

Quo ad Tertium: Coadjutor non conceditur ex omnibus causis, sed ex iis tantum, quæ delictum Prælati non includunt; & ipsum inhabilem efficiunt ad Ecclesiam regendam; ut est senectus, longa infirmitas, mentis alienatio, vel similis causa, ut in *d. c. Un. & in d. c. Ex parte.* & est *tex. hic in princ.* Similiter si Prælati sit illiteratus, sed bonæ vitæ, vel longè abfuturus pro S. Sedis beneficio, Coadjutor dari solet. ut in *d. c. Unico.* & inc. 6. *sess. 21. in Concil. Trid. de Reform.*

Quo ad Quartum: Regulariter concessio pertinet ad Summum Pontificem, & est de Reservatis Papæ: *hic in princ.* & est Glossa in *Verb. Apostolicam. c. 7. sess. 25. in Conc. Trid.* Ita ut non valeat consuetudo

in contrarium. *tex. tuus hic.*

Quo ad Ultimum: Si Coadjutor est datus ob impedimentum, quod Prælatum inhabilem reddit, illa potest facere, quæ potest Ordinarius. Quod si est datus Coadjutor ex aliquo accidenti, tunc Spiritualia pertractat, in aliis verò Ordinario est potestas reservata. *c. De Rectoribus. ext. de Cleric. ægrot.*

## TIT. XVII.

### De Corepiscoporum usu sublato.

Cum inter Episcoporum officiales Corepiscopi adessent, idcirco, ut, quod antiquitus in usu erat, intelligatur, iste titulus subjicitur: & videbimus.

- 1 Qui essent olim Corepiscopi?
- 2 Quale antiquitus esset ipsorum Officium?

Quo ad Primum: Corepiscopi antiquitus dicebantur Prælati illi, qui mediam quandam dignitatem inter Episcopum, & Presbyterum obtinebant; & unâ cum Episcopis Ecclesiarum curam habebant, qui postea fuerunt sublati. *c. Ecclesiis semel.* & ibi not. & *cap. Quamvis. cum seq. 68. dist.*

Quo



Quo ad Secundum : Corepiscopi quasi Episcopi se habebant , & Ecclesiam cum Episcopis gubernabant : conferebant ordines minores , sed non alios ; erat enim eis interdicta Presbyterorum , Diaconorum , Virginum , & Ecclesiarum consecratio : ut not. in c. *Quamvis* . d. 68. Prædicabant , & Corpus Dominicum conficiebant . d. c. *Quamvis* . & est Gloss. *hic* . Vide Emin. Card. de Lauræa in *Epitome Canonum* . Verb. *Corepiscopi* .

## TIT. XVIII.

### De Translatione .

**H**ic titulus continuatur ad præcedentem in *S. fin.* suprâ tit. *prox.* Tamen sic etiam potest continuari . Visum est hucusque de ingressu , & progressu Prælatorum , nunc de egressu videndum est : & quia egressus fit per Translationem , Renunciationem , aut Depositionem ; proinde de his omnibus videndum est . Et primò de Translatione , de quâ videbimus :

1 *Quid sit Translatio ?*

2 *Cur inventa ?*

3 *Quæ sint in Translatione necessaria ?*

4 *In quibus Ecclesiis permittatur ?*

Quo ad Primum : Licet Translationis nomen sit genericum , & ad plura adaptetur , tamen secundum naturam Tituli nostri significat commutationem Prælati de Sede ad Sedem canonicè factam ; itaut dici possit transitus de unâ ad aliam Ecclesiam canonicè factus . Arg. cap. *Mutationes* . 7. q. 1. c. *Cum Universorum* . de *Rev. Permut.*

Quo ad Secundum : Duæ sunt causæ , cur inventa sit Translatio ; Utilitas , & Necessitas . text. est *hic in princ.* c. *Sicut vir* . c. *Episcopus* . 7. q. 1. c. *Non oportet* . 19. & c. *Placuit* . 21. eadem 7. q. 1. Utilitas , quotiescunque quis creditur utilior in Ecclesiâ , ad quam transit , quàm in illâ , quam habet ; & vocatur ad aliam Ecclesiam , ut doctrinâ , & vitæ integritate majorem afferat populo utilitatem . c. *Omnis* . d. c. *Episcopus* . 7. q. 1. Sic Anno 1664. Emin. Card. Gregorius Barbaricus translatus fuit per Alex. Papam VII. ab Ecclesiâ Bergomen. ad hanc Patavinam . Necessitas autem Translationem inducit , quotiescunque per bellum , & hostium obsidionem Prælatus unius Ecclesiæ

in aliam se transfert. *c. Temporis. 7. q. 1.* qui necessitate cessante tenetur ad priorem Ecclesiam redire. *§. 1. hoc tit.*

Quoad Tertium: Ut Translatio fieri possit, necessarius est consensus Superioris. Item antiquitus requirebatur consensus Capituli, quod elegerat. *c. Præcipimus. 12. q. 1.* Tertio consensus ipsius Prælati, nisi ob bonum commune à Summo Pontifice transitus, & Translatio præciperetur. *d. c. Omnis. 7. q. 1.*

Quoad Postremum: In omnibus Ecclesiis potest fieri Translatio: sed si agitur de Episcopis, solus Summus Pontifex jus habet transferendi. *§. Sciendum. hoc tit. c. Quod Translationem: & ibi Glos. extr. de Offic. Legat.* Si verò tractetur de minoribus Ecclesiis, & Prælatis, seu Sacerdotibus ordinariis, Episcopi autoritas exigitur. *§. Non absimilis. hoc tit.* ita notatur in *c. Quanta. ext. eod.* nisi fortè Prælatus minor esset Summo Pontifici subiectus immediatè. *c. Cum venerabilis. de Consuetud.*

## TIT. XIX.

## De Renunciatione.

**C**um actum sit de primo modo, quo dissolvitur dominium inter Ecclesiam, & Rectorem, nunc de secundo, scilicet de Renunciatione differitur, videamus igitur

- 1 *Quid sit Renunciatio?*
- 2 *Qui possint Renunciare?*
- 3 *Quæ requirantur in Renunciatione?*
- 4 *Quæ sint causæ legitimæ Renunciationis?*
- 5 *Qui sint Renunciationis effectus?*

Quoad Primum: Renunciatio est proprii Juris spontanea refutatio. *hic in princ.* Si enim esset coacta, revocaretur. *c. 2. & c. Super. De his, quæ vi, met. cā. sunt.*

Quoad Secundum: Regula generalis est constituenda; Omnes posse Renunciare servatis servandis: & non solum minores, sed etiam majores Prælati Renunciare possunt, illis exceptis, qui fortè in furorem incidissent. *c. Quamvis. 7. q. 1.* Undè etiam Papa potest Renunciare Papatui. *§. de Romanis. hic. c. 1. de Renunciat. in 6.* prout fecit S. Petrus Cælestinus. Et non solum quis per se,



se, sed etiam per Procuratorem potest Renunciare, itaut si Procurator, antequàm revo-  
cetur, sine dolo renunciaverit,  
teneat Renunciatio, *Clem. unic.  
eod. tit. De Renunciat.*

Quo ad Tertium: Hæc re-  
quiruntur. Primò ut sit spon-  
tanea, ut suprà dixi. Secundò  
ut fiat de proprio, & obtento  
beneficio. *c. Pen. de Re jud.  
c. Dilecto de Præbend.* Tertio  
ut fiat simpliciter & purè, non  
lucrandi animo. *c. Qui suadet.  
i. q. i. c. Tua. de Simon.* Quar-  
tò ut fiat ex legitimâ causâ.  
*c. Nisi. §. unum. ext. eod.* Quin-  
tò ut fiat cum Superioris licen-  
tiâ. *§. Abbas, bñc.* Undè Præ-  
latus, qui Romano Pontifici  
immediatè est subjectus, ab  
ipso debet impetrare licentiam;  
quod si is, qui renunciat, Epif-  
copo sit subjectus, cum ejus-  
dem Episcopi permissione fiat  
Renunciatio. *concord. tex. in c.  
Quod in dubiis. ext. eod.* Atque  
tandem requiritur, ut de eâ  
conficiantur acta. *d. c. Quam-  
vis. c. Fin. c. Sicut Vir. §. Ec-  
ce. 7. q. i.*

Quo ad Quartum: Sex sunt  
causæ legitimæ Renunciandi.  
Conscientia criminis: Corporis  
debilitas: Defectus scientiæ:  
Malitia plebis: Grave scan-  
dalum: & Irregularitas per-

sonæ. *d. c. Nisi. & in tit. in  
princ.*

Prima, si sit crimen tale,  
propter quod officii executio,  
etiam post exactam pœniten-  
tiam impediatur, ut Simonia.  
*i. q. i. cap. Simoniacos. & c.  
Tanta. de Simoniâ.* Item Ho-  
micidium. *c. Fin. de Temp. Ord.  
& c. Minor. d. 50. & cap. Inqui-  
sitionis. de Accusat.* In aliis ve-  
rò criminibus, de quibus po-  
test pœnitere remanendo in of-  
ficii administratione, non te-  
netur quis petere cessionem.  
*§. propter. bñc. & c. Nisi. eod.*  
Secunda si impedit admini-  
strationem. *§. Non absimilis  
hoc tit. d. c. Nisi §. i.* Tertia si  
maximus est defectus. *§. Pro-  
pter. bñc. c. Cum nobis. de Elect.  
c. Venerabilis. de Præben. d. c.  
Nisi.* Quarta si proficere non  
potest. *§. Propter malitiam. bñc.  
d. cap. Nisi. §. propter malitiam.*  
Et in actis Apostolicis in *cap. 13.*  
Ubi legitur de Apostolis, qui  
Judæis incredulis dixerunt:  
*Ecce convertimur ad gentes, quia  
Verbi Dei vos indignos fecistis.*  
Quinta si maximum scanda-  
lum timetur. *§. Propter mali-  
tiam.* Sexta si irregularitas sit  
Bigamiæ; aliàs enim si de legi-  
timo Matrimonio non sit na-  
tus, cum eo potest dispensari.  
*§. Item ob. hoc tit.* Scias tamen,  
quod

quod quamvis Prælati, vel Episcopus, qui semel transiit ad vitam Monachalem, non possit amplius fieri Episcopus. *§. Accidit hîc. c. Item cum aliquis. 7. q. 1. & c. Hoc nequaquam. & c. Post translationem ext. eod.* Ut putâ si quis convictus est de crimine, & ob id detrudatur in Monasterium. *c. Post translationem ext. eod.* Vel etiam si quis humilitatis causâ transiit ad Monasterium, & de licentiâ Papæ: attamen in quibusdam casibus potest iterum in Episcopatum assumi, ut si quis persecutionis rabie sæviante, vel præpeditus adversâ valetudine corporis, cum proficere nequeat in regimine Pastoralis, de Superioris autoritate ad monasticam vitam descendat; namque persecutione, aut ægritudinis impedimento cessante ad Episcopalem poterit dignitatem resurgere. *§. Cæterum. hoc tit. d. c. Post translationem. §. Cæterum.* Est alius casus in *§. Idem Juris. hoc tit.* nempe si ignarus, in Monasterio acquisiverit scientiam.

Quo ad Postremum: Effectus est, ut sequenti Renunciatione, teneatur Prælati Ecclesiam dimittere, nec possit regulariter ad ipsam redire. *d. c. Post translationem. Quin-*

immodò si quis impetraverit licentiam Renunciandi, Renunciare tenetur. *c. Quidam. ext. eod. §. fin. hîc. Vide d. cap. Hoc nequaquam. & c. seq. 7. q. 1.*

## TIT. XX.

### De Depositione, seu Degradatione.

**V**isum est de duobus modis, quibus Matrimonium spirituale inter Prælatum, & Ecclesiam dissolvitur; nunc de tertio videndum est, nempe de Depositione: & videbimus.

- 1 *Quid sit Depositio, seu Degradatio?*
- 2 *Quot species?*
- 3 *Qui possint deponere?*
- 4 *A quibus fiat?*
- 5 *Quomodo?*
- 6 *Ex quibus causis?*
- 7 *Ad quid?*

Quo ad Primum: Depositio significat actionem factam apud Pontificem sine solemnitate. Degradatio autem est de gradu dejectio, instituta ad similitudinem exauthorationis ejus, qui militiæ deservit armatæ, cui ob delictum & ordo militaris, & insigne detrahitur. *§. 1. hîc. c. Degradatio. de Pœnis. in 6. l. 1. §. 1. ff. de his qui*



qui not. inf. l. 3. §. pœna. ff. de Re milit. Et propriè Degradatio est gradus privatio, verbis, factoque solemni celebrata: Depositiō verbis tantum, & sine solemnitate. d. c. Degradatio.

Quo ad Secundum: Duæ sunt species Degradationis, Verbalis, & Actualis. d. c. Degradatio. §. 2. hic. Verbalis est illa, quæ à proprio Episcopo sibi adstante in Degradatione Clericorum, in sacris Ordinibus existentium, certo Episcoporum numero, definito à canone, est facienda. hic in §. 2. d. c. Degradatio. Poterit enim Episcopus in tali Degradatione uti verbis aliquibus illis oppositis, quæ in collatione Ordinum fuere prolata; dicens hæc Presbytero, vel similia verba in Depositione: *Auferimus tibi vestem Sacerdotalem, te bonore Sacerdotali privamus*, ut in d. c. Degradatio. & c. Si quis Episcopus. 6. q. 4. Secunda est, quæ fit, ut exauthoratio ejus, qui deservit militiæ armatæ, cui militaria detrahuntur insignia, sicque à militia remotus, castris ejicitur, privatur consortio, & privilegio militari. Etenim Clerico Degradando Episcopus singula, sive sint vestes, calix, liber, seu quævis

alia, quæ juxtâ morem ordinandorum in ordinatione ab Episcopo tradita, seu collata sunt, singula aufert, eraso etiam toto capite ipsius Degradandi. c. Degradatio. hoc tit.

Quo ad Tertium: Brevis est Regula. Omnes posse deponi, qui gravia delicta patrarunt, ut infrâ videbimus.

Quo ad Quartum: Antiquitus Episcopi à Metropolitano deponebantur, duodecim ad minus Episcopis adstantibus: c. In summa. 3. q. 8. In Presbytero degradando Episcopus sex aliis Episcopis ad minus præsentibus degradabat. 10. q. 7. c. Felix. In Diacono, vel Subdiacono tribus præsentibus per Abb. in cap. Non potest. de Sent. & re jud. Verum hodiè si de Episcopo agitur, cognitio pertinet ad Summum Pontificem. Si de Presbytero, iste deponitur ab Episcopo, vel ejus Vicario adhibito certo numero Abbatum, usum mitræ, & baculum habentium, si possint haberi; aliàs adhibeantur Prælati alterius generis. In Conc. Trid. sess. 13. c. 4. de Reform. Si de minores Ordines habentibus tractatur, Episcopus est, qui id ex causâ facere potest. d. c. Degradatio. de Pœnis in 6.

Quo ad Quintum: Ordo tra-

traditur in *d. c. Degradatio*. Adducitur Degradandus indutus vestibus sacris coram Episcopo: si est Sacerdos cum Calice in manu, sive aliud, quod ad ejus Officium pertineat; & Episcopus singula quibusdam verbis prolatis, detrahit; inchoando ab ultimo ornamento, & continuat usque ad primam tonsuram, in cuius depositionis signum, caput postea eraditur. *d. c. Degradatio*. Legatur Exemplum Degradationis Presbyteri Criminosi factæ cum lacrymis à Sancto Carolo Borromeo in ejus Vita lib. 7. cap. 4.

Quo ad Sextum: Antiquitus tres notabantur causæ: nempe *Hæresis*, *Falsitas*, & *Usurarum exercitium*. *c. Nolumus. de Verb. Sign. c. Nulli. 44. d.* Verum & aliæ sunt causæ: Frequentia homicidiorum; conversatio continua cum mulieribus post admonitionem, & alia hujus generis. *c. Clericus. 81. d.* Vide *c. Cum non ab homine. ext. de Judic.*

Quo ad Postremum: Degradatio fit in pœnam Clericorum delinquentium, & ad eos puniendos. *c. Sacerdos. 81. d.* Et sæpè fit, ut possit Judex secularis ipsum Clericum Degradatum punire, licet debeat

Judex Ecclesiasticus eum tradendo orare, ne deveniatur ad pœnam sanguinis. *c. Rerum. 17. q. 4.* est *tex. in §. Clericus. hîc*. Et fit etiam ad privandum Clericum, ne se immisceat amplius in sacris, ut notatur in *c. 1. de Cler. excom.* & ait *tex. hîc in fine*.

## T I T. XXI.

### De Sacerdotibus in inferiori gradu constitutis.

CUM usquè ad præsentem titulum tractatum sit de Sacerdotibus existentibus in gradu supremo, aut majori, nunc tractatur de his, qui sunt in gradu inferiori: & videbimus.

1. *Qui sint Sacerdotes in gradu inferiori existentes?*
2. *Quæ sit Presbyterorum potestas?*
3. *Qui possint esse Presbyteri?*

Quo ad Primum: Sacerdotes existentes in gradu inferiori sunt Presbyteri, qui æqualitèr sunt Sacerdotes tantum, ut non desint, qui dicant Episcopos, & Presbyteros differre dignitate, non ordine. *c. Legimus. 93. d.* & *c. Olim. 95. d. §. Presbyterorum. hoc eod. tit.* Presbyteri autem nomen



nomen trahitur à senectute. *c. Quisquis. c. Porro. d. 8.* licet potius hoc nomen maturitatem sapientiæ, atque prudentiæ indicet, quàm canitiem corporis, vel annorum multitudinem. *c. 2. 25. q. 6. c. De quib. 20. d.*

Quo ad Secundum: In hoc capite distinctio est adhibenda: nam Presbyteri quædam possunt Jure proprio, ut est Corporis Dominici, ac Sanguinis consecrationem, etiam præsentem Episcopo, peragere. *d. c. Legimus. c. Ecce. d. 95.* Infantes baptizare. *c. 2. & c. 3. de Off. Archip.* Sanctificato oleo inungere, ac benedicere, non tamen solemniter, ut *d. c. Ecce.* & de his vide in *d. 91. c. 1. & c. Presbyteros. d. dist. 95. c. Ministrare. 96. q. 6.* & notatur in *c. 2. & 3. de Offic. Archipr.* Pœnitentes occultos absolvere. *Lois supr. alleg.* & de his loquitur *S. Episcopi. bñc.* Quædam verò possunt ex personâ Episcopi: scilicet Episcopo permittente, & imminente necessitate extrema, ut Baptizatos sacro linire Chrismate, & Virgines Deo dicare. *d. c. Ecce. ext. eod. tex. in S. Episcopi. bñc.* Quædam tamen neutro modo conceduntur Sacerdotibus, ut est Ecclesias consecrare, erigere, reconciliare, Sacrum Chrisma con-

ficere, Clericos ordinare, excommunicare, publicas injungere pœnitentias, aut publicos pœnitentes reconciliare; ut in *S. fin. hoc tit.* aut alia similia efficere. *d. c. Ministrare. c. Aqua. de Consecr. Eccl. vel Alt. c. Quanto. de Consuetud.*

Quo ad Postremum. Illi possunt esse Presbyteri, & Sacerdotes, qui cum legitimè fuerint promoti ad ordines inferiores, dignos se præbuerunt, ut ad sacra ministeria tangenda assumantur. Insuper requiritur, ut per annum Diaconi extiterint, optimisque moribus sint exornati. *c. 11. c. 14. sess. 23. In Conc. Trid.* Ac tandem ut annum vigesimum quintum attingant. ut *sess. 23. c. 12. ejusd. Trid. Conc.*

## TIT. XXII.

*De his, qui in sacris sunt constituti.*

Cum post Sacerdotes reperiuntur immediatè, qui in sacris sint constituti ordinibus, quinimò Sacerdotes esse non possint, qui sacros ordines non receperunt, ob id etiam de his tractare oportet; Et pro tituli expeditione videbimus:

- 1 Sacer ordo qui dicatur?
- 2 Qui dicantur in sacris ordinibus constituti?
- 3 Qui sint Diaconi, & Subdiaconi?
- 4 Qui possint ad hos ordines promoveri?
- 5 Quæ sit Diaconorum, & Subdiaconorum Potestas?

Quo ad Primum. Sacer ordo dicitur characteris quædam in animâ impressio, de Sacramento Corporis Christi participans, quâ quis in viam Domini aded transfertur, ut non liceat ei ampliùs recedere. *c. Cum ex eo. de Elect. in 6. Abb. in c. Si quis Clericor. de Cleric. conjugatis.*

Quo ad Secundum: Septem secundum aliquos sunt Ordines: Minores quatuor, nempe *Ostiarius, Lectoratus, Exorcistatus, Acolytatus*. Majores tres, *Subdiaconatus, Diaconatus, Presbyteratus*. Sunt, qui etiam adjiciunt Episcopatum ordinem esse majorem: Psalmistatum minorem; sed prior sententia magis recepta est. Erunt igitur in Sacris illi: qui vel Diaconi, vel Subdiaconi, vel Presbyteri sunt.

Quo ad Tertium: Diaconi nomen significat Sacerdotis ministrum, & est nomen dignitatis. *c. Si quis post acceptum.*

51. d. Et Diaconi sunt, qui omnibus ordinibus, præter Sacerdotis characterem exornati, Episcopo dum Altissimo sacrificia offert, auxiliantur. *c. Diaconi. 93. d.* Subdiaconi sunt illi, qui præter minores ordines hunc majorem receperunt tantum. *c. à Subdiacono. d. 93.*

Quo ad Quartum: Ad ordinem Subdiaconatus promoveri possunt illi, qui omnes minores ordines receperunt, & vigesimum secundum annum degunt: ut in *Conc. Trid. sess. 23. cap. 12.* Ad Diaconatum verò, qui cæteros ordines obtinuerunt inferiores, & habent annum vigesimum tertium; in Subdiaconatuque persistant per annum. *d. c. 12. cum seq.* Intellege, prædictos annos sufficere inceptos. DD. apud Barbof. *d. sess. 23. cap. 12. num. 2.*

Quo ad Postremum: Modica horum auctoritas existit, cum debeant ne dum Episcopis, sed etiam Presbyteris subesse: Et quidem Diaconorum officium est, Episcopum prædicantem ab insidiis custodire, Sacerdotibus assistere, & Evangelium ad populum prædicare. *c. Perlectis § ad Diaconum. 25. d.* Ad Subdiaconum verò pertinet Diacono subesse, & ejus officii est, Calicem, & Patenam

ad



ad Altare deferre, & Levitis tradere, eisque ministrare; Urceolum, quoque, & aquam, mantile, & manutergium tenere, Episcopis, Presbyteris, & Levitis pro lavandis ante Altare manibus aquam præbere. *G. Diaconum. 1. hoc tit. d. c. Perlectis. G. ad Subdiaconum.*

TIT. XXIII.

*De his, qui in minoribus sunt constituti.*

**V**idimus de his, qui in sacris ordinibus sunt constituti; nunc de his qui minores ordines habent. Et videbimus

- 1 *Qui sint ordines minores?*
- 2 *Qui possint ad hos ordines promoveri?*
- 3 *Quæ ad ordines minores pertineant.*

Quo ad primum: Quinque sunt secundum quosdam minores ordines, *Acolythus, Exorcistatus, Lectoratus, Ostiarius, & Psalmistatus*: & dicuntur minores ordines, quia cum modicâ solemnitate conferuntur, & sine Sacramentali benedictione, cum quâdam vaforum, vel indumentorum distributione. Quinimodò Psal-

mista, qui & cantor dicitur, abfque scientiâ Episcopi, jubente Presbytero, suscipit munus cantandi. *G. 1. & 2. in fin. hic. c. Psalmista. 23. d.* Hic ordo secundum aliquos est prima tonsura, & cum eâ confunditur, *d. c. Psalmista.* Hinc est, quod non desunt dicentes quatuor esse tantum ordines minores, auctoritate *Conc. Trid. in c. 17. sess. 23.*

Quo ad Secundum: De hac re adest titulus specialis, infra de his, qui possunt promoveri, vel non, idcirco tunc temporis de hac re dicetur.

Quo ad Postremum: Ad Psalmistam, ut ab inferiori ordine, seu à dispositione ad ordines incipiamus, pertinet cantare jubente Presbytero, & ob id cantor etiam appellatur.

Ad Ostiarium pertinet, claves Ecclesiæ tenere, claudere, & aperire; undè nomen est desumptum: fideles recipere, & excommunicatos, atque infideles à templo ejicere. *c. Ordinarius. 23. d.*

Ad Lectorem lectiones pronuntiare legendo, ac prædicare, quæ per Prophetas populi fuere prædicata. *c. Lector. 23. d.*

Ad Exorcistam exorcismos

memoriter retinere, manuf-  
que super energumenos, idest  
à Dæmonibus obsessos, & Ca-  
techumenos imponere. *c. Exor-  
cista. 23. d.*

Ad Acolythum tandem per-  
tinet lumina accendere. *cap.  
Acolytus. 23. d.*

In fine hujus tituli nota,  
quod constituti in majoribus  
ordinibus nullo pacto matri-  
monium possunt contrahere;  
constituti autem in minoribus  
possunt, sed privantur bene-  
ficiis, & dignitatibus Ecclesia-  
sticis. Conc. Trid. *sess. 24. de  
Sacram. Matrim. Can. 9.* & ibi  
DD. quos citat Barbosa *n. 16.*

## T I T. XXIV.

*Communia tam minorum,  
quàm majorum Ordinum.*

**Q**Uoniam vidimus ordines,  
de quibus suprâ actum  
est, nulla inter se communia  
habere, ideò de his nunc vi-  
dendum est: Et examinabi-  
mus:

1. *Quo modo ista Rubrica sit  
accipienda?*
2. *Quæ majores minoribus præ-  
stare debeant?*
3. *Quæ minores majoribus?*
4. *Quæ verè communia sint?*

Quo ad Primum: Rubrica

ista debet in eum modum in-  
telligi, ut ea comprehendat,  
ad quæ tam majores, quàm  
minores ordines habentes te-  
nentur: tum etiam quia ea  
complectatur, quæ inter ha-  
bentes majores, & minores  
ordines sunt explicanda, ut ex  
infra dicendis præcipuè appa-  
rebit.

Quo ad Secundum: Majo-  
res ergâ minores debent, se eo-  
modo præbere, ut non quasi  
se dominos esse putent; sed de-  
bent illos, qui sunt in minori-  
bus constituti, ut Clericos ho-  
norare, docere; & si respectu  
majorum ordinum præfunt,  
debent etiam exinde curare,  
ut eisdem profint. *§. majores.  
inf. hoc tit. cap. Esto. d. 95.* Cur  
ergò, dicit textus, te habeam  
ut Principem, cum tu me non  
habeas ut Senatum? Hoc ta-  
men respicit factum, nam de  
Jure tollerandus est Prælatum  
usque ad sententiam. *c. Mino-  
re. 8. q. 4.*

Quo ad Tertium: Non de-  
bent habentes minores ordi-  
nes, se quasi æquales haben-  
tibus majores ostendere; sed  
humiles esse debent, eis obedi-  
re, & ab eis doceri in his præ-  
sertim, quæ ad sacra peragen-  
da pertinent; & debent ea  
tantum assumere quæ ad pro-  
priam.



priam personam pertinent. *bic in princ. & c. 1. & ibi not. de Sepult.*

Quo ad Postremum : Illud in primis communiter convenit, tam majoribus, quam minoribus ordinibus, ut ordinandorum inquisitio habeatur circa ipsorum qualitates, patriam, scilicet, parentes, nativitatem, mores, peritiam, fidem, & alia hujus generis. *S. præcedet inf. hoc tit. c. Episcopus : c. Quoniam. d. 24. & in Conc. Trid. sess. 6. c. 1. sess. 14. c. 3. & sess. 23. c. 1. & c. 7. & c. 12. & c. 14. in Decret. Reform. & in sess. 24. c. 18.* Præterea illud commune est, ut conferantur ordines gratis, non munere, aut pretio interveniente. *d. c. Quando. & c. Fin. d. 24.* Quinimmò hoc casu tam ordinatus, quam ordinans sunt puniendi. *S. ipsi verò. inf. eod.* Tertiò commune est, ut minùs idonei non admittantur : quoniam sanctius est, paucos habere bonos, quam multos malos ministros. *S. Item. sup. hoc tit. Abb. in c. Cum sit. de etat. & qualit. c. Tales. 23. d.* Insupèr illud commune est, ut ordines conferantur successivè, & ordinatim, aliàs ordinatus per saltum non potest exercere ordinem, nisi inter-

veniat dispensatio. *c. Unico. de Cler. per salt. promot. c. Sollicitudo. § 1. d.* Idèd debent ordines statutis temporibus conferri, alioquin & ordinantes, & ordinati puniuntur. *S. Igitur. cum seq. inf. eod. c. de eo. c. 2. & c. Cum quidam. de Temp. ordinat.* Nota tamen, quod etiam, quando extrà tempora statuta conferuntur ordines, ordinatus recipit characterem. *c. Penult. ext. eod. tit. de Temp. ord.* Et habes simile, quod puer non est ordinandus ad sacros ordines, si tamen ordinetur, imprimitur character. *c. Vel non est compos. de Temp. ord. & not. in c. Unic. ext. de Cleric. per salt. prom.* Sic etiam non debet, quis à Judæo, vel Pagano baptizari, baptizatus tamen non est rebaptizandus. *c. 1. de Summ. Trinit. & fide Cathol. c. Quodam, & c. Romanus de Consecr. d. 4.* Atque tandem illud commune est, ut se immiscentes in divinis sine ordine, ordinibus perpetuò careant. *S. Quod si is. inf. eod. c. Ut quisquis. de Vit. & Honest. Cleric.* Cætera vide in textu. An si nondum baptizatus, fuerit ordinatus, receperit characterem, an verò debeat baptizari, & iterum ordinari ? Dic quod debet baptizari, & iterum.

rùm ordinari, quia sine Baptismo nullum Sacramentum recipi potest. *g. De eo. hoc tit.* & ibi Glos. Item An Episcopus solus semper conferat minores ordines, an hoc interdum aliis concedatur? Et dic, quod minores ordines etiam ab Abbatibus conferuntur. *g. Illud postremò, hoc tit.* Item An Episcopus, qui renunciavit Episcopatu, possit sacros ordines conferre? Distingue, An loco renunciavit, aut etiam dignitati? quæ omnia traduntur in *g. de eo. & in g. seq. inf. hoc nostro titulo. in fin.*

## T I T. XXV.

*Qui promoveri non possint?*

**I**Nter ea, quæ communia sunt, hoc unum potest etiam connumerari, ut ad ordines non promoveantur, qui ex aliquâ causâ minùs idonei evadunt, & ided ut cognoscantur hi, qui non possunt promoveri, subjicitur iste titulus: & videbimus:

- 1 *Quæ causæ ordinationem impedian?*
  - 2 *Quæ ex his causis dispensationem admittant?*
  - 3 *Qui possint dispensare?*
- Quo ad Primum. Variæ re-

consentur causæ, per quas non potest quis ad ordines promoveri. Quinimò si aliquis promotus est, & in aliquam ex causis infrâ dicendis incidat, ad Superiores ordines non promovetur. *cap. Fin. 55. d. Causæ verò istæ sunt Subjectio, Delictum commissum, Corporis læsio, & Suspicio futuri lapsus.*

Subjectio significat Jus quoddam ab alio habitum in personam ordinandi, quo Jure interveniente, efficitur ut ordinandus plenâ libertate non gaudeat. Hinc servus antiquitus non ordinabatur. *c. Consuluit. de Servis non ord.* Quinimò nec manumissus, quia Patronus aliquod Jus sibi reservabat. *c. Quodcunque. d. 54. g. ratione subjectionis inf. eod.* Et nota, quod hîc Patavii servitutes hominum durarunt usque ad Annum 1200. ut ostendunt mea *Erotemata cap. 133. Quæf. 17.* Hinc etiam fit, quod nec Monachi possunt ordinari, seu ad Ecclesiastica beneficia promoveri sine licentiâ Abbatis. *c. Statuimus. 79. q. 3. g. Monachi, inf. eod.* Hinc etiam prohibitum est Episcopis eos ordinare, qui sunt de alterius Diocesi, nisi habeant licentiam ab Episcopo ordinario, vel ejus Vicario. *c. Nullum Episcopum.*



9. q. 2. c. Pen. & fin. de Supplend. negl. Præl. in 6. §. pari ratione inf. hoc tit. Item quando concurrunt licentia Episcopi Ordinarii, causâ legitimâ intervenire debet. c. 11. sess. 7. in Conc. Trid.

Secunda causâ est delictum commissum, quod crimen significat ejus generis, ex quo pœna capitis efflagitari videatur. c. Si Episcopus. 50. d. c. In memoriam. 19. d. Hinc si quis ex proposito delictum commississet, (putâ homicidium) ordinari non potest: secus si in casu suæ defensionis homicidium perpetrasset. Clem. un. de Homicid. §. Patrari. cum seq. inf. eod. Id tamen verum est, quod si culpa præcedit casum, ordinatio impeditur. c. Continebatur. & c. De cætero. & c. Dilectus. de Homicid. Hinc etiam pœnitentes publici non possunt ordinari. c. Ex pœnitentib. d. 50. c. 1. ext. de Bigam. c. Nullus. d. 55. Et de pœnâ ferendæ publicæ pœnitentiæ vide text. in c. De bis. 50. d. & per DD. in d. c. 1. de Bigam. §. Pœnitentes. inf. eod. Hinc etiam usurarius ab ordinibus repellitur. c. Fin. 46. d. c. 1. c. De Petro. & c. Si quis. d. 47. §. Quod si quis. inf. eod. Hinc Simoniaci, Fures, & similes

personæ ab ordinibus arcentur. c. Seditonarios. 46. d. §. Idem cum seq. inf. eod. Quod autem dicitur de furibus nota, quod quinque intervenientibus potest ordinari fur.

Primum est: Quod spontè confiteatur.

Secundum: Quod satisfaciat damnum passio.

Tertium: Quod egerit pœnitentiam.

Quartum: Quod sit aliâs idoneus.

Quintum: Ut non sit famâ aspersum, ut per Abb. in c. Fin. de Fures.

Tertia causa ordinationem impediens est corporis læsio, dummodò non modica existat. c. Fin. de Corp. vitiat. Quod itâ intelligendum est, si læsio non contingeret in parte non visibili, eo tempore, quo quis intellectu caret, ut putâ si quis fuisset virilibus membris in infantiâ privatus. c. 3. ext. de corp. vitiat. Id etiam intelligendum est, quando membrum adeò est infirmum, ut ad suum munus invalidum esset, veluti si manum quis debilem haberet, ut non posset manus officio fungi; & idem esset, si membrum esset ejus conditionis, ut deformitatem induceret. c. Presbyterum. de Cler. ægrot.

*ægrot. Est text. in §. Cavenda. cum sequen. inf. hoc tit.*

Postrema causa est suspicio futuri lapsus, quæ nihil aliud est, quàm conjectura ex rationabili causâ descendens, quâ quis in errores casurus præsumitur. Hinc si quis in lecto jacens infirmus Baptismum suscepit, promoveri non debet. *§. Sed etsi. inf. eod.* Quem admodum nec rebaptizatus. *c. Confirmandum. de Consecration. d. 4. & c. Quibus. §. scilicet inf. eod.* Hinc prohibentur Presbyterorum filii, & illegitimè nati, quia suspicatur eos posse imitari paternam incontinentiam. *c. i. & tot. tit. de Filiis Presbyt. §. Presbyt. inf. eod.* Hinc etiam ab ordinibus Bigami repelluntur. *c. i. de Bigam.* Et Bigamus dicitur, qui duas habuit uxores, vel unam, sed corruptam; vel qui cum viduâ de facto contraxit, namque etiam hoc casu propter affectum voluntatis cum opere subsequuto fit Bigamus, & in consequentiâ irregularis. Alii dicuntur Bigami interpretativè, ut qui cum viduâ, aut corruptâ contraxerunt. Item qui unam de Jure, alteram de facto habuerunt. Item ille, qui scienter cognovit uxorem adulteram. Alii

dicuntur Bigami propter affectum intentionis cum opere subsequuto. *c. Nuper, & c. A nobis. ext. de Bigam.* Alii propter Sacramenti defectum, ut mariti Viduarum, & corruptarum. Item ille, qui successive, diversis temporibus uxores habuit duas; & de his omnibus vide Glossam in *c. i. ext. de Bigam.* Et nota quod in Sacramento Matrimonii triplex designatur Sacramentum. Primum est unio fidelis animæ ad Deum propter dilectionem, & charitatem, & hoc designatur per conjunctionem animorum in ipsâ primâ desponsatione, dum alter ad invicem consentit in alterum.

Secundum est Unio humanæ naturæ ad Deum, quæ facta est in Utero Virginali per Incarnationem Verbi Dei, & hoc designatur per carnalem commixtionem viri, & uxoris, quod intellige per ipsam actum consummatum designari hoc Sacramentum.

Tertium est unitas Ecclesiæ, ex omnibus gentibus collecta, uni viro Christo subjecta; quod Sacramentum consistit in eo, quod quis unicum matrimonium servavit, nec cum corruptâ contraxit, Clerico postea facto, & ordine suscepto:



pto : vide plenius in Glos. in *c. Debitum . in Verb. Sacramen. ti. extr. de Bigam.* Et hoc quod dictum est de Bigamis, quod non possunt ordinari, verum est in eo casu, quo quis duxerit uxorem ante Baptismum, & alteram post. *c. Acutius . 26. d.* Sive utramque ante Baptismum. *cap. Una. ead. d.* Et quantum spectat ad irregularitatem Bigamiæ, notandum est, non cenferi Bigamiam, nec Bigamum nisi copula intercedat, fueritque matrimonium consummatum. *c. Debitum, & ibi DD. communiter de Bigam.* Hinc etiam à Dæmone obsessi, vel furiosi, item Scenici prohibentur ordinari, quoniam justè timeri potest, ne in errores delabantur, & materiam scandali præbeant : est *g. Fin. inf. eod. c. Maritum . d. 33. in fin. & c. Clerici.* Si tamen aliquis horum fuerit promotus, non deponitur. *c. Quamvis . 7. q. 1. & not. in d. c. Maritum .* Undè etiam quamvis oculo privatus non possit promoveri, attamen si postea talis privatio contingat, retinet ordines, quos habuit. *g. Hæc autem. inf. eod.* Quamvis propter scandalum, & deformitatem amittat executionem. *c. 2. & 3. de Cleric. ægrot.*

Quo ad Secundum : Subiectio quidem impedit ordinationem, sed facillimè impedimentum remittitur; quoniam concessio libertatis efficit, ut ordinatio fiat: quinimodò & facta tenet, etiam si Dominus fortassè ignorasset. *c. Si servus sciente . 54. d.* Et ibi vide per tot. Hinc etiam Clericus alterius Diœcesis cum licentiâ Ordinarii ordinatur. *c. 1. sess. 7. & c. 2. sess. 14. in Conc. Trid.*

Delictum autem commissum, si notorium est, veluti homicidium ex voluntate commissum, dispensationem non meretur. *c. 7. sess. 24. in Conc. Trid.* Si verò est homicidium sine culpâ perpetratum, non est necessaria dispensatio, quod si culpa præcessit, tunc secundum qualitatem homicidii fit dispensatio cum majori, vel minori difficultate. *c. Lata. c. Continebatur . de Homic.* Id tamen verum est, quod si quis delictum commiserit, postquam est ordinatus in susceptis ordinibus, toleratur, sed administratio interdicatur. *c. Studeat . 50. d.* Cæterùm si quis secundariò mortem alicujus procuraverit, veluti si prosequendo propriam offensam ipsum Judici detulerit delinquentem, qui fuerit postea ad

mortem damnatus, potest dispensationem obtinere. *c. Postulanti. ext. de Homicid.* Idem dicitur de Furibus, namque etiam cum his potest dispensari, intervenientibus his quinque suprâ relatis. *c. Non dicatis. 12. q. 1. c. Laici. 33. d. c. Tantis d. 81.* Qui simoniacè ordinati sunt, regulariter dispensationem non solent obtinere, sed cum maximâ difficultate. *Goffr. in Rubr. ext. de Simon. num. 27.* Quo ad tertiam causam Rebaptizati necessitate si in fide perseveraverint, justè ordines suscipiunt. *Arg. tex. in c. Cum per Bellicam 34. d. 1. c. Tunc valere. de Consecrat. dist. 4.* Similiter cum filiis illegitimis dispensatur. *c. 1. de Filiis Presbyt.* Quo tandem ad læsionem, quando est modica, dispensatio non difficiliter obtinetur; si maxima tunc secùs, veluti si quis oculum amississet, tunc enim cum maximâ difficultate obtineretur dispensatio. Id tamen est verum, quod si collati sunt ordines, ordinatio non retractatur, sed executio suspenditur. *c. 2. c. seq. de Cler. ægrot. ut suprâ diximus.*

Quo ad Postremum: Si de minoribus ordinibus tractatur in quibusdam casibus Episco-

pus potest dispensare, secùs si de majoribus. *c. Continebatur. c. Ad audientiam. de Homicid.* Ulteriùs potest etiam dispensare Legatus de Latere, quia quod non est specialitè reservatum Summo Pontifici, intelligitur Legato concessum. *c. Nisi. de Off. Leg.* Insupèr regulariter Summus Pontifex est ille, qui dispensare potest. Idque facit ratione concurrente, veluti si membrum deficiat, vel alia causa, quæ ordinationem impediat, & maximi sit momenti, concurrat. *c. Speculator. §. nunc breviter. de Dispens.*

## TIT. XXVI.

### De Præbendis, & aliis Beneficiis.

**V**idimus de his, qui possunt ad ordines promoveri, sed quia illis, qui promoventur, Præbendæ, seu beneficia conceduntur; ob id nunc tractatur de hâc materiâ. Et pro tituli intelligentiâ videbimus.

- 1 Quid sit Beneficium?
- 2 Quid Præbenda?
- 3 Quibus Beneficia concedantur?
- 4 A Quibus?
- 5 Quot modis?

Quo



Quo ad Primum: Beneficii nomen æquivocum est, sed in nostro titulo præfert Præbendas, & dignitates Ecclesiasticas, & potest dici *Ecclesiasticum Beneficium* (de quo tractamus,) *ut sit distincta, & spiritali munere consueta Jurium Ecclesiarum portio, certis ædibus sacris in hoc assignata, ut perpetuò ad vitam utendo Clerico legitime assignetur*. Tholosan. in suo tractatu Syntagm. Juris. lib. 17. c. 2. n. 2. Vel potest dici *Ecclesiæ concessio, utilitatem, fructumque reddens*. ibid.

Quo ad Secundum: Præbenda primo loco significat perceptionem quandam fructuum à canonicatu sejunctam, quæ etsi de rebus Ecclesiasticis datur, tamen non ratione officii, sed laboris temporalis de Ecclesiâ benemeritis conceditur. *c. Fin. ext. de Magist.* Secundo modo Præbenda sub nomine beneficii continetur. *c. Pro illorum. c. Fin. de Præbend.* Et est Jus percipiendi proventus Ecclesiasticos alicui tanquam Uni de Collegio competens, & ex Canoniâ procedens. *§. Præbendæ hic. c. Relatum. de Præbend.* Non enim debet esse quis Canonicus sine Præbendâ; & fuit inventa Præbenda, ut ille, qui Altari servit, possit de

Altaris redditu victum percipere. *§. Cum enim. inf. eod. hoc tit.*

Quo ad Tertium: Præbendæ, & beneficia conceduntur illis, qui sunt ordinati, & Clero adscripti, & illis potissimum, qui per se possunt in Ecclesiis deservire, & munus injunctum explicare. *c. 1. 2. sess. 24. In Conc. Trid.* vel ut inquit Goffredus in *Summa in Rubric.* num. 2. conceditur idoneæ personæ, quæ resideat in loco, & curam ejus valeat per se exercere. *c. Relatum. ext. de Cler. non resid.*

Quo ad Quartum: Regularitèr præbendæ conceduntur à Prælato Ecclesiæ, in quâ præbenda vacat. *c. Ex frequentibus. & c. Ad decorem. de Institut.* Verum tamèn est, quod interdùm de consuetudine in contrarium observatur. *c. Cum Ecclesia. de Elect. ext. de Concess. Præb. c. Nulla.* quoniam interdùm Prælatus cum Capitulo, interdùm autem Capitulum beneficia confert. *d. c. Nulla. & sunt text. in c. 1. 2. 3. & c. Novit. De his, quæ sunt à Præl. sine cons. capit.* ubi Prælatus solus confert. *d. c. Cum Ecclesia.* ubi Capitulum solum sine Prælato confert: sed de Jure communi Prælatus unâ

cum Capitulo suo institutiones, & concessionem facere debet. *d. c. 1. 2. 3.* Verum tamen est, quod si tractatur de Dignitatibus, collatio pertinet ad Summum Pontificem, qui in Beneficialibus est Dominus. *c. Cuncta. 9. q. 3.*

Quo ad Postremum: Duobus modis conceduntur Beneficia, & Præbendæ: Institutione, & Collatione: de quibus infrâ dicemus. Hoc tamen est advertendum, quod concessio debet fieri purè, & sine aliquâ pactione, & diminutione. *c. Un. ext. Ut Eccles. Benef.* Et adverte, neminem esse ordinandum, qui non habeat Præbendam, vel Beneficium aliquod; & si Episcopus aliquem inopem ordinaverit, tenetur illi præstare necessaria, donec ei aliquam Præbendam, vel Beneficium assignet. *c. Episcopus. ext. eod.* & de hoc est. *c. 2. in Decret. de Reform. sess. 21. in Concil. Trid.* Verum si quis habeat Patrimonium sufficiens potest ordinari ad titulum Patrimonii, ut in *Concil. Trid. d. sess. 21. c. 3. in Decret. Reform.*

## T I T. XXVII

## De Collationibus.

**Q**uoniam inferiora Beneficia conceduntur vel per Collationem, vel per Institutionem, cum Collatio videatur præcedere tanquàm pendens ex arbitrio Superioris, ob id nunc agitur de Collatione: & pro tituli expeditione videbimus:

- 1 *Quid sit Collatio?*
- 2 *Quot modis fiat?*
- 3 *Qui possint conferre?*
- 4 *Quæ Ecclesiæ conferantur?*
- 5 *Intrâ quæ tempora?*
- 6 *Quæ sint in Collatione observanda?*

Quo ad Primum: Collationis verbum æquivocum est: significat enim contributionem bonorum à Præatore institutam: & quasi communicationem præfert, de quâ in *tit. ff. de C. de Collat.* Deindè significat rei ad rem comparationem. Sed quo ad materiam nostram, Collatio est libera quædam Præbendæ concessio, quæ ab habente potestatem fit gratuito in Clericum; Vel potest dici, Gratuita quædam Beneficii vacantis assignatio, legitime facta ab eo, qui potestatem habet. Abb. in *c. Relatum. num. 4. ext. de Præben.*

Quo



Quo ad Secundum: Ut hoc caput plenè intelligatur, distinguendum est inter personas conferentes: Etenim si de Summo Pontifice tractatur, quoquo modo potest fieri collatio. Purè quando collatio fit sine clausulâ suspensivâ, vel dilativâ. Item in Diem quando confertur Præbenda, quam quis intrâ mensem, aut aliud tempus, à vacationis notitiâ duxerit acceptandam. *Clem. Un. de Conces. Præb. Vers. quia eod.* Quo casu si in rescripto adest Decretum irritans, collatio facta ab Ordinario intrâ illud tempus est nulla. *c. Si soli. de Conces. Præbend. lib. 6. est tox. in §. Dies. hoc tit.* Ubi ratio redditur, quia Decreti appositio, reservatio, executoris inhibitio, & lis mota afficiunt beneficium. *c. Tibi qui. de Rescript. in 6. De Conces. Præbend. per tot. c. 1. c. 2. Ut lit. pend. in 6.* Alios autem modos, quibus beneficia afficiuntur, refert Glossa in *d. §. Dies. in Vers. lis mota*. Item fit sub conditione, quando in rescripto conditio aliqua adjecta est: ut in *§. Sub conditione. bñc.* Et est differentia inter hunc, & alium casum, quia in hoc casu appposito irritante decreto, non impletis adhuc conditio-

nibus, vacans beneficium per Ordinarium, aut per Executorem ad providendum de tali beneficio datum, liberè conferri poterit; quod secus est in casu superiori, ut suprâ diximus. Rursus sciendum est Quod si collatio fit à Pontifice motu proprio, plenissimè interpretatur; itaut ille, cui facta est concessio Ecclesiæ, alia beneficia retineat: si verò est facta concessio ad partis petitionem, tunc secus. *§. Multum. inf. hoc tit. Clemen. Gratia. de Rescript. c. Gratia. de Rescript. in 6. c. Si motu. de Præbend. in 6.* Similiter si motu proprio fit provisio, & plures vacent præbendæ, de pinguiori intelligitur facta collatio. Si verò fiat ad petitionem partis, tunc de minori intelligatur: & si in primo casu beneficia sunt æqualia, eligit ille cui gratia est concessa; secus autem est in secundo casu. *§. Item. cum seq. inf. hoc. tit. c. Supèr eo. 2. de Test. notatur in c. Sedes. de Rescript. c. In obscuris. de Re judicatâ in 6.* Gratia autem dicitur fieri motu proprio, quando hoc expressè cautum fuerit. *§. Motu autem. inf. bñc. d. c. Si motu.* Quod si collatio fiat à Legato, vel Ordinario, tunc purè, & simpliciter fieri debet.

bet sine ullâ diminutione . *c. Dilectus . 1. c. Majoribus . ext. de Præbend.*

Quo ad Tertium: Tres possunt referri personæ, quæ Beneficiâ conferunt . Summus Pontifex , Legatus , & Ordinarius . Ordinarius Collator est ille, quem consuetudo approbavit, aut Juris autoritas designavit, ut Episcopus . *§. 1. hoc tit. c. Omnes Basilicæ . cum ibi alleg. 16. q. 3.* Etenim interdum Episcopus , interdum Capitulum separatim conferunt ; nonnunquam Capitulum , & Episcopus simul ; & hoc casu nec Episcopus sine Capitulo , nec Capitulum sine Episcopo potest conferre . *§. Quam conferendi . hoc nostro tit. c. Un. Ne Sed. Vac. aliq. innovetur .* Nisi fortè alter impeditur, vel per suspensionem , vel per majorem excommunicationem , vel propter mortem . *d. §. Quam conferendi . c. In apib. §. in quibus . 7. q. 1. & 23. q. 2. in princ.*

Quo ad personam Legati : Illud sciendum est : Quod tres sunt species Legatorum . Legati missi , & sunt illi , qui ad certum negotium, vel Provinciâ designantur, & Apostolici Nuncii dicuntur . Alii sunt nati, qui simul atque pro-

moti sunt ad aliquam Ecclesiam , ipso Jure sunt Legati Papæ in suâ Provinciâ ; ut Episcopus Cantuariensis . *c. 1. de Off. Legati .* Alii sunt Legati de Latere, & hi secundum communem opinionem dicuntur Legati Cardinales, de quibus vide Glos. *in d. c. 1. de Offic. Leg. & in c. Excommunicatis . in verb. commissæ . eod. de Offic. Leg.*

Modò Legati missi, vel nati non conferunt, nisi sibi specialitè hoc concedatur . Legati autem de Latere conferunt . *§. Ex legationis . in hoc tit. etiam Patrono invito . cap. Dilectus . de Offic. Legat.* Verum quomodo hoc procedat? vide Glos. *ibi in concessione .* Id tamen certum est, quod non possunt eodem tempore plures facere reservationes . *c. Præsenti . de Offic. Leg. in 6.* Verum materia reservationum per Concil. Trid. est correctâ *c. 19. sess. 24.* Illud etiam est, in collatione factâ tam ab Ordinario, quàm à Legato observandum , ut nullum Jus acquiratur, nisi ille, cui facta est concessio, consentiat; quod ut facere possit, terminus assignatur, intrâ quem Collatores mutare sententiam non possunt . *§. Illud . cum seq. hâc . c. Si tibi . de Præb. in 6.*

Nota



Nota tamen quod termino elapso, re adhuc integrâ, is, cui gratia est facta, potest consentire, qui si prius expressè dissenserit, rursus poterit ac consentire, si Conferens maneat in eâdem voluntate, ut notatur in *d. c. Si tibi. in fin. de Præbend. in 6.*

Tertia persona, quæ potest Beneficium conferre, est Pontifex, qui quidem confert, quotiescunque rescribendo mandat, ut de Beneficio, vel Præbenda alicui provideatur. *c. Mandatum. cum duob. seq. de Rescriptis.* Licet rescriptum largo modo dicatur, quicquid à Papâ rescribitur ad consultationem, relationem, seu intimationem alterius, vel etiam dum indulget alicui. Et adde, quod quotiescunque de Mandato Apostolico providetur, non solet provisio extendi ad beneficia curata, nisi id fuerit etiam expressum. *g. Ex nostra. inf. hoc tit. cap. Cum in illis. de Præbend. in 6.* Item mandatum faciens mentionem de collatione non potest trahi ad præsentationem, vel institutionem; itaut si alicui de Beneficio, quod ad alicujus collationem spectat, provideri mandatur, hoc casu, de eo, quod ad ejusdem præsentationem, vel

institutionem pertinet provideri minimè poterit. *g. Idem obtineri. hic. d. c. Cum in illis. g. Cum autem.* Et nota, differentiam inter collationem, & institutionem; nam collatio propriè dicitur, quando beneficium est liberum, & in merâ dispositione Episcopi; itaut disponat de illo beneficio Jure suo ordinario, absque aliquâ præsentatione. Sed quando beneficium non est liberum, sed est in Jure Patronatus alicujus, quia Patronus præsentat, & ad præsentationem Patroni Episcopus instituit, illa propriè dicitur institutio. *Gloss. in Rubr. de Instit. in 6.* Item si in litteris facta sit mentio de beneficiis obtinendis, illæ litteræ non habent locum in Pensione. *g. Et si quibus. hic.* Sed in hoc plura apud Garziam. *de Benef. part. 3.* Ubi tractat de his, ad quos spectat dispositio, seu Beneficii collatio, atque de Regularum Cancellariæ reservationibus tractatur, in quibus non insisto, cum hæc sit amplissima materia, de quâ Gonzalez, & Lotterius scripserunt grandia Volumina. Sed illud tantum subnectam, quod in Regula Mensium, Ordinariis quatuor tantummodò menses reservantur, scilicet.

scilicet Martius, Junius, September, & December, nisi eis gratiam alternativæ Summus Pontifex fecerit, quâ altero quoque mense conferent, ita tamen ut *Januarius* Papæ contingat, & de hâc alternativâ supponitur sequenda pars Regulæ prædictæ, & in utrâque parte plura dicit Garz. ubi supr. Gonzal. & Lotter. ad quos in litigiis est recurrendum.

Quo ad Quartum: Majores Ecclesiæ vacantes, & vacaturæ à Summo Pontifice conferuntur, quæ facultas aliis est interdicta. *c. 2. de Præbend. lib. 6.* Et quotiescunque Summus Pontifex alicui Præbendam vacaturam concesserit, si is, cum vacaverit, eam non petierit ob negligentiam aliquam, in eâdem Ecclesiâ petere non poterit, nisi fuisset in Canonicum electus. *c. Si Clericus. Vers. verum. de Præbend. in 6. c. Commissa. de Elect. in 6.* Ordinarius tamèn ponit omnia Beneficia Curata ad concursum ex *Concil. Trid. sess. 24. de Reform. c. 18.* Quod si in genere fuisset facta concessio potest primum, vel secundum Beneficium petere; non tamen quis posset præcisè illud, quod est concessum petere, vel acceptare, si non vacaret. *c. 2.*

*de Præbend. c. Ne captandæ. de Concess. Præb. in 6.* Alias autem vacantes Ecclesias, & omnes Basilicas ipsius Territorii conferre potest Episcopus, dummodò vacantes conferat, non vacaturas. *d. c. 2. de Concess. Præb.* Legatus autem de Latere confert Ecclesias vacantes, & vacaturas, dummodò intèr Provinciam, in quâ est Legatus, vacat: idest reservat jus conferendi, non autem absolute vacaturas confert. *c. De liberatione. de Offic. Leg. in 6. §. 1.*

Quo ad Quintum. Collatio Beneficiorum regularitèr facienda est intrâ sex menses, quod tempus currit à die notitiæ, dummodò nullum impedimentum currat. *d. c. 2. de Conc. Præbend. & ibi Abb. & c. Quia diversitatem. eod. c. Litteras. de Supplend. negl. Prælat. §. tempus. hoc tit.*

Quo ad Postremum: In tractatu de collatione à Summo Pontifice facienda hæc observantur.

Primum: Ut qui habet expectativam, non possit certum beneficium, antequàm vacet, expectare, seu acceptare, sed illud, quod vacaverit. *§. Vel secunda vice. d. c. Ne captandæ.* Deindè ut præferatur ille, qui est



est institutus à Pontifice , si fortè evenerit , ut eodem tempore sit beneficium ab ordinario collatum , nisi fortè quis esset in possessione . *arg. c. Per tuas . de Major. & Obed. c. Si à Sede . de Præb. in 6. §. Item . hoc tit.*

Tertiò illud in collatione Summi Pontificis servatur , ut rescripti fines diligentèr observentur . Hinc est , ut si mandet Summus Pontifex , ut provideatur alicui de Beneficio certi valoris , valor ille non exceditur . *§. Sunt . hic . c. Cui de non Sacerdotali . de Præb. in 6.* Hinc est etiam quod si alicui est providendum de Beneficio valoris viginti aureorum , non potest pensio assignari ejusdem quantitatis , ut supra dixi . *arg. c. Illud . 16. q. 6.*

Servatur ulteriùs , ut factà collatione à Pontifice de Beneficio , quod erat conferendum ab Episcopo , qui fuit negligens , undè per ejus negligentiam est quæsitum Jus conferendi Capitulo , non teneat collatio in præjudicium Capituli , nisi Pontifex derogare voluerit . *§. Eâdem ratione . juncto . §. Is quoque . hic . c. Litteras . de Supplend. negl. Præl. Clem. Si de Benef. & ibi not. de Præbend.* Non omittam , ser-

vari in collatione Pontificis , ut beneficia conferantur , cui ætas conferri patitur . *§. Interdum . hic .* Hinc si Præbenda vacatura fuerit concessa alicui , qui non sit Sacerdos , nec habeat ætatem habilem ad Sacerdotium , & Præbenda Sacerdotalis vacaverit , hæc ei non confertur . *cap. Ei cui . de Præb. in 6.* Insupèr Rescripta Pontificia interpretantur ex loco ; nam si alicui concedatur Ecclesia Civitatis , tunc Cathedralis intelligitur exempta , quod secùs esset si in Provinciâ diceretur . *§. Ex loci . inf. hoc tit. c. Quia periculosum . de Sent. Excommunicat. in 6.* Et de hoc alia ratio non redditur , quam illa , quod lex ita statuit . *l. Prospexit . ff. qui , & à quib. c. In causis . de Re Judic. §. Furtivæ . Vers. non furtivam . Inst. de Usucap.* Accedat servari in provisione Pontificis , ut scripturæ ordo servetur : Hinc si duobus à Papâ rescribatur , ut alicui provideatur , & in utroque loco beneficium vacet , ad illum , qui priùs est nominatus , provisio pertinet ; est *tex. in §. Ex ordine in hoc tit.* Secùs modò esset si collatio unius Beneficii tantùm ad plures spectaret , quoniam videtur omnibus præceptum , ut provi-

deant, & beneficium conferant. *§. Si vero. inf. hic. c. Cum in illis. §. fin. de Præb. in 6.*

Adhuc servatur, ut cessante causâ propter quam fit collatio, cesset etiam rescripti virtus: Hinc si Papa mandet, ut Clerico Pauperi provideatur, & Clericus Beneficium obtinuerit, Provisio Pontificis cessat. *c. Si Pauper. de Præb. in 6.* Et hoc casu litteræ dicuntur in formâ pauperum; aliâs vocantur in formâ secundum Apostolum, quæ dicuntur litteræ justitiæ, vel quasi. *c. Cum secundum. de Præbend.* Addamus servari in collatione Pontificis, ut non expiret conferendi facultas, quando est sine expressione personarum concessio facta; secus si est certa persona expressa; & re integrâ concedens moriatur. *§. Illud. hic. c. Si cui. & c. Si Episcopus. de Præb. in 6.*

Potremò loco Apostolici rescripti est virtus, ut si alicui generaliter committatur provisio, possit mandatarius alteri vices suas committere, quod secus esset, si fuisset electa industria personæ, & nihil esset in rescripto dictum, ut possit eligens per alium providere. *§. Penult. in hoc tit. eod. c. Is cui. c. Fin. §. Cujus. de Off. deleg. in 6.*

Omnia supradicta de Collatione circâ Beneficia vacatura hodiè omninò recesserunt ab aulâ, quia Concil. Trident. *sess. 24. de Ref. cap. 19.* abolevit expectativas quascunque de Beneficiis vacaturis, quia ex eis jurgia infinita oriebantur. Nicolius *Lucubr. Canon. lib. 3. tit. 8. num. 3.* & Barbosa in *Collect. DD. ad d. cap. 19.*

Quod autem ad personam Legati de Latere, & Ordinarii collatoris requiritur, ut beneficia conferantur personis idoneis, intrâ tempus legitimum, & conferatur Beneficium sine ullâ diminutione. *§. fin. hic.* Quod etiam suprà dictum est.

## T I T. XXVIII.

### De Institutionibus, & Jure Patronatus.

**C**UM duo sint modi, quibus inferiora Beneficia conferuntur, *Collatio, & Institutio*, & suprà tractatum sit de *Collatione*, nunc agendum de alio modo venit, nempe de *Institutione*: quæ tunc propriè locum habet, quando conferuntur Ecclesiæ, in quibus aliquis jus habet. Et pro tituli expeditione videbimus:

I *Quid*



1 *Quid sit Institutio?*

2 *Quid sit Jus Patronatus?*

3 *Qui possint Jus Patronatus habere?*

4 *Quomodo Jus Patronatus constituatur?*

5 *Quomodo Jus Patronatus Laicorum alteri acquiri possit?*

6 *Quomodo Jus Patronatus conferatur?*

7 *Quomodo amittatur?*

Quo ad Primum. Institutionis nomen æquivocum est, ut in *Glos. prima. hic*. Sed in casu nostro significat collationem necessariam, quæ fit ab Episcopis in præsentationibus ab inferioribus factis, per quam collationem approbatur factum illorum: ut not. in *c. Post electionem. de Concess. Præb. in 6.* Et similis est collationi, quia qui confert, seipsum non potest instituere, ita nec is, qui se præsentat. *g. Sunt autem. hoc tit. c. Didicimus. 24. q. 1.* Item sicut non conferuntur Ecclesiæ vacaturæ, item nec Jus Patronatus. *g. Item. hic. c. Constitutus. & c. fin. de Conc. Præb.* Differunt verò Collatio, & Institutio, quia Capitulum, quod non potest conferre beneficia, quorum Collatio ad Episcopum pertinet, potest Sede vacante instituere, præsentat-

tos. *g. Dissimiles. b. t. c. Illa. extr. de Sede Vacante.* Insuper Collatio ad ordinarios, & Ecclesiasticos pertinet, Præsentatio verò, & Jus Patronatus etiam ad Laicos *c. 2. & 3. de Jure Patronat.*

Quo ad Secundum. Jus Patronatus terminus est etiam Juris Civilis, & Juris Canonici. Secundum Jus Civile significat Jus, quod habet quis in personam manumissam. *tot. tit. de Jure Patron.* Secundum Jus Canonicum est Jus præsentandi Clericum ad Ecclesiam vacantem, ex gratiâ concessum ei, qui consentiente Episcopo, vel fundavit, vel construxit, vel dotavit Ecclesiam. *g. 1. cum seq. b. t. c. Filiis. c. Pie mentis. 16. q. 7.* Sunt qui describunt Jus Patronatus dicentes: *Ut sit Jus honorificum, onerosum, & utile competens alicui in Ecclesiâ, pro eo quod Diocesani consensu Ecclesiam fundavit, construxit, & dotavit, vel ipse, a quo causam habuit solus, vel alio concurrente.* Ita Tolos. in *tractat. de Jure Patron. c. 4. lib. 17. n. 1.* Et dicitur Ecclesiasticum, quia spiritali est annexum. *c. Quando. ext. de Judic.* Et hinc est quod de per se non potest vendi. *c. Ex litteris. c. Cum secundum. eod. g. Sed si quis b. t.*

Sed benè transit cum universitate bonorum . *dictis Jurib.* & notatur in *d. c. Cum secundum* .

Quo ad Tertium . Hic regula constituenda est generalis, posse Jus Patronatus à quocunque sive Clerico , sive Laico haberi , nisi fortè speciali ratione quis prohibeatur , ut sunt , qui propter delictum damnati fuerunt , veluti propter crimen hæresis, aut aliud simile delictum . *c. In quibusdam . §. fn. ext. de Heret. o. Si quis deinceps . c. Quisquis . 17. q. 10.* Isti enim in Ecclesiâ Jus aliquod habere non possunt . *d. c. Didicimus.* Neque quod ad hoc distinguitur inter masculos, & fœminas ; eo quod indistinctè, & masculi , & fœminæ hoc Jus habere possunt, quod sæpè evenit , ut quando fœminæ hæredes existunt, quoniam tunc cum universitate bonorum habent etiam Jus præsentandi , quod ad delictum pertinebat . *Abb. in Rubric. & in c. 1. de Jur. Patron.*

Quo ad Quartum . Tria potissimùm existunt, quæ Jus Patronatus constituunt , Ædificatio, Dos, & Fundatio . *d. c. Pie mentis . c. Filiis . 16. q. 7.* Probatur in *c. Nemo. in Concil. Trid. sess. 14. de Reformat.* & est

*tex. in §. Constituitur. hoc tit.* Etenim si quis , consentiente Episcopo loci , ac servatis servandis, Ecclesiam construxerit , Jus Patronatus acquirit . *c. Nobis . de Jur. Patronat.* similiter si quis Ecclesiam non construxerit , vel ædificaverit , sed Ecclesiæ jam ædificatæ redditus assignaverit de Patrimonio proprio , adhuc ut possint in Ecclesiâ divina , quotidianis temporibus , celebrari officia , acquirit quasi in remunerationem Jus Patronatus . *c. Nemo. de Consecrat. d. 1. c. Ad audientiam . de Eccl. repar. vel ædific.* Vel tandem , qui fundum tradiderit his , qui Ecclesiam ædificare volunt , ad hoc ut ibidem Ecclesia constituatur , Jus Patronatus similiter acquirit , *ut ibid. dicitur .*

Quo ad Quintum . Duobus modis Jus Patronatus postquam est apud Laicos in alios transfertur : Vel titulo universalis , vel titulo singulari . Si titulo particulari debet gratia transferri , quo casu requiritur assensus Episcopi , nisi in locum religiosum transferatur , vel ei , qui Compatronus est . *c. Ex insinuatione . & Gloss. ibid. ext. de Jur. Patron. c. Unic. de Jure Patron. in 6.* Vel transfertur titulo universalis , quo in casu



casu non gratis transferri potest ; sed tunc non consideratur de per se , sed veluti quoddam in universitate comprehensum . *c. Ex litteris . de Jur. Patron.* Rursus acquiritur Jus Patronatus inter vivos , & per actum inter mortuos . Per actum inter vivos veluti donatione , cessione gratis factâ , aut simili modo . Per actum inter mortuos , veluti ex successione ab intestato , vel ex Testamento , quando quis succedit ei , qui Jus Patronatus habet . *cap. 1. ext. eod. de Jur. Patron.* Goffred. *in tit. de Jur. Patron. n. 7.* Ubi etiam dicit , quod mutatur cum alio spirituali . *c. Nemini. 16. q. 7.* Unum tamen moneo , quod Jus Patronatus transit in filios , si sunt hæredes , alioquin in hæredem institutum . *Abb. inc. 1. n. 2. ext. de Jur. Patron.*

Quo ad Sextum . Vacante Ecclesiâ illud in primis observatur , ut de *Œconomo* provideatur . *c. Cbaritatem. 12. q. 2.* deindè ut omnes , qui jus habent præsentandi , vel habere credunt ( etenim & istorum præsentatio rata est . *c. 9. sess. 25. de Reform. in Concil. Trid. §. Interdum . hic .* ) præsentent ; & si fortè inter se dissentiant , ille præfertur , qui à

majori parte est præsentatus . *§. Et si fortè . inf. eod. c. Si fortè dist. 63. & c. Quoniam . ead.* Præterea præsentatio fit Episcopo , quia si alteri facta esset , nulla foret . *c. 13. sess. 14. de Reform. in Concil. Trid. & sess. 24. c. 28.* Qui quidem Episcopus tenetur præsentatum idoneum admittere , & instituere . ut in *d. c. 9. & notat. in c. Quamvis . de Rescript. lib. 6.* Et si fortè contingat , ut patroni inter se non consentiant , potest Episcopus Patronos ad concordiam revocare interdicens divina . Tempus verò præsentandi est quadrimestre respectu Laicorum , vel semestris respectu Clericorum . *cap. Unic. eod. in 6. §. Sunt tamen . hoc tit.* Accedat , necessarium esse , ut præsentent idoneos , alioquin præsentatio nulla diceretur . *c. Cum dilectis . & ibi notat. de Jur. Patron.* Illud tamen verum est in Laico , ut possit unum , deindè alterum præsentare . *d. §. Sunt tamen .* Sed hoc casu Episcopus eligit pro Arbitrio . *Goffr. in Rubr. de Jur. Patron. num. 4.*

Quo ad Postremum . Quatuor potissimum modis Jus Patronatus amittitur . Destructione Ecclesiæ ; veluti si Ecclesia igne , vel terremoto corruerit .

Ces-

Cessione, veluti si quis habens Jus Patronatus ipsi Ecclesiæ hoc Jus cesserit. *c. Unic. de Jure Patr. in 6.* Constitutione Collegii, veluti si, Patrono consentiente, sine reservatione Juris Patronatus, Ecclesia ipsa collegiata efficiatur. *d. c. Nobis. de Jur. Patr.* Ac tandem amittitur Jus Patronatus propter delictum, veluti si Patronus hæreticus evaserit, Rectorem Ecclesiæ interfecerit, ac simile delictum perpetraverit. *c. Si quis deinceps. & c. Quisquis. 17. q. 14.* & isti quatuor modi traduntur, in *5. Pen. & ult. hoc tit.*

## TIT. XXIX.

*De Clericis non residentibus.*

**Q**uoniam factâ provisione, vel per Collationem, vel per institutionem, tenentur Clerici residere in Ecclesiis, ad quas assumuntur, ob id iste titulus subjicitur, in quo videmus:

- 1 *Quid residere significet?*
- 2 *Quando Clerici non residentes excusentur?*
- 3 *Quando non residentes puniantur?*

Quo ad Primum. Residere nihil aliud significat, quàm in

loco permanere, in quo quis Ecclesiam obtinuit, itaut Ecclesiæ deservire possit: Et è contrâ non residere est propriam deferere Ecclesiam, aliòquin vagari. *Gloss. in c. Nonnulli. ext. de Cleric. non resident.*

Quo ad Secundum. Illud primò loco sciendum est, quod quotiescunque quis beneficium obtinet, debet personalem residentiam præstare. *c. 2. sess. 6. in Concilio Trident. de Reform.* Quod si electus fuerit, qui non potest residere, & electus privatur beneficio, & eligentes puniuntur. *c. Quia nonnulli. c. Relatum. & toto tit. extr. de Cleric. non resident. 5. 1. hoc tit.* Modò si quis Romanæ Curiae seu Pontifici deserviverit, seu proprio Episcopo, etiamsi non resideat, excusatur. *5. Justè. hoc tit. c. Dilectus. eod. & per Abb. in c. Olim de V. S. c. De cætero. eod. tit.* Insuper excusatur ille, qui causam Ecclesiæ in alio loco defendit. *c. Ex parte. 2. eod.* Quemadmodum & ille, qui abest studiorum causâ, quo casu quinquennium conceditur. *c. Fin. de Magistr. in Concil. Trid. sess. 5. c. 1. de Reform. Abb. in c. Tuæ, & in c. Licet. ext. eod.* Excusantur & illi qui inimicitia, vel infirmitate



tate residere non potuerint .  
*c. Relatum . c. Inter . ext. eod.*  
 Causas autem obiter enumerat  
*Conc. Trid. sess. 23. c. 1. de Reform.* his verbis: *Nam cum Christiana charitas , Urgens necessitas , debita obedientia , atque evidens Ecclesie , vel Reipublice utilitas aliquos nonnumquam abesse possulent , & exigant , &c.*

Quo ad Postremum . Qui non resident , & non sunt excusati ex causâ legitimâ , puniuntur , itaut si per sex menses à propriâ Ecclesiâ abfuerint , fructuum portio adimatur eis , quæ erit quarta pars , & si creverit contumacia per alios sex menses , alia quarta fructuum priventur . *d. c. 1. sess. 6. de Reform. in Concil. Trident.* Quinimmò si quis habet dignitates in Cathedralibus Ecclesiis , & ultrâ tres menses alibi sine indultu moratur , dimidia fructuum portione privatur , & si creverit contumacia , tunc omnes fructus auferuntur . *sess. 24. cap. 12. de Reform. in Concil. Trid.* Immodò semestris tempus videtur coarctatum usque ad tres menses ad summum . *c. 1. de Reform. sess. 23. in Concil. Trid.* Accedat quod illi , qui proprias Ecclesias deserunt , licentiâ non obtentâ , privantur quotidianis distributionibus

*c. 3. de Reform. sess. 22. & peccatum committunt . c. 1. sess. 23.* Ac tandem si gravis contumacia efficitur , deponuntur , & beneficio privantur , ut in Bulla Pii Quarti de Residentiâ Prælat. & *c. Qualiter . & c. Inter. ibiq. not. ext. de Cleric. non resident.* Et de hâc materiâ vide per Navar. in *Manuali . c. 21. num. 121.*

## TIT. XXX.

### De Regularibus , & Monachis.

Quoniam inter Ecclesiasticas personas Monachi , & Regulares existunt , ob id nunc de hâc materiâ differitur : Et pro tituli expeditione videbimus :

- 1 Quis Monachus dicatur?
- 2 Quis Regularis?
- 3 In quibus differant?
- 4 Qui possint ordinari in Monachos , seu Regulares?
- 5 Quot modis quis fiat vel Regularis , vel Monachus?
- 6 Quæ requirantur , ut quis Monachus fiat?
- 7 Ad quæ teneantur Monasterium ingressi , & quomodo vivere debeant?

Quo ad Primum . Monachi , qui ab unitate , vel solitudine dicun-

dicuntur . *c. Monachum* . 20. *q. 1. c. Si cupis* . & *c. Placuit* . 16. *q. 1.* illi propriè dici debent , qui virtute regulæ solitariæ in Monasterio permanent , nec se Prædicationibus immiscent , ut sunt illi , qui sunt Ordinis S. Benedicti , & qui habent bona in communi . *c. Monachus* . *c. Iusta* . 16. *q. 1.* Nec isti propriè Fratres appellantur , sed Religiosi , licèt vocabulo latè sumpto , quicumque tria vota emittit , hoc nomine significetur . *Clem. Exivi . de Verbor. Signif. Clem. Unic. de Excess. Prælator. c. Nimis prava . c. Nimis iniqua . extr. de Excess. Prælat.*

Quo ad Secundum . Regulares omnes illi appellantur , qui Regulam aliquam , & tria substantialia vota , *Paupertatem* scilicèt , *Castitatem* , & *Obedientiam* in aliquâ Religione approbatâ , profitentur . *cap. Ad Monasterium . de Stat. Religios.* Isti enim Regulares habent certum modum Religiosè vivendi , & in hoc differunt à Monachis , qui strictiori vivunt Regulâ . Vide *Glos. in Rubr. hoc tit.* & secundum *Goffred. in Summâ hujus tit.* Regulares itaque sunt , qui ad vivendum regulariter , idest sub aliquâ certâ Regulâ , & ordine se adstringunt . Undè ex hoc appa-

ret , appellatione Regularium , etiam Monachos contineri . *ut hic in princ.*

Quo ad Tertium . Differunt in hoc Monachi à Regularibus , quia Monachis , ut dixi , vita magis restricta videtur injuncta . *§. Fugitivos . cum seq. b. t. c. Quod Dei timorem . De Stat. Monach.* Verùm his temporibus ista nomina confunduntur . Hinc sæpè sæpius Monachi Regularium nomine designantur . *c. 12. sess. 23. de Reform. in Concil. Trid. c. Ex parte . ext. Ne Clerici . vel Monach. c. Præsens . 20. q. 3.*

Quo ad Quartum . Regula est Generalis , quod omnes possunt esse Monachi , nisi speciali ratione quis prohibeatur . Prohibetur verò

Primò , qui non habet ætatem legitimam . *§. Quod si impubes in hoc tit. c. 1. & 2. & c. Ad nostram . ext. eodem de Regular.*

Secundò prohibentur Servi . *c. Si servus . d. 54.* Attamen si per triennium in Monasterio permanserit , efficitur liber . *§. Quemadmodum . inf. eod.* Quod si extrâ claustrum sit assumptus ad Clericatum , annus sufficit , ut notatur *in d. c. Si servus . vers. debent.* Ratio diversitatis est , quia Clerici sunt in publico , Monachi verò latent .

Ter-



Tertiò: Debitis gravatus.

Quartò: Coniuncti matrimonio, reclamante Coniuge. *ext. de Convers. Conjug. c. Conjugatus*. Videlicet post consummatum Matrimonium, alter conjugum invicto altero non potest Monasterium ingredi, juxtâ tex. in *c. Ex publico. de Convers. conjug.* Quem videas.

Quintò: Episcopus sine Pape licentiâ. Abb. in *c. Licet. num. 6. extr. eod.*

Sextò: Prohibentur furiosi, & mentecapti. *c. Sicut tenor. ext. eod.* Ac tandem qui spontè non ingrediuntur Monasterium, non admittuntur. *c. Si quis. ext. eod. §. Monachi in fin. hic*. Et circâ hoc vide, quæ statuit Concilium Tridentinum: *sess. 25. c. 17. & 18. tit. de Regul. & Monial.*

Quo ad Quintum: Tribus modis efficiuntur homines Regulares, vel Monachi: Aut ex paternâ devotione; Aut ex propriâ Professione, Aut ex voti emissionem.

Ex Paternâ devotione, quando Pater filios impuberes Monasterio offert, quo casu si ingressus agens annum decimum sextum ingressum ratum habuit, exire amplius non potest. *c. Cum virum. c. Significatum. ext. eod.* In *§. Monachi* dicitur,

quod in Anno quintodecimo potest approbare ingressum, quod non est verum, per dispositionem Concilii Tridentini *sess. 25. cap. 15. in tit. de Regul. & Monial.* ubi nemo potest profiteri ante annum decimum sextum; itaut Professio antea facta nullum pariat effectum: unde tolluntur notata in *c. Ilud. extr. eod.* Ubi vide.

Propriâ Professione quis Monachus fit, quando spontè Monasterium ingreditur, vel post tempus probationis ratum habet. Abb. in *c. ad Apostolicam. ext. eod. §. Propria. hic*. Ubi potest quis & tacitè, & expressè Monachus fieri: Primo modo approbando habitum receptum, ut ex nimia morâ in Monasterio, vel ex morâ per annum, vel per evidentia signa, vel per assumptionem habitus professorum. *c. Vidua. 27. q. 1. c. Vidua. ext. eod. c. Quod interrogati. 27. dist. §. Tacitè. hic*. Secundò expressè profitendo, ut si quis post annum probationis habitum suscipiens Monachalem regulis Monasterii se obstringere velle profiteatur. *d. §. Propria. hoc tit.*

Tertiò tandem quis Monachus efficitur, quando quis deliberatè, & spontè Deo promittit, se velle religionem ali-

quam ingredi. *c. 1. de Vot. in 6. c. Per tuas. de Vot. & Vot. redempt. §. Is quoque. hinc.* Et hoc adeo verum est, ut etiam si Prælaturam fuerit consequutus, illam teneatur omittere, & Domino promissa reddere compellendus est. *d. §. Is quoque.* Est autem Votum simplex, vel solemne. Simplex, quod non est aliquâ professione munitum. Solemne est, quod quis per Professionem tacitam, vel expressam comprobavit. *§. Est autem. hoc tit. d. c. Unic. de Vot. in 6.* Et nota, quod per votum solemne derogatur simplici. *§. Illud quoque. hoc eod. tit.*

Quo ad Sextum: Requiritur

Primò: Legitima ætas. *c. 1. extr. eod. §. Is igitur. hoc tit.*

Secundò: Ut Professio ei fiat, qui potest in Religionem personas recipere. *§. Si tamen. hinc.*

Tertiò: Ut Religio sit approbata. *§. Novissime. hinc.* Regulæ autem approbatæ sunt Quatuor *Basilii, Benedicti, Augustini, & Francisci*; sub quibus omnes Religiosi militant, exceptis *Caribusiensibus*, qui suas ordinationes pro Regulâ habent. Nunc tamen aliæ plures Regulæ per Sedem

Apostolicam sunt approbatæ.

Quartò: Quod Prælatus requirat consilium Capituli. *c. Novit. ext. de His, quæ sunt à Prælat.* Sed in hoc nonnulli tenent contrarium per *c. ad Apostolicam. ext. eod.* Tu vide *Gloss. in d. §. Si tamen. in verb. Abbate.*

Quintò: Quod vota emitantur, de quibus suprâ.

Sextò: ut Persona sit habilis. *§. Quemadmodum. inf. eod.* Et quomodo quis dicatur inhabilis dictum est suprâ in quarto capite.

Septimò: De voluntate ingredientis inquirendum est. *d. §. Monachi. eod. cap. 17. sess. 25. de Regul. in Concilio Tridentino.*

Quo ad Postremum: Ille, qui ingreditur, tenetur præcipuè vota emissa servare, & permanere in Monasterio. *c. 1. c. Ad nostram. ext. eod. §. Is igitur. hoc tit.* Et nihil proprii habere. *§. Sed nihil. inf. eod. Authent. Ingressi. Cod. de Episc. & Cler. c. Quia ingredientibus. 10. q. 3. c. Super. de Stat. Monach.* Et quoniam inter præcepta Monachorum præcipua est prohibitio aliquid donandi, tam sibi ipsis, quàm exteris personis juxta Bullam Clementis Papæ VIII. de largitione munerum



nerum de Anno 1594. Incipien. *Religiosæ Congregationes &c.* cum ex eâ plurimæ difficultates sint à moralistis excitatæ , earum plenam resolutionem studiosus Lector videat in meis *Discordiis Forensibus De Regularibus Discord. III.* in quâ ostenditur, quid, quando, quomodò, & quibus? tam Monachi, quàm Moniales possint absque peccato munera elargiri.

Hoc etiam est notandum, quod Regulares non debent Ecclesiis Parochialibus præesse.

*S. Singuli. in fin. hoc tit.* Et istam generalitatem declara, ut per Abbat. Gloss. & alios in c. 1. & c. *Quod Dei timorem. de Stat. Monach.* Quod Regularibus interdum conceditur. d. c. *Quod Dei timorem.* Canonici verò Lateranenses habitâ dispensatione Apostolicâ obtinere possunt beneficia sæcularia sive Curata, sive Simplicia; ut Ego probavi in dictis meis *Discordiis Forensibus De Regularibus Discord. XI.* per totam.

*Institutionum Juris Canonici Libri Primi  
Finis.*





# INSTITUTIONUM

## JURIS CANONICI.

### LIBER SECUNDUS.

#### TIT. I.

#### *De Rerum divisione.*

**I** Ostquam in titulis primi Libri actum est de Jure, quod personas respicit, nunc ad imitationem Institutionum Civilium, fit transitus ad jus illud, quod res ipsas considerat. Quare ad tituli declarationem videbimus:

1. *Quid nomen Rei præseferat?*

2. *Quæ sit Rerum divisio secundum subjectam materiam?*

Quo ad Primum. Rei appellatio generalis est; ita ut omnia complectatur, quæ sunt in rerum natura, hinc cum instituitur tractatus aliquis, qui plura respicere debeat, rei verbum usurpatur. *l. 1. ff. de Reb. cred. l. Rei appellatione. ff. de Verb. signif.* In tantum ut nomen Rei prædicetur de rebus corporalibus, & incorporalibus, profanis, & Ecclesiasti-

eis, de Hominibus, obligationibus, contractibus, & similibus. *l. Omnia. §. fin. ff. de Leg. 2. l. Nominis, & rei. ff. de Verb. Signific.*

Quo ad Secundum: Variæ sunt Rerum divisiones: sed quod ad materiam nostram attinet, Rerum Ecclesiasticarum præcipua divisio est; ut aliæ dicantur res *Spirituales*, aliæ *Temporales*, ut *hic in princ. Abb. in c. Consulere. de Simon. & in c. Quanta. de Judic.*

Spirituales sunt, quæ spiritui deserviunt, & animæ causæ sunt introductæ, ut sunt Sacramenta Ecclesiæ, Altaria, & similia: & variis modis Res spirituales dicuntur: Vel si quid sit spiritualibus annexum, nam illud est spirituale; vel etiam spirituales dicuntur secundum essentiam; vel etiam ratione spiritualis potestatis, aut simili modo. *Abb. in d. c. Consulere.*

Temporales res illæ dicendæ sunt, quæ non tantum spiri-

tus,

tus, quàm corporis gratiâ pro Ecclesiasticis ministeriis, sacrorumque Ministrorum usu, atque necessitatè sunt comparatæ. Quemadmodum sunt Decimæ Ecclesiarum, Prædia, Domus, cæteraque bona, quæ nomine Ecclesiæ possidentur à personis Ecclesiasticis, ut *tot. tit. de Rebus Eccles. non alienan.*

Secunda divisio est, ut Spiritualium quædam Incorporales, quædam verò corporales existant. Quæ divisio etiam traditur de rebus profanis. *G. 1. Inst. de reb. corp. vel incorp.* Et equidem res Spirituales incorporales illæ sunt, quæ non percipiuntur Corporeo sensu, sed cognoscuntur, atque intelliguntur ope intellectus, ut sunt virtutes, & dona Dei, & alia hujusmodi. *c. 1. 1. q. 1.*

Corporales sunt illæ, quæ sensu corporeo percipiuntur, seu sub sensu cadunt, & tangibiles existunt, sicut etiam dictum est de rebus profanis in *G. 1. Inst. de reb. corp. & incorp.* Istæ verò res, quæ Spirituales, & corporales dicuntur, sunt vel Sacramenta, vel sanctæ, vel sacræ, vel religiosæ res: Et quomodo Sacramenta dicantur incorporalia, vide *Glos. hîc in verb. Sacramenta.*

## T I T. II.

## De Sacramentis.

**V**Isâ divisione Rerum, quæ superius est tradita, in quâ vidimus aliquas res esse, quæ corporales dicuntur, igitur de his tractatur, inter quas etiam Sacramenta enumerantur; dicturi de Incorporalibus alibi. Videbimus igitur in præfenti.

- 1 *Quid sit Sacramentum?*
- 2 *A quo sint Sacramenta instituta?*
- 3 *Quot Sacramenta existant?*
- 4 *Ex quibus Sacramenta consistant?*
- 5 *Qui possint Sacramenta administrare?*

Quo ad Primum. Sacramentum definitur *hîc in princ.* ut sit: *Invisibilis gratiæ visibilis forma, ita quod ejus similitudinem gerens, & causa existat.* Et nota quod hæc ultima verba non ponuntur in *c. Sacrificium de Consecrat. d. 2.* Et hîc fuerunt apposita ad designandam differentiam inter Sacramenta Legis veteris, quæ significabant quidem gratiam, sed non conferebant. Et Sacramenta novæ Legis, quæ & significant, & conferunt, ut in *Conc. Trid. in Can. 2. & 6. & 7. sub tit. de*



*Sacramentis in genere sess. 7.*

Quo ad Secundum . Sacramenta sunt inventa ab ipso CHRISTO Domino Nostro , & licet dicantur Ecclesiæ , hoc ideo procedit , quia per Eam sanctificantur , & ministrantur , & ipsorum interventu videtur Ecclesia cum cœlesti Sponso Matrimonii fœdere conjuncta . *§. illud . b. t.* In Conc. Trid. *in tit. de Sacram. in genere cap. 1. sess. 7.* Unde Ecclesia numero Sacramentorum nec addere , nec detrahare potest , cum sint à Deo instituta ; & hinc est , quod qui baptizat , absolvit , cæteraque Sacramenta explet , Ipse Dominus est ; & Sacerdotes sunt puri ministri . *§. Ergo . qui hoc tit. c. Baptismus . c. Aliud . c. Panis . de Consecr. d. 4.* Quocirca , tametsi minister malus existat , Sacramenta non amittunt suam virtutem , quoniam ministri fœditate non commaculantur . *d. §. Ergo . c. Significasti . c. Multi . & c. Dedit . i. q. 1.* & per Abb. & alios *in c. Vestra . de Cohab. cler. & mul.* Sed tamen adverte , quod quantum spectat ad receptionem Sacramentorum ab hæreticis , distinguendum est ; an quis scienter recipiat ? quo casu non confertur gratia , an ignoranter ? quo casu confer-

tur , ut per Innoc. & Abb. *in cap. Fraternitatis . de Hæreticis.* Sed de hoc est Reformatio Conc. Trid. *in tit. de Sacram. in genere sess. 7. cap. 12. & cap. 4. ead. sess. de Baptismo . & sess. 14. sub Rubricâ de Minis. hujus Sacram. & absol. can. 6.* Insuper notandum est , quod in Ministro Sacra conficiente requiritur intentio Ecclesiæ concors , faciendique quod intendit facere Ecclesia . *Can. 11. de Sacrament. sess. 7. §. pen. inf. cod. c. Spiritus Sanctus . & c. Sic autem . cum seq. i. q. 1.*

Quo ad Tertium . Septem sunt Sacramenta Ecclesiæ : Baptismus , Confirmatio , Eucharistia , Pœnitentia , Extrema Unctio , Ordo , & Matrimonium . *cap. 1. de Sacram. sess. 7.* Et ex his quædam sunt necessaria , quia sine his homo salvus esse non potest , ut sunt Baptismus , Confirmatio , Eucharistia , Pœnitentia , Extrema Unctio ; sed nota quod Confirmatio , Eucharistia , Extrema Unctio dicuntur necessaria , quia contemni non debent . *d. §. Sacramentorum . & Glos. hinc in Verb. prætermitti.* Quæ omnia ad particularem cujusque profectum sunt particulariter instituta . *§. Sacramentorum . hoc tit.* Alia sunt non necessaria , quæ possunt omit-

omitti, ut *Ordo*, & *Matrimonium*. Quædam sunt necessaria ad ingressum, ut *Baptismus*, quædam ad progressum in Ecclesiâ, ut *Confirmatio*, *Eucharistia*, *Pœnitentia*, quædam ad egressum, ut *Extrema Unctio*. *J. Et rursus. hic. c. Præter hoc. J. Porro. d. 32. c. Spiritu Sancto. de Consecr. d. 5. c. Hisque 26. q. 7. c. Qui recedunt. & c. De his 26. q. 6. cap. Ab infirmis. 26. q. 7.*

Quo ad Quartum. Sacramenta ex duobus constant: ex *Elemento*, & *Verbis*. *J. Constat. inf. eod. Verba sunt, quæ visibilis formæ efficaciam exprimunt. Elementum est, quicquid sub visibili materiâ invisibilem gratiam designat, & continet, undè accedentibus verbis ad elementum fit Sacramentum. Et nota, quod non omnia verba, quæ in consecratione Sacramenti proferuntur, dicuntur constituere Sacramentum, sed ea, quæ sunt formalia, ut putâ *Ego te baptizo in nomine Patris, &c. Hoc est enim Corpus meum, &c.* ita notatur in *c. Detrahe. 1. q. 1.* Item nota, quod dicitur per accessionem verborum ipsi elemento effici Sacramentum, quia hoc illum habet sensum, ut simul concurrat materia, & forma, Ele-*

mentum, & Verba secundum omnes DD. Idèd Aqua in Baptismate non est Sacramentum, nisi adsint verba, quæ accedunt elemento tanquam forma, & in fine ultimæ syllabæ incipit, & desinit esse Sacramentum, sed tamen remanet res Sacra. *Glos. in c. 1. de Consecr. d. 4. in Verb. Sacramentum.*

Quo ad Ultimum: Sacramenta ab his ministrantur, quibus ab Ecclesia est legitima attributa potestas, ut qui Ordines ad Sacramenta conficienda, & administranda receperunt, ut videbimus in sequentibus titulis.

### TIT. III.

#### De Baptismo.

**P**ostquàm actum est de Sacramentis in genere, nunc tractatur de ipsis in specie: Et quia Baptismus est Sacramentum fundamentale omnium Sacramentorum, cum finè eo homo salvus esse non possit. *cap. Eveniet. c. fin. de Presbyt. non baptiz.* Ob id de ipso nunc agitur, & videntum est:

- 1 *Quid sit Baptismus?*
- 2 *Quot ejus species?*

3 *Qui*



3 Qui baptizari possint?

4 Quæ in eo necessaria?

5 Qui baptizent?

6 Quo in loco fiat?

7 Qui sint effectus Baptismi?

Quo ad Primum: Baptismus hic in principio definitur, ut sit *Ablutio corporis exterior, quæ adhibita certâ formâ verborum, interiorem animæ abluitionem designat, & operatur.*

Quemadmodum enim olim Circumcisio in populo Dei, in fidei, justitiæque signaculum instituta, ad significationem purgationis originalis, veterisque peccati Parvulis valebat; sic & Baptismus ad hominis innovationem valere capit, cujus vera doctrina in Ecclesiâ Romanâ reperitur, ut de *Baptis. sess. 7. can. 2. 6. & 8. in Concil. Trid.*

Quo ad secundum: Scriptum à quibusdam reperitur, varias esse Baptismi species; & si nominis corticem inspiciamus, inveniemus, illud esse æquivocum, & genericum, & ad omnem lotionem, ut ajunt, pertinere. Prima species diluvii appellata est, quo peccata sunt excisa. *c. 7. & 8. in lib. Genes.* Secunda species in transitu maris Rubri, in quo aqua, nubes, & ignis fuit. *cap. 11. ad Corinthios.* Tertia legalis,

quâ immundi lavabantur, & itâ purificati in castra Domini redibant, ut *Eccles. c. 34.* Quarta Divi Joannis, non omnino spiritualis, sed tanquàm introductoria ad Pœnitentiam, ut *in c. 1. & 19. in Actib. Apostol.* Quinta Domini Nostri Jesu Christi spiritualis, simplex, & tota, de quâ specie nunc intelligimus. Sexta lacrymis constans, verè laboriosa, ut in *Psalmo 6.* Septima per Martyrium, & Sanguinem, quâ Dominus noster Baptizatus est. *ut c. 12. in Evang. Marci. & 12. in Evang. Lucæ.*

Verùm brevius tres species constituuntur *Sanguinis, Fluminis, & Flaminis. cap. Quod quidem. hoc tit. cap. Baptismi vicem. de Consecrat. d. 5. cap. Distrabe. c. Debitum. i. q. 1. c. Apostolicam. de Presbyt. non baptiz. c. Baptismi vicem. de Consecr. d. 4.*

Sanguinis, quando quis, antè Baptismum aquæ, martyrium fert ob Dei nomen, ut fecit latro in Cruce, & Sancti fecere Innocentes. *d. c. Baptismi vicem. & c. Firmissime. 15. q. 1.* Item Sancta Emerentiana, & alii plurimi, qui Baptismo Sanguinis fuerunt baptizati; de quo plura digna scitu scripsi in meis Decisionibus

bus de Baptismo Decis. 27.

Flaminis Baptismo quis munitur, quando illum antè mortem enixè desiderat, & perfectè dolet de suis peccatis : vél justo errore credit, se fuisse baptizatum, ut dicit Tolosan. lib. 2. in suo tractatu Syntagm. Jur. c. 4. Et ego de Bapt. D. 26.

Fluminis est Baptismus suprà delineatus: Sunt qui distinguunt Baptismum in duas species: In Baptismum *Fidei*, & *Cognitionis*, quando quis cognoscens virtutem hujus Sacramenti sanctissimi ad ipsum accedit: Et in Baptismum *fidei simpliciter*; & est Baptismus ille, qui per habitum fidei suscipitur. c. *Parvuli fideles. de Consecr. d. 4. §. Non tamen. hoc tit.*

Quo ad Tertium: Regula est constituenda, omnes posse baptizari, cujuscunque sint ordinis, aut sexus, aut qualitatis, itaut nec muti, nec cæci, nec surdi, nec ægrotantes, aut parvuli excludantur. d. §. *Non tamen. cum seq. De Consecr. d. 4. c. Quæris*. Nec refert, quod non possint respondere, dummodo eorum nomine alii profiteantur, atque respondeant. Quinimò & dormiens, & amens baptizatur, dummodo antea propositum ha-

buerint suscipiendi baptismum. §. *De dormientibus. hic. d. c. Quæris. c. Majores. §. fin. eod.* Accedat; quod & ille baptizatur, qui omninò lubens non sit, dummodò absolutè non cogatur. §. *Sed & si quis. b. t.* Qui postquam est baptizatus, cogitur permanere in fide. d. c. *Majores*. Non omitam etiam, non natum adhuc posse baptismum suscipere, si fortè dum nascitur in periculo mortis existit. c. *Baptizari. de Consecr. dist. 5.* Id tamen est animadvertendum, quod non est ille baptizandus, quem credimus firmiter fuisse baptizatum. §. *De eo. b. t.* Quemadmodum è contrà quem baptizatum non credimus, ille baptizatur. §. *Illud. b. t. c. Cum itaq. c. Si nulla. & c. fin. de Presbyt. non baptiz.* Undè colligitur quod semel baptizatus, ampliùs non est rebaptizandus; & si quis scientè iterùm ad baptismum rediret, puniretur. §. *Quod si quis sciens. b. t. c. Qui bis. de Consecr. d. 4.* Et in Conc. Trident. de non rebaptizand. parvulis sess. 7. in tit. de Baptism. c. 13. Itaut etiam qui hoc ignoranter fecit, non possit nisi ex maximâ necessitate ordinari. d. §. *Quod si quis sciens. d. c. 13.* Quod durum videtur, cum ignorantia debe-



deberet excusari , & hic est unus casus , in quo alicui infertur præjudicium sine suâ culpâ . arg. i. q. 5. c. i. l. *Prospexit* . ff. *Qui, & à quibus* . Et in hoc videndus est Abbas in c. *Ex litteris* . de *Apostat.* Et è contrâ qui bis eandem personam baptizaret , esset depouendus . c. *Illis quoq.* b. t. c. *fin.* eod. Abb. ubi *suprà* .

Quo ad Quartum . In Baptismo hæc necessaria sunt Aqua , quæ naturalis esse debet , simplex , & pura . c. 2. de *Baptismo* . sess. 7. Verba secundum formam traditam , quæ sunt *Ego te Baptizo in Nomine Patris , & Filii , & Spiritus Sancti* . Quæ in tantum sunt de forma , ut si dicatur *Ego te Baptizo in Nomine Genitoris , Geniti , & Procedentis ab Utroque* . Item si dicatur in Nomine Jesu Christi , vel in Nomine Trinitatis , non sit Baptismus : latè per Card. Anselmum in suis *Instit. Theolog.* lib. 2. c. 11. Plura de forma Baptismi , scitu digna ego disferui in meis Decisionibus *De Baptismo Decis.* 30. ibi videnda . Minister est , qui eadem verba juxtâ intentionem profert . Qui autem sint Ministri ? infrâ videbimus . Adsunt quæ adhibentur in Baptismo potiùs ad

decorem , quàm ad essentiam . *g. Pen. b. t. c. i. c. Penult. de Baptism. d. c. Detrahe* . i. q. 5. c. *Sinè* . c. *Antè* . de *Consecr. d. 4. Clem. i. de Baptism.*

Quo ad Quintum . Baptizandi potestas , & Cura ad solos pertinet Sacerdotes ; nec regulariter Diaconi admitti possunt . *g. Baptizandi . b. t. c. Constat. de Consecr. d. 4. sess. 7. per Concil. Trid. in tit. de Sacram. in genere c. 10.* nisi in casu maximæ necessitatis , quo casu etiam Laicis hoc permittitur , etiam foeminis . *d. g. Baptizandi . d. c. Constat . c. In necessitate . d. 4. de Consecr.* Et si quis est baptizatus à Laico , tenet baptismus , sicut tenere videtur , si ab hæretico baptismus conferatur . *g. Sed & si quis . b. t. c. 4. de Baptism. sess. 7.* Sed tamen verum est , quod quis se ipsum non potest baptizare , quia debet esse diversa persona Baptizantis , & Baptizandi . *g. Sed quamquam . b. t. concordat . c. Per tuas . alias Per nostras . de Jur. Patron.* Undè infertur quod Judæus in mortis articulo constitutus , si in aquam seipsum immergat , dicens *Ego me baptizo* , debet iterum ab altero baptizari . *g. Undè b. t. c. Debitum . ext. hoc tit.*

Quoad Sextum: Baptismus conferri debet in Ecclesiis, ubi adfunt fontes ad hoc Sacramentum explicandum. *S. fin. bñc.* ita not. in *Clem. 1. eod.* Duo tamen excipiuntur casus. Primò casus necessitatis. Secundò excipiuntur filii Regum, vel Principum propter eminentem dignitatem. *c. fin. de Off. deleg. c. Ne alicui. de Privil. in 6.*

Quoad Postremum. Ex Baptismo effectus iste evenit præcipuus, ut per eum aperiatur quasi janua ad Ecclesiam, & aperiatur via ad cœlestem gloriam, & æternam salutem; nam qui renatus non fuerit ex Aquâ, & Spiritu Sancto, æternâ felicitate frui non poterit. Insuper operatur Baptismus peccati originalis remissionem, animæ regenerationem; non tamen operatur, quod homines peccare non possint, quemadmodum nonnulli à fide aberrantes affirmare sunt ausi. Quorum opinio à Conc. Trid. *can. 6. de Baptism. sess. 7.* improbat. Et quantum dicimus per Baptismum tolli peccatum originale, dices id verum esse; sed tamen relinquit nobis formitem, qui est pœnalitas relicta nobis ad exercitium, & ad pugnandum, ut gloriosius coronari mereamur. *S. Thom.*

*3. p. q. 69. art. 1. & 2. D. Bonav. in 4. sent. d. 4. p. par. art. 1. q. 2.* & sic intelligitur textus in *S. Non tamen. hoc tit.* Tandem alter præcipuus Baptismi effectus est Character, nempe signum quoddam spirituale indelebile, impressum in animâ baptizati. Conc. Trid. *de Baptism. sess. 7. can. 9.* & de eo vide Decisiones meas *de Baptismo Decis. 33.* in quâ duodecim effectus Baptismi numerantur.

#### T I T. IV.

#### De Sacramento Chrismatis.

POSTquam tractatum fuit de unâ specie Sacramentorum, nunc de aliâ differitur, nempe de Sacramento Chrismatis, quod post Baptismum confertur, & in hoc titulo videbimus:

1. *Quid sit Sacramentum Chrismatis?*
2. *Quibus conferatur?*
3. *A quibus?*
4. *Qui debent intervenire?*
5. *Qui sint ejus effectus?*

Quoad Primum: Est Sacramentum, quod post Baptismum suscipitur, & arma Divinæ gratiæ ad pugnandum adversus animarum hostem contribuit. *S. 1. cum seq. hoc tit.*



*c. 1. & 2. de Consecr. d. 5.* Et est Sacramentum verum, & proprium, quod characterem imprimit. *cap. 4. sess. 23. de Sac. Ordin. c. 1. de Confirm. sess. 7.*

Quo ad Secundum: Regula est generalis, quod his omnibus confertur, qui sunt baptizati. *g. 2. hoc tit.* Sicut olim hostia prius lavabatur in litore, & postea offerebatur in holocaustum, ut not. *in cap. 1. de Consecr. d. 4.* Nec possunt tenere, aut levare nisi hi, qui sunt baptizati, & confirmati. *g. Admonendi. hoc eod. tit.*

Quo ad Tertium: Solus Episcopus confert hujusmodi Sacramentum. *g. Unde. inf. eod. c. un. propè finem de Sacra Unctione. c. 3. de Confirmat. sess. 7. d. c. 4. sess. 23. c. De bis. de Consecr. d. 1. c. Quanto. ext. de Consecr.*

Quo ad Quartum: Requiritur Unctio in fronte cum verbis idoneis; Patrinus, qui quasi fidejussor apud eum existat, quemadmodum fit etiam in baptismo. *g. Illud. 1. hoc tit.* Cujus Patrini officium est, Puerum in fide instruere. *cap. Vos antè. de Consecr. d. 3.* Et est advertendum, quod non potest in Patrinum eligi, nisi qui est baptizatus, & oleo Chrismatis delibutus. *cap. In*

*Baptismate. de Consecr. d. 4.* ut suprâ etiam dixi. Quemadmodum nec Pater, nec Abbas respectu filiorum, & Monachorum. *g. Parentes. b. t. c. Si vir. de Spirit. Cognat.* Quamvis pater ex necessitate posset filium tenere ad baptismum, ut in *c. Ad limina. 30. q. 1. & Abb.* notat in *d. cap. Si vir. de Abb.* Est tex. in *c. Non licet. de Consecr. d. 4.* Sed nec Monachi possunt ad hoc munus vocari. *g. Parentes. o. Placuit. 16. q. 1. c. Pervenit. 18. q. 2.* & dixi in dictis meis Decisionibus *De Baptismo. decis. 40.* ubi plenè. Insupèr Vir, & Fœmina, unus, vel una debet ejusdem confirmandi Patrinus esse. *g. Admonendi. hîc. c. Plures. de Consecr. d. 4.*

Quo ad Postremum: Operatur hoc Sacramentum augmentum gratiæ, & hominem validiorem reddit ad obistendum inimico naturæ humanæ. *cap. 1. & tot. tit. de Consecr. d. 5.* ut etiam suprâ diximus. Characterem imprimit, itaut semel tantum conferatur. *g. Commune. hoc tit. d. c. Non licet. de Consecr. d. 4.* Et tandem contrahitur Cognatio spiritualis inter Patrem, & Matrem confirmati, & ipsum confirmatum, & Patrinum, & confirman-

tem.

tem . *d. cap. 2. de Reform. Matrim. sess. 23.* Et de hâc spiritali Cognatione , vide plura scitu digna in dictis meis Decisionibus *de Baptismo. decis. 37. & decis. 40.* ubi resolvitur , An ipsa contrahatur à Patrino mittente Procuratorem ? vel à Procuratore puerum suscipiente in Sacramento ?

### T I T. V.

#### De Pœnitentiis , & Remissionibus.

**Q**uoniam hominì Christiano non sufficit propter humanam imbecillitatem Sacramentum Baptismi , & Confirmationis , cum sæpissimè ob peccata homo amittat gratiam , quæ per Pœnitentiam , & peccatorum remissionem recuperatur , ob id nunc de hâc materiâ tractatur , & videbimus :

- 1 *Quid sit Pœnitentia ?*
- 2 *Ad quid instituta ?*
- 3 *Quot sint Pœnitentiæ species ?*
- 4 *Ex quibus constet ?*
- 5 *A quibus imponatur ?*
- 6 *Quibus ?*
- 7 *Quid sit Remissio ?*
- 8 *Qui possint peccata remittere ?*

Quo ad Primum . Licèt Pœnitentiæ nomen sit genericum , & id præferatur , quod est priori voluntati contrarium , tamen præcisè hîc accipitur , & potest dici , ut sit *Sacramentum Contritione , Confessione , Satisfactione constans , quod peccatorum remissionem tribuit ;* & est effectum verum Sacramentum post Christi adventum , ut *hic in princ. & sess. 14. c. 1. de Necess. & instit. Sacram. Pœnit. in Conc. Trident.*

Quo ad Secundum . Fuit ad hoc inventa , quia cum sit hominum conditio infirma , itaut non possint peccata de facili evitare , hoc remedio gratia jam amissa recuperatur , & est quasi tabula periclitantibus , & reconciliatio cum Deo . *g. Multiplex. hic. supr. d. sess. 14. c. 3.*

Quo ad Tertium . Tres sunt species Pœnitentiæ *Solemnis , Publica , & Privata.* Prima est , quam Episcopus imponere solet propter majora scelera , & semel tantum imponi solet , & sic pœnitentes ordinari non debent . *g. Sunt. hoc tit. c. 1. de Bigam. c. Ex Pœnitentib. 50. d. Publica est illa , quæ publicè nulla Juris solemnitate servata injungitur , ut est Peregrinatio , certi habitus delatio , & hujusmodi . g. Publica. hic. c. Ex 24. sess.*



*sess.* Privata verò est illa, quæ in occulto Deo fit, & Sacerdoti tanquàm Dei ministro, & hæc saltèm semel in anno à quolibet fidei facienda est. *§. Privata . hoc tit.*

Quo ad Quartum . Pœnitentia constat ex cordis contritione, quæ nihil aliud est, quàm dolor pro peccatis commissis voluntariè assumptus, cum proposito confitendi, & satisfaciendi. Ex oris confessione, per quam scilicèt morbus latens spe veniæ aperitur. Et ex operis satisfactione, quæ est secundum Justitiæ qualitatem, & quantitatem compensatio. *c. Satisfactio . de Pœn. d. 3. facit c. Perfecta . ead. d. & §. alii, & §. Ex his . de Pœnit. d. 1.* Sunt qui addunt constare etiam ex absolutione, quæ est liberatio à peccatis facta ab habente auctoritatem per verba idonea.

Quo ad Quintum . Pœnitentia solemnisi à solo Episcopo imponitur. *d. §. Sunt autem.* Si de publicâ tractatur, & ipsa imponitur ex Episcopi auctoritate. Si de privatâ agimus à privatis Sacerdotibus, qui tamen ab Episcopis approbantur. *§. Privata . hoc tit. c. Si Episcopus . de Pœnit. in 6: §. Si quis . hoc eod. tit.*

Quo ad Sextum . Pœnitentia

imponi solet his, quibus displicet peccata commisisse, etiamsi ad ultimum supplicium damnentur. Quibus etiam Eucharistiæ Sacramentum non denegatur. *§. fin. bñc. Clement. 1. & c. Quærenti . de Verb. significat.*

Quo ad Septimum . Remissio nihil aliud est, quàm exoneratio, & relevatio, atque à peccato liberatio. Etenim qui remittit, liberat. *l. 1. Cod. de Remiss. pignor.*

Quo ad Postremum . Episcopi, Sacerdotes, & illi, qui sunt ab Ordinariis approbati, peccata remittere poterunt, quibusdam exceptis, quorum remissio est reservata Summo Pontifici, vel Episcopo. *cap. Ejus . sess. 14. Ut si pœnitens Clericum læserit enormiter . cap. Si quis suadente . 17. q. 4.* Aut Ecclesiam combusserit, vel fregerit, quo casu si est denunciatus à solo Pontifice potest absolvi, quamvis ante denunciationem etiam Episcopus possit absolvere. *c. Compuncti . & c. Tua . de Sent. excom.* Aut falsum commiserit. *c. Dura . §. fin. de Crim. falsi.* Aut Cardinalem, vel Episcopum insequutus fuerit. *c. Felicis . de Pœnit. in 6. c. Si quis . ead. tit. in 6.* Aut cum Moniali rem habuerit,

rit, & aliis casibus, de quibus notatur in *c. Si Episcopus. eod. in 6.* Et suprâ nominati casus referuntur in *§. illud. hoc tit.* Et nota quod unusquisque semel in anno saltè debet confiteri. *§. Privata. cap. Omnis. de Pœnit. & remiss.* Et confessor debet tacere confessionem, aliàs si ipsam revelet, perpetuè detruditur in Monasterium. *§. Sed si vè. hoc tit.* Cum simul & Medici, qui ægrotos ad pœnitentiam non inducunt, ab ingressu Ecclesiæ sunt arcendi. *§. Medicos. hîc.* Quàmvis hoc non sit observatum; ut per Gloss. *ibi in verb. arcebitur.* Ac tandem unum notare debes, quod in casu necessitatis etiam is consequitur veniam, qui confessus fuerit sua peccata illi, qui non habet auctoritatem absolvendi, & hoc ex desiderio Sacerdotis, & vigore suæ contritionis; non ex eo, quod illa confessio sit Sacramentalis, per regulam, quod necessitas facit reputare affectum pro effectu. *§. Sed etsi. hoc tit.* Sed de hac quæstione, An, absente Sacerdote, sit in casu necessitatis confitendum laico? Vide meas Decisiones *de Sacram. Pœnit.* in quibus *Decis. 18.* de hac plenè disserui; exempla curiosa adduxi, & opinionem negativam

ob plures rationes, ac auctoritates tenui. Item & si quis habuerit animum confitendi, sed propter sævitiam morbi non poterit id facere; potest tamen absolvi. *§. penult. hîc. cum simil.* Et vide, quæ super hoc traduntur per *Conc. Trident. sess. 14. c. 9. de Pœnit.*

## T I T. VI.

### De Eucharistiâ.

**A**Bsolutâ tertiâ specie Sacramentorum de quartâ nunc tractatur; & videbimus:

- 1 *Quid sit Eucharistiæ Sacramentum?*
- 2 *Ex quibus constet?*
- 3 *Quis ipsum conficiat?*
- 4 *A quo exhibendum?*
- 5 *Quibus?*
- 6 *Qui sint effectus?*

Quo ad Primum. Sacramentum Eucharistiæ pluribus significatur nominibus, quæ quid magnum insinuant, & fuit institutum in ultimâ Cœnâ Domini. *In Concil. Trident. sess. 13. c. 1.* Et ibi vide per totam Sessionem de Excellentîâ hujus Sacramenti; & est Sacramentum quod constat visibili formâ, veritate corporis, & virtute spiritali. Et forma visibilis est Panis, & Vinum, quæ



quæ conficiuntur Corpus, & Sanguis Domini Nostri Jesu Christi. *g. Constat. & g. Veritas. bñc. cap. Panis. cap. Ante. cap. Nos autem. & plura alia capitula de Consecrat. d. 2. Et per Conc. Trid. sess. 13. cap. 1. & cap. 4.*

Quo ad Secundum. Ut dixi, constat hoc Sacramentum visibili formâ, veritate Corporis, & virtute spiritali. Visibilis forma est panis, & vini commixti aquâ. Veritas est Carnis, & Sanguinis. Sicut enim antè consecrationem panis est, & vinum, quod natura creavit; ita post consecrationem est vera Christi Caro, & Sanguis. *d. c. 1. & 4. de Sacr. Euchar. Sacram. sess. 13.*

Quo ad Tertium. Soli Sacerdotes hoc Sacramentum conficere possunt. *g. Sed nec bñc. c. Perlectis. 25. d. Undè Conc. Trid. anathematizat eos, qui mentiuntur, omnes Christianos in Sacramentis ministrandis habere parem auctoritatem. can. 10. in tit. de Sacram. in genere sess. 7. Quod verum est etiamsi mali sint. Nam ex tunc conficiunt Corpus Domini, quando cum intentione consecrant, sed tamen debent abstinerere, & in eo statu consecrantes peccant mortaliter. g.*

*Imò. bñc. c. fin. de Cler. excomm. c. fin. & ibi not. de Cohabit. Cler. & Mulier.*

Quo ad Quartum. Hoc Sacramentum à solis Sacerdotibus exhiberi potest. *g. Sed nec. hoc tit. c. Pervenit. de Consecr. d. 2. Excepto casu necessitatis, in quo Diaconus, præsentè Presbytero, id facere potest. g. Permisit. h. t. c. Præsentè. c. Diaconus. d. 93. Sed utrùm Sacerdos, qui non potest celebrare, possit Hostiam jam consecratam sumere? Et quid si sit præsens Diaconus? vide meas Decisiones de Eucharistiâ, in quibus Decis. 29. affirmativa opinio tenetur; & alia curiosa dubia proponuntur.*

Quo ad Quintum. Hoc Sacramentum exhibetur his, qui habent plenitudinem judicii, aut saltèm cognitionem boni, & mali. Illis autem, qui erant Histriones hoc Sacramentum denegabatur, ut est *tex. in g. Item. bñc. c. Pro dilectione. de Consecr. d. 2. Cæterùm quilibet fidelis saltèm semel in anno hoc Sacramentum fuscipere debet, & ei est exhibendum. g. Et quidem. hoc tit. cap. Omnis. de Pœnit. & remiss. g. Privata. hoc tit. & Concil. Trid. can. 9. de Sacr. Euchar. Sacram. sess. 13. Sacerdotes verò quotidie, sed*

semel tantum ; excepto Die Nativitatis Domini . *§. Invaluit . b. t. c. Te referente. de Ce- lebr. Miss.* Sed tamen non puto de Necessitate ; ut Sacerdos quotidie celebret , maxime si habeat causam ; sed tamen hic usus maxime commendatur per Conc. Trid. *sess. 22. c. 2.* Excipitur etiam casus necessitatis . *d. §. Invaluit* , ut puta si Parochianus infirmum vellet communicare ; nec esset reservata Eucharistia in primâ Missâ : ita exemplificat *ibi Glos. in verb. necessitas* . Porro An Parochus non jejunus possit celebrare , & consecrare ad communicandum moribundum ? Vide meas Decisiones *de Eucharistiâ Decis. 3. n. 7.* ubi rationes , & DD. pro utrâque opinione .

Quo ad Postremum . Virtus hujus Sacramenti est Charitas , & unitas ; nam quemadmodum ex multis granis unus fit Panis , & ex pluribus racemis unum Vinum ; ita & nos per hoc Charitatis Sacramentum Christo incorporati unum evadimus . *§. Virtus . b. t. c. Quia passus . & c. Hoc Sacramentum . & c. Corpus . Cum plurib. seqq. de Consecr. d. 2.* Et propterea multum , & uberrimi fructus pro animabus resultant . *ut c. 5. de*

*Sac. Euch. Sacramento sess. 13. in Trid. Concilio.*

## T I T. VII.

### De Extremâ Unctione .

**A**ctum est de quartâ specie Sacramentorum , nunc de quintâ differitur , & pro explicatione videbimus :

- 1 *Quid sit Sacramentum Extremæ Unctionis ?*
- 2 *Quot species ?*
- 3 *Ex quibus constet ?*
- 4 *A quibus Extrema Unctio exhibenda ?*
- 5 *Quibus ?*
- 6 *Ad quid ?*

Quo ad Primum . Extremæ Unctionis Sacramentum , quod propriè , verèquæ Sacramentum existit ; à Christo Domino Nostro institutum , & à Beato Jacobo Apostolo promulgatum : *can. 1. de Sacram. Ext. Unct. sess. 14. Concil. Trid.* potest in hunc modum describi : *Ut sit illud Sacramentum , quod tunc explicatur , cum in ultimo vitæ discrimine ob adversam valetudinem constituti Oleo Sancto inunguntur , & delinuntur .* Et dicitur Unctio Extrema , quoniam his solis confertur , qui in ultimo vitæ periculo sunt . *§. Sciendum . §. Hæc . hoc*



*boc tit. c. Unic. de Sacra Unct.*

Quo ad Secundum . Duæ Unctionis species existunt . *Exterior, & Interior* . Prima materialis, & visibilis existit . Secunda spiritualis est, & invisibilis . Exteriore enim visibiliter corpus ungitur ; Interiore invisibiliter cor. *g. Sunt enim. hic . concord. c. Unic. in princ. de Sacra. Unct.*

Quo ad Tertium . Hoc Sacramentum secundum Tolosanum in hoc tractatu *Syntagm. Jur. lib. 2. c. 7. n. 3.* Ex formâ, & materiâ consistit . Materia est oleum olivarum, ut per Arch. latè in *Summ. b. t. Vers. materia*, quod ab Episcopo est benedictum . Forma verò in Verbis consistit, quæ à Ministro exprimuntur ; dum officium Extremæ Unctionis explicitur. *d. c. 1. sess. 14. Concil. Trid.*

Quo ad Quartum . Hoc Sacramentum à Sacerdotibus, & Presbyteris confertur, prout & dictum est de Sacramento Eucharistiæ . Itaut non possint alii inferiores Clerici hoc Sacramentum conferre. *d. g. Sciendam. c. 3. d. sess. 14.* De Ministro hujus Sacramenti, & tempore quo dari debet. *c. Quæsit. de Verb. Signif.*

Quo ad Quintum . Hoc Sa-

cramentum, ut dixi, his confertur, qui sunt infirmi, & in extremo vitæ periodo positi ; & si fortè ad sanitatem revocantur, atque iterùm in morbum incidant, iterùm ungentur. *ut d. c. 3.* Non datur autem amentibus, quia intellectu carent, sed datur ægrotis, & Pœnitentibus, non his, qui in peccato perseverant, ut in *d. c. 3.* apertè legitur . & in *c. Illud superfluum . 95. d.* Quæ partes autem ungantur vide *Glos. hic in g. Sciendum . In Verb. partes.*

Quo ad Ultimum . Datur hoc Sacramentum ad confirmandam animam ægroti, ut possit hosti naturæ humanæ resistere . Item ad peccatorum reliquias abstergendas, necnon ad excitandam in ægroto maximam divinæ Legis fiduciam, & ad spiritualem medicinam. *ut in d. sess. 14. c. 2.* Undè etiam effectus hujus Sacramenti maximus est, cum ipsum plurimum gratiæ conferat, plurimumque auxilium. *ut in d. c. 2. d. sess. 14.* Sed utrùm extet Præceptum de Extremâ Unctione recipiendâ in gravi infirmitate ? Et an pluries possit recipi in eâdem infirmitate ? videndæ sunt meæ Decisiones de Extremâ Unctione *Decis. 81.*

ubi plurima curiosa Quæsitæ , & Dubia resolvuntur circâ Materiam, Formam, & Effectus hujus Sacramenti.

## TIT. VIII.

### De Sacramento Ordinis.

**Q**uia Sacramenta alia sunt *Necessaria*, alia *Voluntaria*. *§. Sacramentum. Suprà de Sacram.*; cum hucusque tractatum sit de illis Sacramentis, quæ sunt necessitatis, nunc incipit tractare de aliis, quæ dignitatis, & voluntatis sunt, & sic de Ordine, & Matrimonio. Et circâ hunc Titulum videbimus:

- 1 *Quid sit ordo?*
- 2 *Quæ in Ordine considerentur?*
- 3 *Ad quid Ordines inventi sint?*

Quo ad Primum. Ordinis Sacramentum, quod verè, & propriè Sacramentum existit. *c. 3. de Sacram. Ordin. sess. 23. in Concil. Trid. Est Signaculum quoddam Ecclesiæ, propter quod spiritualis potestas traditur ordinato. ut bñc.* Quæ quidem potestas secundum nonnullos in potentiâ activâ consistit, sicut Character, qui in baptismo imprimitur, & in potentiâ

passivâ. Archiep. Florent. *In suâ Summ. eod. in princ.* Item ex hâc definitione colligitur, primam tonsuram non esse Ordinem, cum per eam nulla tonsurato potestas conferatur, sed solum capacitas ad alios Ordines; & quamvis *in c. Cum contingat. ext. de Ætat. & qualit.* Ordo vocetur; tamen dicendum est ibi Ordinem largè accipi, prout de Regularibus diximus, quod sunt Ordines S. Francisci, vel S. Dominici.

Quo ad Secundum. In Ordine consideratur. Primò gradus Ordinis. Secundò ipsamet ordinatio; in quâ inspicitur qualitas Ordinandorum, & Ordinantium, ac tandem modus Ordinandi, de quibus suprà dictum est.

Quo ad Postremum. Ordines inventi fuerunt ad hoc, ut per ipsos ad Sacerdotium tendatur, ut dignè quis Altissimo possit ministrare, & reliqua Ecclesiæ Sacramenta conficere. *c. 2. sess. 23. de Sacram. Ord.* De hoc Sacramento inter meas Decisiones extat integer liber in quo Decisionibus quadragintâ explicantur omnia, quæ à Theologis, & Canonistis de eo disputantur, & plurima Dubia resolvuntur.



## TIT. IX.

## De Sacramento Matrimonii.

**E**xplicato tractatu de Sexto Sacramento. Nunc differitur de Septimo; nempe de Matrimonio. Et videbimus:

- 1 *Quid sit Matrimonium?*
- 2 *Ex quibus constet?*
- 3 *Qui contrabant Matrimonium?*
- 4 *Qui sint effectus?*

Quo ad Primum. *Matrimonium est Viri, & Mulieris conjunctio individuum Vitæ consuetudinem continens, cum divini, & humani Juris communicatione. ut hic in princ. concord. 27. q. 2. in princ. c. Illud. de Præsumpt. l. 1. ff. de Rit. Nupt. & Instit. de Pat. potestate. in princ.* Et est Sacramentum verum, & proprium à Christo institutum, quod gratiam confert. *c. 1. sess. 24. Concil. Trident. de Sacram. Matrim.* Et duplex est Matrimonium Carnale, & Spirituale. Per primum fit conjunctio Maris, & Fœminæ; per Secundum Christi cum Ecclesiâ.

Quo ad Secundum. Matrimonium consistit ex consensu, & copulâ, quæ eodem tempore cum pluribus esse non potest. *d. sess. 24. c. 2. in Concil. Trid.*

Quo ad Tertium. Regula est Generalis, omnes posse Matrimonium contrahere, qui Christi fideles existunt, & consentire possunt, & sunt habiles ad copulam, ut not. *in c. Ex litteris. de Dispen. Impub.* Et notant omnes *in Rabr. Qui Cler. vel voventes.* Et de aliis, qui non possunt contrahere, *infra* videbimus.

Quo ad Postremum. Effectus, sive Bona Matrimonii sunt *Fides, Proles, Sacramentum.* Fides scilicet conjugalis, quàm sibi nupti ad invicem debent, ne cum aliis adulterentur, fide conjugii violatâ. Proles, propter quam multiplicandam Matrimonium est institutum in Paradiso. *c. Cum igitur. in Princ. 35 q. 1. c. Deinde. 26. d.* licet quibusdam non volentibus generare Matrimonia sint ad solatium. *c. Nuptor. 27. q. 2.* Sacramentum, idest inseparabilitas, vel individuitas quo ad perpetuam servitutem, nisi Religione, vel fornicatione separatio fiat. *c. In plerisq. de Convers. Conjug. c. Dixit. 33. q. 1.* Insupèr in hoc Sacramento gratia confertur. *d. c. 1. de Sacramento Matrimonii d. sess. 24. in Trid. Conc.* Integer autem liber inter meas Decisiones extat de hoc Sacramento; & in

eo plenè , & facilè collecta sunt omnia , quæ de Matrimonio scripserunt Canonistæ , ac Theologi , eaque ornata sunt Historiis , & eruditionibus quàm plurimis .

## T I T. X.

### De Sponsalibus .

**Q**uoniam Sponsalia sunt tanquàm præludia Matrimonii , de quo suprâ dictum est ; ob id nunc agitur de Sponsalibus ; & videbimus :

- 1 *Quid sint Sponsalia ?*
- 2 *Undè dicantur ?*
- 3 *Quotuplicia sint ?*
- 4 *Quot modis contrahantur ?*
- 5 *Inter quos contrahi possint ?*
- 6 *Qui sint effectus Sponsalium ?*
- 7 *Quot modis solvantur ?*

Quo ad Primum : Sponsalia sunt mutue quædam repromissiones futurarum Nuptiarum . ut *hæc in princ. concord. l. 1. & l. 2. ff. eod. c. Nostrates. 10. q. 5.*

Quo ad Secundum . Sponsalia dicuntur eò , quia ad invicem Vir , & Mulier sibi promittunt , & dicuntur à sponsione . *l. 2. ff. eod.* Veteres enim sibi stipulabantur uxores futuras , & hinc Sponsi , & Sponsæ denominatio emanavit . *l. 3. ff. eod.*

Quo ad Tertium : Sponsalium duæ sunt species . Alia de futuro , Alia de præsentì . Ita notant omnes *in Rubr. de Sponsalib. & Goffredus ibi n. 4.*

Quo ad Quartum . Sponsalia de futuro contrahuntur simplici sponsione , Verbis , scilicet ; quæ verba respiciunt futurum tempus . *c. Si inter. eod. §. Verba. hoc tit.* Re , cum Matrimonium contrahitur per nudam subarrhationem , vel annuli immissionem . *Abb. & DD. in c. fin. de Despons. Impuber. §. Contrahunt. hoc tit.* Dixi per nudam , quia si interveniat consensus de præsentì , tunc dicitur Matrimonium . *D. D. dicto loco.* Litteris , quando in scripturâ duo absentes sibi invicem promittunt . *§. Litteris. hæc.* Quod etiam habet locum in Nuncio , & Procuratore ad hoc constituto , ut per eum possint contrahi sponsalia . *d. §. Litteris. c. fin. de Procuratorib. in 6.* Nec in hoc casu Procurator potest alium substituere . *§. Procurator. hoc tit. d. c. fin. de Procur. in 6. cum concord. ibi allegatis.* Consensu , ut quando qui propter ætatis impedimentum Matrimonium contrahere non possunt , sibi spondent , veluti duo Impuberes , vel si unus sit pubes , namquam-



quamvis verba sonent contractum de presenti, attamen quia ætas impedit, contrahunt Sponsalia de futuro. *c. Nobis. ext. de Despons. Impub. §. Consensu. hic.* Et hoc procedit non vi verborum, sed Juris potestate. Ita Goffred. *in sum. eod. n. 5.* Item Sponsalia contrahuntur, vel simpliciter, & purè, quando sinè alia adiectione diei duo sibi promittunt: vel sub conditione, quando duo sibi spondent sub certo futuro casu, vel conditione. Et advertendum est, quod in hoc turpes conditiones rejiciuntur. *§. Hoc tamen. hoc tit.* Quandoque etiam dies adjicitur in Sponsalibus, ut quando quis intrâ certum tempus, aliquam se ducturum in uxorem convenit: Et hanc distinctionem habemus in *§. Rursus, cum duobus seqq. hic. cum concordan.*

Quo ad Quintum. Sponsalia possunt contrahi inter eos, qui Matrimonium contrahere possunt. Sed nunc qui minorem habet ætatem, si septem annos habeat, potest tam Sponsalia contrahere, quàm jam inita approbare. *c. Litteras. de Desponsat. Impuber. c. fin. 3. q. 2. c. 1. in princ. de Desp. impub. in 6. & §. Non tamen. hoc tit.*

Quo ad Sextum. Primus effectus est, ut teneatur promittens servare promissa. *d. §. Rursus. c. 2. c. Requisivit. ext. eod.* Quamvis quis præcisè non compellatur propter malos eventus. *d. cap. Requisivit.* Nisi sint Jurata. *c. 2. & c. Ex litteris. eod.* Alter effectus est ut inducant impedimentum publicæ honestatis; itaut nullus cognatus sponsi contrahere possit cum sponsâ, nec cognatæ sponsæ possint cum sponso contrahere. *c. 2. & cap. Sponsam. ext. eod.* Quod extendebatur, etiam ad illum Casum, quo Sponsalia erant nulla. *d. c. 2.* Postea verò inductum est, quod publica honestas impediret usque ad quartum gradum tantum. *c. Non debet de Consanguinitate, & Affinitate.* Sed hodie per Conc. Trid. *in c. 3. de Reform. Matrim. sess. 24.* constitutum est per Sponsalia quâcunque ratione invalida non impediri Matrimonium ratione publicæ honestatis; & cum fuerint valida prohibuit Matrimonium contrahendum inter cognatos sponsum cum aliquo ex sponsis, solummodò usque ad primum gradum. Et hæc quæ dicta sunt habent locum, quando Sponsalia sunt contracta purè; quod si adiectus sit dies,

dies , si per alterum steterit , quominus sit Matrimonium contractum , tunc alter poterit ad nuptias alterius transire. Sin autem sint facta Sponsalia sub conditione , tunc evanescent deficiente conditione. *g. Dies cum seqq. hoc tit.*

Quo ad Postremum . Duobus præcipuè modis dissolvuntur Sponsalia contracta . Aut ipso Jure , aut facto hominis . *g. Dissolvuntur . hoc tit.* Primo modo , quando Jus ipsum hoc decernit ; veluti per ingressum Religionis , vel susceptionem sacrorum Ordinum . *g. Item . hoc tit.* Et quo ad ingressum Religionis dicas hoc procedere etiam in Sponsalibus de præsentibus . *cap. Ex publico . de convers. Conjug.* Dummodò adsit consensus alterius . ut *ibid. c. Scripsit . c. Ecce . 27. q. 2. c. Commissum . eod.* Quatenus verò loquimur de Susceptione sacrorum Ordinum , habet locum tantummodò in Sponsalibus de futuro . ita not. *in c. 1. de Vot. & Vot. redempt. in 6. per Extravag. Joann. quæ incipit Altercationis antiquæ . & in c. Ex parte . 2. de convers. Conjug.* Per Matrimonium subsequens , quia majus vinculum minus dissolvit . *g. Si igitur . bñc . c. De illis . ext. eod.* Goffred. *in suâ*

*Summ. in Rubr. eod. n. 10.* Facto hominis solvuntur Sponsalia , cum partes communi consensu ab ipsis Sponsalibus recedere volunt , vel alterius tantum dissensu ; & id fit ex causâ legitimâ Jure concedente ; veluti si intervenerit Membrorum amissio . Absentia . *g. Sed & hoc tit.* Fornicatio ; Incurabilis morbus , ut lepra . *g. fin. b. t.* Vel similis causa . *c. Sicut . c. Si inter . c. Is qui . ext. eod. c. 1. & c. fin. ext. de Spons. duor. cap. Prætereâ . eod. g. Facto . b. t.* Item si impubes contraxerit , & factus Pubes noluerit Matrimonium ratum habere , dissolvuntur Sponsalia . *g. Contrabentes . b. t. d. cap. De illis . De Spons. impub.* Item Affinitas superveniens dirimit Sponsalia . *g. Item . hoc tit. c. 2. de Consang. & Affinit. & cap. Veniens . 1. & 2. & c. Ex litteris . De eo , qui cogn. conf. Uxori suæ .* Et , quod dictum est de fornicatione , quod per eam dirimantur Sponsalia , habet locum etiam si fuerint Jurata . *g. Unius . hoc tit.* Idem in fornicatione spirituali , ut si Sponsus , vel Sponsa idolatraverit , vel in hæresim inciderit . *g. Idem . hoc tit. c. Non solum . & c. Jam nunc . 28. q. 1.* Quid autem sit in Matrimonio ? videbimus infra in *g. Mul-*



## TIT. XI.

## De Nuptiis.

*§. Multum. de Divort.* Et Prætereâ pro totius Tituli expeditione nota, quod ex quo Sponsalia de futuro non possunt contrahinisi in septennio, et si anteâ contrahantur, non valent, nisi nova voluntas superveniat, ut suprâ dictum est. Si nexus copulæ in eam, quæ nondum septennis est, intercesserit, tunc inducitur publicæ honestatis Justitia. *§. Si tamen. b. t. c. Juvenis. eod.* Et si impuberes velint dissolvere Sponsalia, non sunt audiendi, sed expectandum est tempus Pubertatis. *§. de Illis. b. t. c. De Illis. & c. Anobis. de Despons. Impub.* Quod si mulier Viri potens contrahat cum impubere, ipsa non potest resilire, sed impubes factus pubes potest hoc facere. *§. Mulier. b. t.* Quod habet locum si spontè cum minore contraxit, aliàs si coactè non tenetur expectare impuberem. *§. Hæc tamen. hoc tit.* Et Sponsalia contracta à parentibus non tenent, nisi filii assentiant. *§. Non absimile. hoc eod. tit.*

**C**ontinuatio hujus Tituli ad præcedentes colligitur ex principio tituli nostri; pro cuius expeditione videbimus:

- 1 *Quid sint Nuptiæ?*
- 2 *Unde dictæ?*
- 3 *Quando dicantur contractæ?*
- 4 *Qui nuptias contrahant?*
- 5 *Quibus temporibus fiant?*
- 6 *Quæ Matrimonium invalidum reddant?*

Quo ad Primum. Nuptiæ nihil aliud sunt, quàm Matrimonium; quod quidem Matrimonium præsefert communicationem Juris divini, atque humani per conjunctionem maris, & foeminæ, ac inseparabiliter factam. Hoc tamen discrimen videtur esse inter Matrimonium, & Nuptias, quod propriè Matrimonium præsefert illud totum tempus, quo legitimè est conjunctio contracta, & copula sequuta. Nuptiæ verò referuntur ad Tempus illud, quo per verba de præsentis consensum contrahentes præstant, & illam perpetuam inter se mutuam conjunctionem contrahunt. Ut notant *D. D. in Rubr. c. de Sponsal.*

Quoad Secundum. Nuptiæ dicuntur à nubendo, seu velando. *c. Nec illud*. 30. q. 5. *c. Nec imago*. 33. q. 5. Etenim propter modestiam sponsæ velabantur, ut dictum est in titulo *de Nuptiis in Civil. Institution.*

Quoad Tertium. Nuptiæ dicuntur tunc contractæ, quando ab illis, qui debent conjuges esse, est consensus præstitus ad Parochi interrogationem, cujus Parochi præsentia est omninò necessaria. Concil. Trident. in *c. 1. de Reform. Matrim. sess. 24.* Aliàs Matrimonium diceretur clandestinum, nec contrahentes obligaret in foro exteriori. *d. c. 1.*

Quoad Quartum. Habentes legitimam ætatem, & facultatem consentiendi, Matrimonium possunt contrahere. Legitima verò ætas deprehenditur ex habilitate ad coeundum. *c. 3. de Despons. Impub. §. Sed qui.* *b. t.* Abb. in *c. De illis.* *ext. de Sponsalib.* Est tamen casus in quo impubes potest Matrimonium contrahere si inhabilis sit ad copulam, & est quando de pace ineundâ tractatur. *§. Idemsi.* *eod. c. 2. de Despons. Impub. & 29. d. per totam.* *c. Hoc quippè.* 3. q. 6. Et sciendum est, quod ad contra-

hendum Matrimonium verba omninò sunt necessaria, vel saltem alia signa mentem contrahentium exprimentia, & ex quibus consensus deprehendi possit. *c. Sufficit.* 27. q. 2. Abb. in *c. Tuæ.* *de Spons. §. Licet autem.* *b. t.* Undè etiam mutus, & surdus per signa contrahere possunt. *§. Muti.* *boc tit.*

Quoad Quintum. Temporibus statutis tantum potest contrahi Matrimonium. Quare prohibetur ab Adventu Domini Nostri, usque in diem Epiphaniæ; & à Feriâ quartâ Cinerum usque ad octavam Paschatis inclusivè. *c. Ab adventu.* *de Reform. Matrim. sess. 24. in Conc. Trid.* Et hoc est unum de Præceptis Ecclesiæ. Et si quis dixerit hanc superstitionem superstitiosam esse, anathema sit. *c. 11. de Sacram. Matrim. sess. 24. in eod. Conc.*

Quoad Postremum. Si quis crediderit personam liberæ conditionis suscipere, quam postea cognoscat esse servilis, Matrimonium est nullum, nisi fuerit renovatus consensus, vel sequuta copula. *§. Si quis tamen.* *b. t. c. Proposuit.* *de Conjug. servor.* Qui autem dicantur liberi dicit *tex. in §. Liberi autem.* *b. t.* Item si quis contra-

here



here credat cum unâ , ac alii subjiçiat per errorem ; ob impedimentum consensus Matrimonium invalidum redditur . c. 1. 29. q. 7. & Goffred. in sua Summ. in Rubr. de Spons. sub num. 21. Ubi etiam dicit errorem qualitatis , & fortunæ non impedire Matrimonium , ut si illa , cum quâ contrahitur , credatur esse Virgo , & non sit , vel dives , & pauper sit . ut 29. q. 1. d. c. 1. De aliis impredientibus dicitur in sequenti titulo .

T I T. XII.

*Quæ Matrimonium impedire possint .*

**Q**uoniam multa impediunt Matrimonium , ob id nunc de hâc materiâ . Et videbimus :

- 1 *Quæ Matrimonium contrahentum dirimant , & quæ contrahendum impedian?*
- 2 *Quot Matrimonii species sint?*

Quo ad Primum . Primo loco Error dirimit Matrimonium , ut hâc in princ. Et quoniam quatuor sunt species Erroris , Conditionis , Personæ , Fortunæ , & Qualitatis , sciendum est , quod postremæ duæ

Matrimonium non dirimunt ; superiores sic , ut sup. tit. proximo dixi . & c. 1. & per totum . 29. q. 1. & q. 2. §. Solus . hoc tit. Secundò : *Conditio* appositâ contrâ substantiam Matrimonii , vel dirimit , vel nullum efficit Matrimonium . c. Super eo . & c. Ad id . de Cond. apposit. c. Commissum . de Spons. c. de Illis . De eo qui duxit in Matrim. quam poll. per Adult. Nisi sequuta sit Carnalis Copula , quia tunc intelligitur recessum ab omni conditione , vel modo , ut D. D. Jurib. & per Goffr. in suâ Summ. de Spons. num. 22. Tertid : *Votum* solemne , & Sacer Ordo . §. Item Voti . hoc tit. c. Un. de Constit. in 6. c. Feriatim . 32. d. *Votum* autem solemne in proposito est , veluti susceptio Sacri Ordinis , vel professione tacitâ , vel expressâ munitum . d. c. Unic. Secùs autem est in Voto simplici . §. Secùs b. t. Nam etsi contrahendum impediat , contrahentum tamen non tollit . arg. c. Quemadmodum . de Jurejur. & l. Patre . De his qui sunt sui , vel alien. Jur. Quartò : *Disparitas* fidei , ut si unus sit Christianus , alter Judæus . ut 28. q. 1. per totum . Quintò : *Publicæ honestatis* Justitia . 37. q. 2. c. Si quis Uxorem . Et non solum

impedit, sed etiam dirimit. *c. Juvenis. b. t. & Goffr. in Rubr. ext. cod. num. 21. c. Duo pueri. de Spons. Impub.* Et hæc Justitia publicæ honestatis descendit ex Sponsalibus, & Matrimonio rato, etiam nullâ copulâ carnali intercedente. *cap. Unic. de Spons. in 6. c. Sponsam. ext. de Sponsal.* Et olim propter hanc Justitiâ publicæ honestatis, qui sponderat cum aliquâ, non poterat contrahere cum consanguineis sponsæ, nec sponsa cum consanguineis sponsi usque ad quartum gradum. Ita not. Abb. in *d. c. Sponsam.* Et hoc habebat locum etiam si Sponsalia essent nulla. *c. Ad audientiam. de Sponsal.* Quod tamen novissimè per Concilium Tridentinum correctum est. *de Ref. Matrim. sess. 24. c. 3.* ubi duo ordinantur. Primum, quod si sponsalia nulla sint, quâcunque de causâ, non inducant hanc Justitiâ publicæ honestatis. Alterum est, quod quando sunt valida non inducant hoc impedimentum, nisi in primo gradu solo: Undè Vir non potest contrahere cum consanguineis suæ sponsæ in primo gradu tantum; & sic de sponsâ idem dicitur.

Sextò Ligamen impedit, & dirimit Matrimonium. *cap. Si*

*per. 3. q. 1.* Ut si quis per verba de præsentì contrahat cum aliquâ; namque hoc casu etiam quod copula non sit sequuta, tamen uno vivente, alter conjugum non potest contrahere cum alio; & si contrahat, nullum est Matrimonium, licèt consummatum per copulam, & habeat filios, sed debet redire ad primum. *cap. Si inter. de Sponsal.* Sed quomodo in Lege veteri licita esset pluralitas Uxorum? Et Sancti Patriarchæ fuerint Polygami? Vide in meis Decisionibus *de Matrimonio. decis. 29.* in quâ plenè agitur de Polygamiâ, ac de Polyviriâ; & adducuntur pulcherrimæ Historiæ, ac Exempla circâ hoc Ligaminis impedimentum.

Septimò Crimen impedit Matrimonium, & dirimit. *cap. Amovere. 33. q. 1. & ext. de eo, qui cogn. consang. Ux. suæ. c. 1. & 2.* Sivè crimen sit homicidii, sive adulterii; ut si unus conjugum conveniat cum altero, ut occidant alterum conjugem, ut possint inter se contrahere. Vel si unus conjugum occidat alterum per se, vel per alium, ut contrahat cum adultero. *cap. Super eo. extrâ De eo qui dux. in Matrim. quam prius poll. per adult. Vel si unus.*



fi unus conjugum committat adulterium cum aliquo, & promittat ei, cum quo adulteratur, se contracturum post obitum conjugis, per *d. c. Super eo, cum simill.*

Octavò Affinitas Matrimonium impedit, & dirimit: Et affinitas nihil aliud est, quàm cognatio quædam ex copulâ carnali procedens. Et hæc affinitas non solum ex copulâ licitâ Matrimonii, sed etiam ex copulâ illicitâ procedit. *c. Discretionem. De eo qui cogn. consang.* Et per hanc affinitatem consanguinei utriusque conjugis usque ad quartum gradum non possunt contrahere cum altero conjugum. *c. Non debet. §. Prohib. extr. De consang. & affinit.* Verùm hodiè secundum constitutionem Concilii Trid. in sess. 24. c. 4. de Reform. Matrim. Impedimentum affinitatis per copulam illicitam non extenditur ultrâ secundum gradum. Cognatio autem dirimit Matrimonium usque ad quartum gradum: Undè qui sunt conjuncti, idest consanguinei, si loquamur de collateralibus, non possunt contrahere usque ad quartum gradum inclusive. *cap. Non debet. de Consang. & affinit.* In ascendentibus verò, & de-

scendentibus dicas, quod in infinitum prohibetur Matrimonium; ita est communis sententia, quæ enim personæ locum parentum, & filiorum obtinent, non possunt inter se contrahere. *§. Ergò. Vers. inter eas. Instit. de Nupt. d. cap. Non debet. & cap. unic. extr. de Cogn. legal.* Et si vis habere cognitionem graduum, vide *cap. fin. cum Gloss. ibi in Verb. remotior. extr. De consang. & affinit.* & facilius in meis Decisionibus de Matrimonio. *decis. 22. à n. 7. & seqq.* Vis etiam impedit Matrimonium. *c. Cum locum. extr. de Sponsal. c. 9. sess. 24. de Reform.* Undè reassumas hos modos, & dicas sic:

Error, Conditio, Votum, Cognatio, Crimen,  
Cultus disparitas, Vis, Ordo,  
Ligamen, Honestas,  
Si sis Affinis, si fortè coire nequibis.  
Si Parochi, & duplicis desit presentia Testis;  
Raptavè sit Mulier, nec partem reddita tutæ:  
Hæc socianda vetant connubia;  
facta retractant.

Ultrâ hos modos nota casum furoris, qui Matrimonium impedit. *cap. Neque furiosus. 32. q. 7.* Item per adulterium Matrimonium separatur. *can. 7. de*

*de Spons. & Matrim. sess. 24. in Concil. Trid. Quænam factum tollant? vide Gloss. in c. Litteras. de Suppl. negl. Præl.*

Quoad secundum. Tres species Matrimonii constituuntur. Legitimum, & non ratum. Aliud legitimum, & ratum. Tertium ratum, & non legitimum.

Primum est, quod legali institutione, & Provinciæ moribus contrahitur; hoc inter infideles non est ratum, quia non est firmum, & ideò violabile est conjugium eorum: Dato enim libello repudii, licet eis recedere ad invicem, & alii copulari lege Fori, non lege Poli, quam non sequuntur.

Secundum verò inter fideles ratum conjugium est, quia conjugia semel initiata, & completa inter eos, ulterius solvi non possunt. Legitimum quoque est, quia fit servatis solemnitatibus, ut cum Uxor à Parentibus traditur; à Sponsoditatur, & à Sacerdote benedicatur.

Tertium fit inter eos, qui quidem possunt contrahere, sed tamen non servatis solemnitatibus, sed solo affectu contrahitur; hoc enim est ratum, ita ut non dirimatur, sed non

est legitimum, eo quia non est contractum secundum Juris formam, quæ, ut vulgò dici solet, rem in esse ponit. *l. Julianus. §. Si quis rem. ff. Ad exhiben.* Et hæc distinctio habetur in *§. Ex his. hoc tit. & in cap. fin. 28. q. 1.* Cætera, quæ in titulo sunt, vide per te ipsum. Sed in quâcunque difficultate Matrimoniali ne deferas recurrere ad meas Decisiones *De Sacram. Matrim.* in quibus maximo studio collecta sunt, quæ de eo possunt disputari.

## T I T. XIII.

### De Triplici Cognatione.

**Q**Uoniam inter cætera, quæ Matrimonium impediunt, Cognatio existit, quæ in variis est distincta speciebus, ob id nunc de eâ tractatur, & videbimus:

- 1 *Quid sit Cognatio?*
- 2 *Quot sint ejus species?*
- 3 *Quæ Cognatio consideretur?*
- 4 *Inter quas personas, & usquæ ad quem gradum Matrimonium impediat?*

Quoad Primum. Cognatio est Jus quoddam inter certas personas, vel legis fictione institutum, quo fit ut personæ ipsæ



ipsæ inter se conjunctæ videantur. Et propriè Cognati dicuntur, quasi cum aliquo nati. *l. r. ff. Unde Cogn.* Et sciendum est, quod hoc nomen est nomen genericum, & specificum. Primo modo significat quosdam attinentes. Secundo modo ad eos refertur, qui sunt conjuncti per lineam fœmininam. *l. Jureconsultus. ff. de Grad. affinit.*

Quo ad Secundum. Tres sunt Cognationis species. *Naturalis*, quæ medio consanguinitatis, vel affinitatis contracta reperitur. *§. Naturalis. b. tit.* Est autem consanguinitas attinentia personarum ex eo proveniens, quod una provenit ab alterâ, vel ambæ ab eâdem. Vel alio modo est vinculum personarum ab eodem stipite descendantium, carnali propagatione contractum. Et dicitur consanguinitas, quasi sanguinis unitas; quia scilicet consanguinei de communi sanguine descendunt. *d. §. Naturalis.* Et de hoc est Gloss. *in 35. q. 5. in arb. aff.* Et per Hostien. *in Summ. de Consang. & affinit. Civilis*, quæ etiam *Legalis* vocatur; estque communio, seu attinentia proveniens à Juris, non naturæ ministerio. *l. 4. §. i. ff. de Grad. affin.* Vel est

proximitas per adoptionem proveniens. *§. Legalis. i. b. tit.* Quæ quotuplex sit, vide Gloss. *in c. unic. de Cogn. legalis.* *Spiritualis*, quæ est attinentia quædam proveniens ex Sacramenti collatione, vel detentione ad Sacramentum. ut *b. tit. in princ.* Et eandem definitionem ponit Gloss. *in c. i. de Cognat. spirit. in 6.* ubi Abbas.

Quo ad Tertium. Regula est generalis, Quamcunque attendi Cognationem si de Matrimonio contrahendo tractatur. Si verò tractatur de Matrimonio jam contracto, Naturalis est illa, quæ Matrimonium non solum impedit, sed dirimit usque ad quartum gradum. *§. Vir. b. tit. cap. Non debet. De consang. & affinit.* Nisi obtineatur dispensatio. Spiritualis verò non simpliciter; & ideò si pater ad sacrum fontem levaverit filium, non ob id Matrimonium dissolvitur. *§. Diximus. b. t. & not. in cap. 2. extr. de Cogn. Spir.* Illud etiam sciendum est, quod legitima cognatio impedit solum usquequò durat. Exemplum est in *§. Legalis. b. tit. c. un. De leg. cogn. & cap. Per adoptionem. & c. Itâ diligere. 30. q. 3. & l. Per adoptionem. ff. De rit. nupt.* quandoque perpetuò. *ut infra.*

Quo

Quo ad Postremum : Si de Cognatione spiritali tractatur hæc impedimentum præbet inter levantem, & levatum, nec non & ipsius Parentes, & Baptizantem, & Baptizatum, & illius Parentes secundum Concil. Trid. in c. 2. de Reform. Matrim. sess. 24. quamvis hoc impedimentum latius pateret olim, ut §. Non solum. hoc tit. d. c. 1. de Cogn. Spirit. Et quod dictum est de Baptismo, habet etiam locum in Confirmatione. d. c. 2. Undè ex datione aliorum Sacramentorum non oritur impedimentum hujusmodi, quod Matrimonium impediatur. §. Eisdem. hoc tit. De ratione differentię videas in Gloss. in Verb. Sacram. in princ. Item per Catechismum Matrimonium contrahendum impeditur, quamvis contractum non dirimatur. §. Per Catechismum. hoc tit. cap. 2. de Cogn. Spirit. in 6. cap. Contract. ext. eod. de Cogn. Spirit. Et Catechismus est illa instructio, quæ fit antè Baptismum super articulos fidei, & habet locum maximè in adultis, & capacibus. c. Ante vigesimum. de Consecr. d. 4. Et hodiè fit ante fores Ecclesiæ, & in infantibus antequàm baptizentur, ut per Abb. in Rubr. de Cogn. Spirit.

in 6. Si verò agamus de Cognatione legali, hæc impedit quandoque in perpetuum, quandoque verò ad tempus. §. Legalis. hoc tit. cap. Cum. de Legali cogn. & cap. Per adoptionem. & d. c. Ita diligere. 30. q. 3. & d. l. Per adoptionem. ff. de Rit. Nupt. §. Perpetuam. hic. §. Ergo non omnes. Vers. & hæc. Inst. Civilib. de Nupt. Perpetua causa impedimenti est inter adoptantem, & adoptatum, & inter Uxorem adoptantis, quia etiam dissolutâ adoptione non removetur impedimentum. Quod si aliqua per adoptionem tibi soror esse cœperit, dissolutâ ipsâ adoptione removetur impedimentum, ut in Jurib. supr. alleg. & est Gloss. in d. cap. Un. de Cognat. Spirit. & §. Sed si quæ. Instit. Civil. de Nupt.

Si de Naturali loquimur, hæc inducit impedimentum usque ad quartum gradum inclusivè. c. Non debet. de Consang. & affin. quod intelligitur de transversalibus; namque inter ascendentes, & descendentes in perpetuò prohibentur Nuptiæ. Quamvis Goffred. teneat contrarium in Rubr. de Consang. & affin. per generalitatem. d. c. Non debet. Quod tamen non est verum. Ut per



Jo: Andr. Host. & Abb. *in d. c. Non debet*. Et de hoc est *tex. in l. Nuptiæ . ff. de Rit. Nupt. In §. Ergò . Inst. Civil. de Nupt.* ubi etiam Gloss. *in Verb. in infinitum*. dicit, quod si Adam viveret uxorem non inveniret. Vide in meis Decisionibus *de Matrimonio . Decis. 22. num. 12.* ubi DD. attestantes nunquam in Ecclesiâ Catholicâ fuisse dispensatum, ut Matrimonium fieret inter Ascendentes, & Descendentes. Hujus rei ratio esse potest, quia in nuptiis copulandis honestas inspicitur. *l. Semper . ff. de Rit. Nupt.* Quod procedit etiam quo ad eas personas, quæ propè stipitem sunt, cum & ipsæ loco parentum habeantur. & eas, quæ descendunt ex stipite, ut quæ loco filiorum sunt. *§. Inter amitam . Inst. Civil. de Nupt.* Quod etiam de Jure Canonico receptum est, ut per Host. *in tit. de Consang. & affinit. Vers. usque ad quartum gradum*. Et quod dicitur de cognatione naturali habet locum etiam in affinitate. *d. cap. Non debet*. Dummodò affinitas sit contracta ex licito coitu; namque si copula sequatur illegitima, tunc impedimentum non excedit secundum gradum, ut per Conc. *Trid. sess. 24. in Decret. super*

*Reform. Matrim. c. 4.* Et notandum est, quod is, qui cognovit consanguineam uxoris suæ non potest petere debitum, licet reddere teneatur; sed per hoc non dissolvitur Matrimonium, & post mortem uxoris non potest cum aliâ Matrimonium contrahere. *§. Si quis . hoc tit. c. 1. De eo qui Cogn. consang. Ux. suæ*. Et vide Gloss. *hic in Verb. petere*, quæ proponit duos casus, & se remittit ad dicta *in c. Discretionem . eod. tit.* Verùm Uxor in hoc casu admonenda, ut à commixtione viri abstineat, & in continentia maneat, donec vir viam universæ carnis fuerit ingressus. *§. Uxor . hoc tit.* Sed tamen non tenetur monitionibus parere. *§. Quod si fortè . b. t. d. c. 1. & cap. fin. De eo qui cogn. &c.* Undè apparet quod affinitas subsequens non dirimit Matrimonium, sed ea, quæ præcessit, si legitime probetur.

## T I T. XIV.

*De Clandestinâ Desponsatione.*

**Q**Uoniam Matrimonia quandoque palàm, quandoque verò occultè contrahuntur,

tur, idcirco post titulos præcedentes, in quibus de Matrimonio palam contractis actum est, tractat Auctor de Matrimonio clandestino, quod occultum dicitur: & videbimus

1 *Quid sit clandestina desponsatio?*

2 *Qui sint effectus clandestini Matrimonii?*

3 *Quæ solemnitates debeant observari in Matrimoniis clandestinis?*

Quo ad Primum. Clandestina desponsatio dicitur Matrimonium illud, quod inter aliquos etiam copulâ interveniente contrahitur, non servatis omnibus solemnitatibus. *c. 2. ext. eod. c. Aliter. 30. q. 1. c. fin. extr. eod. & secundum id, quod hodiernis temporibus est statutum à Conc. Trid. est Matrimonium illud, quod non est contractum cum præsentia proprii Parochi, & duobus, vel testibus. c. 1. in Decret. de Reform. Matrim. sess. 24. Et licet antiquitus matrimonia ista valida, & firma essent. c. Si quis. §. Ista. 30. q. 8. d. c. Aliter. Attamen hodiè per Concilium Tridentinum statutum est, ut nulla prorsus sint. d. c. 1. sess. 24. Et hoc cā ratione statutum fuit, quia eveniebat plerumque, ut aliquis cum unâ con-*

traheret clam, quā demissâ aliam duceret, cum quā perpetuè in adulterio viveret. Undè cum non posset primum Matrimonium probari, eveniebat quod Ecclesia non posset eum cogere, ut ad primum redderet. *c. 2. ext. eod. & bñc in princ.*

Quo ad Secundum. Effectus præcipuus est iste, ut filii nati ex hujusmodi Matrimoniis, illegitimi judicentur, licet parentum ignorantia Matrimonium contractum fuerit clandestinum. *c. Fin. §. Si quis. ext. eod. §. Quicumque. b. t.* Licet alioquin si ignoranter in facie Ecclesiæ contraxerit, & postea lata fuerit sententia divortii propter consanguinitatem, filii jam nati dicuntur legitimi. *c. Cum inter. & ibi not. extr. Qui Filii sint legit.* Immò etsi unus tantum ignorat. *c. Ex tenore. eod. tit. & est Glos. in c. Cum in captivitate. 33. q. 1.* Et contrahentes tale Matrimonium peccant. *d. cap. Aliter. & puniuntur. d. c. fin. in fine.* Et Sacerdotes, qui hujusmodi conjunctiones prohibere contempserint, ab officio suspenduntur, & gravius etiam sunt puniendi, si hoc culpæ qualitas postulaverit. *cap. fin. hoc tit. cum concord. d. cap. 1.*



d. cap. i. sess. 24. Concil. Trid.

Quo ad Ultimum. Hæc sunt ad contrahenda Matrimonia necessaria. Primò, ut fiant tres denunciationes in celebratione Missarum tribus diebus festivis; licèt interdum etiam hæ denunciationes remittantur ex causâ. Secundò, ut his factis coràm duobus, vel tribus testibus Sacerdos consensum eliciat, conjugesque conjungat, dicens: *Ego conjungo vos in Matrimonium in Nomine Patris, & Filii, & Spiritus Sancti*; & nomen ipsorum in libro ponat. Id etiam observatur, ut non habitent simul conjuges ante benedictionem Sacerdotis; itaut proprius Parochus benedicat, non alius, nisi fortè obtentâ licentiâ ab Ordinario; & si fortè obveniat, ut aliquod impedimentum adducatur, suspenditur Matrimonii contractus. *S. Cujus. bñc.* usquequò de impedimento judicetur. *c. Præterea. de Spons. c. Cum intua. & c. Super eo. de Consanguin. & affinit.* per d. c. i. sess. 24. de Ref. Matrim.

*Qui Matrimonium accusare possint, vel contra illud testificari.*

Cum Matrimonium, ut suprà dictum est. in *S. i. tituli proximi*, debeat fieri præmissis denunciationibus; & post eas possint comparere, qui illud accusent, ob id de his in hoc titulo tractatur, & de his etiam, qui impedimentis propositis super ea possint testificari. Et ad Tituli declarationem examinabimus.

- 1 *Quid sit Matrimonium accusare?*
- 2 *Qui possint Matrimonium accusare?*
- 3 *Quando accusatio sit facienda?*
- 4 *Qui possint esse testes?*
- 5 *Quæ in testibus requirantur?*

Quoad Primum. Matrimonium accusare nihil aliud est, quàm delatio causæ, propter quam Matrimonium debet dissolvi, vel contrahendum non fieri. Et habet accusatio ista naturam quandam mixtam inter Civilem, & Criminalem causam. *cap. Tuæ. de Procur. c. Consanguineos. 35. q. 6.*

Quo ad Secundum. In hoc capite talis est adhibenda di-

stinctio; Seu duo sunt casus constituendi. Primus est, quando tractatur de deferendo impedimento ejus naturæ, quo probetur Matrimonium esse non posse sine peccato; & in hoc casu unusquisque admittitur ad accusandum. *¶ Quod si delictum. b. tit. c. Tua. de Cogn. spir. cap. Cum in tuâ. de Spons. cap. Videtur. ext. eod.* Et in hoc præferuntur consanguinei, & parentes volentes accusare, quia præsumuntur melius scire suam genealogiam, quàm extranei. *d. c. Videtur. & Goffr. in Rubric. hoc tit. c. Videtur. 35. q. 6. §. Adeò. bñc. d. §. Quod si delictum.* Quod si consanguinei non extent, tunc antiquiores, & honestiores admittuntur. *¶ Quod si progenies. hoc tit. d. c. Consanguineos.* Secundus casus est, quando agitur de aliquo perpetuo impedimento, quod peccato subjectum non est, & tunc admittuntur ji soli, quorum interest. *¶ Sed nec. bñc. cum concord.* Veluti si agatur de errore conditionis, de impotentiâ ad coeundum, aut de simili impedimento. *Goffr. in Summâ hujus tit. num. 2.* Hanc eandem distinctionem post Innoc. notat Abbas *in Rubr. eod.* Et Hostiens. *in Summ. Quis*

*adm. ad accus. Matrim.* Ubi videndum, & advertendum est, quod ab accusatione repelluntur ji, qui præsumuntur calumniosè accusare. ut *bñc in princ. c. fin. ext. eod. c. Pastoralis. de Except.* Undè si quis tempore denunciationis fuisset in Diocesi, & filuerit, postea non admittitur, nisi juret de calumniâ, ut *bñc in princ.* Et insuper quis propter turpitudinem quæstus repellitur. *c. Significante. ext. eod.*

Quo ad Tertium. Si tractatur de Matrimonio contrahendo debent impedimenta proponi tempore denunciationum, quæ publicè fiunt. Si Matrimonium jam est sequutum, tunc impedimenta pro Matrimonio dissolvendo jam contracto, est necessarium ut ille, qui vult accusare, juret se ignoravisse tempore denunciationum illa impedimenta, sed ea postea didicisse. *bñc in princ. & d. c. Cum in tuâ.* Verùm si justa causa intercesserit, ut verisimiliter potuerit ignorare impedimenta, vel propter infirmitatem, vel propter ætatem teneram, vel etiam si erat extrâ diocesim tunc temporis; itaut ad ejus notitiam non potuerint pervenire denunciationes; tali casu, etiam sine Jura-

men.



mento admittitur . *§. Idem .* hoc tit. d. c. *Cum in tuâ.*

Quo ad Quartum . Regula est generalis : omnes posse esse testes , etiam si sint consanguinei , vel affines , quinimodò , & proprii Parentes . *§. Quod autem .* hoc tit. cap. *Super eo .* extr. de *Testib.* Id tamen verum est , quod si Matrimonium contrahatur inter dispares , tunc non de facili creditur illi consanguineo , cujus videtur interesse Matrimonium illud contrahi , vel non . *d. c. Super eo . in princ. & in §. Ubi . inf.* hoc tit. Illud etiam prætereundum non est , quod si tractatur de consanguinitate probandâ ad Matrimonium dissolvendum , duo , vel tres saltem debent testes recipi . *c. 1. cap. 2. q. 3.*

Quo ad Postremum . In testibus hæc omnia exiguntur . Primò ut bona fides adsit , ut *sup.* Ut sint honestis moribus præditi . Ut quando opus est , Juramentum præstetur de calumniâ , & de veritate dicendâ . Item in depositione testium hæc debent contineri . Ut jurent se non privato odio , nec amicitia , nec alicujus proprii commodi intuitu ad hoc jurandum inductos esse : sicut etiam deponere debent , se il-

lud , quod dicunt , à majoribus accepisse , & se credere ita esse . *§. Testium .* hoc tit. cap. *Licet . de Test. & cap. Litteris . de Præsumpt. & cap. Quoties .* extr. de *Test.* His autem concurrentibus , & impedimento probato , standum est hujusmodi probationi . *§. fin. hoc t. c. Juravit . de Probat.*

## T I T. XVI.

## De Divortiis .

**Q**Uoniam ob causas , de quibus suprâ est actum , evenit sæpè , ut sequatur divortium , ob id de divortio nunc tractatur . Circâ quod videbimus :

- 1 *Quid sit Divortium ?*
- 2 *Ex quibus causis fiat ?*
- 3 *Quando ?*
- 4 *Quot modis Uxor repetatur ?*
- 5 *Qui sint effectus ?*

Quo ad Primum . Divortium est dissolutio Matrimonii , quæ utroque vivente conjugum contingit . *c. Divortium . de Pœnit. d. 1.* Vel est simplex separatio thori . *c. Interveniente . 32. q. 7. & per Abb. in Rubr. eod.* Et dicitur divortium vel à *divertendo* , quoniam qui separantur in diversas partes

vadunt , vel à diversitate mentium . l. 1. ff. de Divoritiis . l. Inter divortium . ff. de Verb. signific.

Quo ad Secundum . Illud sciendum est , quod regulariter legitimum Matrimonium contractum dissolvi non potest . §. 2. hoc tit. c. Quos Deus . 33. q. 2. & l. Ejus . & l. Nihil . ff. de Reg. Jur. Tamen interdum ex causâ fit Divortium .

Primò : Ingrediendo Religionem non sequutâ copulâ , itaut liceat ei , qui in sæculo remansit , alii se conjungere . §. Si tamen . b. t. c. Ex parte . 1. de Convers. conjug. cum simill. Et postquàm alter conjugum Religionem est ingressus , si postea alleget se falsâ causâ deductum , religiosum habitum sumpsisse , non per hoc vitiatum ipsa ingressio . §. Nec causari . b. t. d. c. Ex parte . Et dicenti se velle ingredi Monasterium , terminus præfigitur intrâ quem debet deliberare , vel ad conjugem redire , vel ad Monasterium se transferre . §. Et autem . b. t. c. Ex publico . de Convers. Conjug. Nota nihilominus , quod etiam isto termino transacto , si copula non fuerit sequuta , licebit ei Religionem ingredi , ita not. in d. c. Ex publico . Et iste terminus

non solum datur ad ingrediendum , sed etiam ad profitendum ; ut per Abb. in d. c. Ex publico . Aliàs enim non esset sufficienter provisum alteri sponso , cum non posset ad secundas nuptias transire , nisi altero profitente . Ratio autem , quare non sequutâ copulâ per ingressum Religionis Matrimonium dissolvitur , ea est , quia cum nondum una caro effecti sint , satis probabiliter uno ad Deum transeunte , alter in sæculo remanere poterit . §. Neque minus . b. t. c. Ex publico . de Convers. Conjug. Diversum tamen statuitur in eo , qui post contractum Matrimonium ordines suscepit , quia etiam Matrimonio non consummato non permittitur Divortium ; sed iste sic ordinatus per censuram Ecclesiasticam cogendus est , ut Matrimonium consummat . §. Diversum . b. t. Et est casus in Extravag. Joann. 22. antiquæ . Ubi etiam de hoc sunt Glossæ pulcherrimæ . Verùm etiam in hoc casu character imprimitur , quamvis impediatur Ordinis executio , ut in d. Extravag. Qui casus videtur mirabilis , nam Sacerdos etiam apud Latinos potest habere uxorem , quod etiam procederet in eo casu ,



casu ; quando Matrimonium est consummatum , quia etiam eo casu imprimeretur character ; ut not. Innoc. & Abb. in c. Placet. de Convers. Conjug. & in c. 2. eod. Verùm circâ infideles diversum statuitur : etenim si alter , qui in infidelitate permanfit , velit à fideli disiungi , vel cum eo commorari cum contumelia Creatoris , tunc licebit Christiano cum alio se conjungere. *§. Sed etfi inter. b. t. c. Quanto. & c. Gaudemus. de Divort.*

Alia causa est impotentia coeundi. *§. Item si quis ignarus. hoc tit.* Ubi si quis ignoranter cum impotente contraxerit , Matrimonium separatur , & qui est potens poterit cum alio contrahere. Impotentia tamen debet esse talis , quæ ope medicorum tolli non possit , nisi cum mortis periculo . *c. Fraternitatis. de Frigid. & malefic.* & not. in c. Ex litteris . eod. Modicam autem vexationem , & molestiam debent conjuges sustinere , ut Matrimonium fortiatur effectum , ut habetur in d. locis . Quod si quis putatus fuerit impotens , & possit separationem aliam cognoverit ; Aut ea quæ arcta putabatur , aliquem invenerit , qui sibi feras referaret , utroque casu post

peractam pœnitentiam , ad prima conjugia reddere compellendi sunt. *§. Si quis. b. t. d. c. Fraternitatis. de Frigid. & malef.* Quod intellige quando esset primò cognoscibilis , nam si primus esset adeò mentulosus , & instrumentum genitale haberet ità crassum , quod nunquàm posset deflorare mulierem finè periculo mortis , secundus ob suam gracilitatem posset eam cognoscere , tunc non esset restituenda primo , licèt per frequentem usum cum secundo habitum , sit apta reddita . Abb. in d. c. Fraternitat. Ubi de hâc materiâ , & in c. Quod sedem. & in d. c. Ex litteris . eod. Ratio autem , quare compellendi sunt ad Matrimonium , ea redditur , quia cognita ab uno censetur cognoscibilis ab altero . *D. D. in d. c. Fraternitatis .* Quod si quis scienter impotentem duxit , vel retinuit , eam habebit nisi ut uxorem , saltèm ut sororem . *§. Planè. b. t. c. Omnino. 31. d.* Porro de hâc conjugum impotentia omninò videas meas Decisiones de Matrim. Decis. 32. in quâ plenè de eâ disseritur ; & Juribus ac exemplis declaratur : & ostenditur , decem esse personas , quæ possunt hoc affici impedimento .

Item

Item per carnalem, vel spirituales fornicationem fit separatio thori tantum. *g. Sepius. b. t.* Ratio est quia vinculum conjugii semel contractum, & habitum, nunquam amittitur viventibus conjugibus. *c. 2. & 3. 32. q. 2.* Verum hæc est differentia inter fornicationem carnalem, & spirituales; namque per fornicationem carnalem, distracto Matrimonio, si sequatur emendatio, non coguntur conjuges se reassumere. Secus per spirituales. Namque si infidelis resipiscat, alter tenetur eum recipere, nisi velit Monasterium ingredi. *g. Multum. b. t. d. c. Quanto, & c. Gaudemus. De Divortiis.* De aliis differentiis inter carnalem, & spirituales fornicationem, vide Anton. de Rub. in *c. Fin. de Conjug. convers.* facit *c. Proposito; & quod ibi not. 27. q. 1.* Præter istos casus alter conjugum, altero in sæculo permanente, nec ad Sacros Ordines, nec ad Regularem suscipiendus est observantiam, nisi remanens ejus sit ætatis, ut sine suspitione incontinentiæ possit in sæculo permanere, aut verè continentiam ipsam vovere voluerit; alioquin etiam si de Uxoris licentiâ quis Religionem sit in-

gressus, & professionem fecerit, uxor non poterit ad continentiam cogi; sed vir ad uxoris thorum evocari poterit, nisi uxor postea fornicata fuerit, vel se invicem continentiam promittendo absolverint. *g. His exceptis. cum concord.* Verum quia hæc materia est admodum intricata, nolui ejus tractationem huc inferere: sed de eâ latè videas per Abb. in *c. 1. de Convers. Conjug. & in c. Tua nos. 2. de Jurejur.* Et in meis Decisionibus De Matrim. *Decis. 39.* in quâ copiosè disputatur de omnibus causis separationis conjugum.

Quid verò dicendum est de eo, qui invitâ uxore ingressus est Monasterium, qui postea ad eam redire est coactus, an eâ mortuâ cogendus sit ad Monasterium reverti, an verò possit aliam Uxorem ducere? Et respondetur nec cogendum esse ad Monasterium reverti, nec posse aliam habere Uxorem. *g. Quasitum. b. t. cum simill.* Quod si Uxore non contradicente quis ingreditur Monasterium, eâ mortuâ non potest exire. *g. Quod si quis. b. t.* Et si Matrimonium de facto contraxerit, illud dirimitur. *ut ibi. c. Consuluit. de Convers. Conjug. c. Ex parte. 1. de Convers.*



*vers. Conjug.* Quod multò magis debet habere locum in eo, qui consentiente Uxore professus fuerit. *§. Quod in eo. hoc tit.* Item & in eâ, quæ continentiam vovit, si tamen fuerit certiorata de Juris communis dispositione, secundum Abb. in *d. cap. 1. de Convers. Conjug.* & notatur in *d. cap. Ex parte. 1.* Ubi etiam Abb. Quod si Mulier credens, Maritum esse mortuum, Religionem professâ sit, si eo reverso de Monasterioeducta sit, eo postea verè mortuo, non potest cogi de novo in Monasterium ingredi. *§. Quid statuemus. hoc tit.* facit *cap. Placet. de Convers. Conjug.* Undè ex jam dictis colligitur, quod conjugibus non permittitur Religionis votum assumere altero invito, quod secus est in voto peregrinationis. *§. Licet autem. hoc tit. c. Exmultâ. §. In tanta. ext. de Vot. & Vot. redempt.* Quod etiam hodiè procedit, & si in hoc casu mulier dubitet de morte viri, tamen non potest contrahere, nisi sit de hoc certiorata, vel saltem credat eum verè apud se mortuum esse. *§. Et quamvis. hoc tit. concord. cap. In præsentia. de Sponsalibus. & cap. Dominus. de Secundis nuptiis.* Secus tamen est in Spon-

salibus. *cap. De illis. de Sponsal.*

Quo ad Tertium. Divortium fit tunc demùm, si causa fuerit probata, non ante, etsi fuerit sententia sequuta. *§. Sed & separatio. hoc t.* Et Modestin. in *l. Transactâ. ff. de Verb. signif.* Semper enim in dubio pro Matrimonio respondendum est; nec debet de facili conjugibus credi. *c. Consanguinei. extr. de Sent. & re judic.*

Quo ad Quartum. Duobus modis agitur, vel Petitorio, vel Possessorio. *§. 1. hoc tit.* Sed si petitorio agatur, & aliqua exceptio legitima, ut putâ consanguinitatis, proposita fuerit, priùs cognoscendum est de exceptione tanquàm peremptoriâ. *c. 1. & ibi dicitur de Ordin. Cogn.* Sin autem possessorio Judicio agatur, antequàm discutiatur de consanguinitate, plenaria erit facienda restitutio. *c. Ex consang. de Restit. spoliat.* Nisi is, qui convenitur, & de calumniâ juret, & super exceptiones habeat promptas probationes; nam hoc casu exceptâ carnali copulâ, ad cætera fit restitutio. *d. §. Ergò. cap. Litteras. de Restit. Spoliat.* Verum tamen est, quod hoc casu si mulier restituenda timeat sævitiam Viri, debet ab eo cautio præstari, quam si ip-

se non præstet, dum causa plenè cognoscitur, uxor depōnitur in loco honesto, & tuto. *§. Præstanda. hoc tit. facit. d. c. Litteras. & c. Ex transmissa eod. de Rest. Spoliat.* Quod habet locum etiam si Uxor culpâ suâ recesserit à Marito, ut quia publicè sit adulterata, ut per *Abb. in d. c. Litteras. c. Significasti. de Divortiiis.* Et hæc omnia procedunt, tunc demùm si Matrimonium sit sequutum, & per copulam consummatum, ut notat. *in d. c. Ex transmissa.* Cæterùm si nullis præcedentibus Sponsalibus, vel nullo præcedente legitimo consensu mulier fuerit ad Viri domum transducta, si postea abscesserit, nulla facienda erit restitutio, sed poterit alii nubere. *§. Et hæc. hoc tit.* Et ratio est, quia petens restitutionem debet probare possessionem. *cap. Consultationibus. de Jur. Patron. c. Olim. 3. de Restit. spoliat.* Sed ista traductio non operatur aliquam possessionem. *c. Ex parte, ubi latè, de Restit. Spoliat.* Et colligitur, quod si is, qui vult repetere suam Uxorem, fornicationem commiserit, non potest hoc facere. *§. Fornicationis. hoc tit.* Quinimò ob eam causam sequutâ separatione, si vivente adhuc separatâ

Vir aliam hujus rei consciam duxerit, etiam si ex eâ filios habuerit, non valet hujusmodi Matrimonium, sed etiam si mortua sit adultera, sunt nihilominus separandi. *c. 1. cap. Veniens. & cap. Ex litterarum. ext. de Eo, qui duxit in Matrim. quam per adult. poll.* Quod ampliatur etiam si prima carnaliter non fuisset cognita. *cap. 2. extr. de Eo, qui duxit in Matrim. quam, & c.* Undè si ista Mulier ignoret istum virum conjugatum, secus est, quia si velit, potest eum retinere post mortem primæ. *§. Hoc tamen. b. tit. d. c. 1. c. 2. de Adult.*

Ex quibus Juribus collige hoc notabile. Quod est in arbitrio mulieris hoc casu petere divortium; ad petitionem tamen viri non sunt separandi. *d. §. Hoc tamen. d. c. Veniens.* Et hoc adedò verum est, ut etiam filii de tali Matrimonio nati legitimi dicantur. *c. Ex tenore. & c. Cum inter. Qui filii sint legit.* Et hoc propter bonam mulieris fidem. Undè illud etiam percipitur, quod si quis aliquam cognoverit non sub specie Matrimonii, Defunctâ Uxore, potest cum eâ Matrimonium contrahere, dummodò neuter ipsorum machinatus sit in mortem Uxoris præ-



prædefunctæ , nec fidem de contrahendo sibi invicem dederint . *§. Cum ea . hoc tit. concord. c. Significasti . & cap. Super eo . de Eo , qui duxit , &c.* Et quod hîc dicitur de machinatione intelligatur cum effectu , scilicet sequutâ morte : & de hoc vide *Gloss. in §. Prædefunctæ . in verb. Machinari* . Quod si fidem sibi invicem dederint , non tamen sequuta fuerit copula nec antè , nec post , legitimâ conjuge superstitite , tunc si Matrimonium postea contrahatur , valet , nec dissolvitur per aliam præcedentem copulam . *§. Sedetis . b. t. c. fin. de Sponsal.* Et quod jî , qui machinati sunt mortem contrâ uxorem defunctam , vel contrâ maritum defunctum , non possint inter se contrahere , hoc adeò verum est , ut etiamsi indè aliquod sequatur bonum , tamen impeditur Matrimonium ; undè si infidelis cum Christianâ communicato consilio , ejusdem Christianæ maritum de medio sustulerit , non tamen cum eâ justas nuptias potest contrahere . *§. Usque . b. t. facit c. Quod ait . & quod ibi notatur dist. 14. cum simill.* Ratio ea est , quia non committitur delictum propter bonum spirituale , quod indè

sequitur . *c. Cum magno . Ne Cler. vel Mon. c. Si dicat . 33. q. 5.* Quare colligas , quod si desit animus , & propositum secus est . *§. Diversa . b. t. cum simill.* Et è contrâ si adsit animus , licet non sequatur effectus , iste animus punitur : & per hoc si insidiatur alteri conjugî , & supervixerit is , ad secundas nuptias numquàm poterit convolare , quod procedit etiam in incestuosis . *cap. 1. & per tot. de Eo , qui cogn. consang.* Verùm tamen si isti contrahant , valet Matrimonium . *c. Transmissæ . d. 1.* Hoc idem in Interfectores Sacerdotum , qui nunquam possunt contrahere Matrimonium . *cap. 2. de Pœnit.* Et hæc est decisio . *§. Sediti machinationem . hoc tit.* Sunt & alii casus similes , qui not. in *d. c. 2. de Pœnit.* & explicantur in dictis meis Decisionibus *de Matrim. Decis. 25.* in quâ de criminibus dirimentibus Matrimonium exactè tractatur .

Pro corollario nota : Quod de Jure Canonico absque timore infamiæ , si nulla alia causa impediat , licitum est transire ad secundas nuptias intrâ annum luctus , contrâ Leges Civiles in *l. Consensu . §. Si verò . C. de Repud. l. Liberorum .*

*§. 1. ff. De bis, qui not. infam.*  
 Et hoc deciditur in *§. Illud.*  
*hoc tit. cap. penult. & fin. de Se-*  
*cund. Nupt.* Qui *tex.* secundum  
 Joannem Andream, & Abba-  
 tem in *d. cap. fin.* corrigunt om-  
 nes Leges Civiles, quæ ex ali-  
 quâ causâ impediunt Matrimo-  
 nium, ut est titulus *Cod. de*  
*Prohib. Matrim. in pupill. &c.*  
*& C. Si Rector Provinciæ :* &  
 de hoc vide *Gloss. hic in Verb.*  
*abolita.*

In fine nota, quod is, qui  
 transit ad Bigamiam, non de-  
 bet à Presbytero benedici,  
 quod procedit etiam si consue-  
 tudo loci sit in contrarium.  
 Ut per *Gloss. in Verbo iterari.*

Quo ad Ultimum. Divortii  
 effectus potest esse simplex se-  
 paratio thori, ut scilicet ambo  
 conjuges possint vivere sine pec-  
 cato. Alter est effectus, quod  
 illud Matrimonium, quod de  
 facto processit, cum consistere  
 de Jure non possit, nullum red-  
 datur, & conjuges solutos pro-  
 nunciet. Ita not. in *Rubr. extr.*  
*cod.* Alius effectus est, quod si  
 Matrimonium separetur pro-  
 pter unam ex illis causis, quæ  
 perpetuò impediunt, conjuges  
 possunt ad nova conjugia transi-  
 re; ut in supradictis colligitur.

## T I T. XVII.

De Rebus Sanctis, Sacris,  
& Religiosis.

**I**N principio hujus secundi  
 Libri in Titulo *de Rerum*  
*divisione* diximus inter res spi-  
 rituales, quæ corporales exi-  
 stunt, connumerari Sacramen-  
 ta, Res Sacras, Sanctas, &  
 Religiosas. Hucusque egimus  
 de Sacramentis, nunc dissen-  
 dum est *de Rebus Sanctis, Sa-*  
*cris, & Religiosis.* Et pro hujus  
 tituli expeditione videbimus:

1. *Quæ dicantur Res Sanctæ?*
2. *Quæ Sacræ?*
3. *Quæ Religiosæ?*
4. *Quibus subiiciantur hæ om-  
nes Res?*

Quo ad Primum. Res San-  
 ctæ secundum proprietatem  
 verborum à Juris Civilis dis-  
 positione dicuntur illæ, quæ  
 immunes esse debent à quâ-  
 cunque hominum facultate,  
 & quocunque commercio, ob-  
 pœnam Sanctionis contrâ vio-  
 lantes. *§. Sanctæ. Instit. de*  
*Rer. divis.*

Quo ad Secundum: Res il-  
 læ Sacræ appellantur, quæ sunt  
 ad divinum cultum ritè con-  
 secratæ, & Altissimo per ha-  
 bentem auctoritatem dicatæ.  
*§. Sacræ. Inst. de Rerum divis.*



Cujusmodi sunt Ecclesiæ, Altaria, Calices, & hujusmodi alia. Verùm quamvis ista verba inspectâ origine inter se valdè diversa sint, nihilominus sæpissimè aliud pro alio sumitur, ut in locis allegatis, & allegandis.

Quo ad Tertium. Per idem Jus antiquum Res Religiosæ illæ dicebantur, quæ humana corpora continebant, dictæ Religiosæ à relegando, vel relinquendo. *J. Religiosum. Instit. de Rerum divis.* Hodie verò res Religiosæ possunt dici illæ, quæ ad pios cultus, ad pias causas destinatæ videntur, & personis religiosis inserviunt, ut sunt Domus religiosæ, Xenodochia, Cæmeteria, & Sepultura, Orphanotophia, & alia hujusmodi. *cap. 1. cap. 2. extr. de Relig. Domib.*

Quo ad Postremum. Omnia bona ista sunt ejus naturæ, ut in nullius bonis existant. *J. Nullius. Inst. de Rerum divis.* Et hinc est, quod alienari non possunt, nisi quibusdam adhibitis solemnitatibus, cum causæ cognitione; scilicet ut Prælati Superior expendat nùm alienatio expediat Ecclesiæ, nec ne? Deindè Decretum Prælati; tertio consensum totius Clerici, seu Capituli. *c. Tuum. 12.*

*q. 2. Abb. in c. Statuimus. de Transact.* & quando Sacre esse desierint. Attamen quo ad administrationem subjiciuntur potestati, & regimini Ecclesiasticarum personarum, & præcipuè subjiciuntur Summi Pontifici administrationi, in regione cujusque loci. *c. 1. 2. & 3. ext. de Relig. Domib.*

## TIT. XVIII.

### De Construendis, Consecrandis, & Reparandis Ecclesiis, vel Altaribus.

Cum inter ea, quæ Sacra existunt, Ecclesiæ, vel Altaria primum sibi vindicent locum, idcirco de his nunc disferitur; & pro tituli enucleatione videbimus:

- 1 Quid Ecclesiæ nomen hæc significet?
- 2 Quid nomine Altaris contineatur?
- 3 Quid sit Ecclesiam construere?
- 4 Quid reficere?
- 5 Qui possint Ecclesias construere, reficere, vel consecrare?
- 6 Ex quibus causis Ecclesiæ construi possint?
- 7 Quæ sint servanda in Ecclesiis construendis?
- 8 Quo

8 Quo tempore Ecclesiæ sint consecrandæ, & quo Altaria?

9 Quibus ex causis non sit consecranda Ecclesia?

Quo ad Primum. Ecclesiæ nomen Æquivocum est, ut *bñc in princ.* & per *Glos. bñc in verb. Templum Dei.* Accipitur enim pro Christianorum multitudine, fideliumque congregatione: sed in nostro Titulo Ecclesiæ nomen præfert locum, in quo Sacrificia celebrantur, & sacra Deo peraguntur: *tex. est bñc in princ.* & in *c. Ecclesia. de Consecr. d. 1.*

Quo ad Secundum. Altaris nomine significatur locus ille in Ecclesiâ eminentior, in quo Altissimo Sacrificia offeruntur, & sacra peraguntur. Ita notatur in *Rubr. extr. eod. de Consecratione Ecclesiæ, vel Altaris.*

Quo ad Tertium. Ecclesiam construere nihil aliud est, quàm Templum à fundamentis erigere, quod antè non fuit. *c. 2. extr. de Eccles. Ædific.*

Quo ad Quartum. Reficere Ecclesiam nihil est aliud, nisi Ecclesiam collapsam ad pristinum statum restituere, vel collabentem emendare. *c. 1. de Eccles. ædifican.* & notatur in *Rubr. ejusdem Tit.*

Quo ad Quintum. Illud

indubitabile est, Episcopum posse Ecclesiam consecrare. *c. 1. de Consecrat. d. 1. §. Et si dubitetur. b. t.* Sacerdotes autem non possunt nec Consecrationes, nec Ecclesiarum reconciliationes facere. *c. Aqua. de Consecr. Eccles. §. Confici. b. t.* Construere autem Ecclesiam quilibet etiam privatus, etiam fœmina potest, dummodò concurrat Ordinarii assensus. *cap. Uniuers. c. Clericos. c. Si quis. de Consecr. d. p. c. 18. q. 2. c. Religiosam. 12. q. 2. §. Quamcunq. hoc tit.*

Quo ad Sextum. Non debent Ecclesiæ in præjudicium antiquæ de novo construì, nisi ex quatuor causis. Ob incrementum populi. Commoditatem plebium. Vel certæ Universitatis intuitu. Aut ob Pastoralis dignitatis obsequium.

Ob incrementum populi tunc nova construenda est Ecclesia, cum certis in Regionibus adeò multitudo fidelium excrevit; ut illorum curæ una sit impar Ecclesia. *§. Ob incrementum. b. t. c. Præcipimus. & c. Multis. 16. q. 2.* Quâ de causa etiam Ecclesiæ possunt dividi. *§. Sicut. b. t. d. c. Præcipimus.* Et hîc nota, quod plures Baptismales Ecclesiæ sub eâdem terminatione non poss.



possunt construi , idest quod intrâ eosdem terminos sint duæ Ecclesiæ Baptismales , in quibus promiscuè populus baptizari possit . *§. Plures . b. t. facit . c. In apibus . 7. q. 1. & c. Quoniam . de Offic. Ordin.* Et si de terminatione duarum Matricium Ecclesiarum contentio fuerit , plebes utrarumque discernent . *d. §. Plures .* In hoc tamen est necessaria Superioris auctoritas . *c. de Cœtero . & c. Statuimus de Transfatione . c. Per tuas . de Arbitr.* Laicus enim non posset esse Judex in hoc casu , cum agatur de Re Spirituali . *c. Decernimus . cum seqq. de Judic.* Quod si non convenerint , sorte dividatur . *d. §. Plures . in fin.* Sortibus enim Dei voluntas ostenditur . *c. Sors . 26. q. 2.*

Ob Plebis commoditatem tunc dicitur construi nova Ecclesia , cum Parochianorum pars aded distat à veteri , ut certis temporibus , non sine magna difficultate , & periculo illam adire , & ibi congruis temporibus divinis interesse , & Sacramenta percipere possint . *c. Ad audientiam . §. Plebium . b. t.* Et hoc quidem casu nova Ecclesia subjicitur Matrici Ecclesiæ , id est Ecclesiæ baptismali , per *c. Ex transmissi-*

*sa. de Renunciat. vel Cathedrali,* ut per Abb. *in c. Fin. de Offic. Archiepresbyt. vel illi Ecclesiæ ,* à quâ novæ subministrantur necessaria , cum verba sint intelligenda secundum subjectam materiam . Abb. *in c. Venerabili . de Verb. signif. & debet honorem competentem exhibere . d. §. Plebium . in fin.* vide Concil. Trid. *sess. 21. c. 4. de Refor. & meas Discordias de Beneficiis . Disc. 89.* ubi de requisitis necessariis pro novâ Parochiali erigendâ .

Universitatis intuitu construitur Ecclesia , veluti cum plures simul leprosi sub communi vitâ congregati fuerint , nam his potest nova Ecclesia ædificari . *§. Universitatis . b. t. c. Unico . 10. q. 2.* Dummodò velint eam dotare . arg. *c. Nemo . de Consecr. d. 1.* Qui tamen non debent esse injuriosi veteribus Ecclesiis . *§. Cavebunt . hoc tit.*

Ob Pastoralis dignitatis obsequium , & privilegium dicitur construi Ecclesia , quando Episcopus pro sepulturâ propriâ Ecclesiam ædificat in suâ Parochiâ . *§. Episcopo . b. t.* Et de hoc plenè habetur . *in cap. pen. de Donat. & c. Bonæ . 12. q. 2.*

Quo ad Septimum . Hæc requi-

requiruntur in Ecclesiâ ædificandâ . Primò ut Episcopus consentiat . Secundò ut ipse locum videat . Tertio ut Crucem figat . Quarto ut publicè atrium designet . *§. Quâcumque . c. Nemo . de Consecr. d. 1.* Et tanta debet esse Dos, quæ sufficiat ad luminaria , & ad vitam ministrorum . *cap. Pietatis . 16. q. 7. & in præd. c. Nemo .* Et Ministri debent esse duo, vel tres. *c. Proposuit. ext. de Fil. Presbyter. c. Hoc quoque . de Consecr. d. 1.* Sed hoc quod dictum est de Dote, non habet locum in eo casu, quando ex necessitate construere-  
tur. *Glos. in d. §. Quâcumque. in Verb. valeat.* Et circâ auctoritatem Superioris, nota, quod id aded verum est , ut si quis præter Episcopi consensum Ecclesiam construxerit , privatur Jure Patronatus . *§. Diversum . b. t. c. Cum olim . ubi Abbas . de Privileg.* Item & ultimò requiritur , quod construens Ecclesiam non inferat damnum Tertio; namque hoc casu poterit ei nunciare novum opus ; & si post nunciationem ædificaverit , tunc quod ædificatum erit, suis expensis erit destruendum . *§. Sed si quis . b. t. c. 1. & 2. de Novi oper. Nunciat.*

Quo ad Octavum . Quolibet die potest fieri consecratio, & ædificatio. *c. Tua. de Consecr. Eccles. vel Altar. d. §. Confici.* Et dies Consecrationis, & dedicationis singulis annis est celebrandus . *§. Solemnitates . b. t. c. Solemnitates . de Consecr. d. 1.* Altaria autem quæ consecranda sunt, debent esse lapidea . *c. Altaria . de Consecr. d. 1.* Nec obstat locus Exodi ubi Dominus præcepit fieri Altaria in lignis Setim . *cap. 38.* quæ incorruptibilia sunt . Et Salomon fecit Altare aureum, nam illa facta sunt in figurâ . Item Altaria dedicanda, seu consecranda non sunt sinè reliquiis. *c. Placuit . de Consecr. d. 1.* Et hîc nota, quod diruto Altare, vel aliquo modo confrecto, seu diminuto, Ecclesia non est iterum consecranda, sed Altare tantum . *§. De eo . b. t. c. 1. Quod in dubiis . c. Ligneis. eodem.*

Quo ad Ultimum . Ecclesia consecrari non debet, ubi Paganus sepultus est, antè extractionem ipsius. *c. Ecclesia . de Consecr. d. 1.* Idem statuitur in Hæretico, & Judæo. *ead. d. c. In aliis . c. Ecclesiam.* Idem intellige de Excommunicato . *§. Sed si Ecclesiam . b. t. c. Confulvisi . De Consecr. Ecd. vel Altar.*



*Altar.* Verùm si ossa infidelium non possunt discerni ab ossibus fidelium, neutra sunt ejicienda. *c. Sacris. sup. de Sepult.* Et quando infideles ejiciuntur, tunc in consecratione Parietes, & Tigna debent radi: Et ejectio corporum fit auctoritate Episcopi, vel Principis. *l. Ossa. ff. de Relig. cap. Corpora. de Consecr. d. 1. §. Illud. hoc tit.*

Sed quid dicendum de muliere prægnante? Circâ quam dicas, quod secundum quosdam potest sepeliri, quia fœtus est pars viscerum. *l. 1. §. 1. ff. de Ventr. Inspec.* Attamen consuevit sepeliri, & fœtus extrahi, & seorsum sepeliri. *d. c. Sacris.* & notatur in *d. c. Ecclesiæ. de Consecr. d. 1.* Item quando Ecclesiæ est semel consecrata, non debet amplius consecrari. *§. Ecclesiæ. b. t.* Sicut infans ritè baptizatus, non debet iterum baptizari. *c. Sicut. d. 68. c. Quemadmodum. 32. q. 8. c. Ecclesiis. de Consecr. d. 1.*

Verùm quia Ecclesiæ quandoque reconciliantur. *§. Sed si. inf. b. t.* videamus in quibus casibus fiat reconciliatio? Et sex siquidem assignantur. Primus, cum dubitatur an Ecclesiæ sit consecrata; nam tunc potest consecrari, & hæc dicitur re-

conciliatio. *§. Planè. b. t. d. c. Solemnitates. de Consecrat. d. 1.* Secundus casus est, cum movetur Altare majus. Tertius cum Ecclesiæ est exusta. Quartus cum Parietes sunt de novo funditus reparati. Quintus propter adulterium. Sextus propter homicidium. *c. Si motum. de Consecr. d. 1. & c. de Fabric. ead. d.*

Adde alium casum, quando est humatum corpus excommunicati. *§. Sed si Ecclesiæ: ubi etiam alii casus enumerantur. b. t. d. cap. Consulisti. de Consecr. Eccl. vel Alt.* Undè ex jam dictis colligas, quod non est licitum celebrare, nisi in Templis sic consecratis. *c. Tabernaculum. & c. Missarum. de Consecr. d. 1.*

Quod limita in eo loco, qui est de proximo Consecrandus. *c. Ecclesiæ. de Immunitate Ecclesiar.* Item hoc non procedit, quando ex privilegio aliud est concessum, & etiam in Casu necessitatis; nam tunc in capellis cum sacrâ tabulâ celebrari poterit. Ut est in Oratoriis non consecratis; ut notatur in *c. Concedimus. de Consecr. d. 1.* in quibus sine permissione Episcopi non potest celebrari. *c. Unicuique. & c. Missar. d. ead. 1.* Item in itinere constitutus po-

terit celebrare olim sub diù ,  
 sivè in Tentoriis ; si tamen ta-  
 bula Altaris , cæteraque sacra  
 ministeria adfuerint . *S. In iti-  
 nere . hoc tit.* Et notatur in *d. c.*  
*Concedimus . de Consecr. d. 1.*  
 Hodie autem per Concilium  
 Tridentinum *sess. 22. in Decreto  
 de Celebrat. Missar.* prohibitum  
 est omnibus tam sæcularibus ,  
 quàm Regularibus celebrare  
 extrâ Ecclesiam ; ut ego pro-  
 bavi in meis Decisionibus *De  
 Sacrificio Missæ . Decis. 12. à n.*  
*53. & seqq.* usque ad *num. 66.*  
 ubi disputatur , an dentur Ca-  
 sus , in quibus Episcopus possit  
 concedere licentiam , ut Missa  
 extrâ Ecclesiam celebretur ?  
 Et referuntur septem curiosi  
 casus ibi à studioso videndi .

In fine nota , quod quando  
 agitur de reparandâ Ecclesiâ ,  
 id oneris procul dubio ad eum  
 spectat , qui possidet Benefi-  
 cium . *c. 1. ubi Abb. eod. cap.*  
*fin. De his , quæ fiunt à major.*  
*part. capit.* Et Episcopus pro  
 tertiâ parte concurrere debet .  
*cap. Priscis. 10. q. 3. cum seq.*  
 Sed de Consuetudine aliud at-  
 tenditur secundum Innoc in  
*d. cap. fin. & Abb. in d. cap. 1.*  
 Et sic absolutus sit iste titulus .  
 Porro , ut benè scias , qui sint  
 obligati ad dictam reparatio-  
 nem ? Vide meas Discordias

Forenses *De Beneficiis . Discord.*  
*44. num. 2. & seqq. & Discord.*  
*99. per totam.*

## T I T. XIX.

## De Unionibus Ecclesiarum .

**Q**uoniam sæpè evenit , ut  
 Ecclesiæ , quæ sunt con-  
 structæ , & consecratæ infimul  
 conjungantur ; ob id nunc de  
 ipsarum Unione disseritur : Et  
 pro tituli expeditione videbi-  
 mus :

- 1 *Quid sit Unio ?*
- 2 *Quot Unionum species ?*
- 3 *Ex quibus causis fiat ?*
- 4 *Qui possint unire ?*
- 5 *Quæ requirantur ?*
- 6 *Qui sint effectus ?*
- 7 *Quando unio solvatur ?*

Quo ad Primum . Unio ,  
 secundum materiam tituli no-  
 stri , est *duarum , vel plurium  
 Ecclesiarum facta connexio .* Et  
 dicitur Unio ab uniendo ; ex eo  
 quia plures Ecclesiæ in unum  
 conjunguntur , ut *hic in princ.*

Quo ad Secundum . Duæ  
 sunt Unionum species . Alia  
 Temporalis , alia Perpetua .  
*Perpetua* est illa , quæ fit , ut  
 sine præfinitione temporis per-  
 duret . *Temporalis* , quæ ad cer-  
 tum tempus ; ut si ad alicujus  
 vitam instituitur . *S. Unionum.*  
*b. t.*



*b. t. facit c. 1. Ne Sede Vacan. & c. Quoniam.* ubi Abb. de Off. deleg.

Quo ad Tertium. Duæ sunt causæ unionis ; ut in *S. Velut. b. t.* scilicet : Urgens Necessitas, & Evidens Utilitas. *cap. Exposuisti de Præben. c. 2. de Relig. Domib. c. Et temporis. 16. q. 1. c. Fin. 2. q. ult.*

Necessitas ; ut si duæ Ecclesiæ sint aded pauperes, ut impossibile sit, earum proventus ad victum duorum Sacerdotum sufficere : Aut etiam si alia Ecclesia sit ab hostibus dissoluta. *d. c. Exposuisti. & c. 1. Ne Sed. Vac.*

Utilitas, ut cum locorum opportunitas id exposcit ; vel temporis qualitas ; putâ quia in illo loco nunc dicatur imminutus Christianorum numerus. Vel ob fructuum tenuitatem non perindè idonei Sacerdotes ad procurandum Beneficium inveniantur : *c. Et qualitas. & c. Postquam. 16. q. 1. c. Unio. 10. q. 3. Clem. 1. S. Ad bæc, de Stat. Monach. Et notatur in Auth. prætereâ. C. Undè Vir, & Uxor.* Et de hoc novissimè vide quæ statuit Conc. Trident. *sess. 24. c. 13. de Reform.*

Quo ad Quartum. Unire Episcopatus ad Pontificem spe-

*Stat. S. Non tamen. b. t. cap. Præcipimus. 16. q. 1. & c. Temporis.* Minores verò Ecclesiæ possunt uniri ab Episcopis in suis Diæcesibus. *d. S. Non tamen.* Et Concil. Trid. *sess. 21. c. 5. de Reform.* Undè inferiores ab Episcopis non possunt facere hujusmodi unionem : *c. Sicut unire. De excessib. Prælat.*

Quo ad Quintum. Si Episcopus velit unire duas Ecclesias, debet habere consensum Capituli, *S. Usque aded. b. t. c. Pastoralis. de Donat. & Clem. fin. De Reb. Eccles. non alien.* Quod secus est in unione faciendâ à Papa ; ut habetur in *c. Sicut unire. de Excessib. Prælator. d. c. Præcipimus. & cap. Temporis.* Quod si Episcopus velit unire propriæ mensæ Ecclesiam, hoc ei non permittitur, etiamsi Capitulum consentiat : Unientium enim utilitas probabilem non rectæ factæ unionis suspensionem ingerit : ita loquitur *tex. in S. Aliud. b. t. facit. c. Hic usus. 10. q. 2. c. Fin. de Instit.* Insuper requiritur consensus eorum, quib. di possent. *S. Nec solum. b. t.* Undè si aut Collegiata, aut Patronata collegiata, aut aliqujus suffraganei Ecclesia sit unienda ; Collegii Patroni ;

aut ipsius suffraganei consensum intervenire oportebit: facit *c. Rationis . & c. Monasterium . 16. q. 1.* Et hinc nota, quod si Ecclesiæ unitæ sint diversarum Diæcesum, tunc Jus alterutrius Episcopi inviolatum remanet. *§. Sed quæri poterit. hoc tit. c. Cum olim. de Consuetud. c. Ex tuor. de Auctor. & usu pal. c. Licet. de Off. ord. l. 2. §. Si quis à Principe . ff. Ne quid in loco publ.*

Quo ad Sextum. Effectus præcipuus est, ut, sequutâ unione legitimè factâ, ille, cujus Ecclesiæ sit unio, eandem habeat potestatem, & æquale Jus in unitâ Ecclesiâ; ac habeat in primâ: & eadem privilegia competunt unitæ, quæ priori competeabant Ecclesiæ. *§. Sequutâ. hoc tit. & Abb. in c. 2. de Relig. Domib. apud quem de hoc videndum est. Et per Caccialup. in suo tractatu de Unionib. octavo Artic.* Id tamen est verum, quod in quantum dictum est, unionem fieri de Ecclesiis diversarum Diæcesum, hoc hodiè non habet locum per Concil. Trid. sess. 14. c. 9. *In Decret. Reformation.*

Quo ad Postremum. Solvitur Unio temporis lapsu, si ad tempus est facta; vel cessanti-

bus causis, ob quas facta fuit. Item etiam poterit dissolvi ab iis, quorum auctoritate fuerit instituta. *§. Dissolvetur. b. t. facit Clement. Ne in agro . §. Ad hæc . De Stat. Monachor.* Itâ quoque dissolvetur si cedat in grave præjudicium Ecclesiæ. *c. 1. Ne Sede Vacan. Cæterum per Concil. Trid. sess. 7. c. 6. de Reformat. constituitur;* quod uniones perpetuò factæ à quadragintâ annis antè ipsum Concilium examinentur; & si inveniantur per subreptionem obtentæ, irritæ sint. Aliæ verò quæ faciendæ sunt ex legitimis causis coràm loci Ordinario vocatis, quorum interest, fiant; aliàs per subreptionem obtentæ præsumantur: ita deciditur *in d. cap. 6. Plura de Unionibus beneficiorum scitu reperiēs in meis Discordiis Forensibus De Beneficiis, ut in Indice Verb. Unio.*

## T I T. XX.

### *De Immunitate Ecclesiarum, & Subjectione.*

**Q**uoniam Ecclesiis constitutis multa competunt privilegia, & immunitates; ob id de hâc materiâ tractatur: & videbimus:

I. *Quid.*



- 1 *Quid sit Immunitas Ecclesiarum?*
- 2 *Quot Immunitatum species?*
- 3 *Quid Subjectionis nomen præferat?*
- 4 *In quibus Subjectio constitat?*
- 5 *Quæ Ecclesiis competant Privilegia?*
- 6 *Quibus eadem Privilegia competant?*

Quo ad Primum : Immunitas præferat exemptionem indultam à muneribus . Dicitur *Immunitas* quasi extrâ munera ; vel munera . Hinc Civitates immunes dicuntur , quæ nullum vectigal impendere tenentur . *l. fin. ff. de Censib.* Cæterùm hîc Immunitatis nomen præferat Privilegium , favorem , seu Indulgentiam Ecclesiis factam ; quâ remissione , seu Indulgentiâ efficitur , ut liberatio contingat à publicis functionibus .

Quo ad Secundum . Triplex est Immunitas Ecclesiæ ; *Localis* , *Personalis* , & *Realis* . Prima est concessio facta ipsis Ecclesiis : quemadmodum est , ut in iis profana non exercentur ; cum Ecclesia sit domus Orationis . *§. Est autem . b. t. c. Cum Ecclesia . eod. c. Per Simoniam . d. 41. & c. Decet . §. Nullus eod. in. 6.* Undè sæculares Judi-

ces non possunt ferre sententias in Ecclesiis . *§. Sæculares . b. t.* Quod secus est in Judice Ecclesiastico ; ipse enim licet Judicium exercet in Ecclesiâ . *c. Præceptum . 2. q. 2. & c. Qua fronte* , ubi traditur , *de Appellat.* Item nec processus possunt in Ecclesiis formari . *§. Processus . b. t.* Sed quærit Glossa , Quid Juris in contractibus initis , & celebratis in Ecclesiâ ? Et dic , quod licet fieri non debeant , tamen facti tenent ; nam cum hîc simus in pœnalibus , non debet fieri extensio ; ut notatur *in cap. 2. eod. in 6.* Item Concilia publica , Nundinæ , & negotia sæcularia non debent tractari in Ecclesiis ; nec profana sunt facienda negotia , sive colloquia . *§. Publicè . b. t.* facit *cap. Ext. multis . 1. q. 1. & c. Ejiciens . d. 88.* Dominus enim negotiatores ejecit è templo ; & mensas nummulariorum evertit . Et quod dictum est de colloquiis facit contrâ Circulantes , qui publicè conclusiones de Rebus profanis , easque in propriis Ecclesiis disputant . De quo extat Decretum Concil. Trident. *De observ. & evit. in Celebr. Missar.* Item convivium non debent fieri in Ecclesiis , nisi ex necessitate ; ut si transeuntes ob Hos-

pitiorum necessitatem illic reficiantur. *cap. primo. eod. c. Nullo. cum seq. d. 42.* Quod habet locum etiam in Oratoriis. *cap. Pen. cap. Fin. d. 42.* Item ne quis ab Ecclesiis possit invitus abstrahi. *§. Sacrorum. b. t. cap. Eos. d. 87. c. Reum. 17. q. 4.* Sæculares enim Leges ab omni violentiâ vindicant eos, qui ad statum Principis se proripiunt; ut *C. De bis, qui ad statu. conf. per totum. Et §. Fin. per totum Inst. De bis, qui sunt sui, vel alien. Juris.* Quærit Gloss. An hoc habeat locum in Judæo? & solve ut in eâ. Et circâ hanc Quæstionem vide, quæ notat Abb. *in c. Fin. de Jur. Jur. & in c. Inter alia. eod. & Felin. hanc quæstionem tractat in c. Judæi il p. de Judæis;* ubi tenet, quod sic: Et ultrâ illa, quæ dicit ipse, soleo dicere ego; quod quamvis non sint oves Christi; tamen sunt de ovibus Christi; licet sint oves errantes: undè quia potest esse; ut ad Ecclesiam veniant, dicendum est, quod sint tati in eâdem. Et si quis per vim aliquem ab Ecclesiâ abstraxerit, excommunicatur; & quasi sacrilegus punitur. *d. §. Sacrorum. c. Definivit. 18. q. 4. c. Frater, c. Sicut. c. Constitui- mus. & c. Si quis contumax. &*

*per tot. 17. q. 4.* Et de hâc materiâ videnda sunt tradita per Abb. *in c. Inter alia. eod.* Quod ampliatur; ut quis non possit extrahi ab Ecclesiæ circuitu intrâ triginta passus ab ostio. *§. Nec. b. t. c. Quisquis inventus. 17. q. 7.* Item nec à domo Episcopi possunt extrahi *d. §. Nec.* Sed non omnibus hoc concessum est: namque latronibus, vel nocturnis agrorum populatoribus, viarumque obfessoribus hoc non conceditur. *§. Hoc autem. b. t.* Itâ quoque Raptores Virginum, Adulteri, & Homicidæ possunt extrahi. *§. Quod si delinquentes. Auth. de Mand. Princip.* Quæ *Auth.* procedit etiam de Jure Canonico per Abb. *in d. c. Inter alia.* Item & is, qui homicidium, & mutilationes membrorum in ipsis Ecclesiis commisit; vel in ipsarum cœmeteriis. Frustrâ enim invocat Legis auxilium, qui in ipsam Legem deliquit. *c. Quia frustrâ. de Usur. Et de Sent. Excommun. c. In audientiâ. l. Auxilium. ff. de Minor.* Item in hoc distinguendum est inter liberum hominem, & servum: Nam liber homo non debet, nec potest ab Ecclesiâ violenter extrahi; nisi impetratâ vitâ, & membrorum incolumitate.

*§. Hæc*



*§. Hæc tamen . hoc tit. cum si-  
mill.* Quod si servus fuerit ;  
Dominus præstito Juramento  
Clericis de Impunitate potest  
servum etiam invitum secum  
ab Ecclesiâ abducere. *§. Quod  
si servus . b. t. c. Fin. eod. c. Me-  
tuentes . c. Id constituimus . 17.  
q. 4.* Cæterum quæ hucusque  
dicta sunt de Immunitate Ec-  
clesiarum , procedunt de Jure  
veteri , & deserviunt quoad  
Theoricam . Sed quô ad Pra-  
xim attendendum est Jus no-  
vum , nempè Bulla Gregorii  
XIV. Incipien. *Cum alias non-  
nulli . de Anno 1591.* de quâ plu-  
rima scitu digna habentur in  
meis *Decisionibus Miscellaneis .  
Decis. 13.* & ejus plenam ex-  
plicationem faciunt mea *Ero-  
temata cap. 32. ubi DD.* qui  
advertunt , attendendam esse  
Regnorum consuetudinem ob  
varias concessiones , & declara-  
tiones à Sede Apostolicâ factas  
circâ qualitates delinquentium ,  
& delictorum . Secunda spe-  
cies Immunitatis est illa , quam  
Personalem dicimus ; & dicitur  
Personalis , quia personis  
Ecclesiasticis indulgetur : cum  
enim in Clericorum ministerio  
constituti , non nisi Altari , &  
Sacrificiis deservire debeant ;  
rectissimè constitutum est , ut  
Deo dicati ab omnibus perfo-

nalibus muneribus reddantur  
immunes . Undè generaliter  
Episcopi , Presbyteri , Diaco-  
ni , & Subdiaconi , Monachi-  
que Immunitate omnis tute-  
læ , & curæ ipso Jure gaudent .  
*§. Personalis . b. t. & est tit. ext.  
Ne Cleric. vel Monach.* Verùm  
hoc limita ; quando Clerici su-  
scipiunt curam Viduarum , vel  
Orfanorum ; à quâ non solum  
non prohibentur , sed immò  
jubentur . *§. Viduarum . hoc tit.*  
Itâ quoque possunt tractare  
Ecclesiæ suæ causam . *c. i. ext.  
de Postulando.* Verùm in tem-  
pore necessitatis etiam Clerici  
tenentur ad custodiam muro-  
rum , & ad refectionem pon-  
tium . *§. Excipitur . c. Non mi-  
nùs . De Immunit. Eccl.* Et de  
hoc satis diffusè tractatum est  
suprà in *tit. de Constitutionibus* .  
Tertia species Immunitatis est  
Realis ; quæ scilicet bonis , &  
Rebus Ecclesiarum concessa  
est . Res etenim illæ , vel bona  
à censu , vel collectis Potesta-  
tum sæcularium libera red-  
duntur : & si quis habens sæ-  
cularem potestatem Tributa ,  
Collectas , seu quascunque exa-  
ctiones sub quovis titulo , aut  
colore voluerit imponere : si est  
particularis Persona excom-  
municatur ; si est Universitas  
interdicitur . *§. Realis . hoc tit.*

concordat . *cap. In qualibet . & c. Secundum . 22. q. 1. c. Non minus . cap. Adversus . eod. & c. Clericis . c. Quamquam . eod. in 6.* Et novissimè per *Concil. Trident. sess. 25. c. 20.* Et sunt etiam, qui teneant, hanc immunitatem extendi ad bona Patrimonialia Clericorum, ut *in c. Si diligenti . De Præscript. & in c. Ecclesia S. Mariæ . De Const.* Verùm etiam de hoc dixi suprâ *in tit. de Constit.* In casu tamen Necessitatis, & utilitatis; ut quando agitur de Utilitate communi tam Clericorum, quàm Laicorum, Clerici consulto Pontifice, omni penitus cessante coactione, poterunt aliquid in commune conferre. *§. Si tanta : hoc tit. facit d. c. Non minus . & d. cap. Adversus ;* juxtâ Regionis inveteratum usum .

Quoad Tertium. Subjectio- nis nomen præfert Jus quoddam, quod habet Episcopus, vel Rector in Ecclesiâ, quinimodò Jurisdictionem in ipsâ Ecclesiâ; ut *toto titulo de Off. Ordin.*

Quoad Quartum. Consistit in hoc subjectio; ut ab Ecclesiis, vel earum Rectoribus Ipsi Episcopo, vel Prælato debeatur: & quo ad Personas Ecclesiasticas ipsi debetur canonica

obedientia, subjectio, Reverentia. Ad Ipsum spectat Institutio, Destitutio, Correctio, Reformatio; & causarum omnium ad Forum Ecclesiasticum de Jure spectantium Jurisdictio; sicuti etiam Ecclesiasticarum censurarum promulgatio, de quibus est titulus infrâ *de Ecclesiasticis Censur.* Et Sacramentorum exhibitio. Si Res Ecclesiasticas spectamus, Ipsi Cathedraticum, sive Synodaticum debetur; de quâ rē Abb. tractat *in c. Conquerente . De Off. Ordin. & est text. in c. 1. 10. q. 4. & infrâ videbimus.* Ipsi Procuratio annua, de quâ dicemus infrâ titulo proximo. Ipsi mortuorum, & decimarum quarta. Mortuaria autem sunt ea, quæ Ecclesiis relinquuntur occasione funerum. Abb. *in d. c. Conquerente . & ibi Glossa.* Et de hac, & de quartâ decimarum est titulus de *Canon. Porr.* Quæ omnia habentur *in §. Quemadmodum. hoc titulo.* Et tandem in tribus capitibus consideratur hæc Pastoralis Potestas: Et enim quædam ad Episcopum spectant Jure ordinis: ut ordinatio Clericorum, Virginum Benedictio, Altarium, & Ecclesiarum Consecratio. Quædam Lege Jurisdictionis, ut Corri.



## T I T. XXI.

Corrigendi, Conferendi, Excommunicandi, & Instituendi Potestas. Quædam Lege Diæcesanâ, ut Jus census, & Cathedraliticum exigendi; Decimas percipiendi; Jus hospitii inducendi; & his similia: & de hoc est tex. in c. Fin. b. nostro tit. Et quia hæc distinctio, nullibi habetur in aliquo textu; ideò vide latè de eâ per Abbatem in c. Dilectus. De Off. Ordinar.

Quo ad Quintum. Multa sunt concessa Privilegia Ecclesiis, sed hoc præcipuè, ut non possit sæcularis Judex in ipsis, vel ipsarum cœmeteriis processus formare. Item ut nulla fiant in eis negotia sæcularia, & alia, de quibus suprâ vidimus.

Quo ad Ultimum. Privilegia concessa Ecclesiis competunt etiam Episcopis, Domui, Cœmeteriis, & reliquis locis consecratis. Quinimodò Privilegia concessa Ecclesiis extenduntur ad Personas Ecclesiasticas; & de hoc etiam suprâ dictum est satis abundè.

De Censibus, Exactionibus,  
& Procuracionibus.

Quoniam intèr cœtera, subjectionis nomine competunt Census, & Exactiones; ob id de his hæc diseritur; & videbimus:

- 1 Quid sit Census?
- 2 Quid Exactio?
- 3 Quid Procuratio?
- 4 Qui possint Censum imponere?
- 5 Quibus ex causis?
- 6 Quibus Temporibus?

Quo ad Primum. Census Appellatio est generalis, ut *bic in princ.* Et sumitur pro omni Pensione, quæ Prælati de Ecclesiasticis proventibus singulis annis in signum subjectionis, vel alterius Juris præstatur: & hinc dicunt Doctores, quod Census præstatio non probat evidenter subjectionem; ut *bic in Verb. alter. Jur. cap. Quanto.* & ibi Abb. eod. & per Felin. in c. Ad audientiam. de Rescript. post Abb. in c. In causâ. de Causâ possess. & propriet. Verùm si strictè sumatur, est id, quod Episcopo ab Ecclesiis in argumentum subjectionis tribuitur; & Cathedraliticum appellatur, eò quod ad honorem

Q

Ca-

Cathedræ persolvatur, ut *bic in princ.* Et pro intellectu scias, Cathedraticum, sive Synodaticum esse pensionem duorum solidorum aureorum, sive argenteorum, secundum loci consuetudinem, quæ datur Episcopo à quâlibet Ecclesiâ, ut Abb. declarat *in c. Conquerente. de Off. Ordin. & d. c. 1. 10. q. 4.*

Quo ad Secundum. Exactionis nomen id præfert, quod Petitio, & dicitur respectu eorum, qui ab eo, cui debetur census, ad ipsum Census recoligendum, præponuntur. *Arg. l. 1. C. de Exact. Tribut. lib. 10.*

Quo ad Tertium. Procuratio est sumptuum necessariorum exhibitio, quæ Episcopi fit, quotiescunque ipsi visitant Ecclesias; nam tunc Episcopus debet sumptus necessarios recipere. *§. Ulterius. b. t. facit c. Cum secundum. de Præbend. cap. Inter cætera. De Off. Ordin. c. Si Episcopus. De Offic. Ordin. in 6. c. Cum voluntate. de Sent. excommun.* Et hinc est, quod Episcopus, qui remittit servitia alicujus Ecclesiæ, non tamen intelligitur remittere Procurationem. *§. Et adeò. b. t. & not. in c. Eleuterius. 18. q. 2. & in c. Servitium. & in c. Vene-*

*rabile. eod.* Item nec contrâ eum currit Præscriptio. *d. §. Et adeò. c. Venerabili. & c. Cum Instantia. eod. & c. Cum ex Officiis. De Præscript.* Quod si cupis scire, qui possint visitare, hoc colligas ex *§. Visitandi. b. t.* ubi dicitur, quod Episcopus, Archiepiscopus, Patriarcha, Sedis Apostolicæ Legatus, Nuncius, Archidiaconus, & Decanus potest visitare: facit *c. Cum Apostolus. & c. Procuraciones. de Censib. cap. 1. eodem tit. in 6.* Et quod dicitur de Archiepiscopo, habet etiam locum in eum casum, quando Suffraganei non possunt argui de negligentia. *§. Quod autem. b. t. c. Fin. eod. in 6.* Hoc tamen scias, Procurationem non exigi ab Oratoriis privatis; & si fortè aliqua subest necessitas; tunc potest Episcopus charitativum subsidium exigere. *§. fin. b. t.* Pro primò facit *c. Fin. eod.* Pro secundo facit *d. c. Cum Apostolus. §. 1. c.* De hoc subsidio Charitativo habes amplum tractatum per Ranth. Bellentinum, ad quem recurras. Et quoniam ille Author est satis antiquus, vide inter modernos Jo: Carol. Antonellum *De Juribus Clericor. lib. 2. part. 6. cap. 17.* in quo plenè, ac doctè tractat de Canonica



portione, de Cathedratico, de Subsidio charitativo, de Procuratione, & aliis juribus Episcopalibus, & allegat plurimos Canonistas recentiores.

Quo ad Quartum. Jus Censuum imponendi pertinet sine difficultate ad Sedem Apostolicam. *g. Sedes quoque. b. t.* quoties aliquam Ecclesiam sub sua Protectione recipit, ut *ibi*. Deinde hoc idem conceditur Episcopis, & Ordinariis locorum, si Ecclesias piis locis rite concesserint, vel exemptas fecerint, nam sibi nomine Pensionis aliquid reservant. *g. Sed nec. b. t. c. Constitutus. de Relig. domib.* Simples autem Sacerdotes non possunt Ecclesias censuales facere. *g. Simples. b. t.* Et nota, quod nec Episcopus potest præter Cathedralicum novum censum imponere, vel veterem augere. *g. Sed nec Episcopus. b. t. cap. Scienter. c. Prohibemus. c. Si gnificavit. & c. Gravis. eodem tit.*

Quo ad Quintum. Census imponi potest ex causâ legitimâ; ut est causa Foundationis, & Donationis, vel Immunitatis indultæ. *g. Constituitur. b. t.* & Hostiens. in *Summ. eod. g. Si quis census*. Unde Patro-  
**no** fundanti Ecclesiam potest

constitui Census, ut est text. in *g. Sed. & b. t. c. Prætereâ. ext. de Jure Patr.* Et iste Census constituitur de consensu Episcopi. *d. g. Sed &. Et cap. Cum dilectus. de Consuet. & per Innocent. in c. Quoniam. Ne Præl. Vires suas.*

Quo ad Postremum. Census potest constitui; aut Tempore Foundationis, aut Consecrationis, aut Donationis, aut Tempore Immunitatis indultæ. *g. Constituitur. b. t. d. cap. Eleuterius. 18. q. 2. & per Hostiens. in sua Summâ. g. Si quis Census. eodem titulo.* Præter hæc tempora census non constituitur, nec vetus augetur, nisi magnâ ex causâ. Ut in *cap. Prætereâ. de Transact.*

## TIT. XXII.

### De Capellis Monachorum.

**Q**uoniam ad Titulum de subjectione Ecclesiarum iste quoque pertinere videtur; & quia Monachorum Capellæ subjectæ sunt Ordinariis; ob id nunc de hac materiâ tractatur; & videbimus:

- 1 Quid contineatur sub nomine Capellæ?
- 2 Cui subsint Capellæ Monachorum?

Q 2

Quo

Quo ad Primum. Ut omit-  
tamus varias hujus nominis  
significationes, dicendum est  
breviter, quod tametsi propriè  
Capella parvum locum præse-  
ferre videatur, in quo sacra  
peraguntur. *c. Conceditur. de*  
*Consecrat. d. 1.* seu locum, aut  
Oratorium, non consecratum,  
ut monet Glos. *in d. c. Concedi-*  
*mus*: nihilominus nomen Ca-  
pellæ in hoc titulo id signifi-  
cat, quod nomen Basilicæ,  
seu Ecclesiæ: vel designat Ec-  
clesiam illam, cujus habitatio  
ad Monachos pertinet. *cap. 1.*  
*ext. eod. tit.*

Quo ad Secundum. Licet  
Monachi habeant Jus præsen-  
tandi in his Ecclesiis, quibus  
animarum cura est connexa.  
*c. Sicut. De suppl. negl. Præ-*  
*lat.* Attamen ipsamet Ecclesia  
Episcopo subesse intelligitur,  
nec debet à Monasterio regi;  
ut *hic in princ. & in d. c. 1.* In  
tantum ut possit Episcopus, si  
fortè Monachus aliquis præ-  
textu regendi Ecclesiam solus  
degat, eum ad Monasterium  
repetendum compellere, vel  
alios associare. *c. Fin. ext. eod.*  
Et debet Ecclesiæ ipsi eligen-  
do Capellanum providere, qui  
curam gerat, & regat Eccle-  
siam: & hic à Jurisdictione  
Episcopi dependeat, ut *hic, &*

*d. c. 1. Quinimmò & Mona-*  
*steria ipsa, si exempta non*  
*sunt, ipsismet Ordinariis loco-*  
*rum subesse intelliguntur*  
*g. Fin. b. t.* Et notatur *in cap.*  
*Quod nuper. De Major. & obed.*  
Ubi Glos. dicit, per hoc Ab-  
bates cogi venire ad Synodum.  
Id tamen est verum, quod si  
sint Capellæ à Monachis fun-  
datae, quemadmodum habet  
Episcopus in ipsis spiritualia;  
ita Abbas Monasterii tempora-  
lia: eo excepto casu, si fortè  
Episcopus suum Jus cessisset,  
quia tunc Monachi Spiritua-  
lia, & Temporalia habent.  
*c. Visis. 16. q. 2.* & ita Goffr.  
*in suâ Summâ eod.* Nota tamen,  
quod de Consuetudine, quæ  
secundum Abbatem valet,  
Monachus potest habere curam  
illius Monasterii, in quo habi-  
tat; annuente Glos. *hic.* Hodie  
verò Monachus potest exerce-  
re Curam animarum in Eccle-  
siâ, quæ sit de Mensâ Mona-  
sterii, dummodò sit approba-  
tus ab Episcopo, cui in omni-  
bus, & per omnia remanet  
subjectus in concernentibus  
ipsam Curam animarum; ut  
scripti in meis Discordiis Fo-  
rensis. *De Regularib. Discord.*  
*20. num. 3.* ubi DD. & ulte-  
rius Monachus Curatus non  
potest pro famulâ habere se-  
cum.



cum mulierem ; sed est obligandus tenere secum socium alium Monachum ex Decretis Sacræ Congreg. quæ retuli in *Discord.* 46. *de Regularib.*

## T I T. XXIII.

*De Religiosis Domibus.*

**P**ost Titulum præcedentem , in quo actum est de Capellis Monachorum , quæ sunt loca Religiosa particulariter ; nunc subnectit Author hunc titulum , in quo in genere tractat de Religiosis Domibus . Et videbimus :

- 1 *Quid nomine Domus Religiosæ significetur ?*
- 2 *Cui Domus Religiosæ subsint .*
- 3 *Cujus Auctoritate sint construendæ ?*
- 4 *Ad quæ locorum Rectores teneantur ?*

Quo ad Primum . Appellatione Domus Religiosæ continentur omnia loca destinata ad pios usus , quocunque nomine censeantur . *c. Xenodochiis . ext. eod. & C. de Episc. & Cler. l. Orphanotrophos . & l. Omnia .* Cujusmodi sunt *Xenodochia* ; in quibus pauperes Peregrini recipiuntur . *Orphanotrophia* , ubi parentibus orbatu nutriuntur . *Bethotrophia* , ubi aluntur infan-

tes pauperum . *Nosocomia* , ubi ægroti curantur . *Gerontocomia* , ubi senes aluntur , & similia , ut habetur *hic in princ.* Et de significatione harum vocum vide Hostiens. *in Summâ . eod. & notatur in c. In qualibet . 24. q. 8. & in d. l. Omnia .* generaliterque omnia ista Hospitalia vocantur . Item Oratoria , quæ aliqui ex devotione in propriis domibus auctoritate Episcopi constituerint , loca religiosa sunt . *c. Oratorium . 42. d. cap. Quidam . 19. q. 2.*

Quo ad Secundum . Domus Religiosæ construendæ sunt Auctoritate Episcopali . *c. Quicumque . 16. q. 1.* Et cum solemnitate , de quâ *in c. Nemo Ecclesiam . De Consecr. d. 1. & in Auth. de Eccles. Tit. 5. Si quis autem voluerit . collat. 9.* De quâ dictum est suprâ *in tit. De Constr. & repar. Eccl.*

Quo ad Tertium . Loca ista , & ædificia pia subsunt Episcopis , & debent regi , ac dirigi ad illos usus , ad quos fidelium suadente pietate , gratiâ , & eorum causâ sunt ordinata . Nec postquam hujusmodi loca ad hospitalitatis usum , & pauperum provisionem sunt deputata , ad profanos usus converti poterunt ; ut *hic in princ. cap. Nulli liceat . 12. q. 2. cap. Nulli . ead.*

*ead. caus. q. 1. cap. Municipia . De rer. permut. cum similibus. Quod si ad alium usum convertantur , debet intervenire auctoritas Summi Pontificis , cum hic sit unus casus reservatus Papæ . c. Quod Translatio- nem . De Off. leg. Vel Ordinariorum , ut sess. 22. de Reform. c. 6. in Conc. Trid. Cum in hoc habeantur pro ipsius Sedis Apostolicæ Legatis. Sed tamen verum est , quod si sunt ordinata , & constructa à Laicis sine Episcopi auctoritate , à Laicis etiam reguntur . c. 18. sess. 22. De Reform. Verùm si Laici in administrando fortè sunt negligentes , hoc casu Episcopus tanquàm executor à Lege ordinatus , providere debet , ut talia loca rectè gubernentur . d. c. 8. & c. Irrefragabile . de Offic. Ordin. Advertendum tamen est , quod ea , quæ hucusque dicta sunt , non habent locum in Hospitalibus Religio- forum , aut militarium Ordinum , quia in his certæ Regu- læ , & Constitutiones sunt tradi- tæ , quæ ad unguem ab illis sunt servandæ . §. Prædicta . b. t. Clem. in §. Præmissa . eod. Cæterùm si aliquod Hospitale sit , vel Altare habens cœme- terium , & Presbyterum cele- brantem , & Sacramenta mi-*

nistrantem , tunc antiqua con- suetudo est observanda . §. fin. b. t. concordat. 24. q. 1. c. Pu- denda . & Clem. 1. de Privile- in fin.

Quo ad Postremum . Loca illa , quæ fortè sunt constructa sine Episcopi auctoritate , sunt viris providis , & ejus ordinis , quos bona prædicta in alios usus convertere præsumptio non existat , committenda . §. ult. b. t. Clem. 2. §. 1. eod. Qui postquàm sunt electi ad hujusmodi regimen , debent ad similitudinem Tutorum , & Curatorum juramentum subi- re de utilibus faciendis , & inutilibus omittendis . Ac in- super debent inventarium con- ficere de bonis ipsorum loco- rum ; ac demùm singulis an- nis debent rationem reddere de administratione . §. Ut au- tem . b. t. §. Economos . in Auth. de Sanct. Episc. & in d. Clem. 2. §. 1. eod.

## T I T. XXIV.

### De Sepulturis.

**S**uperiori titulo dictum est de Religiosis Domibus , verùm quia etiam Sepultura dicitur locus Religiosus , ob id post titulum præcedentem sequi-



sequitur iste , in quo videbimus :

- 1 *Quid significet Sepultura ?*
- 2 *Quibus in locis constitui debeat ?*
- 3 *A quibus possit constitui , & eligi ?*
- 4 *Qui possunt Sepulturæ tradi ?*

Quo ad Primum . Sepulturæ verbum dupliciter capitur : in primis significat locum , in quo corpora mortuorum collocantur ; secundo modo officium sepeliendi præsefert . Sed in hoc titulo accipitur pro loco illo , in quo Cadavera sunt deposita ; vel deponenda ; ut per Gloss. *hic in princ. & in c. pen. eod.* Et nota , quod quatenus dicitur officium , quod impenditur sepeliendis ; non potest vendi . *c. Non satis . de Simon. c. Præcipiendum . 13. q. 2.* idem est si accipiamus Sepulturam pro terrâ , in quâ corpora sepeliuntur , namque si sit de cœmeterio , non potest vendi . *l. Quæ religiosis . ff. de Rei vendit.* Quando verò accipitur pro tumbâ marmoreâ , vel lapideâ , tunc si pura sit , potest vendi , secus verò si sit aliquis in eâ sepultus , quia per hoc facta est locus religiosus . *l. 2. ff. de Relig. & sumpt. funer. cap. Postquam . 13. q. 2.*

Quo ad Secundum . Antiquitùs quocunque in loco Sepulturæ erigebantur . *§. Religiosum . Inst. de Rerum divis.* Sed postquam floruit Christiana Religio , Sepulturæ eriguntur in locis religiosis , *ut hic in princ.* Hujus autem Rei tres redduntur rationes . Prima est , quia Defunctorum corpora minùs vexantur à spiritibus immundis ; in Sepulturis etenim dicitur esse requies mortuorum . *c. Avum . 12. q. 2.* Secunda ratio est , quia mortui dicuntur muniti patrocínio illius Sancti , cujus nomini dicata , & consecrata est illa Ecclesia , in quâ corpora conquiescunt . *c. Non æstimemus . in fin. 13. q. 2.* Tertia est , ut fideles viventes faciliùs mortuorum recordentur , & sic pro eis pias fundant preces . *§. Accedit . b. t. c. Cum gravi . 13. q. 2.* Et hinc est , quod Sepulturæ antiquitùs collocabantur , ubi frequentes erant conventus ; ut est textus apertus in *c. Fraternali . ext. eod.*

Quo ad Tertium . Regula est generalis , posse quemlibet sibi Sepulturam eligere , dummodo absit contemptus . *§. Regulariter . b. t. c. Contemptus . 13. q. 2.* Ab hâc regulâ excipiuntur nonnulli .

Primò excipitur Religiosus , quia

quia in hoc voluntatem non habet, sed debet humari apud proprium Monasterium. *§. Impuberi. b. t. c. fin. eod. lib. 6.* Nisi Religiosus moriatur in aliquo loco remoto, itaut non possit commodè ad proprium Monasterium deferri. *d. §. Impuberi.* Hoc enim casu poterit, secundum magis communem, Sepulturam sibi eligere, & ita substinetur opinio Hostiensis *in c. Nimis. il primo. de Excessib. Prælat. & Abb. ibidem. & in c. Ut Privilegia. de Privileg.*

Secundò excipitur Impubes, cum Furioso, qui consensu carent. *c. Licet. eod. in 6.* Impuberi enim si consuetudo id patiatur, Pater eligit sepulturam, aliàs in Parochiali Ecclesiâ cum suis majoribus sepeliendus est. *§. De filiosam. hoc tit. d. c. Licet.* & de hoc vide pulchram Decisionem in meis Discordiis *de Jurisdictione. Discord. 28.* Cæterùm si quis non electâ Sepulturâ decesserit, sepelitur in Ecclesiâ Parochiali, vel ubi sunt ejus majores. *d. §. Regulariter. c. Placuit. 13. q. 2. & c. 1. e. tit. cap. Licet.* Quod observatur etiam si quis extrâ Urbem decesserit. *§. Illud. hoc tit. concord. cap. fin. in 6.*

Quo ad Ultimum. Regula

itidem est generalis, omnes posse Sepulturæ tradi, nisi speciali ratione quis prohibeatur. Prohibentur verò: Primò Excommunicati, Hæretici, Pagani, Judæi, Usurarius, & qui sibi ipsi mortem conscivere. *c. Is cui. de Sent. excommun. in 6. d. c. Eos. eod. c. Ecclesia. cum seq. de Consecrat. d. 4. cap. Quia in omnibus. de Usur. cap. Placuit. 23. q. 8. & c. Ex parte eod.* Nota nihilominus, quod si per Excommunicatum non steterit, quo minùs ad Ecclesiam reversus sit, Sepulturæ traditur; ipseque post mortem absolvitur. *c. Qui recedunt. 26. q. 6.* Prohibentur prætereâ qui violentas manus Ecclesiasticis personis injecerunt, Homicidæ, Incendiarii, aut Ecclesiarum violatores, Incæstuosi. *c. fin. e. Item Blasphemi. c. Statuimus. de Maled.* Et denique prohibentur hi omnes, qui pro manifestis criminibus sunt condemnati. *d. c. fin.* nisi resipuerint, fuerintque reconciliati. *Abb. in d. c. fin. & c. Ex tenore. de Sent. Excommun. §. Sed hæc. b. tit.* Quod aded verum est, ut hujusmodi personæ non debeant sepeliri in loco religioso, & si qui fuerint sepulti, si dignoscantur eorum ossa ab aliorum corporibus, debeant ex-



exhumari, proculque jactari à Sepulturâ . *ſ. Eſſi contigerit . b. t. & Abb. in cap. Sacris . in fine . ext. eod.* Et qui in contemptum Eccleſiæ hujusmodi perſonas in cœmeterio Eccleſiaſtico ſepelierit , excommunicatur . *ſ. Si quis autem . hoc tit. Clem. I. eod.* Ex jam dictis colligas , corpora punitorum , pœnitentium tamen , poſſe Sepulturæ tradi . *ſ. Ex his . hoc tit.* Deus enim non judicat bis idipſum ; facit *Clem. I. de Pœnit. & Remiſſ.* Quinimmò & ſi quis deprehenſus ſit in crimine , & fuerit vulneratus , dummodò conſiteatur , ſi jſdem vulneribus mortuus fuerit ; non privatur Sepultura . *ſ. Quin etiam . hoc noſtro tit. cap. Fures . cum ſeq. 13. q. 2.* Quamvis ſtatuatur aliud in eo , qui ſe defendit , & interfectus eſt in crimine . *c. Ex parte . il 2. eod. c. de Occidendis . 23. q. 9. c. 2. de Furt.* Et in fine notandum eſt , quod pro Sepulturâ Clerici nihil excipere poſſunt . *ſ. ſin. b. t. c. Abolendæ . ext. eod. & c. Quando . & c. Dilectus . & c. Ad Apoſtolicam . & c. Non ſatis . de Simon.* Porrò Intorticia , & alia emolumenta Funeralia dantur Parochis in ſepeliendis Defunctis , circâ quæ ſervatur loci conſuetudo , ut

dixi in jſdem Diſcordiis Forenſibus *De Jurisdictione Diſcord. 18. in ſin.* Et cum his finis ſit huic tit.

## T I T. XXV.

### De Canonica Portione .

**Q**uoniam ſæpiſſimè evenit , ut quis aliam eligat Eccleſiam , quàm Parochialem , quo caſu Parochialis Eccleſia quartam detrahit de relictis illi Eccleſiæ , in quâ quis Sepulturam elegit , ob id de hâc Quartâ in hoc titulo tractatur , quæ Canonica dicitur Portio : Circâ quam videbimus

- 1 *Quid ſit Canonica Portio ?*
- 2 *Quotuplex ?*
- 3 *Ex quibus rebus debeat ?*
- 4 *Cui debeat ?*
- 5 *A quibus ?*

Quo ad Primum . Sic deſcribitur Canonica Portio *hic in princ.* Ut ſit illa pars , quæ de relictis , & proventibus Eccleſiæ obvenientibus detrahitur ; & Prælatis debetur . Et in definitione adeſt Verbum *obvenientibus* , ut comprehendatur etiam illud , quod aliâ viâ , quàm ultimæ voluntatis in Eccleſiam confertur . *c. De his . De Sepult.* Hæc au-

tem Canonica Portio, quandoque est dimidia. *c. Antiquos. 10. q. 1. & c. 2. de Sepult.* Quandoque Quarta. *ut hic: & c. Cum supr. de Sepult. 12. q. 1. c. Vulterrana. & c. Conquerente. De Offic. Ordin.* Et hoc magis communiter tenetur; ut per Abb. *in c. Requisivisti. de Testam.* Verum hoc determinatur per consuetudinem locorum, quæ vel auget, vel minuit hanc portionem. *c. Certificari. de Sepult. & in §. 2. in fin. b. t.*

Quo ad Secundum. Duplex est hæc portio, *Parochialis, & Episcopalis*. Prima est illa, quæ debetur Parochiali Ecclesiæ, vel ipsius Rectori, aut Curato: Etenim decretum est, ut cum quis sibi eligit Sepulturam in aliâ Ecclesiâ, quàm in Parochiali, in quâ audit divina Officia, & accipit Sacramenta, ne Curatus quasi fraudetur debitis subsidiis, debetur illi Quarta pars eorum, quæ à Defuncto relinquuntur illi Ecclesiæ, in quâ Sepulturam eligit. Vel fortè minor, vel etiam major portio debetur secundum consuetudinem Loci: *d. c. Cum super. & c. Certificari. §. Sciendum. b. n. t.* Et non debetur hæc Portio tantum pro Sepulturâ, & sic ex causâ ultimæ voluntatis;

verum etiam si dederit, dum erat infirmus, vel infirmus Religionem est ingressus, dummodò is de tali ægritudine decesserit. *§. Sed etsi. b. t. c. De bis. De Sepult.* secus verò est si sanus hoc fecerit. *d. c. De bis. Episcopalis Portio* est illa pars, quæ de relictis alicui Ecclesiæ pro animâ, ab Episcopo deducitur. *§. Canonica. hoc eodem.* Nisi quadragenaria præscriptio obstet. *c. De Quartâ. de Præscript.* Et nota differentiam inter Parochialem portionem, & Episcopalem: quia illa detrahatur tantum in illo casu, quando aliis Ecclesiis aliquid à defuncto relictum est, ut dixi: Hæc verò detrahatur de relictis cuilibet Ecclesiæ. *d. §. Canonica.*

Quo ad Tertium. Regula est generalis ex omnibus rebus eam deduci, nisi aliquid pro fabricâ, pro luminariis, pro anniversario, pro equis, vel Armis contrâ infideles exercendis, vel aliàs ad perpetuum cultum divinum, vel particulari personæ legatur. Hæc enim omnia non subjacent canonice Portioni, nisi hæc machinatione factum fuerit, ut Parochialis Ecclesia fraudetur. *§. Sunt tamen. hoc tit. c. In nostrâ. De Sepult.* Ultrâ quæ sunt alia,



alia, quæ in hanc non veniunt Portionem, de quibus loquitur *tex. in c. fin. ext. de Testamentis*. Et hoc procedit tam in Parochiali, quam in Episcopali Portione. *g. fin. hoc tit.* Et hæc æquiparatio colligitur ex *d. c. fin. de Testam.*

Quo ad Quartum. Uti ex jam dictis apparet, debetur Portio Parochiali Ecclesiæ, in quâ quis divina percipit. *g. Dubitari. b. t.* Quod si quis duo haberet domicilia sub duabus Parochiis, & in tertiâ elegerit sepeliri, Quarta est æqualiter dividenda. *g. Quod si is. b. t. c. 2. de Sepult. in 6. Abb. in c. 1. de Sepult.*

Verum quia in *g. Sed istud* dicitur, quod Minores, & Prædicatores de omnibus obvenientibus quâcunque ex causâ tenentur solvere Portionem Parochialem, sciendum est, eam esse illius decisionis rationem, quia Ecclesiæ Parochiales sustinent magna damna propter Privilegia concessa ipsis Fratribus, ut in *Clem. 2. g. Verum. de Sepult.* Et per Abb. in *d. c. fin. in fin. de Testament.* Ubi dicitur, quod hoc hodiè est prorogatum ad Fratres S. Augustini, & Carmelitanos. Deinde debetur de relictis Ecclesiæ Episcopo, & Ec-

clesiæ de relictis Episcopo. *d. g. Canonica. cum seq. b. t.* Quamvis hoc hodiè non fervetur de facto secundum Abb. in *d. c. fin.* Est autem differentia inter primum, & secundum Casum: Quia in primo casu Testator non potest prohibere detractionem canonici Portionis. *d. g. Canonica. & c. Requisisti. de Testam.* In secundo verò casu potest. *g. Item hoc tit. d. c. Requisisti.* Ratio autem differentiæ est, quia quando relinquitur Ecclesiæ, quamvis apponatur taxativa tantum, nihilominus Episcopus non excluditur, quia in relicto continetur, cum ipse sit caput Ecclesiæ. *c. Novit De his, quæ fiunt à Præl. sine consensu Capit.* At cum relinquitur tantum Episcopo, quia intuitu personæ, non dignitatis intelligitur relictum, idè non magis Ecclesiæ Portio aliqua debetur, quam si cuilibet privato fuisset aliquid relictum: Et ita notatur in *d. cap. Requisisti.* ubi vide, cum sit pulcher *tex.* In dubio autem sic proceditur, quod si à conjuncto fuerit Episcopo relictum aliquid, canonica Portio non debetur Ecclesiæ, secus verò est si ab extraneo. *g. Sed in hac. b. n. t. d. c. Requisisti. de*

*Testam. c. 1. 12. q. 2.* Quod si conjunctim Episcopo, & Ecclesiæ relinquatur, fit divisio. Si verò Ecclesiæ una res, & Episcopo alia sit relicta, tunc etiam æqualis fit divisio, nisi in hoc secundo Casu ambo relictis sint contenti. *§. Quod si. b.t. d.c. Requisisti. 13. q. 2. c. fin.* hoc tamen non intelligitur de Ecclesiis inferioribus, ut videbimus.

Quo ad Postremum. Ex jam dictis patet, Portionem istam deberi ab Ecclesiâ Ecclesiæ, & ab Episcopo Ecclesiæ; & ab Ecclesiâ Episcopo. Est tamen sciendum, quod ista Portio Canonica non debetur ab Episcopo Ecclesiis inferioribus: Undè si legetur Episcopo, & capellis, vel Monasteriis, aut aliis piis locis, hoc casu, quod Episcopo legatur, ejus præcipuum est cum Cathedrali Ecclesiâ, & de illis, quæ aliis locis legantur, portionem Canonicam nihilominus obtinebit: Quod ideò constituitur, quia non est tanta communio inter Monasteria, & Capellas, quanta inter Cathedralem, & Episcopum. *§. Secus autem. hoc tit.* Sed an hoc procedat in Parochiali? tractat Imol. in *Clem. dudum. de Sepult.* & Abb. in *c. Officii. de Testam.* qui tenet pro negativâ, apud quem vide;

& hoc quod suprâ dictum est, habet locum, nisi testator in hac dispositione dixerit, quod Episcopus relictis debeat esse contentus, quia hoc casu dispositio testatoris attenditur, nisi fraus, vel dolus fuerit commissus. *§. Hoc autem. cum seq. hoc tit.* Et tandem nota, quod si alicui, putâ Canonico alicujus Ecclesiæ aliquid relictum sit, sive à propinquo, sive ab extraneo, non intuitu Ecclesiæ, sed personæ intelligitur esse relictum, nisi contrarium probetur; & ideò hoc casu Episcopo non debetur portio, eâ ratione quia, nec prælationem, nec administrationem Ecclesiæ habet. *§. Illud etiam. b.t. d.c. Requisisti. b.t.* De hac materiâ tractat Petr. de Perus. in suo tractatu de *Canonicâ Episcopali, & Parochiali in 2. parte. c. Quoniam autem. & c. Venio ad quintum.* & Petr. de Ubald. in suo tract. de *Canonicâ Parochiali. c. 5.*

## TIT. XXVI.

### De Decimis.

**Q**Uoniam Ecclesiis non solum debetur Canonica Portio, sed etiam Decimæ; idcirco nunc de Decimis tractatur: & ex principio hujus



tituli nota, quod Decimæ mediam quandam naturam obtingent inter spirituales res, & temporales. Et circâ tituli explicationem videbimus:

- 1 *Quid sit Decima?*
- 2 *Quo Jure Decimæ sint introductæ?*
- 3 *Quot Decimarum species?*
- 4 *Quarum Rerum Decimæ debeantur?*
- 5 *Qui Decimasolvere debeant?*
- 6 *Quibus Decimæ sint solvendæ?*
- 7 *Quomodo solvendæ sint?*
- 8 *Ad quid non solvens Decimas teneatur?*

Quo ad Primum. Decima, si vim verbi inspiciamus, nihil aliud est, quàm illa Portio, quæ prima post nonum numerum succedit; sed secundum Tituli nostri materiam Decima potest describi, ut sit *Portio bonorum Mobilium Deo tam divinâ, quàm humanâ constitutione debita*. *S. Decima*. b. t. c. i. & c. *Parochianos*. 16. q. 1. c. *Tua*. il secondo. ext. eod. Vel potest dici *Omnium bonorum legitimè quæstorum quota pars Deo divinâ Constitutione debita*. Tholos. in suo *Tractat. Syntag. Jur.* lib. 2. c. 22. n. 1. Et dicitur Quota simpliciter ex eo, quia in eâ constituendâ atten-

ditur loci consuetudo. *cap. Ad Apostolicæ. & cap. In aliquibus. ext. eod.*

Quo ad Secundum. Ecclesiasticæ Decimæ, de quibus nunc loquimur, sine aliquâ difficultate sunt Jure divino introductæ; & varia sunt in sacris paginis loca, quæ id probant, & hinc dicitur in descriptione hîc traditâ *Divinâ Institutione* Decimas deberi. *d. c. Parochianos. extr. eod.* & si adjicitur etiam *humanâ*, Verbum illud respicit necessitatem hominibus impositam eas solvendi, non autem principium, aut originem, quoniam hæc est Juris Divini. Hinc in Exodo. c. 22. *Primitias tuas, & Decimas tuas non tardabis reddere; & in c. 27. Levitici: Omnes Decimæ terræ sive de Frugibus, sive de Pomis arborum Domini sunt, & illi sanctificantur.*

Quo ad Tertium. Duæ præcipuæ sunt species constituendæ; Enimverò Decimæ vel *Profanæ*; vel *Ecclesiasticæ* existunt. *Profanæ* sunt species quædam tributi à legibus impositi, de quibus loquitur *textus in l. 3. C. De metalat. lib. 11. Ecclesiasticæ* autem ratione religionis sunt debitæ, & propter Ecclesias, atque Ecclesiasticas personas, & de his nunc agitur,

tur, quæ adhuc in duas species dividuntur; Quoniam aliquæ Personis laicis debentur ex fructibus Ecclesiasticis, uti sunt illæ, quæ conceduntur per Summos Pontifices Christianis Principibus, ut impendant pro Christianæ Religionis utilitate contrâ infideles; & de his, quando Pensionarii teneantur contribuere sex pro centenario, non obstante exemptione à Decimis suarum Pensionum, vide meas Discordias Forenses *de Jurisdictione*. *Discord.* 1. ubi plenè de obligatione Pensionariorum solvendi Decimas per Papam concessas Serenissimæ Reipublicæ Venetæ. Aliæ verò sunt illæ, quæ debentur Ecclesiis, & Ecclesiasticis personis; & de his propriè nunc tractatur. Istæ autem rursus dividuntur in tres species quoniam aliæ sunt *Prædiales*, aliæ *Personales*, aliæ *Mixtæ*.

*Prædiales* sunt illæ, quæ ex fructibus *Prædiorum* debentur, ut de vino, tritico, frumento, & his similibus. *§. Decimarum. hoc nostro tit. c. In aliquibus. & c. Ad Apostolicæ. eod.*

*Personales* sunt, quæ solvuntur ex his proventibus, qui ex propriâ cuique solertiâ, & industriâ obveniunt, ut putâ de

negotiatione, artificio, & militiâ. *cap. Pastoralis. ext. eod. d. §. Decimarum. & c. Decimæ. 16. q. 1. & in Deuteronom. cap. 12. inquit tex. Decimas, & Primicias manuum vestrarum, & vota, atque donaria, & primogenita bovum, & ovium offeretis.*

*Mixtæ* sunt, quæ debentur habitâ ratione eorum, quæ ex prædiis partim proveniunt, partim ex industriâ personarum; ut sunt *Decimæ* debitæ ex animalibus in eo loco, ubi pascuntur, ex quo alimenta percipiunt ex loco, & à personis custodiuntur; & hoc tenet Hostiens. *in Summ. eod. §. Quot sint ejus species, per c. Commissum. eod. Glof. tamen hic in verbo similib. videtur tenere, quod sint merè prædiales; & idem tenet Goffred. in Summ. eod. tit. n. 3. per multas rationes, & hoc mihi probatur.*

Quo ad Quartum. Hic regula generalis est constituenda, Decimas solvendas esse de omnibus Rebus; De vino, grano, Arborum fructibus, de Pectoribus, de Venationibus, Negotiationibus, ac denique de omnibus rebus, quæ justè acquiruntur. *§. Eâdem ratione. b. t. c. Perennis. c. Nuncios. c. Tua. c. Ex parte. cap. Ex transmissa. eod.*



*eod. c. Decimæ . 16. q. 1.* An autem etiam de illicitè acquisitis debeant solvi Decimæ? tractat Glossa . 14. q. 5. *in principio*, & Gloss. etiam *in d. c. Decimæ*. Sed utrùm Decimæ sint recollegendæ in Campis, vel accipiendæ ex horreis Domino- rum? Et an Decima sit habenda ex campis sativis, si redigantur prativi? Vide *d. Discordias Forenses . de Jurisdic. Discord. 47.* ubi etiam de fructibus hortorum.

Quo ad Quintum. Hic alia Regula est constituenda, omnes teneri, nisi speciali Privilegio quis sit exemptus. *g. Illud etiam . boc t.* etiamsi Rex sit, secundum Abbatem *in c. Omnes . de Major. & obed.* Nulla obstante temporis Præscriptione. *c. Causam quæ . de Præscriptionib.* facit *c. A nobis . eod.* Christiani autem ad prædiales, & personales tenentur. *g. Inter eos . boc tit.* Judæi autem, qui & ipsi Decimas solvunt, tenentur solummodò ad Prædiales. *d. g. Inter eos . cap. De terris . eod.* Et idem procedit in Monachis, & communiter viventibus, qui ad Prædiales tantùm tenentur. *g. de Monachis . boc eod. c. Decimæ . 16. q. 1. d. c. Commissum . & c. penult. eod. & c. Cunctis . g. 1. 16. q. 1.* Et

has Prædiales solvunt etiam de prædio novali. Novale autem prædium est, quod nunc primum præcisum, & nuper ad culturam redactum est. *cap. 1. de Verb. signif. g. Est autem . boc tit. d. c. Commissum . & d. c. penult. c. 1. & cap. Per novale . de Verb. signif. & c. fin. de Privileg.* Item hoc procedit etiam in his prædiis, quæ Monachi de novo acquisiverunt, & propriis manibus excolunt. *g. Sed etsi . boc tit.* Nisi speciali Jure in jis sint exempti. *c. 1. g. Cæterùm . & g. fin. eod. in 6.* facit *Clem. 1. eod.* Huic tamen Privilegio prejudicatur per Sententiam, vel per Præscriptionem Quadragenariam. *g. Sed nec . boc tit. c. Accedentibus . de Privileg. c. de Quartâ . de Præscript.* Et nota, quod isti Privilegiati solvunt Decimas in prædiis conductis. *g. Super Decimis . b. t. c. Dilecti . eod.*

Et quantum spectat ad Privilegium concedendum super Decimis non solvendis scias, hujusmodi Privilegium non posse concedi à laicis, etiam ab Imperatore; sed solummodò à Summo Pontifice. *g. Generaliter . b. tit. c. Tua . il primo . c. Dudum . & c. Prohibemus . eod.* Quinimodò qui de manu laicorum decimas retinere præsum-

sumpserit , Sacrilegii crimen incurrit . *d. g. Generaliter . d. c. Dudum.*

Sed si Decimæ tributum sunt animarum egentium , & eas in signum universalis Dominii sibi Deus retinuit . *d. c. Decimæ . & cap. Tua nobis . eod. & constitutione divinâ debentur , ut suprâ ;* quomodo potest Papa concedere Privilegium de non solvendis Decimis contrâ præceptum Divinæ Legis , contrâ quam dispensare non potest , immò eam usque ad animam , & sanguinem , debet defendere ? *c. Sunt quidem . 25. q. 1. & dist. 5. in princ. & cap. Quæ contrâ . d. 4.*

Respondetur , quod Papa non dat alicui Privilegium de non solvendis Decimis , sed concedit alicui administrationem , decimarum , ut indè suscipiat sustentationem , & alimenta ; residuumque convertat in usus Pauperum .

Quo ad Sextum . Personales Decimæ illi Ecclesiæ solvuntur , in quâ percipiuntur Sacramenta . *g. Inter Personales . b. t. c. 2. de Sepultur. in 6. c. fin. de Paroch.* Prædiales verò solvi debent illi Ecclesiæ , in cujus territorio prædia sita sunt . *d. g. Inter Personales . d. c. fin. de Paroch. & in c. Ad Apostolicæ .*

*eod.* Et ubique notatur . Glossa in *c. Omnes Principes . de major. & obed.* Nisi contrarium per Consuetudinem sit introductum . *d. cap. Ad Apostolicæ . c. Cum sint . eod.* Et percipiuntur Decimæ ab Ecclesiis , vel Sacerdotibus . *c. Revertimini . c. Quicumque . 16. q. 1.* Undè collige , quod Laici Decimarum non sunt capaces , quinimmò si de manu Clericorum etiam decimas recipiunt , excommunicantur , & privantur sepulturâ ; & Clericus concedens deponitur . *g. Ex contrario . b. tit. cap. Quamvis . eod.* Nisi id Laici obtinuerint ex Privilegio à Summo Pontifice , qui Laicum potest reddere capacem Juris spiritualis . *cap. 2. & ibi not. de Jud. & hoc notatur in d. c. A nobis . ext. eod.* Quinimmò illum textum aliqui ita intelligunt , ut suprâ dixi . Reditus tamen Decimarum potest locari etiam Laico , cum Ecclesiæ conditionem meliorem possit facere . *g. Si quis tamen . b. t. c. 2. de Locat.* Nec tamen intelligas , quod Jus ipsum percipiendi possit locari Laicis ; nam hoc falsum est , ut per Abb. in *c. 2. de Juram. calumn. & c. Pervenit . De Arbitr.* Et quod suprâ dictum est , intellige , dummodò hujusmodi



di locatio ad feudum, vel alienationem non videatur extendi: *d. g. Si quis. & d. c. 2.* Et diffusè notatur in *c. Quamvis. eod.* per Gloss. quam ibi Abb. refert ab omnibus approbatam. Illud autem sciendum est, quod quemadmodum debentur Decimæ Parochialibus Ecclesiis; ita Pars Decimarum à Rectoribus Episcopo debetur, nisi Præscriptio obsit: *g. fin. b. tit. c. Conquerente*, ubi traditur. *De Offic. ordin. & per Abb. in c. Cum contingat. ext. hoc nostro titulo.* ubi diffusè tractat, ad quem de Jure communi Decimæ pertineant.

Quo ad Septimum. Decimæ Personales solvuntur deductis prius expensis: Prædiales absque deductione expensarum. *g. Item. cum seq. hoc tit. c. Pastoralis. ext. eod.* Et hoc adeò verum est; ut nec impensæ feminis, cujus fortè aliàs Decima soluta fuit; deducantur. *locis suprâ allegatis.* Nec Decima admittit compensationem; undè impensæ factæ pro restaurandâ re, de quâ Decima solvitur, non compensantur. *g. Expensæ. b. t. & hoc procedit, tam in reali, quam in personali Decimâ. cap. Non est in potestate. c. Tu nobis. c. Cum homines. ext. eod.* Quinim-

mò nec census deducitur ante Decimam: *c. Cum non sit. eod. g. Sed Census. eod.*

Quo ad Postremum. Qui Decimas non solvunt, quæ Deo debitæ dicuntur. *d. g. Sed census. & suprâ dictum est,* præterquàmquod conveniuntur in sæculari Foro, & adstringuntur ad solutionem; tanquàm Rerum alienarum invasores excommunicantur, nec oleo deliniuntur, nisi prius facta solutione. *c. Non sunt. 12. sess. 25. de Reformatione in Conc. Trident.* Hucusque dicta ex antiquis Doctoribus collecta sunt. At plurima à modernis Auctoribus tradita de Decimis referunt mea *Erotemata Ecclesiastica in cap. 113.* jucunda, & scitu digna; prout etiam meæ *Decisiones Miscellanæ. Decis. 16. à num. 10. & seqq.* ubi docentur media à Parochis adhibenda, ut populi fideliter Decimas solvant.

## T I T. XXVII.

*De Rebus Ecclesiæ alienandis, vel non.*

Cum suprâ titulis superioribus visum sit de Rebus Ecclesiasticis merè spiritualibus, ut sunt Sacramenta;

S

Item.

Itemque de Rebus Ecclesiasticis, quæ quodam respectu sunt spirituales, quodam alio respectu sunt temporales, nunc de Rebus Ecclesiasticis merè temporalibus videndum est: Et quoniam est maxima difficultas circâ ipsarum Rerum alienationem; ob id nunc de hâc materiâ tractatur: Et pro tituli expeditione videbimus:

- 1 *Quid Verbo alienationis contineatur?*
- 2 *Quando possint Res Ecclesiasticæ alienari?*
- 3 *Quæ requirantur in earum alienatione?*

Quo ad Primum. Lata est significatio ista, cum alienationis verbo comprehendatur Venditio, Locatio ad longum tempus, Emphyteusis, Hypotheca, Donatio, & omnis actus, per quem dominium transfertur. *c. Nulli. ext. eod. Et in Extravag. Pauli 2. Ambitosæ. & l. 1. C. de fund. Dotal. & l. Alienationis. ff. de Verb. signific.*

Quo ad Secundum. Regula est generalis, De Jure Civili, & Canonico non posse Res Ecclesiasticas vendi, nec alio modo alienari, si immobiles existant: Si verò Res mobiles sint, ut sunt fructus, & redditus, possunt ad tempus modicum

concedi. *Clem. 1. in fine. eod. §. Idem Juris. hoc nostro tit.* Undè si rei immobilis Ecclesiasticæ alienatio fiat, erit nulla. *c. Sine exceptione. 12. q. 2. cap. Hoc jus porreçtum. 10. q. 2. l. Jubemus. C. de Sacros. Eccles. & 12. q. 2. per totam.*

Excipiuntur tamen hi casus: Primus est casus necessitatis pro debitis solvendis. *§. Sed nec. cum seq. hoc tit. d. cap. Hoc Jus porreçtum.* Secundus si Clericus se obligaverit pro Ecclesiæ utilitate. *c. penult. & ibi Abb. De Fidejuss. §. Debitor. in fine. tit. eod. nostro.* Tertius si existente consuetudine aliquid parvi momenti in beneficium erit collatum, nam tenet hoc casu alienatio. *§. Excipiuntur. hoc tit. Abb. in c. Cæterum. de Donat. c. fin. de Pecul. Cleric.* Quartus est Casus si locus conceditur pro construendâ Ecclesiâ. *§. Multò magis. b. t. c. In venditionibus. 17. q. 4.* Quintus si tractabitur de concedendo in Emphyteusim illud, quod Ecclesiæ non affert utilitatem. *c. Si quos. 12. q. 2. c. Terrulas. ead. caus. & ibi notata. §. Terrulas. b. t.* Undè eadem ratione potest Episcopus alienare servos fugitivos, qui retineri non possunt. *§. Simili. b. t. c. Fugitivos. 12.*



q. 11. Item si Feudum à Vassallo alienatum fuerit, nec Episcopus posset de facili illud recuperare, potest alteri sub conditione recuperandi concedere. *g. Sed & . hoc tit. c. 2. de Feud.* Vel etiam in hoc casu poterit Episcopus alienantis Filium, vel consanguineum, vel ejusdem Feudi Consortem investire. *g. Quinimò . b. t. & not. in d. c. 2. de Feud.* Facit *c. Per tuas . de Donat.* Septimus casus est, si Prælatus aliquid Ecclesiæ reliquerit, vel acquisierit; nam hoc casu pro modo relictæ, vel acquisitæ poterit aliquem de familiâ manumittere. *g. Illud . hoc tit. c. Consensus . eod.* Octavus si Princeps ex causâ permutare voluerit rem, vel majorem, vel æqualem cum re Ecclesiasticâ. *g. Sed & Princeps . b. t. c. 1. De Rer. Permut.* Præter hos casus est alius etiam, quando scilicet ex causâ pietatis pro redemptione captivorum, vel alendis Pauperibus fit alienatio. *cap. Sacrorum . 12. q. 2.* Ubi etiam enumerantur aliæ causæ. Præter itaque has, & similes causas alienatio interdicta est, nisi quis rem Ecclesiasticam iusto titulo, & bonâ fide per tempora sacris Canonibus constituta præscripserit. *g. Prætereâ.*

*b. tit.* Excipiuntur tamen Decimæ, & Oblationes. *g. fin. b. t. c. Ad aures . c. Vigilanti . de Præscript. c. Placuit . g. Sic etiam . 16. q. 3.*

Quo ad Postremum. Hæc requiruntur: Primò, ut interveniat consensus Prælati, & Capituli. *g. 2. sup. eod. c. Nullus res . 17. q. 4. c. Nullis . eod.* Secundò, ut agatur de Ecclesiæ utilitate. *d. g. 2. c. Sine . 12. q. 2.* Tertio, ut interveniat auctoritas Summi Pontificis. *d. g. 2. c. 2. eod. in 6.* Et hæc omnia fiant cum causæ cognitione. *d. c. 2. & d. Extravag. Ambitiosa*, pro cujus verâ intelligentiâ lege mea *Erotemata Ecclesiastica . c. 33. à num. 10. & seqq.* ubi plures difficultates circâ illam declarantur. Cætera vide *hic* per Gloss. & per Goffr. in Summâ *eod.*

## TIT. XXVIII.

*De Peculio Clericorum, Relictis, & Successionibus eorum.*

**A**ctum est suprâ de Rebus temporalibus Ecclesiæ, nunc tractatur de Rebus Temporalibus Clericorum: Et videbimus ad tituli explicationem

I *Quid Peculii nomine contineatur?*

S 2

2 *Quid*

- 2 *Quid verbum Relicti significet?*
- 3 *Quid Successio?*
- 4 *Cui quæstia à Clerico acquiri intelligantur?*
- 5 *De quibus possit Clericus disponere?*
- 6 *Ecclesiæ nomine quid comprehendatur.*

Quo ad Primum. Peculium propriè est Patrimonium illud, quod habet Filius, vel servus separatim à rationibus Dominici, vel Paternis. *l. Depositum. ff. de Pecul.* cujus quatuor sunt species: *Castrense*, quod à Parentibus, vel cognatis, aut etiam aliis penitus extraneis occasione militiæ filiofamilias donatum est; vel quod Filius in Militiâ acquisivit; de quo est titulus in Pandeetis *de Castrensi Peculio*; & in hoc filius habet plenum dominium. *l. 1. §. Nec Castrense. ff. de Castrens. Pecul.* *Quasi Castrense* est secundum, quod scilicet acquirit Filius ex Artium liberalium professione; ex publico munere, aut functione aliquâ, ex Sacerdotiorum proventibus, ex causarum Patrociniiis. *l. Cum oportet. C. De bon. quæ lib. & Gloss. in §. Igitur liberi. Instit. Civil. Per quas pers. nob. acquir.* Et de his habet locum, quod dictum est etiam de Pecul. Ca-

strensi. *d. l. Cum oportet.* Tertium est *Adventitium*, quod Filius familiâs aliundè quàm ex re Patris, vel propter Patrem consequitur; quodque ipsi à Matre, genereque Materno advenit, aut ab aliis quibuscunque causis, quæ ex prosperâ fortunâ ad eum perveniunt. *d. l. Cum oportet.* Vel si quid filio donatum fuerit sui ipsius contemplatione. *arg. l. Socium. §. Socius. ff. pro Socio*: nam & hoc est *Adventitium*; & in tali peculio Pater habet usumfructum, Filius autem proprietatem. *d. l. Cum oportet. d. §. Igitur liberi. Instit. Civil. Per quas personas.* Quod si filius Principali Aulæ serviens, vel ex Parsimoniâ propriâ aliquid acquisiverit, vel ex Principis liberalitate fuerit aliquid consequutus; in his casibus dicitur Peculium *quasi Castrense. l. Cum multa. C. De bonis, quæ liber.* Quartum est Peculium *Profectitium*, quod scilicet ex re Patris, ejusvè occasione ad Filium proficiscitur. *Gloss. in d. l. Cum oportet.* Et in hoc Peculio nihil habet Filius. *l. Pater. De acq. hæredit. d. l. Cum oportet. d. §. Igitur liberi.* At in materiâ tituli nostri erit illud Patrimonium, quod habebit Clericus extrâ res Ecclesiæ.



fiæ . Ut Gloss. *bic in Verbo de Peculio* .

Quo ad Secundum. *Relicti* verbum comprehendit id omne, quod ex quâvis ultimâ voluntate quis consequitur . *l. Si quid relictum . ff. de Legat. primo* .

Quo ad Tertium. Successio præferebat quemcunque modum, quo quis succedit in id, quod alterius erat.

Quo ad Quartum . Illud sciendum est, quod inter bona Ecclesiastica connumerantur ea non solum, quæ sunt acquisita, sed illa, quæ quis intuitu Ecclesiæ acquirit . *c. Relatum . de Testam. §. Generale . hoc tit.* Undè si aliquid emat de redditibus, vel oblationibus Ecclesiæ, debet conficere Instrumentum nomine ipsius Ecclesiæ; aliàs si alieno emat nomine, sacrilegium committit . *§. Cum igitur . b. t. c. 2. eod. c. Inquirendum . eod.* Non tamen hæc est Præsumptio Juris, & de Jure, sed admittit probationem in contrarium: heres enim Clerici poterit probare, quod licet non habuerit Patrimonium, lucratus tamen fuit ex aliquo licito artificio; & ex industriâ, quo casu non acquirit Ecclesiæ . *cap. Quia nos . De Testam. & Abb. in c. 1. eod. & in c. 3.* Et simile

est in uxore, quæ licet in dubio præsumatur quæsisse de bonis mariti: *l. Quibus . ff. de Donat. int. Vir. & Ux. l. Etiam 2. eod.* Ista tamen præsumptio recipit probationem in contrarium, ut per Abb. *in d. c. 1.* Et per Hervir. *in Sylva Nupt. lib. 4. & per Alex. de Præsumpt. reg. 3.* Nota tamen, quod & hoc casu res emptâ acquiritur Ecclesiæ, de quo est *tex. in c. 1. ext. eod. & in c. 1. de Testamen.* Quod si Clericus acquirit ex proprio Patrimonio, vel ex propriâ Personâ, ut putâ à consanguineis, sibi ipsi acquirit; & de hujusmodi acquisitis disponere potest . *§. De his . b. t. Abb. in c. Quia nos . de Testam. c. 1. ext. de Success. ab intest.*

Quo ad Quintum. Clericus disponere potest de his, quæ quæsit ex aliâ occasione, quàm ab Ecclesiâ, ut dudum dictum est. De quæsitis autem ipsi Ecclesiæ potest, accedente justâ causâ, disponere per viam eleemosynæ in benemerentes . *§. Licet . b. t. Abb. in cap. Ad hæc . de Testam.* Accedat, quod Clericus potest tantum legare de bonis Ecclesiasticis, quantum ipse Ecclesiæ contulerit . *§. Item . hoc tit. c. Si quis quâlibet . 12. q. 2.* Quod si Clerici de-

decefferint intestati, tunc deficientibus Successoribus legitimis, succedit in totum Ecclesia. *§. Quod si. hoc tit. c. fin. 12. q. 5. c. 1. de Success. ab intest.* & in *§. Si quis Episc. in Auth. de Eccles. tit.* Et de hâc materiâ, An Clerici de redditibus Ecclesiarum possint testari, disputat egregiè Covaruvias in *c. Cum in officiis. de Testament.* Cæterùm, quæ hucusque dicta sunt de Peculio Clericorum procedunt ex tenore antiquorum Canonum: sed nostris temporibus, attentâ generali Consuetudine Franciæ, Hispaniæ, & Italiæ, licitum est Clericis testamentum facere, & disponere de bonis Ecclesiasticis per eos ex beneficiis acquisitis, ut testantur Cevall. *Commun. contrâ Commun. part. 1. q. 388. n. 38. Tondut. Resol. benefic. libr. 1. c. 95. n. 24. & Nicolius Lucubr. Civil. libr. 3. tit. 1. à n. 68. & seqq.* ubi excipit totum Statum Romanæ Sedis, & Regnum Neapolis, in qui-

bus viget Jus Spolii in bonis Clericorum, qui possederunt beneficia, vel Pensiones excedentes Summam Ducatorum trigintâ Auri de Camera. Hoc autem Jus spolii est triplex. *Unum* ob dicta beneficia, vel Pensiones. *Alterum* ob negotiationes, seu mercaturas, quas fecisse Clericum constaret. Et *Tertium* circâ bona, quæ aliquis Regularis haberet tempore mortis; & de his latè ego egi in meis *Discordiis Forensibus part. 4. de Regularib. Discord. 35.* ubi videas.

Quo ad Postremum. Ecclesiæ nomine non Episcopus, nec Successor in eâdem Ecclesiâ, quam defunctus habuit, significatur; sed communis Congregatio intelligitur in Ecclesiis Collegiatis: quod si in locum Defuncti unus tantum substituendus erit, is bonorum illius Ecclesiæ erit administrator. *§. Nomine. b. t. Abb. in d. c. Relatum.* Et vide *c. Quere-lam. Ne Præl. Vices suas, &c.*

*Institutionum Juris Canonici Libri Secundi  
Finis.*



# INSTITUTIONUM JURIS CANONICI. LIBER TERTIUS.

## TIT. I.

### *De Judiciis, & illorum divisione.*



Ictum est suprà de Personarum, & Rerum divisione, & Jure, nunc juxtà ea, quæ præmissa sunt in *g. fin. supr. de Ecclesiast. Constitut.* videndum est de Judiciis. Et pro tituli explicatione videbimus:

- 1 *Quid sit Judicium?*
- 2 *Quot sint Judiciorum species?*
- 3 *Quot eorum sint partes?*
- 4 *Quæ ad Judicium constituendum sint necessaria?*
- 5 *Quis Judex dicatur?*
- 6 *Quot Judicium Species?*
- 7 *Qui possint esse Judices?*
- 8 *Qui possint Judices dare?*
- 9 *Qui possint esse in Judicio activè, & passivè?*
- 10 *Quis ordo in Judiciis servetur?*
- 11 *De quibus rebus Judicium consistat?*

## 12 *Quomodo Judicium solvatur?*

Quo ad Primum. Illud primo loco monendi sumus, *Judicii* nomen æquivocum esse; etenim significat actionem; ut *Judicium* familiæ herciscundæ, communi dividundo. *l. In Judicio. ff. Fam. hercisc.* Item animi destitutionem. *g. 2. Instit. Quibus non est perm. fac. testamentum:* interdum sententiam Judicis. *l. 1. ff. de Legat. præst.* Sed cæteris omissis *Judicium* significat causæ, ac litis ordinationem; & in hoc sensu hîc capitur, & in *tit. ext. eod. & in tit. C. & ff. eod.* Et potest describi, ut sit *Discussio causæ*, quæ ritè fit in foro coràm *Judice*, ut *hic in princ.* Vel dicamus, ut sit *Actus legitimus trium personarum, Actoris nempe, Judicis, & Rei*, ita Doctores in *Rubr. ext. eod.* ubi vide de pluribus aliis definitionibus.

Quo ad Secundum. *Judiciorum* præcipua divisio est, ut alia dicantur *Judicia Divina*,

na, ut sunt illa, quæ Deus Omnipotens sine hominis ministerio in hoc, vel in futuro sæculo constituit. Tholos. in suo tractat. Syntagmat. Juris lib. 47. cap. 4. num. 1. Alia verò judicia humana appellantur, ut sunt illa, de quibus hîc intelligimus, & per homines exercentur. Ista verò dividuntur in Sæcularia, & Ecclesiastica. Sæcularia sunt ea, quæ coràm Judice Laico inter personas sæculares exercentur. Marant. in Specul. p. 4. d. 11. §. Summa divisio. hoc tit. Ecclesiastica verò illa dicuntur, quæ coràm Judice Ecclesiastico agitantur inter personas Ecclesiasticas. c. Cum non ab homine. ext. eod. & c. At si Clerici. d. §. Summa divisio. Hæc autem Ecclesiastica vel sunt temporalia, vel spiritualia. Spiritualia sunt illa, in quibus tractatur de Re ad animam pertinente. Temporalia in quibus agitur, de Re, quæ ad sæculum spectat. Hanc distinctionem tractat Maranta in Speculo in 13. d. p. 4. Rursus judicia vel sunt publica, vel privata. Publica sunt, quæ à quocunque possunt institui ratione publicæ utilitatis, ut tot. tit. Instit. Civil. de Publ. Judic. Privata, quæ privatæ rei gratiâ intentantur. l. 1. &

tot. tit. De Privat. Delict. Accedat, Alia esse judicia Universalia, in quibus Jus universum alicujus postulatur; alia Generalia, ut tutelæ, pro socio, & similia, nempe quia comprehendunt plura capitula. Maran. d. p. 4. dist. 4. num. 2. Alia particularia, in quibus Res una tantum singularis petitur; ut est Judicium Rei Vindicationis. l. 1. ff. de Rei Vind. Marant. in Specul. d. p. 4. dist. 4. Vel petitionis hæreditatis. l. 1. ff. de Pet. hæred. Addamus judicia alia esse Ordinaria, alia Extraordinaria. judicia Ordinaria sunt, quæ Jure ordinario, Jurisdictione, & consuetudo ordine explicantur; & coràm Ordinario; eo scilicet, qui suo Jure, vel Superioris beneficio universalem Jurisdictionem exercere potest; ut Episcopus, Archiepiscopus, Legatus, & similes. §. Est & alia. b. t. Host. in suâ Summâ. De Off. Ordin. §. 1. Et Speculator eod. tit. in princ. Extraordinaria, quæ extrâ ordinem Jurisdictione concessâ, seu delegatâ explicantur. §. Extraordinarium. b. t. c. Quoniam contrâ De Probat. 3. q. 3. §. Spatium. Vers. ei autem. Et Felin. in Rubr. de Off. Deleg. num. 3.

Attamen ordinaria judicia appel-



appellantur ea , quibus opponuntur Judicia Summaria , quæ sunt ea , in quibus proceditur absque subtili observatione Ordinis Judiciarii ; & , ut vulgò dici solet , proceditur sinè strepitu Judicii . *§. Rursus . b. t. Clem. Dispendiosam. de Judic. cap. Litteras. De Juram. Calumn. c. 1. de Dolo , & Contum. cap. Sæpè . de Restitut. Spoliat. cum simil.* Ordinaria verò idèò vocantur , quia in iis exquisitè servatur Juris ordo , & omnes solemnitates . *§. fin. b. t.* Illud postremum addendum est , quod Judiciorum , Alia sunt Civilia , in quibus tractatur de Rei interesse tantùm : Quædam Criminalia , in quibus differitur de crimine puniendo , & de pœnâ delinquenti infligendâ , ut refert Tholof. *in loco supracit.*

Quo ad Tertium : Quatuor existunt Judiciorum partes , quæ essentielles dici possunt , & sinè quibus Judicium non propriè consistit . Litis contestatio , quæ est ejus rei , de quâ apud Judicem disceptatur , ab utrâque parte facta narratio . Secunda est Publicatio processus , etenim lite contestatâ , quæ ut plurimùm negativè contestari solet , Actor probat suam intentionem , Reus suam

exceptionem , examinantur testes , quibus omnibus peractis probata fiunt manifesta ; & sic processus publici fiunt , idest aperiuntur , & ostenduntur dicta testium . Tertia pars est Conclusio in causâ : apertis enim probationibus , partes Jura sua adducunt , & illa producunt , quæ necessaria judicant ad propriam probandam intentionem ; & postquàm utraque Pars Judicem benè instructum opinatur , concludit pro suâ intentione . Quarta pars tandèm est ipsius litis Decisio , quæ fit per Judicis Sententiam ; quandoquidem plenè causâ instructâ , postquàm in causâ ipsâ est conclusum , Judex suam profert sententiam , & controversiam decedit secundum ea , quæ in Judicio sunt deducta , & probata . *l. Illicitas . §. Veritas . ff. de Off. Præsid.*

Quo ad Quartum . Ad Judicium constituendum sunt illæ omnes partes necessariæ , quæ superiùs fuere relatæ , sed præter eas nonnulla alia exiguntur . Et Primùm In jus vocatio ; quæ est Interpretatio illa , quæ fit experiundi causa . *l. 1. ff. De in Jus vocan.* Ab hâc enim parte incipit actionis propositio ; quinimmodò secundum

T

non-

nonnullos, & ipsum Judicium exordium sumit. *§. fin. Instit. Civil. De poenâ temerè litigantium.* Insuper exigitur actionis editio, quæ est exhibitio petitionis ab actore facta; & fit adhuc ut Reus possit deliberare, an velit cedere, vel contendere. *Auth. Offeratur. C. De lit. contest.* Tertio est necessarium, ut adsit Actor, Reus & Judex: istæ enim tres personæ propriè judicium instituunt. *c. Forus. ext. de Verb. Signif. l. Inter litigantes. l. Julianus. ff. eod.* Ac tandem necessarium est, ut acta conscribantur. *c. Quoniam contrâ. De Probation.* Et hoc fit adhuc ut Judex plenè instructo negotio, plenèque discussio, possit quamprimùm causam determinare. *c. Jurgantium. De Sent. & Re Judic.* Plura apud Marant. *p. 6. per totum.*

Quo ad Quintum. Judex (qui quasi jus populo dicens vocatur) ille est, qui Jurisdictione propriâ, aut sibi delegatâ, aut commissâ jus habet, & facultatem inter litigantes cognoscendi, & controversias, seu litigia terminandi. *l. Penult. ff. eod.*

Quo ad Sextum. Variæ sunt Judicum species. Etenim Alii sunt *Ordinarii*, & sunt illi,

qui suo Jure, vel Superioris beneficio habent Jurisdictionem universalem, & possunt cognoscere de causis inter subditos propriæ Jurisdictionis, ut est Archiepiscopus, Episcopus, & similes, ut suprâ dixi. *§. Igitur. b. t. arg. c. Novit. De Legat. Officio.* Qui textus loquitur de Legato. *c. Ut litigantes. De Off. Ordinari. in 6.* Alii dicuntur *Extraordinarii*, seu *Delegati*, & sunt illi, qui ex Jurisdictione demandatâ in causâ particulari cognoscunt, ut notatur in *l. A Judice. C. eod. §. Extraordinarium. hoc tit. Legistæ in Rubr. ff. de Off. ejus; & Canonistæ in Rubr. de Offic. delegat. post Host. in suâ Summ. eod.* Secunda divisio est, ut alii dicantur *Competentes*, & sunt illi, qui propriè Judices existunt, & propriè Jurisdictionem habent: Alii verò dicuntur *Incompetentes*; & sunt illi, qui è contrâ Jurisdictionem inter litigantes non habent. Quidam adhuc dicuntur *Judices à quibus*; & sunt illi, qui cum sint minores Judices sententiam tulerunt, à quâ est appellatum, qui nominantur etiam *Judices primarii*. Nonnulli verò dicuntur *ad Quos*; & sunt illi, qui in causâ appellationis cognoscunt, & majores sunt,



sunt , & appellationis Judices nuncupantur , *l. 1. ff. Quis , & à quo* . Accedat , alios dici Judices *Criminales* , qui de criminibus cognoscunt , quosdam *Civiles* , qui in causis pecuniariis jus dicunt . Ac tandem nonnulli appellantur *Judices Civiles* , quia causas ad Cives pertinentes decidunt ; quidam verò *Militares* dicuntur , qui inter Milites cognoscunt ; ut *in Rubr. C. Ut omn. Jud. tam Civil. quam Milit.*

Quo ad Septimum : Regula est Generalis affirmativa constituenda , Omnes posse Judices esse , nisi speciali ratione aliquis prohibeatur . Verum nonnulli moribus prohibentur , quidam naturâ , & quidam lege . Moribus ut Servi , & Mulieres , quia sic usu est receptum . *l. 2. l. Quod attinet. de Regul. Jur.* Naturâ , qui Judicio pleno manifestè carent , veluti Furiosus , pupillus , surdus , & mutus , quinimò & minor non habens decimum octavum annum prohibetur , nisi vel Partes illum eligant , vel Princeps det . *l. Cum Prætor. de Jud.* ubi Gloss. *l. Quidam. de Re Jud.* Ille autem prohibetur lege , qui ob sui turpitudinem Senatu privatus est . *l. Cassius . ff. de Senat.* His exce-

ptis omnes possunt esse Judices , licèt ex speciali causâ quis tanquàm suspectus in causâ particulari recusetur : notatur *in l. Apertissimi* per illum tex. *C. de Jud.*

Quo ad Octavum . Dare Judices possunt illi , quibus hoc conceditur vel à Lege , vel Senatusconsulto . De Jure Canonico dant Judices illi , qui sunt Ordinarii , item etiam Delegatus à Principe ( intellige de Principe non recognoscente superiorem saltèm in temporalibus , ut per Abb. *in c. Pastoralis . De offic. delegat.* ) potest alteri subdelegare ; nisi ipsius electa sit Industria . *§. Possunt autem . b. t. c. Significasti . & c. fin. de Offic. delegat. l. Inter artifices . ff. de Solut.* Attamen circâ hoc distingue secundum Abbatem *in d. c. Significasti* . Aut Delegatus à Principe vult delegare ex causâ , & non est dubium . *c. Si pro debilitate . de Off. deleg.* Aut nulla justa causa subest ; & tunc , aut non facit in fraudem alicujus , sed non vult se implicare litigiis , & potest subdelegare , ac compellere subdelegatum ad acceptandam subdelegationem . *c. Pastoralis . de Offic. deleg.* Aut malitiosè vult subdelegare , & in fraudem alicujus ; & tunc licèt va-

leat subdelegatio, tamen non potest compellere renitentem. *d. c. Pastoralis*, secundum intellectum Abbatis. In dubio tamen non præsumitur in fraudem subdelegare, nisi saltèm probetur ex conjecturis, ut notatur in *d. c. Pastoralis*. Verùm, quamvis tanta sit auctoritas Delegati à Principe, attamen non potest in Civili Judicio partem compellere, ut personaliter coràm se compareat, nisi ad hoc speciale mandatum habeat; vel nisi pro veritate dicendâ, vel pro Juramento calumniæ exhibendo velit compellere, vel alia Juris necessitas hoc requirat. *§. Non tamen. b. t. c. 1. eod. in 6.* Item etiam non potest subdelegare, nisi certis personis, scilicet Dignitate præditis, atque Personatum obtinentibus, vel Ecclesiarum Cathedralium Canonici: *§. Sed nec. hoc t. c. Statutum. §. In nullo. de Rescript. in 6.*

Insupèr nota, quod non solum unus, sed etiam plures dari possunt Judices, qui in eadem causâ judicent. *§. Item. b. tit. c. Sciscitatus. de Rescript. c. Causam. & c. Cum causâ. & cap. Quamvis. de Off. deleg.* Et quando causa sic pluribus est delegata, id hunc habet effe-

ctum, quod nisi sit apposita clausula, quod si omnes interesse nequiverint, vel noluerint, reliqui exequantur; tunc simul omnes conjunctim procedere debent; aliàs Processus non valebit. *d. §. Item. d. c. Causam. de Off. delegat.* Et talis clausula id operatur, quod impediatur subdelegationem; nec enim qui non sunt impediti, sunt cogendi admittere subdelegatos collegarum suorum; sed quod ipsi agunt probandum est: Quod secùs est, quando hujusmodi clausula non est apposita. *§. Planè. cum seq. b. t. d. c. Coràm.* Et ibi traditur per Doctores. *de Off. Delegat.* Verum tamen est, quod clausula operatur solummodò in casu, quando aliqui non possunt, vel legitimè nolunt interesse. *§. Hoc tamen. hoc tit.* Et de hac re latè tractatur in *c. Prudentiam. in princ. de Off. Delegat. & in d. c. Sciscitatus.* Et nota, quod quando pluribus sic negotium commissum est; tunc uno eorum inchoante, alii ulteriùs non poterunt se intromittere nisi ex causâ; ut putâ si infirmitate, vel alio justo motivo, illum, qui causam tractare cæperit, contingeret impediri, vel dolo malo in eâ procedere recusaret. *§. Porro. hoc tit. c.*



*Gratum. c. Licet. & c. Quamvis. de Offic. Deleg. & cap. Si à Subdelegato. eodem tit. in 6.* Et Jurisdictio perpetuata per unum vivo mandatore dicitur perpetuata quo ad omnes condelegatos. *J. Jurisdictione. b. t. c. Cum plures. de Off. Deleg. in 6.* Illud nihilominus generaliter notandum est, quod si vè uni, si vè pluribus, si vè à Principe, si vè ab alio mandata fuerit Jurisdictio, mandati forma diligenter custodienda est; ita ut nihil contrà quàm sibi commissum est, delegatus tentare præsumat. *J. Sed si vè. boc tit. cap. Venerabili. de Offic. Deleg. & cap. Cum dilecta. de Rescript. l. Si Procurator. C. de Procurator. l. Diligenter. ff. Mandati.* Hoc tamen declaratur multis modis: Namque si quis impediatur Jurisdictionem delegati, vel noluerit in Judicium venire, hoc casu delegatus à Principe Ecclesiasticâ districtione poterit eum coercere, quamvis id litteræ commissionis non contineant: vel etiam pro delicti, & causæ qualitate secundum Arbitrium suum mulctare, si certa pœna non exprimat: Cui enim commissæ est Jurisdictio, eidem dicitur id omne commissum, sinè quo ille suam Jurisdictionem exerce-

re non potest. *J. Planè. boc tit. c. 1. de Offic. delegat. ubi de hoc: & facit c. Prætereà. c. Significasti. c. Prudentiam. in fine. c. Suspicionis. 1. resp. de Offic. delegat. c. Tam litteris. de Testib.* Secundò poterit admittere honestas exceptiones, & à Juris æquitate non aberrantes, licèt id expressè mandato non comprehendatur. *J. Rationabiles. boc tit. c. Ex parte. il 2. de Offic. deleg. & Abb. ibi: & Legistæ in l. Placuit. de Judic.* Tertio si rescriptum sit impetratum adversus aliquem, qui Judicii mutandi causâ possessionem, super quâ erat controversia, alienavit, Judex delegatus poterit cogere eum, in quem est facta alienatio, ut coràm se Jurispareat æquitati, non obstante quod rescriptum sit impetratum adversus alium. *J. Sed etsi. boc tit. c. 1. de Alien. Judic. mut. causâ fact.* In hoc tamen requiritur dolus ex parte alienantis, & etiam ex parte ejus, in quem est facta alienatio: *Abb. in d. c. 1.* Undè etiam ex hâc litterâ aliud notare debes, quod hîc specialiter fit prorogatio de personâ ad personam contrà *cap. P. & G. de Offic. deleg.* Et de hoc vide per *Abb. in cap. Quia. eod.* Quartò, & ultimò declaratur, ut non habeat

habeat locum, quod suprà diximus, quando alicui mandatur Inquisitio, vel quid aliud expediri certo loco; nam si ob illius potentiam, contrâ quem inquiri, vel procedi mandatur, vel fautorum ejus, eo loco securè mandatum executioni mandari nequeat, locum securum, & idoneum eligere valet; quod etiam faciet, quoties id justa, & rationabilis causa fuaserit. *§. Simili. b. t. Quod habet locum in delegato à Sede Apostolicâ. c. Statutum. De Offic. deleg. in 6.*

Quo ad Nonum. Regulariter omnes possunt esse in Judicio tam activè, quàm passivè, nisi quis speciali ratione prohibeatur, ut Servus, qui regulariter nec convenit, nec convenitur. *l. Servus. C. de Judiciis*: nonnullis exceptis Casibus favore libertatis, utilitatisque publicæ. *l. Cum certis. ff. eodem.* Deindè prohibentur Monachi. *Auth. Ingressi. C. de Sacrosanct. Eccles.* Pupillus, Furiosus, Prodigus, Mutus, Surdus sine Tutore, vel Curatore. *l. 1. & tot. tit. C. Qui legit. pers.* Accedat Excommunicatum in Judicio esse non posse. *c. Intelleximus. ext. eod.* Non omittam, nec Magistratum posse conveniri, dum tempus

Magistratus durat. *l. Pars literarum. ff. eod.* Nec illegitimam personam posse per se comparere. *l. fin. C. de Procurat.* Exceptis quibusdam personis, de quibus *in l. 1. in fine. ff. de Postul.*

Quo ad Decimum. Duæ recensentur Ordinis species, *Accidentalis*, & *Substantialis*: ita notatur *in l. 1. ff. de Appel. lat. & in l. Prolatam. C. de Sent. & interloc. omn. Jud.* Prima potest omitti. Secunda haudquaquàm. Ordinis autem substantialis erit, ut cognoscat Judex competens, hinc Laicus inter Clericos non judicat. *§. Pari ratione. b. t. c. Si diligenti. de Foro compet.* ubi latissimè de hoc. *c. Inolita. 11. q. 1.* Nec huic privilegio fori Clericus potest renunciare. *d. c. Si diligenti.* Si tamen Clericus reconveniat, tunc Judex Laicus hoc casu potest esse Judex. *c. Cujus in agendo. 3. q. 5. c. 1. & 2. de Mut. petit.* Vel nisi de Feudo agatur. *c. Verùm. de Foro compet.* Hujus occasione dubitatur, si captus sit Clericus à Judice sæculari, qui inficietur illum Clericum esse, quæritur quis debeat de hoc cognoscere? Et respondetur, Judicem Ecclesiasticum debere supèr hoc decidere, vocato tamen



tamen Judice sæculari , vel alio , cujus interfit . *§. Dubitari. b. t. c. Si Judex. de Sent. excomm. in 6.* Undè si notorium fuerit , vel fama publica extiterit , illum esse Clericum , debet Judici Ecclesiastico restitui . *§. Sed si. hoc tit. c. Cum olim. de Verb. signif. & not. in d. c. Si Judex. de Sent. excomm. in 6.* ex quo nota , quod is Clericus debet esse talis , qui privilegio Fori gaudere debeat : Undè Clericus buffio , vel goliardus , qui artem ludicram per annum exerceat , & teritiò admonitus non destitit ; vel etiam Clericus uxoratus non incedens cum habitu ; vel Bigamus , vel Degradatus non remittetur : ita notatur *in d. c. Si Judex* . Hoc idem dicitur de eo , qui ante deprehensionem publicè pro Laico se gerebat , & quasi Laicus communiter habebatur ; nam quàmvis deprehensionis tempore in habitu Clericali repertus fuerit , non antè restituendus erit , quàm de Clericali titulo fidem fecerit . *§. Aliud. hoc t. d. c. Si Judex. de Sent. excomm. in 6. c. Ut inquisitionis. §. Penult. de Hæret. in 6.* Undè si antè deprehensionem pro Clerico publicè se gerens , tonsuram , & Clericales vestes deferens de-

prehensus fuerit , pro Clerico præsumetur , donec contrarium constiterit . *§. Idem. b. t. d. c. Si Judex. & per Abb. in c. Ex parte. il 3. & in c. Contingit. De Sent. excomm.* Verùm sicut Clericus convenitur in suo foro , ita quoque Laicus debet conveniri coràm suo Judice . *§. Quod si. hoc tit. c. Cum sit generale. hoc tit. c. Si Clericus. De Foro compet. c. Experientia. cum seq. ii. q. i.* Et quia hoc fallit in aliquibus casibus ; ideò de his vide in *Glos. in d. §. Quod si. in verb. sequatur* . Ad hoc autem ut cognoscatur , an quis sit Clericus , an Laicus ? est inspiciendum an habeat Ordines , vel habitum gerat : quod si in habitu incedit , & aliquos Ordines habet , Clericus judicatur , nisi in fraudem fortè habitum susceperit ; ita *Bart. in l. i. num. 3. ff. de Pænis* . Postquàm autem de Judicis competentia constat , porrigitur libellus , datur copia parti , deliberat Reus , an velit cedere , an contendere ? Probantur assertiones , exceptiones , contestatur lis , publicatur processus , concluditur in causâ , ipsâquæ instructâ sententia fertur , datis semper legitimis dilationibus ; ita tamen ut non protrahatur causa  
in

in longum plùs, quàm æquum sit, ut dictum est suprâ *inc. 8. l. Properandum. C. de Jud. cap. Jurgantium. De Sent. & Re Judic.* Ordinis Accidentaliter erit, ut cautiones præstentur, opponatur Testibus; Procuratori, & alia similia, sinè quibus potest Judicium consistere, ut notatur. *in d. l. Prolatam.*

Quo ad Undecimum. Judicium de his rebus constituitur, quæ sunt in obligatione, & debentur. Actio enim est Jus persequendi in Judicio, quod debetur. *§. 1. Instit. Civil. De Action.* Ex his igitur judicium constituetur. *l. Nam quemadmodum. ff. eod.* Id tamen est verum, quod non omnis Judex est adeundus, sed ille tantum, qui cognoscere potest. *l. Ut fundus. ff. Communi dividunt. l. Solemus. ff. eod.*

Quo ad Postremum. Variis modis Judicium solvitur. Et primo loco finitur tempore; ut si intrâ certum terminum causa decidenda committatur. *§. Sed & cum. hoc tit. c. De causis.* ubi Abb. *de Off. deleg.* Et hoc in delegato. Generaliter autem in criminalibus, si transeat biennium, nec actor Judicium prosequatur, judicium expirat. *l. 1. & tot. tit. C. Ut intrâ cert. temp. crim. quæst.*

*term.* Vel si tempus sit statutum à Judice secundum distantiam locorum; nam transacto tempore expirat instantia. *l. 1. C. de Dilation.* Vel si causa civilis sit, post triennium. *l. Properandum. C. de Judic.* Secundò solvitur, Sententiâ latâ; ipsa enim est, quæ propriè Judicium determinat. *l. 1. & tot. tit. ff. de Re Judic.* Tertiò solvitur extinctâ Jurisdictione Judicis, qui judicare debet, veluti si re integrâ ille, qui dedit Judicem, jurisdictionem revocat expressè. *c. Quamvis. de Off. deleg. in 6.* Res autem integra non dicitur, quando facta est citatio. Bart. *in l. Et quia. ff. de Jurisd. omn. Judic. c. Relatum. de Off. deleg.* Quamvis videatur ob stare. *c. Gratum. eod.* Sed de intellectu illorum textuum videndus Barbosa *in Collect. DD. ad utrumque*, ubi eosdem ad concordiam optimè reducit. Vel etiam tacitè potest fieri revocatio; ut est, quando Delegans ad partis instantiam citat, vel alio modo cognoscit in causâ. Archid. & Joannes Andr. *in d. c. Quamvis*; & per Doctores *in c. Intimasti. de Appellat.* Et hoc procedit, quando in totum Judex commisit vices suas, aliâs enim re etiam non integrâ delegans potest



potest revocare. *l. Judicium solvitur. ff. de Jud. & per tex. in d. c. Quamvis. & in c. Judex. de Off. deleg. in 6.* Item & quarto Judicium solvitur morte delegantis, vel delegati. *g. Morte. hoc tit. c. Prælatum. & c. Si delegatus. de Off. delegati.* Quod intellige esse verum in eo, cui per mandatum datur nova Jurisdictio; nam secus id contingit, quando alicui habenti Jurisdictionem præcipitur; huic enim non datur nova potestas, sed potius antiqua excitatur; unde non possumus dicere, hunc fungi vice mandatoris. *c. Licet. & c. Penult. ext. de Offic. Ordin. Bart. & Legistæ in d. l. Et quia. De Jurisd. omn. Judic. Canonistæ in d. c. Prælatum.* Et hoc aded verum est, quod morte delegati &c. Ut si pluribus est delegata causa, & unus ex his moriatur, istius mors efficit, ut quoad alios etiam Jurisdictio suspendatur. *d. c. Relatum. d. c. Si delegatus.* Est tamen casus, in quo mors non præjudicat, quando scilicet res non est integra, sed delegatus cognoscere coepit. *d. c. Relatum.* Item finitur Judicium, quando delegatus impeditur impedimento Juris, vel Facti. Juris, ut si infamis sit factus; Facti, ut

si infirmitate impediatur. *g. Sed etsi. hoc tit. c. Sciscitatus. de Rescript. c. Prætereà. de Testib. cogen.* Idem etiam dicendum est, si delegatus à Principe ipse, vel per alium sententiam executioni mandavit. *g. Idem Juris. hoc tit.* Semel enim functus est Officio suo. *c. In litteris. de Offic. deleg.* Et hîc obiter nota; quod delegatus ab alio, quàm à Principe, non potest suam sententiam executioni mandare. *c. Pastoralis. de Offic. deleg.* Accedat Judicium solvi, si delegatus se incompetentem pronunciet. *g. Item. hoc tit. per Abb. in c. Significasti. & per Felin. in c. Ex parte. De Off. deleg.* Et hoc aded verum est, ut nec per consensum partium possit Jurisdictionem reassumere. *d. g. Item. arg. l. Privatorum. C. de Jurisdic. omn. Jud. c. Super eo. g. Pari ratione. & c. Si diligent. De foro competen.* Addamus tandem extinguî Jurisdictionem per recusationem judicis. *g. Recusatione. hoc tit. c. Causam. & c. Insinuante. & c. Suspicionis. De Offic. delegat.* Quæ Recusatio ex probabili causâ procedere debet. *d. c. Suspecto- nis.* Veluti si Judex sit consanguineus, Advocatus, aut Familiaritatem non modicam

cum alterâ parte contraxerit , aut alia sit similis causa . *d. g. Recusatione . d. c. Causam . & d. c. Suspicionis* . In recusationis autem causâ variè cognoscitur ; nam si duo à Sede Apostolicâ sint delegati ; & contrâ unum ex duobus causa suspicionis proponatur , si in delegatione sit apposita Clausula , quod si ambo interesse non possint , alter in causâ procedat , tunc coràm non recusato con-judice expedienda erit . *c. Si contrâ . de Offic. deleg. in 6* . Ubi verò non est apposita clausula , debet supèr hoc ad Arbitros recursus haberi . *d. c. Suspicionis* . Ex quo enim simpliciter dati sunt , unus sinè alterâ cognoscere non potest . *d. c. Causam . c. Uno . de Offic. delegat.* Sed si recusatur delegatus Episcopi , causa coràm Episcopo tractatur . *d. c. Si contrâ* . Quod etiam procedit , quando Officialis Episcopi recusatur . *d. c. Si contrâ* . ubi vide . Hæc succinctè dicta sunt de Judiciis , quorum materia cum sit amplissima , in controversiis contingentibus recurrendum est ad diffusos tractatus de Judiciis tùm Sigismundi Scacciæ , tùm Pacis Jordani Episcopi Tragurienfis , qui nupèr de eis scripserunt plenissimè .

## T I T. II.

## De Procuratoribus.

Cum de Generibus Judiciorum suprà tractatum sit , nunc de Personis litigatorum est dicendum ; & quia sæpè Judicia exercentur per Procuratores ; idèò nunc de ipsis videamus : & pro expeditione tituli videbimus :

- 1 *Quis sit Procurator , & quotuplex ?*
- 2 *Qui possit esse Procurator ?*
- 3 *Qui possit Procuratorem constituere ?*
- 4 *In quibus causis possit Procurator constitui ?*
- 5 *Quot modis Procurator revocetur ?*
- 6 *Quæ actiones oriantur inter Dominum , & Procuratorem ?*

Quo ad Primum . Procurator ille est , qui mandato Domini , vel quasi negotia aliena administranda suscipit . *l. 1. ff. eod. & hic in princ. & c. 1. eod.* Et quia Procuratores constituuntur ab Universitatibus , Collegiis , & à privatis ; idèò sciendum est : Quod illi appellantur Procuratores , qui à privatis constituuntur ; qui autem ab Universitate , vel Collegio constituitur , Syndicus appell.



appellatur, ut *hic in princ. c. 1. de Synd. l. 1. §. 1. & per totum. ff. Quod cuiusque Univers. nom.* Et Procuratores fiunt, vel ad negotia, vel ad Judicia. *§. Porro. hoc tit.* Si de Procuratore ad negotia agimus, quilibet potest esse Procurator, si habet annum decimum septimum, & non prohibeatur speciali ratione. *§. Potest. hoc tit. §. Justæ, & ibi Glos. Instit. Quib. ex Caus. man. non licet. l. 1. §. Pueritia. ff. de Postul. c. Qui Generaliter. §. fin. eod. in 6. 3. q. 7. §. Verum.* In Judiciis autem Procurator constituitur, qui major annis 25. fuerit. *d. §. Potest. d. c. Qui Generaliter. l. Exigendi. C. eod.*

Quo ad Secundum. Ex superiori capite habemus, minorem annis 17. non posse ad negotia Procuratorem esse; & in Judiciis eum posse constitui, qui major est annis 25. Verum in Spiritualibus negotiis natus annos quatuordecim potest esse in Judicio per se, & per Procuratorem, non obstante patriâ potestate. *§. Aliud. hoc tit.* Vel si mulier sit, duodecimum ætatis annum habere debet. *c. Indemnitatibus. p. resp. De Elect. in 6. c. Continebatur. De despons. Impub. c. Ex parte. de Restit. spoliat. & notatur in cap.*

*fin. de Jud. in 6.* Quod si minor sit quatuordecim annis, qui in Spiritualibus causis in judicio esse velit; tunc ei dandus est curator; vel si major est infante, idest in ætate septem annorum, potest cum auctoritate Episcopi, vel Officialis Procuratorem constituere. *§. Quod. hoc tit. c. fin. §. Si verò. de Jud. in 6.* Quæ omnia potest facere etiam Delegatus Sedis Apostolicæ. *§. Quin etiam. hoc tit. d. c. fin. de Jud. in 6.* Et notatur in *c. Penult. de Rest. in int. c. Licet. de Off. Vicar. in 6.* In hoc capite constituas hanc Regulam, quod regularitèr omnis potest esse Procurator, nisi speciali prohibeatur ratione. *§. Constituitur. hoc tit. c. 1. eod. in 6. c. Duo. 12. q. 1. facit l. Mutus. §. 1. ff. eod.* sicut dicimus in Testibus. *l. 1. ff. de Testib.* Et idem in Matrimonio. *c. Cum apud. de Sponsalib.* Prohibentur autem in Judiciis Procuratoris officio fungi Fœminæ, & non habentes ( in Judicio tamen ) vigesimum quintum annum. *l. Minor. ff. eod.* De Fœminis est tex. in *l. Neque. ff. eod.* Nisi pro parentibus interveniant, nam tunc causâ cognitâ id eis permittitur. *l. Fœminis. ff. eod.* Item Miles prohibetur. *d. l. Neque. Quod*

procedit etiam in milite cœlestis militiæ ; ut in Sacerdote , & Clerico quolibet in Sacris Ordinibus . *§. Deo autem . In Autb. de Sanct. Episc. §. Sed nec omnes . hoc tit. Quinimmodò nec tanquàm principales possunt , vel debent intervenire . §. q. 3. c. Quia Episcopus .* Nisi pro miserabilibus personis , & urgente suæ Ecclesiæ necessitate . *c. 1. & fin. ext. de Postul. ubi Doctores hoc tractant ; vel nisi propriam causam , vel conjunctorum prosequuti fuerint . §. Postulandi . hoc tit. d. c. 1. & c. fin.* Et in his omnibus casibus possunt personæ Religiosæ pro aliis in Judicio intervenire ; sed tamen debent hoc gratis facere , ut dicit Host. quem Abb. sequitur . *in c. 1. Ne Cler. vel Monach. Quia hoc eis permittitur ex pietate : sed de hoc vide Abb. in c. 1. in fin. de Postul. Idem procedit in Monachis . §. Idem . hoc tit. c. 1. de Syndic. c. Qui verè . & c. Monachi . 16. q. 1. & de his videantur meæ Discordiæ Forenses de Regularibus . Disc. 33. in quâ pulchrè agitur de Monacho Procuratore non valente esse Procuratorem in Judicio , neque pro suis consanguineis , etsi pupillis . Item Excommunicati prohibentur esse Procu-*

ratores , qui immò nec proprio nomine possunt esse in Judicio , nisi agatur de sui defensione . *§. Hi verò . hoc tit. c. Intelleximus . De Judic. Ubi traditur . c. Excommunicamus . §. Credentes . De hæret. cap. Inter priorem . & c. Venerabilem . De Except.* Sed hîc oritur dubitatio , An Procurator Universitatis , in quâ extant excommunicati , possit repelli ? Et constitutum est , quod non repellatur , nisi in tribus casibus . Primus est , quando illi , qui excommunicati sunt in litteris sunt expressi . Secundus est , quando aliâs eorum auctoritate Procuratoris institutio facta fuisset . Tertius est quando ipsa Universitas excommunicationis conscia simul cum eis eundem Procuratorem constituisse . *§. Sed bellè . hoc tit. c. fin. ext. eod. de Procurat. c. A nobis ;* ubi notat Abb. *de Simon. cap. fin. de Elect.* Item Furiosus prohibetur . *l. 2. §. Furiosus . ff. eod. Infamis etiam prohibetur . c. 1. 3. q. 7.* Sed dic plene ut per Abbat. *in c. Imperatorum . de Juramen. Calumn. in fin.* Item servus institui procurator non potest , quia judicio interesse non valet . *l. Servus . C. de Judic.* Et tandem Procurator volens tantum , & expres-



expressè consentiens constituitur. *l. Filius. §. Invitus. ff. eod. l. Invitus. C. eod.* Nota tamen quod non solum unus, sed etiam plures possunt constitui Procuratores, qui nisi in solidum constituantur, unus sine altero procedere non poterit. Quod si non sint in solidum constituti, melior conditio est occupantis, nisi in mandato sit expressum contrarium. *§. Et tam unus. hoc tit. d. c. Si duo. eod. in 6.*

Quo ad Tertium. Quilibet potest Procuratorem constituere, nisi prohibeatur. Edictum enim de constituendo Procuratorem est prohibitorium certarum personarum. *l. Mutus. ff. eod. tit.* Undè in minoribus causis minor sine Procuratore Procuratorem constituere non potest. *l. Non eo minus. C. eod.* Et in Spiritualibus minor annis 14. sine auctoritate Episcopi, vel ejus Officialis, vel etiam Curatoris ad hoc constituti non potest sibi Procuratorem eligere, ut dictum est suprâ in secundo capite per *tex. in d. cap. fin. de Jud. in 6.* Sunt tamen personæ, quæ coguntur constituere sibi Procuratorem; ut Excommunicatus. ut *d. c. Intelleximus. ext. de Judic.* Illustis persona. *l. Quicunq. C. eod. &*

*Auth. Quod jus. & in Auth. Ur ab illustr. & quæ super illustres ad princ.* Item Episcopus. *cap. Qui Episcopus. §. q. 3.* Et hoc idem habet locum in Prælatiis majoribus, & etiam in minoribus; & in Collegiis, quorum singula singulos Syndicos habere debent. *c. Cum sumus. 9. q. 3.*

Quo ad Quartum. Regula est Generalis posse in omnibus causis constitui Procuratorem, criminalibus exceptis. *§. Non tamen. hoc tit. c. Veniens. De Accusat. c. Tuæ. eod. c. In criminalibus. 5. q. 3.* nisi in quinque sequentibus casibus: Primò ad propulsandam injuriam illustis. *§. Nisi. 3. q. 9. l. fin. C. de injur.* Secundò si rei contumacia sit excusanda. *d. c. Veniens. c. Reos. 23. q. 6. c. Cum dilecti. de Dolo, & contumac.* Tertio quando contrà Accusatorem est excipiendum. *d. cap. Veniens. & in c. De bis. eod. de Accusat.* Quarto si tractetur de levi crimine. *l. Levia. ff. de Accusat.* Quæ tamen delicta levia dicantur? dic ut per Abb. in *c. Tuæ. de Pœnis.* Qui distinguit inter levia, gravia, graviora, & gravissima. Quintò, & ultimò quando etiam de gravi crimine tractatur, sed agitur civiliter. *c. Tuæ. ead. d. cap. Super bis. de Accusatione.*  
Ve-

Verum ultrâ hos casus enumerantur alii, ut crimen suspecti Tutoris. *l. Non solum. §. fin. ff. eod.* Item si agatur de Ingratitudine. *l. Sed hæ personæ. §. 1. ff. eod.* De quibus, & de aliis dic ut per Speculatorem in *Tit. de Procuratore*; & per Doctores in *d. cap. Veniens. De Accusat. in c. Si quando. §. q. 3. & in l. Penult. §. fin. de Publ. Jud.*

Sciendum tamen est, quod in quibusdam negotiis requiritur speciale mandatum; ut cum agitur de suspicione. *d. l. Non solum. ff. de Procurat. §. ult.* Item in causâ restitutionis in integrum. *l. Illud. §. Si talis. ff. de Minor.* In interdicto de liberis deducendis, vel exhibendis. *l. Pomponius. ff. eod. tit.* Item in Juramento calumniæ, vel alio Juramento in animam alicujus præstando. Item cum petitur absolutio in formâ Juris in personam alterius: aliàs autem secundum Regulam sufficit generale mandatum. *cap. Petitio. ext. eod. tit. l. Actione. §. Renunciare. ff. Pro soc.* Et de aliis casibus, in quibus speciale mandatum exigitur, vide per Speculat. in *tit. de Procuratore num. 4.* & per DD. in *c. Qui ad agendum. eod. in 6.*

Notæ tamen, quod etfi

unus sit generaliter constitutus, etiam ad ea, quæ speciale mandatum exigunt, per hanc generalitatem non potest procedere in aliquo ex his articulis speciale mandatum exigentibus, nisi quorundam eorum subsequatur expressio: Mandatum tamen non complectitur majora, quàm sint in Procuratorio expressa; undè contrâ electum, vel provisum crimina, vel defectum opponere non potest. *Clem. Non potest. eod.* Notatur in *d. c. Qui ad agendum. eod. in 6. §. Crimina. hoc tit.* Sed in his requiritur aliud speciale mandatum, ut *d. d. Jurib.* Et unum advertendum est, quod Procurator datus ad negotia potest quemcunque alium Procuratorem constituere. *c. 1. §. fin. eod. in 6.* Judiciario tamen illud non conceditur, not. in *l. Mandata. C. Mandati*, nisi aut lis fuerit contestata ab ipso; undè secus esset si à Domino fuisset lis contestata. *d. c. 1. §. Penult.* ubi not. *eod. in 6.* concordat *l. Nulla. & l. Neque. & l. Penult. & l. In causæ. ff. eod.* Vel nisi in rem suam datus sit; quod declarat Gloss. in *§. Sed illud. hoc tit.* facit *l. Illam. C. de Donat.* & notat. in *l. Plautius. ff. eod.* Vel nisi à Domino sub-



substituendi data fuerit potestas ; hoc enim casu videtur datus ab ipso Domino. *l. Item eorum. §. Decuriones. ff. Quod cuiusque Univers. nom.* Et hoc casu etiam non expressam personam poterit eligere. *cap. 1. §. Ergo. eod. in 6. & de his omnibus loquitur tex. in d. §. Sed & illud.*

Quo ad Quintum. Procuratores revocantur tacite, & expresse. Expresse si constituens mandatum revocet. Tacite si Principalis constituto Procuratore causam per se agat, vel alium Procuratorem constituat. *§. Tamdiu. b. tit. c. Si quem. eod. in 6. l. Si quis. §. Julianus. ff. eod.* Hoc tamen non procedit, si Procurator fuerit constitutus à te sub hâc formâ, quoties te abesse contigerit ; nam si postmodum per te ipsum causam tractes ; non propterea tamen Procuratorem revocare videberis. *§. Sed si eundem. b. t. notatur in d. c. fin. eod. in 6.* Verum hæc procedunt in Domino, qui Procuratorem constituit. Cæterum si Procurator in eo casu, in quo potest, alium Procuratorem substituat, non potest illum revocare, nisi potestas ei data sit. *§. Hac autem. hoc tit. c. Is qui. eod. in 6. & vide. c. primum. eod. in 6.* Et

nota, quod si Procuratorem constituas, vel ad unam, vel ad plures causas, vel generaliter ad omnes ; & ipse in unâ, vel alterâ substituat ; in aliis Procuratoris officium poterit exercere. *§. Sed si cum. hoc t.* Et idem procedit in delegato ab alio, quàm à Principe ad universitatem causarum. *l. Cum Prætor. §. 1. de Jud.* Quatenus tamen suprâ dictum est, Procuratorem posse revocari, notare debes, quod si Procurator sive ante, sive post litis contestationem revocetur ; donec ignoretur revocatio vel à Iudice, vel ab Adversario, acta per huiusmodi Procuratorem tenent, & valent. *§. Ad hæc. hoc nostro tit. c. Mandato. eod.* Hoc nihilominus limitatur, quando Procurator specialiter est constitutus ad Matrimonium contrahendum ; nam, si antequàm contrahat, revocatus fuerit ; contractum postea Matrimonium nullius momenti est, etiamsi nondum revocatio ad notitiam partium pervenerit : deficit enim consensus illius, finè quo Matrimonium firmitatem habere non potuit. *§. Non sit. b. t. c. fin. eod. in 6.* Sed utrùm Matrimonium contractum per Procuratorem sit etiam Sacramentum ? Est dubium

bium magnum inter Theologos, quorum rationes pro utrâque opinione ego retuli in meis Decisionibus *de Matrimonio*, *Decis.* 4. *num.* 33. & *seqq.* ubi studiosus Lector videat. Demùm in *g. fin.* nota secundum modum, quo quis Procurator esse definit; Morte enim constituentis definit quis esse Procurator. *Clem. fin. eod. tit.* Quod habet locum quandoque etiam re non integrâ, ut expressè dicitur in *d. Clem. fin.* Item, & ultimò revocatur Mandatum, quando re integrâ constituentem pœnitet; nam si res non sit integra, sed Procurator mandatum accepit, illud implere tenetur. *c. Licet. eod. in 6. Clem. 1. eod.* ubi notatur *g. At litteris. hoc tit.*

Quo ad Postremum. Duæ oriuntur Actiones, Directa, & Contraria. Directa quidem datur Constituenti, & ejus hæredibus. Contraria, è contrâ, Procuratori, & ejus Successoribus. *g. Igitur. Inst. Civil. De obl. quæ quasi ex contract.* *g. Is, qui exequitur. Inst. de Mandato, &c.* Qui plura scire desiderat de hac Procuratorum materiâ, legat novissimum, & eruditum Tractatum *de Procuratoribus*, Auctore Fabio Golino, in quo omnia, quæ de illis dici pos-

sunt doctè, & diligenter enucleantur; prout etiam Pacem Jordanum *Tom. 3. lib. 14. tit. 2.* ubi plenè disserit de jisdem.

### T I T. III.

#### De Pactis, & Transactionibus.

CUM visum sit de Judiciis, & de Personis in Judicio agentibus, quoniam meticulousa Res est ad Judicium ire propter dubium eventum litium, undè sæpè res deciduntur sinè Judicio, Paciscendo, seu Transigendo; ob id nunc tractatur de Pactis, & Transactionibus; & ita in effectu continuatur *hic in princ.* Pro cujus tituli expeditione videbimus.

- 1 *Quid sit Pactum?*
- 2 *Quid sit Transactio?*
- 3 *Quot sint Pactorum species?*
- 4 *De quibus Rebus possit transigi, paciscique?*
- 5 *Qui sint effectus Pactorum, seu Transactionum?*

Quo ad Primum. Pactum describitur, ut sit duorum, vel plurium in idem placitum, atque consensus. Ita Vulpianus in *l. 1. g. Est autem pactio. ff. eod.* Et dicitur Pactum à Pactione, undè & pacis nomen appellatum est. *d. l. 1. g. Pactum autem.*

Quo



Quo ad Secundum. Transactio describitur ab eodem Vulpiano in l. 1. ff. de Transact. Ut sit de Re dubia, & lite incerta non gratuito facta Pactio. Et enim Transactio de sui natura requirit, ut aliquid detur, seu promittatur, aut remittatur. l. Transactio nullo dato. C. de Transact.

Quo ad Tertium. Variæ sunt Pactorum species; sed istæ duæ præcipuæ sunt: Vel enim alia dicuntur Pacta legitima, quæ fiunt secundum Legis dispositionem; Alia illegitima, quæ à lege reprobantur, & inutilia sunt. l. Pacta, quæ contrâ C. de Pact. Item pacta quædam in personam dicuntur, & sunt illa, quæ cum personâ particulari sunt inita, nec personam egrediuntur. Quædam verò in rem nominantur, quæ fiunt rei consideratione. DD. in Rubric. ff. de Pact. Et quando pacta sint utilia, & quando inutilia; vide Goff. in suâ Sum. in Rubr. de Pactis.

Quo ad Quartum. De omnibus Rebus pacisci possumus, vel transigere, nisi aliquæ sint, quæ prohibeantur: Undè etiam traditur pro Regulâ, quod regulariter pacta, inter quoscunque de Re quâcunque inita, sunt servanda. §. Et quidem. b. tit.

c. Qualiter. ext. eod. de Pactis. l. Jurisgentium. §. Ait Prætor. ff. eod. Excipiuntur tamen nonnullæ res: & Primò Pactum non valet, si apponatur super Re, quæ non est in rerum naturâ. l. Domum. ff. de Contrahen. empt. Item non valet pactum interpositum super aliquâ re, quæ non sit in nostro commercio; undè liber homo, Res sacra, Religiosa, & Sancta non potest in pactum deduci. §. Idem Juris. Inst. de inut. stipul. l. Impossibile. ff. de Reg. Jur. l. Inter stipulantem. §. Sacram. de Verb. oblig. Item cessat Pactum in collatione Rerum Spiritualium. c. Quam pia. 1. q. 1. cum concord. Item Pactum de futurâ successione in Ecclesiâ Dei reprobatur. c. Accepimus. ext. eod. Item Pactum turpe, vel rei turpis, aut impossibile de Jure, vel de facto nullam inducit obligationem. §. Quod si. hoc tit. cap. fin. ubi de hoc. ext. eod. Sed tamen quandoque Juramento firmatum valet, etiamsi aliàs non valuisset, ut si filia, dum nuptui traditur, cum Patre paciscatur, ut dote contenta, ad bona paterna nullum habeat regressum, si Juramento vallatum sit, servari debet; quod aliàs de Jure non valet.

1. *Pactum quod dotali*. C. de *Pa-*  
*ctis*. 1. *Pactum quod dotali*. C.  
 de *Collat.* Et §. eod. hoc tit. c.  
*Quamvis*. eod. lib. 6. Hoc fallit  
 in casu c. *Si diligenti*. de *Foro*  
*compet.* c. *Tua*. de *Jur. Juran.*  
 & 1. *Non dubium*. C. de *Legib.*  
 Item si agatur de eligendo si-  
 bi successorem per Pactum in  
 beneficio Ecclesiastico contrâ  
 d. c. *Accepimus*. auctoritas Papæ  
 potest facere, ut tale pactum  
 valeat. c. *Petisti*. 7. q. 1. Et  
 per Abb. in d. cap. *Accepimus*.  
 Quamvis Papa non possit sibi  
 Successorem eligere secundum  
 Abb. in d. c. *Accepimus*. Ve-  
 rum quia præter supradictas  
 causas aliæ quamplures sunt;  
 in quibus pactum non valet,  
 ideò de his videndum est in  
 c. 1. & d. c. fin. eod. Ad idem  
 etiam videndus est titulus in  
*Instit. Civil. De inutil. Stipul.*  
 Porro, quæ Pacta fieri possint  
 in permutatione beneficiorum  
 inter eosdem compermutantes;  
 & quæ non? plenè ostenditur  
 in meis *Discordiis Forensibus*  
*de Beneficiis*. *Discord.* 51. nec  
 non de *Jurisdictione*. *Discord.* 51.  
 quas Juvenem studiosum lege-  
 re non pigeat, ut cognoscat,  
 quæ Pacta sint valida? & quæ  
 Simoniaca?

Quod autem dictum est de  
 Pactis, idem habet locum etiam

in Transactionibus; itaut de  
 omnibus rebus regulariter tran-  
 sigatur, nisi aliquæ prohibean-  
 tur. §. *Transactiones*. b. t. c. 1.  
*ext. de Transact.* Transactio au-  
 tem non valet facta super re  
 spirituali. c. *Constitutus*. c. *Super*  
*eo*. & c. *Prætereâ*. *extr. de*  
*Transact.* quamvis amicalis  
 compositio valeat etiam super  
 re hujusmodi: ita traditur in  
 d. c. *Super eo*. & ibi Abb. Nec  
 super Re litigiosâ, nec super  
 causâ Matrimonii licitum est  
 transigere. cap. fin. de *Transact.*  
 Quos enim Deus conjunxit,  
 homo non separet. cap. *Quos*  
*Deus*. 33. q. 2. c. *Inter corpora-*  
*lia*. de *Translat. Prælat.* & §.  
 fin. hoc tit.

Quoad Postremum. Effectus  
 Pactorum est, ut obligationem  
 inducant: Nullus enim ea, quæ  
 de labiis suis procedunt, debet  
 facere irrita. §. *Et quidem*. b.  
 tit. c. *Juramentis*. 22. q. 5. Et  
 alibi Studiosè agendum est, ut  
 ea, quæ promittuntur, opere  
 compleantur. c. *Qualiter*. *ext.*  
*de Pactis*. Et hoc aded verum  
 est, ut etiam Indultis Aposto-  
 licis per Pacta potest derogari.  
 §. *Quod quidem*. b. t. c. 1. de *Pa-*  
*ctis* in 6. Quod habet locum  
 non solum in pacto, quod sub-  
 sequitur Privilegium. cap. *Cum*  
*olim*. de *Præscript.* Sed etiam de



de pacto antecedenti, nisi in Indulto fiat mentio de pacto. *cap. Ex multiplici. de Decimis. Clem. Dudum. de Sepult. Trans-* factionis autem effectus est, ut finem litibus imponat. *c. 1. de Transact.* Undè etiam Sententiæ æquiparatur. *l. Non minore. C. de Transact.*

## TIT. IV.

## De Arbitris.

**Q**uoniam, ut Judicia evitentur, sæpè evenit, ut partes communi consensu ad arbitros declinent, *§. 1. supr. tit. prox.* ob id nunc de Arbitris tractatur; & pro expeditione Tituli videbimus:

- 1 *Qui sint Arbitri?*
- 2 *Qui possint esse Arbitri?*
- 3 *Qui rem in Arbitris committere possint?*
- 4 *Quæ possint compromitti?*
- 5 *Quid sit Compromissum?*
- 6 *Quando expiret?*

Quo ad Primum. Arbitri propriè dicuntur, qui nullam potestatem habentes consensu litigantium in Judices eliguntur; in quos compromittitur, ut eorum sententiæ stetur. *§. 1. b. t. c. A Judicibus. 2. q. 7. extat tit. de Arbitris.*

Quo ad Secundum. Regula

est Generalis, omnes posse esse Arbitros, nisi ratio specialis aliquos prohibeat. *§. Cæteri. b. t. c. Inter corporalia. de Translat. Prælat. l. 3. §. Tametsi. & l. Pedius. cum l. seq. ff. eod.* Prohibentur autem primo loco Servi, & Monachi, & Regulares. *d. l. Pedius. §. 1. c. Monachi. & c. De præsentium. 16. q. 1. Hæretici, Apostatæ, Schismatici, Infideles, & Excommunicati propter proprium delictum. §. Sed neque. hoc tit.* Et quamvis non sint Jura, quæ de his expressè loquantur, attamen ex mente Jurium ferè indubitata opinamur communiter, non posse hos Arbitros fieri, ut tradit Perus. *in suo tractat. de Arbitr. lib. 4. c. 6. & c. 9.* Item Laici super Re spirituali regulariter non assumuntur, nisi eis sit Clericus adjunctus; vel in eos Auctoritate Apostolicâ compromittatur. *§. Sed nec. hoc tit. c. Cum contingit. c. Per tuas. eod.* Et nota, quod Laicus prohibetur esse Arbiter in Re spirituali ratione honestatis; undè tollitur contrarium *in d. l. Pedius:* ubi Servus non potest esse Arbiter, etiamsi alius habilis ei associetur: Cui contrario respondetur; id ex eo esse, quia Servus est merè incapax; ita Abb. *in*

*d. c. Per tuas*. Hûc accedat, quod neque Fœmina potest esse Arbiter, nisi hoc permittat regionis consuetudo. *§. Fœminæ. b. t. c. Dilecti. ext. eod.* Hoc autem, quod de consuetudine dicitur, intelligitur de Mulieribus præ excellentibus, & nuptis Viris Principibus, itâ quod Principatus pertineat ad Virum: nam si Mulier haberet Principatum proprio Jure, tunc non indigeret consuetudine; sed esset Jure communi munita, ut per Abb. & Innoc. in *d. c. Dilecti*. Et ex supradictis etiam adverte, quod Mulier non prohibetur judicare ratione incapacitatis, sed propter honestatem, quod patet ex eo, quia per consuetudinem potest id facere. *arg. c. Quanto. de foro compet. & cap. Causam. de Præscript.* Et tandem observa, quod etiam in Judicem ordinarium, vel delegatum possumus compromittere. *§. Sed etsi. b. tit. c. Olim. c. Innotuit. eod. c. Nisi. de Præbend.*

Quo ad Tertium. Regulariter idem generalis est, posse omnes proprias causas in Arbitros compromittere, dummodo sint ætatis legitimæ, & plenum habeant Judicium; & possint de Re, seu Actione ad libitum disponere. Hinc Servus, Mo-

nachus, & similes compromittere non possunt. *d. c. Monachi. d. c. De præsentium. 16. q. 1.* Et plenius, quæ personæ non possint compromittere, vide per D. Jo. Bapt. Perus. in suo egregio *Tractatu de Arbitr. in 2. libr. per tot.*

Quo ad Quartum. Regulariter de omnibus causis potest fieri Compromissum, nisi speciali ratione aliquæ majores prohibeantur. Et primò prohibentur causæ liberales. *c. Penult. eod. l. Non distinguemus. §. De liberali. eod. Matrimoniorum. c. Causâ. in fin. de Rest. in integr. §. Quod autem. hoc tit. Filiationum. l. Abdicatis. C. de Patr. pot. Monachationum; ut per D. D. in d. l. Non distinguemus. d. §. De liberali. Restitutionum. l. fin. C. Ubi, & apud quem. d. c. Causâ in princ. Criminales. d. c. Causâ. d. l. Non distinguemus. §. Julianus.* Et in quantum hîc dicitur de Matrimonio, intelligendum est de Matrimonio carnali; nam de spiritali clarum est, quod potest compromitti. *c. Quia propter. de Elect. d. §. Quod autem.* Et de hâc materiâ vide eundem Perus. in *d. suo Tract. lib. 3. per tot.*

Quo ad Quintum. Compromissum, quod est quædam spe-



species Transactionis, & Judicium imitatur. *l. 1. ff. de Recept. Arbitr.* nihil aliud est, quàm amicabile quædam conventio, quâ difficultas arbitrio amici, vel amicorum communium decidenda committitur ex partium consensu, & voluntate. *l. 3. ff. eod.*

Quo ad Postremum. Solvitur Compromissum: Primò Sententiâ, quando scilicet de omnibus, de quibus compromissum fuerit, Arbitrator pronuntiavit. *§. Finiuntur. hoc tit. l. Quid tamen. ff. eod.* Secundò Temporis lapsu, quando scilicet terminus compromisso comprehensus re infectâ labitur. *§. Lapsu. hoc tit. l. Si cum dies. ff. eod.* Item finitur Morte tam compromittentium, quàm Arbitrorum, nisi specialitèr in compromisso sit facta mentio hæredum ipsorum compromittentium. *c. Ex parte. eod.* Et quod dicitur de Arbitris habet locum etiam si unus tantum mortuus sit, nisi aliud sit expressum in compromisso; nam expirat compromissum quo ad omnes. *c. Uno delegatorum.* ubi notatur de *Off. delegat.* Verùm quia multis aliis modis compromissum finitur; ideò de his plenissimè poteris videre apud eundem Perusinum in *d. suo*

*Tractat. de Arbitr. lib. 13. per totum.*

TIT. V.

*De In jus vocando.*

**Q**uoniam, si partes neque Pactionibus, neque Transactionibus, aut Compromissis concordēs reddi possint, ad Judicium veniendum est, cujus initium est in Jus vocatio, nempè Citatio. *§. Omnium. hoc tit. §. fin. Instit. Civil. de Pænâ tem. litig.* Ob id de hâc materiâ in præsentî titulo tractatur: circâ cujus explicationem videbimus:

- 1 *Quid sit in Jus vocare?*
- 2 *Qui possint in Jus vocare?*
- 3 *Qui vocari?*
- 4 *Quibus ex causis vocatio nulla fiat?*

Quo ad Primum. In jus vocatio est Juris experiundi causâ vocare. *l. 1. ff. eod.* Atque vocatio in jus est principium Judicii, ut jam dixi.

Quo ad Secundum. Illi omnes possunt in Jus vocare, qui possunt in Judicio esse, & reverentiam non debent; quoniam qui reverentiam præstare debent, si vocant, tenentur priùs veniam impetrare; ut est Filius, Libertus, & similes. per-

personæ *l. 4. cum aliquibus frequentib. ff. eod.*

Quo ad Tertium . Possunt itidem in Jus vocari hi omnes, cum quibus Judicium esse potest, & qui legitimam habent personam standi in Judicio . *l. 1. & tot. tit. C. Qui legit. person. habent standi, &c.* Hinc pupillus, servus inutiliter vocatur . *l. 1. C. Qui legit. pers. l. Servus. C. de Judic.*

Quo ad Ultimum. Illud in primis est sciendum, necessariam esse vocationem in Jus, quia non potest aliquis non vocatus, & indefensus damnari. *l. Absentem. ff. de Pœn. l. De unoquoque. ff. de Re Jud.* Attamen ista vocatio redditur nulla ex quatuor causis . Primò ex personæ qualitate, veluti si quis vocetur comparere corâm Judice non suo. *§. Fit aut. b. t. c. Ex litteris. De Offic. deleg.* Est tamen verum, quod si quis fuerit citatus corâm Judice competente, licet efficiatur alterius Fori, tamen quasi præventus tenetur comparere corâm eo Judice, à quo vocatus est. *§. Si tamen. hoc tit. l. Si quis postea. ff. de Judic. l. Cum quædam. ff. de Jurisd. omnium Jud. c. Proposuisse. de Foro compet.* Ex quo apparet per citationem perpetuari Jurisdictionem tam

ordinarii, quàm delegati. *c. Gratum. & c. Licet. de Offic. delegat. & c. fin. de Off. legat. facit c. Ut debitus. de Appellat.* Sed de veritate hujus dicti videbimustunc, quando exactiùs Judiciorum materiam pertractabimus . Quandoque etiam ratione personæ Rei citatio fit nulla, ut est quando quis ad instantiam spoliatoris, etiam corâm suo Judice, citatur; namque non tenetur comparere, nisi priùs ad omnia canonicè restituatur. *§. Idem Juris. hoc tit. c. 1. & c. Priùs. 3. q. 2.* Alia exempla similia vide *in l. 2. & l. 3. ff. eodem.* Secundò citatio fit nulla ex loci conditione, veluti si quis vocetur extrâ territorium, aut in locum non tutum, vel pestilentem. *§. Locus. hoc tit. c. De cætero. De Sentent. excomm. in l. Finali. ff. de Jurisd. omn. Judic. c. Ex parte de Appellat. c. Accedens. Ut lit. non contest.* Et nota, quod aded verum est, aliquem non teneri comparere, si citetur extrâ suam Jurisdictionem, ut secundum quosdam citatio neque ex partium consensu possit convalescere; itâ notatur *in c. Statutum. §. In nullo. de Rescript. in 6.* Hoc tamen non habet locum in terminis *Clem. 1. de Foro compet.* Sed quæ-



quæritur an citatio ad locum incertum dicatur ipso Jure nulla? Et videtur quod sic, cum tali casu perindè sit, ac si nullus locus constitutus fuisset. *l. De ætate. §. Nihil. ff. de Interrog. act.* Verùm dicas, hanc citationem non esse ipso Jure nullam, nisi omninò sit incertus locus; undè si citatus fuerit quis ad Villam; & sint plura nominis ejusdem loca, ut *in c. fin. de Rescript.* hoc casu citatio non est nulla; sed citatus tenetur comparere in locum; in quo consuevit. *l. Si locus. ff. de Judic. l. Si cum dies. §. Si arbiter. ff. de Arbitr.* & habetur *in d. c. fin. de Rescript.* Tertiò fit vocatio nulla ex temporis ratione; veluti si quis vocetur Tempore feriato in honorem Dei, quia tunc Temporis Judicia debent silere. Abb. *in c. fin. de Feriis. §. Sedetsi. boc tit.* Aut si inter angusta nimis tempora quis fuerit vocatus *c. 1. §. q. 2. & c. Primates.* & per totam illam *quæst.* Sed quæritur quid Juris sit in actibus extrajudicialibus, & Jurisdictionis voluntariæ; an possint expediri diebus feriatis? Et in hoc concludendum puto, quod ad hoc ut teneant, possunt expediri etiam diebus feriatis. *l. Actus.*

*C. de Feriis*, sed tamen, qui id faciunt, peccant mortaliter: ita dicit Abb. *in c. fin. de Fer. num. 18. Gloss. in d. §. Sedetsi. boc tit. in Verb. quæstiones*; quæ etiam refert de Illustrissimo Flavio Ursino, qui postea fuit Cardinalis, qui in Collegio Perusino fuit præsentatus in die feriatâ, nempe in die S. Angeli, & etiam de Illustrissimo Andræa Matthæo Aquaviva Episcopo de Venafro, qui fuit Doctoratus in festo S. Augustini. Excipiuntur tamen quidam casus, qui etiam diebus feriatis possunt expediri: ut quando necessitas id expostulat; cujus rei plura exempla habemus *in l. 1. & 2. & 3. ff. de Feriis.* facit *l. 1. ff. de Damn. infect.* Vel pietas id requirat, ut quia causa sit miserabilium personarum; in operibus enim Misericordiæ non est habenda distinctio dierum. *arg. c. Utinam. d. 76. c. Numquam. d. 5.* Et alii etiam casus similes enumerantur ab Abb. *in c. fin. de Feriis*; qui his verbis concluduntur.

*Hæc faciunt causas Festis tractare diebus:*

*Pax: Scelus admissum: Mannisso: Res peritura:*

*Terminus expirans, Mora testis abesse volentis:*

*Cum-*

*Cumque potestatis patriæ Jus  
filius exit.*

De quorum versuum declaratione, Abb. & alii *in d. c. fin.* & nota, quod neque consensu partium præter has causas, processus factus tempore feriato potest tenere. *d. g. Sed etsi. d. c. fin.* Est tamen verum, quod si Feriæ fuerint introductæ ingratiam hominum, possunt partes jisdem feriis renunciare: hujusmodi sunt feriæ messium, & vindemiarum. *g. Aliud. b. t. d. cap. fin.* & ibi Abb. & alii. Item & operæ rurales ob necessitatem possunt exerceri. *l. Omnes. C. eod. & Abb. in d. c. fin.* Item nota, quod quædam sunt Feriæ repentinæ, quæ de repenti inducuntur propter Res prosperè gestas à Principe, vel propter nativitatem filii ipsius Principis, vel quia duxit uxorem; & hæc quoque sunt observandæ, nec ipsis partes renunciare possunt. Gloss. *in Clem. Sapè. de Verb. signif. in Verb. necessitates. l. Sed etsi per Prætorem. g. Feriæ. ff. Quibus ex causis majores.* Atque istæ Feriæ non possunt induci ab alio, quàm à Principe. *l. A nullo. C. de Feriis.* His tamen non obstantibus crederem, partes exercere posse actus omnes extrajudiciales, & voluntariæ Jurisdictionis;

& ided possent contrahere, manumittere, emancipare, & alia similia exercere sine peccato; nam quo ad hunc effectum aliud censendum est de Feriis, quæ ad honorem Dei sunt inductæ, & de illis, quæ respectu Hominis. Facit *l. A. Etus. C. eod. de Feriis*: Et de hac materiâ vide plenius per Abb. *in d. c. fin. de Feriis.*

Quartò vocatio fit nulla ex formâ citationis, veluti si quis vocetur à Judice delegato, & in litteris non doceatur de delegatione; vel si Judex delegatus non habeat proprium auditorium, & in citatione locum, ubi citatus se exhibere debeat, non expresse; vel si ultrâ duas dietas ipsum citaverit. Et nota, quod Dieta potest capi, vel secundum computationem legalem, prout pro quâque die citato viginti milliaria computantur. *l. Vicena. ff. Si quis citationibus. Gloss. in cap. Nonnulli. de Rescript.* Vel etiam secundum consuetudinem loci, prout pro quâque die certus milliarius numerus computatur. Et Gloss. *in d. c. Nonnulli*, tenet, quod in casu nostro Dietæ capiantur secundum loci consuetudinem, per rationes ibi per eam allegatas, & per Jura, quæ assert. Et pro hac parte



parte facit *tex. in c. Præsenti. §. Loca. de Præbend. in 6. & vide Gloss. in c. Statutum. §. In nullo. in verb. Dietam. de Rescript. in 6.* Sed de hâc materiâ vide per Specul. *in tit. de Citat. §. 1.* Item etiam fit nulla citatio, si aliquid in eâ sit prætermissum, quod debuerit exprimi; ut putâ causa, quare sit citatus *c. ult. §. q. 2.* Circâ quod Judex debet esse circumspectus, ad hoc ne Judiciâ fiant illusoria. *c. Causam. de Judic.* Bart. tamen post tractatum *de Jurisdictione. ibi Casus, in quibus citatio non valet,* præter supradictos casus, alios refert, in quibus citatio non valeat; ut est quando Judex, qui citat, evidenter non sit Judex. *c. Ex litteris. ext. de Off. deleg.* Si Rescriptum Apostolicum non servatur. *c. Insinuante. de Off. delegat.* Si appareat Judicem esse inimicum. Si libertus citet Patronum. *3. q. 3. §. Liberti.* Ubicunque quis evidenti exceptione se tueri potest. *l. Non videtur. ff. de Jud.* Undè si dubium sit, debet comparere ad allegandum Privilegium. *c. Si duobus. ext. de Appellat. l. Ex quâcumque. Si quis in Jus vocat. non jerit. l. Si quis ex alienâ. ff. de Jud.* Scias tamén secundum Bartolum in

dicto loco, quod si citatio nulla sit, & citatus non defendatur, proceditur ad ulteriora. *l. Si reus. ff. Judic. solvi.* Et hos omnes casus poteris videre *in c. Si Episcopus. 3. q. 2.* Quod si citatio sit facta ritè, & justè, debet citatus comparere, nisi fuerit legitimè impeditus; ut si facto Adversarii fuerit impeditus, aut ad majus Tribunal vocatus; vel vinculis, aut infirmitate, vel aliis similibus causis detentus. *c. Ex litteris. De in integr. restit. c. Pastoralis. §. 1. de Off. deleg. l. Contrâ pupillum. §. 1. ff. Si quis. caut. l. Succurritur. ff. Quibus ex causis major. c. Si Episcopus. d. 18.* cum ibi not. Et casus similes refert Speculator *in d. tit. de cit. d. §. 1. & per Abb. in suâ Practicâ c. 17. Vers. & mult. & per Felin. & alios in c. Cum olim. de Re Judic. & de his loquitur tex. in §. fin. hoc tit.* Est tamen verum; quod si hoc contigerit, debet citatus mittere ad Judicem ad faciendam Fidem de Impedimento, ut per Abb. & alios *in c. Querelam. de Procurat.* Quo facto si sententia feratur à Judice, non valet; ut per Abb. dicto loco. cessante autem impedimento debet comparere. *c. Dilecti. de Dolo, & contumac.*

Sed ne aliquam partem textus intactam relinquamus, ex *§. Item in delegato*. nota, quid agendum sit à Delegato; si Jurisdicção ejus expirat in peremptorio. Pone enim, quod Delegatus peremptoriè aliquem citaverit, & iste pro statuta die contumaciter se absentaverit; in hâc specie, si post peremptorium durat Jurisdicção; in alteram diem æquitate suadente, Judex poterit expectare; nec tamen peremptorio elapso pars contumax citanda erit, nisi Judex gratiam facere voluerit; quod mirum videtur; tantum Judici concedi, ut in præjudicium alterius possit contumaci favere. *l. i. C. Quomodo, & quando Judex. l. Si cum dies. §. Si quis ex litigatoribus. ff. de Arbitr.* Verùm quamvis Judex possit favere in ferendo sententiam termino constituto; non tamen potest ei favere in expensis, & sumptibus, alioquin de suo restituet expensas. *l. Sancimus. C. de Jud.* Quod si cum peremptorio expiraret Jurisdicção, tunc ne auctoritas ipsius Judicis frustrâ evanescat, si citatus non se præsentaverit horâ; quâ congruè procedi potest, ad executionem Judex liberè poterit procedere: *concord. tex. in cap.*

*Consuluit. de Offic. deleg. & ibi Abb.* Qui ex hoc infert, quod Canonicus citatus ad electionem faciendam certâ die, debet comparere de manè, quia electio solet fieri illâ horâ propter Missam Spiritus Sancti; ut notat. *in c. Cum nobis. de Elect.* Itaque in casu nostro citatus certâ die; debet comparere horâ, quâ Judex non solum potest, sed etiam solet Judicare: facit *l. Quod si nolit. §. Quia assidua. ff. de Edict. & cap. Ex litteris. de Constitut. l. penult. de Just. & Jur.*

## TIT. VI.

## De Dolo, &amp; Contumacia, &amp; in possess. missione.

Quoniam illi, qui in Judicium vocati non comparent, contumaciam incurrunt, ob id nunc de Dolo, & Contumacia differitur: & pro tituli expeditione videbimus:

- 1 *Quid sit Dolus?*
- 2 *Quid sit Contumacia?*
- 3 *Quis Contumax dicatur?*
- 4 *Quid Missio in possessionem sit?*
- 5 *Quomodo Contumacia puniatur?*
- 6 *Qui sint effectus Contumacia?*

Quo



Quo ad Primum. Dolus est Machinatio quædam ex mente adhibita ad alium circumvenniendum. *l. 1. §. Dolum. ff. de Dolo.*

Quo ad Secundum. Contumacia est inobedientia ex proposito commissa contrâ Judicem; vel habentem Jurisdictionem; & interdum est crimen gravissimum. *l. Omne. §. Contumacia. ff. de Re milit.* Et hæc definitio traditur *hic in princ.* & eam sequitur Aret. *in Summâ eod.* & Abb. *in suâ Practicâ cap. 18. Quis sit contumax?*

Quo ad Tertium. Ille dicitur Contumax, qui cum fuerit vocatus Juridicè ad Judicium, nullo existente legitimo impedimento, comparere negligit, aut si fortè comparuerit, non dimissus discedit, *ut hic in princ.* Abb. *in c. Consuluit. de Offic. deleg. vers. & idè.* Et ad hoc ut contumacia incurratur, debet adversarius accusare. *l. Properandum. §. Et si quidem. C. de Jud.* ubi Bald. *l. Consentaneum.* & ibi Bart. *C. Quom. & quand. Judex.*

Quo ad Quartum. Missio in possessionem est Judice auctore controversi fundi apprehensio quædam, cujus virtute fructus ab eo, qui in possessio-

nem missus est, percipiuntur; qui si fortè antè annum malè consummuntur ab auctore, ponuntur apud sequestrum. *c. Dillectus. & c. Ab eo. ext. de Sequest. poss. & fruct. §. Sed si missus. hoc tit.*

Quo ad Quintum. Variis modis contumacia punitur, *ut in §. hæc autem. hoc tit. Abb. in c. Gravem. de Sent. excomm.* Primò punitur litis damno, & causæ amissione. *l. Contumacia. ff. de Re Judic.* Interdum punitur mulctâ quâdam. *l. 1. ff. Si quis Jus dic. non obtemp. l. 1. ff. Si quis in Jus voc. non jerit,* & hæ duæ pœnæ non habent locum nisi in vero contumace, *ut per DD. in d. l. 1. §. fin. Si quis in Jus.* Quis autem sit verus contumax, vel fictus? tractant Legistæ *in l. fin. de Restit. in integr. & in d. l. Properandum. §. Si autem Reus. C. de Jud.* Interdum verò punitur refectione impensarum. *l. Sancimus. C. de Judic.* Aliquando rei sequestratione. *c. 2. de Dolo, & Cont.* Interdum Actor mittitur in possessionem earum rerum, de quibus controversia est. *c. fin. de Eo qui mittitur in possess. c. Quoniam frequenter. §. fin. Ut lit. non cont.* Et tandem aliquando Ecclesiasticæ Censuræ innodatione ob contuma-

tumaciam Reus conventus afficitur. *d. c. Quoniam frequenter. c. 1. eod. in 6.* Hoc tamen hodiè est correctum per Concil. Trid. *sess. 25. In decret. Reform. c. 3.* ubi statuitur, ad hanc pœnam tunc demùm veniendum esse, quando adversus Reos non potest nec realis, neque personalis executio fieri.

Quo ad Postremum. Varii sunt effectus Contumaciæ præter pœnas, de quibus suprâ dictum est: Et in primis efficit, ut mittatur Actor in possessionem earum rerum, de quibus est controversia, ut dixi: Vel tot bonorum, quæ sint in patrimonio Rei, quot sufficiant ad debitum, si personalis instituaturs Actio; & hæc possessio fit custodiæ causâ. *d. c. fin. de Eo, qui mitt. in poss. d. c. Quoniam frequenter. §. Illud quoque. hoc tit.* Et si fortè non compareat Reus post annum, Actor fit verus possessor. *d. c. Quoniam frequenter. in §. fin.* Et hoc in tantum est verum, ut etiamsi ob potentiam Adversarii non potuerit Actor possessionem ingredi, aut illam amiserit, nihilominus pro vero possessore habeatur. *§. Si tamen. hoc tit. c. Contingit. eod.* Nisi reus dederit cautionem de stando Juri, nam tunc illi-

cò erit restituendus. *c. Cum venissent. de Eo, qui mittit. in poss. Et etiam post annum poterit recuperare possessionem §. Sed ne missus. hoc tit. c. Pastoralis. §. Prætereâ. de Off. ord. & Abb. ibi.* Vel nisi steterit per ipsum Actorem, quominus possessionem ingrediatur; quoniam paria sunt aliqua per me non fieri, atque per me stare, quo minus fiant. *§. Idem Juris. hoc tit. c. Imputari. de Reg. Jur. in 6. c. Quia diversitatem. De Concess. Præbend.* Alter effectus est, ut excommunicatus fortè propter contumaciam à delegato Principis non possit absolvi ab Ordinario. *§. Quæri. hoc tit. d. c. Pastoralis. §. Prætereâ. de Offic. Ordin.* quia Delegatus quo ad hoc est Ordinarius major. *c. Sanè. de Offic. deleg. d. §. Prætereâ.* Nisi in mortis articulo, ut *d. d. Jurib. c. Quod de bis. de Sent. excomm. c. Sanctum. de Consecr. d. 4.*

Notandum tamen est, quod in causis beneficialibus non habet locum missio in possessionem; & ideò si quis supèr dignitate, personatu, vel beneficio Ecclesiastico obtinendo cum aliquo litigat, qui sit in possessione, ob partis adversæ contumaciam in possessionem mittendus non erit. *§. Sed ista.*

*hoc*



*hoc tit. c. Unic. de eo qui mittit. in possess. in 6.* Hoc tamen restringitur, ut habeat locum in beneficialibus tantum; unde si agatur de Rebus Ecclesiæ non tanquam de beneficio, sed tanquam de proprietate, habet locum hæc missio. *c. 1. Ut lit. non contest. c. Dilecto. de Verb. signif. d. c. Unic. de Eo qui mittitur in possess.* Ratio verò primi dicti est, ne hoc modo ad ea ingressus pateat vitiosus. *d. c. Unico:* non enim istius modi res possunt ex possessione haberi, sed solum ex canonicâ institutione. *c. Legum. 2. q. 1. c. Ex frequentibus. de Instit. c. 1. de Reg. Jur. in 6.* Nihilominus in beneficialibus etiam lite non contestatâ contrâ contumacem potest procedi. *g. Licebit. b. t. d. c. Unico. c. Quoniam frequenter. g. 1. Ut lit. non contest. c. 2. de Dolo, & contum. in 6.* Undè etiam videtur tradi pro regulâ, quod ubi de remedio missionis in possessionem non est provisum contrâ contumacem absentem, potest procedi lite non contestatâ ad Sententiam definitivam (Missio enim in possessionem est adinventâ, ut reus conventus, tædio affectus, veniat aliquando respondurus. *d. g. Illud. cum concord. suprâ allegat.*) ut per Bart. in

*Auth. Qui semel. C. quom. & quand. Jud.* Atque hoc etiam quandoque habet locum etiam in profanis negotiis; cum hæc distinctione tamen; nam aut Reus est contumax? & tunc requiritur litis contestatio; & etiam debet liquere de causâ; aut verò Actor ipse contumaciam incurrit? & hoc casu etiam lite non contestatâ, instante Reo, Judex & testes recipere, & sententiam ferre debet. *g. Quod interdum. hoc tit. c. Prout. extr. eod.* ubi notatur de aliis remediis, quæ contrâ reum dantur; & de hoc tractat Bart. in *l. Consentaneum. C. Quom. & quand. Jud. c. Causam.* secundum communem intellectum, *ext. eod.* Ratio autem hujus differentiæ inter Reum contumacem, & Actorem est, quia major est contumacia Actoris, quàm Rei; & ad hoc reducuntur omnes rationes, quæ adducuntur à DD. & à Gloss. in *d. c. Causam.* Tandem contumacia id efficit; ut Actor si non venerit in termino, ad quem Reum fecerit citari; debet Reo reficere expensas, & cavere de comparando impofterum, aliàs non admittitur ad aliam citationem. *g. Idem quoque. b. t. c. 1. eod. in 6.* Attamen quamvis.

vis plures sint poenæ introdu-  
ctæ adversus contumacem ;  
una tantum infligenda est ; &  
si contumacia excrescat , po-  
test etiam ad alias procedi .  
*g. fin. hoc tit. c. Prodest. 24. q. 5.*  
*l. fin. C. de Mod. mult. & Abb.*  
*in c. 1. de Pœnis.* Hodie tamen  
forma procedendi traditur per  
Conc. Trid. d. sess. 25. in de-  
cret. Reform. cap. 3. quod in  
Foro Ecclesiastico est omninò  
attendendum , & exactè ob-  
servandum.

## T I T. VII.

*De Libelli conceptione , &  
oblatione .*

**Q**Uoniam comparente Reo  
tenetur Actor libellum  
edere ; ob id nunc de libelli  
conceptione , & oblatione tra-  
ctatur : Et pro tituli expedi-  
tione videbimus :

- 1 *Quid sit Libellus .*
- 2 *Quot sint Libellorum species ?*
- 3 *Cui Libellus sit offerendus ?*
- 4 *In quibus causis Libellus of-  
ferri debeat ?*
- 5 *Quæ debeat Libellus conti-  
nere ?*

Quo ad Primum . Libellus  
nihil aliud est , quàm brevis  
quædam scriptura , Actoris in-  
tentionem continens , & ad-

versus Adversarium necessariò  
concludens . ut *hic in princ. cap.*  
*Offeratur. 3. q. 3. Auth. Offera-*  
*tur . C. de Lit. contest. & per*  
*Abb. in c. 1. eod.*

Quo ad Secundum . Duæ  
sunt Libellorum species. *g. Por-*  
*rò . hoc tit.* Alii enim dicuntur  
Conventionales , Alii dicuntur  
Accusatorii . Conventionalis  
Libellus est ille , qui in causis  
civilibus producitur , & quo  
petitur , ut Reus conventus ad  
solvendum , vel dimittendum ,  
vel faciendum condemnetur .  
Accusatorius Libellus est ille ,  
qui in causis criminalibus por-  
rigitur , & in quo petitur , ut  
quis tanquàm alicujus criminis  
reus condemnetur . *Gloss. in*  
*c. 1. extr. de Libel. obl. & ita di-*  
*stinguit Speculator . de Libell.*  
*concept. in c. Quot sunt species Li-*  
*bellorum.* De Libellis accusato-  
riis non tractatur in nostro ti-  
tulo , sed videbimus infrâ de  
Accusationibus : & de Jure Ci-  
vili est textus in *l. Libellorum.*  
*ff. de Accusat. & ibi latissimè*  
per Bart. tractatur materia ;  
& est *tex. de Jure Canonico*  
*in c. Legum. 2. q. 1. & c. Libel-*  
*lorum. eod. Caus. q. 8.* Itaque in  
titulo nostro debemus tantum-  
modò verba facere de Libellis  
conventionalibus.

Quo ad Tertium . Libellus  
Reo



Reo offertur ad hoc, ut ex ipsius inspectione possit Reus deliberare, utrum cedere velit, an contendere? atque si contendendum sit, ut Judex valeat despiciere, quemadmodum à se concipienda sit sententia. *d. Auth. Offeratur. l. fin. C. de Fideicom. lib. DD. in l. Vinum. ff. Si cert. petat. l. Ut fundus. ff. Communi divid. c. Cum dilectus. de Ord. cogn. & est tex. hinc in princ.*

Quo ad Quartum. Regulariter in omnibus causis Libelli sunt offerendi; sed nonnulli sunt casus, in quibus Libelli solemnitas non est necessaria. Primus est in causis summariis, & in quibus proceditur sine strepitu Judicii. *Clem. Sæpè. de Verb. signif. Vel si causæ sint viles. Auth. Nisi breviores. C. de Sent. ex breviloq. recit. Tertiò si ex consensu partium fuisset remissa hæc solemnitas, vel si hoc de Consuetudine introductum sit, ut non detur Libellus: Sunt & alii plures Casus similes, quos refert Speculator in tit. de Libelli concept. in cap. In quib. casib. vel causis sit offeren. Libell. vel non. in 3. par. sui operis.*

Quo ad Postremum. Libellus ab Actore edendus debet continere nomen Actoris, &

Rei, qualitatem actionis, & petitæ rei, & etiam nomen Jusdicentis, quod non intelligas nomen proprium, sed nomen dignitatis, & officii; & si personali actione agendum erit, petendi quoque causa erit exprimenda; aliàs Reus respondere non tenetur. *§. Exprimet. hoc tit. latè per Hostien. in Summâ eod. §. Quod continere debeat. c. Querelam de Elect. Et si Libellus non contineat legitimam formam, eum poterit Judex concerpere, & destruere. c. Sacerdotibus. & ibi Gloss. in verb. incendit. ii. q. i.*

Formam autem Libelli potes legere expressam in his verbis sequentibus.

*Quis, Quid, Coràm Quo, Quo Jure petatur, & à Quo?*

*Rectè compositus quisque Libellus habet.*

Vel clariùs.

*Conventi nomen cum nomine Convenientis,*

*Judicis & nomen scribet, Causamque petendi,*

*Et quasunque petet res, illas scribere debet.*

Oblato tamen Libello, dandæ sunt Reo dilationes, ut deliberet, cedendum sibi sit, an contendendum? Acceptandus,

dus , an Recusandus Judex ?  
 & denique ut proponat , si  
 quas habet , exceptiones . *S. Oblato. hoc tit. d. Auth. Offeratur.* & istæ Induciæ remittuntur arbitrio Judicis . *Abb. in c. Cum in veteri . Quint. not. de Elect.* Hoc tamen intelligas de Induciis legitimis ; quæ enim propter calumniam petuntur , & ad Judicium subterfugiendum , non conceduntur ; immò contrâ petentem præsumptionem faciunt . *cap. Nullus. ext. de Præsumpt.* & ibi not.

### T I T. VIII.

#### *De Exceptionibus , & Replicationibus.*

**Q**uoniam ut suprà diximus , oblato Libello , Reus potest excipere ; quod fit vel antè litis contestationem , vel post litem contestatam ; ideò ut instruamur circâ hujusmodi exceptiones proponendas ; ob id nunc de hâc materiâ tractatur ; & videbimus :

- 1 *Quid sit Exceptio ?*
- 2 *Quot ejus species ?*
- 3 *Quando sint proponendæ Exceptiones ?*
- 4 *Quid sit Replicatio ?*

Quo ad Primum . Exceptio nil aliud est , quàm actionis ,

seu intentionis exclusio ; ut *bic in princ.* Quod declara secundum *Abb. in Rubric. ext. eod.* ut scilicet Exceptio dicatur actionis exclusio , quando in veritate competit actio , & eam per Exceptionem excludi oportet ; ut cum promitto tibi , vel metu compulsus , vel dolo : nam hoc casu mero Jure Civili ex stipulatione oritur actio ; sed adversus eam excipitur de dolo , vel metu ; ut *in princ. Instit. Civil. de Except.* Dicitur etiam exceptio exclusio Intentionis , quando actio in veritate non competit actori , agit tamen de facto ; ut si petas à me decem , & ego excipio me solvisse ; nam si hoc verum est , nulla tibi competit actio , cum solutione ejus , quod debetur , omnis tollatur obligatio . *In princ. Instit. Civil. Quib. mod. toll. obl. vide aliqua de hoc per Bart. in l. Julianus. ff. de Cond. Indeb.*

Quo ad Secundum . Exceptiones sunt vel *Dilatoriae* , quæ rem , & Judicium differunt , ut *bic in princ. S. Appellantur. Inst. Civil. eod.* Aut sunt *Peremptoriae* , vel *Elisoriae* ; quæ scilicet totum Jus agentis perimunt , & semper agentibus obstant . *S. Peremptoriae. b. t. S. Perpetuae. Inst. eod.* Et scias , quod



quod istæ exceptiones ideò duplici nomine appellantur, quia inter se etiam differunt, ut per Abb. in suâ Practicâ cap. 16. Ubi Peremptorias putat eas appellari oportere, quæ funditùs, vel in totum perimunt, & tollunt obligationem civilem, & naturalem; ut exceptio solutionis, & acceptilationis; quæ secundum eum ibidem defensiones potiùs, quàm exceptiones sunt appellandæ, quia actionis non sunt exclusivæ. Quædam verò sunt exceptiones, quæ non perimunt, sed elidunt, ut pacti conventi, doli, metus, & has putat meliùs dici posse elisorias, quàm peremptorias; ita distinguit Abb. in loco suprâ allegato.

Rursùs dilatoriaræ quædam respiciunt personam Judicis, quædam Agentis, quædam Rei conventi; quædam verò Actionis, & causæ qualitatem, ut *hic in princ.*

Personam Judicis respiciunt, quæ vel illius incompetentiam arguunt, vel de ipso suspicionem ingerunt. §. Personam. *hoc tit. c. Si diligenti.* & per tot. tit. de Foro competen. Et de hoc dictum est suprâ in tit. de Judic. dum egimus de Judicis recusatione; & est *tex. in cap.*

*Cum spirituali. de Appellat. cap. Suspicionis. de Off. delegat.* & hæ declinatoriæ etiam appellantur. d. §. Personam. Actoris partem illæ spectant, quæ ipsum non habere legitimam personam standi in Judicio demonstrant. §. Actoris. *hoc tit.* ut putâ si quis per Monachum, vel Regularem, aut Clericum agere velit. c. 1. de Syndic. c. Qui verè. 16. q. 1. Item si quis tanquàm Procurator, vel Syndicus, vel Tutor, vel Curator compareat; & illum Tutorem, aut Curatorem, Procuratoremvè, sive Syndicum esse negetur. Bart. in l. 3. §. Defendi. ff. Ex quib. caus. in possess. eat. Vel sua non interesse. Abb. in c. Ex parte. de Testib. Vel audiri non debere protestetur, ut per Abb. in c. Quia frustrâ. de Usur. in fin.

Personam autem Rei respiciunt, veluti si quis ab eo, quia alienam litem defendit, de Judicato solvendo cautionem postulet. l. Qui proprio. §. Qui alium. ff. de Procurat. l. Exigendi. C. eod. tit. Aut si ab Actore se spoliatum esse Reus conventus coràm Judice queratur, & ideò restitutionis beneficium imploret. cap. Cum dilectus. ubi Abb. de Ord. cognit. Vel si actorem ex legiti-

mâ causâ domum revocet .  
*c. fin. de for. compet. l. 2. ff. de  
 Judic.*

Actionem autem , & cau-  
 sam respiciunt ; ut cum propo-  
 nitur de ineptitudine , aut in-  
 certitudine Libelli , de litis  
 pendentiâ . Bald. *in l. Perem-  
 ptorias . in fin. C. sent. rescindi  
 non posse . Felin. in c. Exceptio-  
 nem eodem .* Aut cum nondum  
 diem solutionis venisse ostendi-  
 tur . *l. 3. in fin. l. Non . in fin.  
 ff. Quando dies usufr. cedat .*  
 Atque hæc dilatoriæ præter su-  
 prædictas causas ducuntur ex  
 loco , ut quia non sit tutus .  
*Clem. Pastoralis . de Re Judic.*  
 Ex tempore ; ut si nimis an-  
 gustum tempus assignetur .  
*§. q. 2. c. 1. & c. Si primates .*  
 vel ex Feriis , &c. *ut suprà di-  
 ximus .*

Peremptoriarum autem ex-  
 ceptionum aliæ dicuntur pe-  
 remptoriæ litis finitæ ; quæ-  
 dam simpliciter Peremptoriæ .

Peremptoriæ litis finitæ  
 sunt , quæ litis impediunt in-  
 gressum , ut Transactionis , Ju-  
 risjurandi , & Rei Judicatæ .  
*cap. 1. & ibi Abb. de Transact.*  
 & notatur *in cap. fin. ext. eod.  
 in 6. Jurisjurandi ;* sive sit pa-  
 ctum Juratum de non peten-  
 do , sive de non agendo , sive  
 simplex Juramentum de non

petendo ; namque omni casu  
 hæc exceptio impedit litis con-  
 testationem ; & hæc ad Rescri-  
 ptum ; & ad processum appo-  
 ni potest . DD. communiter ,  
 quos refert Perusius *in c. 1. de  
 Lit. contest. in 6. Facit l. 2. de  
 Jurejur. c. Etsi Christus . ext.  
 eod. de Jurejur. c. Veniens . de  
 Accus. Rei Judicatæ ,* ab eo sci-  
 licet , cui fuit Jus dicendi . *l. 4.  
 §. Condemnatum . ff. de Re Ju-  
 dic. l. Non putavit . §. Non quæ-  
 vis . ff. de Bon. poss. contr. tabul.*  
 Ratio autem , quare hujusmodi  
 exceptiones impediunt litis con-  
 testationem , ea est , quia abso-  
 num videtur de novo Judi-  
 cium incipere , quod Transac-  
 tione , Jurejurando , & Sen-  
 tentiâ semel finit decisum : itâ  
 dicit textus *in §. Harum . hoc  
 tit. Facit l. Causas . & l. Fratris .  
 C. de Transact.*

Cæteræ verò , quæ simplici-  
 tèr peremptoriæ dicuntur , ut  
 doli mali , metus , & pacti  
 conventi , non impediunt litis  
 contestationem . *§. Cæteræ .  
 hoc tit. c. 1. & 2. de Lit. contest.  
 in 6. Nisi notoriæ sint , & , ut  
 dici solet vulgò , manifestæ ;  
 ut per Abb. in c. 1. de Oper. no-  
 vi nunciatione .*

Sunt etiam aliæ exceptiones ,  
 quæ mixtæ , sive anomalæ di-  
 cuntur secundum Hostiens. *in  
 Summ.*



*Summ. eod. §. Quæ sit exceptio-  
num divisio?* Et has Abb. *in suâ  
pract. c. 62.* Præjudiciales ap-  
pellat. *§. Sunt etiam . hoc tit.  
§. Præjudiciales . Inst. Civil. de  
Action.* Et de his not. per Abb.  
*in c. 3. De Ord. cognit.* Hujus-  
modi est exceptio consanguini-  
tatis , causæ restitutionis in  
integrum, exceptio Natalium,  
& similes , de quibus inferiùs  
videbimus.

Rursùs exceptionum aliæ  
Perpetuæ sunt , aliæ verò  
Temporales . ut *ff. eod. l. 3.*  
Item aliæ Personales , aliæ  
Reales . Personales non trans-  
grediuntur personam , cui  
competunt . Reales verò di-  
cuntur , quæ alicui compe-  
tunt , & omnibus , qui ex per-  
sonâ illius conveniuntur . *l. Ex-  
ceptiones . la 2. in princ. ff. eod. tit.  
& §. Rei.*

Exemplum Temporalium  
est , ut exceptio pacti conven-  
ti ad Tempus , vel etiam excep-  
tio Procuratoris ; & hujusmo-  
di exceptiones temporales di-  
cuntur , quia non semper lo-  
cum habent , sed evitari pos-  
sunt .

Exemplum Perpetuarum  
est , ut doli mali , Rei Judica-  
tæ ; & si quid contrâ leges , &  
Senatus consulta factum esse  
dicetur ; & hæ dicuntur perpe-

tuæ , quia semper habent lo-  
cum ; & in quâcunque parte  
Judicii possunt apponi . *d. l. 3.*  
Sed hæ aut sunt dilatoriæ , aut  
peremptoriæ , ut ibi videre est ;  
quod etiam ex infrâ dicendis  
apparebit .

Exemplum Realium est , ut  
Rei Judicatæ , doli mali , Juris-  
jurandi , Quod metus causâ ;  
hæ siquidè ad fidejussorem  
transeunt . *d. l. Exceptiones . la  
secunda . ff. eod. & hæ Perem-  
ptoriæ sunt .*

Exemplum Personalium est ,  
ut putâ quod Socius , vel Ma-  
ritus non teneatur ultrâ id  
quod facere possit . *l. Verum .  
§. 1. ff. pro Soc. l. Maritum . ff.  
Solutio Matrimonio ; & aliæ .  
l. Sunt qui . ff. de Re Jud.* Hæc  
exceptio non competit fidejuf-  
sori . *d. l. Exceptiones .* Sed hæ  
omnes dilatoriæ sunt , & Tem-  
porales .

Quo ad Tertium . Scire de-  
bes , quod regularitèr omnes  
dilatoriæ proponuntur antè li-  
tis contestationem . *§. Hæ vel .  
hoc tit.* Et dixi regularitèr ,  
quia quandoque etiam post li-  
tem contestatam opponuntur ,  
ut per Canonistas . *in d. c. Ex-  
ceptionem . eod. & ex infrâ di-  
cendis apparebit .* Illæ autem ,  
quas Declinatorias appellavi-  
mus , debent proponi antè

omnem dilatoriam exceptionem. *G. Exceptionem*. 3. q. 6. *c. Pastoralis*. eod. *c. Inter Monasterium*. de Re Judic. In *c. Quoniam contrâ*. de Probat. Undè si excipiens aliam exceptionem opponat ; ut putâ, quod Adversarius fit excommunicatus ; vel aliam proposuerit exceptionem ; tunc non potest declinatoriam fori proponere ; ut quia videtur in Judicem consensisse. *G. Item si quis testibus*. 4. q. 3. *c. Cujus in agendo*. 3. q. 8. & latè tractatur in *c. Inter Monasterium*. de Re Judic.

Itaque Dilatoriæ antè litis contestationem debent proponi. *d. cap. Inter Monasterium*. *cap. Pastoralis*. ext. eod. Excipitur primò dilatoria solutionis, quæ quamvis debeat proponi antè litem contestatam, tamen probanda est, postquàm Actor fundavit intentionem suam. *l. Exceptionem*. *C. de Probat. d. G. Exceptionem*. 3. q. 6. Et etiam quandoque potest proponi in causâ appellationis. *c. Cum Joannes*. de Fide Instrum. *l. Siquidem*. *C. eod.* Et ne decipiaris nota, quod dilatoria solutionis dicitur ; quæ solutionem differt ; ut exceptio pacti conventi temporalis ; item illæ exceptiones, quæ dantur quibusdam personis, ut

non convenientur, nisi in quantum facere possunt. *d. l. Sunt qui*. Secundò loco excipitur illa exceptio, quæ lite contestatâ Reo incæpit competere. *cap. Insinuante*. ubi DD. de Offic. deleg. *d. c. Pastoralis* ; vel quæ postmodum ad ejus pervenit notitiam ; quo casu Jurejurando fidem facere debet, rem ita esse. *G. Sed & lite*. hoc tit. *c. Præsentium*. de Testib. & plenè habetur in *d. c. Pastoralis*. Et tandem excipiuntur illæ exceptiones, quæ judicium redderent nullum retrò ; cujusmodi sunt exceptio proveniens ex defectu mandati. *c. In nostrâ*. & ibi Abb. de Procurat. Vel illa, quæ defectum Jurisdictionis arguit, ut *ibidem* : vel etiam exceptio incertitudinis Libelli, quæ licèt sit dilatoria, poterit quandoque opponi post sententiam ; videlicèt cum talis est incertitudo, & ineptitudo Libelli, quæ non concludit Jus agendi, nec super eo sententia formari potest, ut per Abb. in *c. Cum dilectus*. de Empt. & vendit. Excipitur etiam exceptio illa, quod quis non convenientur, nisi in quantum facere potest ; nam potest proponi post litem contestatam ; & etiam post sententiam ; ne plus extorqueatur, quàm condemn-



demnatus facere potest . l. *In-  
ter eos . in fin. ff. de Re Judic.*  
l. *In condemnatione . De Verb.*  
*signific.*

Item excipitur exceptio ex-  
communicationis , quæ in sui  
substantiâ dilatoria dicitur ;  
quia eâ probatâ Judicium , si-  
vè processus est nullus , sed  
actio remanet salva . cap. *Ad*  
*probandum . ext. de Re Judic.*  
Itaque hæc exceptio proponi-  
tur quodocunque , & antè li-  
tis contestationem , & etiam  
post sententiam . c. *Exceptio-*  
*nem . ext. eod. d. c. Ad proban-*  
*dum . c. 1. eod. in 6.* Et hoc est  
speciale in hâc exceptione , ne  
quisquam in periculum animæ  
excommunicato communicare  
compellatur , ut dictis Juribus .  
Et in hâc exceptione propo-  
nendâ certa forma est servan-  
da . §. *Sed cum . hoc tit. dict.*  
cap. 1. eod. in 6. Ut scilicet ,  
qui eam opponit , speciem  
illius , & nomen excommuni-  
cationis exprimat , & intrâ  
octo dies eam probet . Quod  
ideò introductum est , quia  
malitiosè frequenter opponi-  
tur ; ut *ibi . & in d. §. Sed cum .*  
Requiritur autem quod spe-  
ciem excommunicationis ex-  
primat , quia minor excom-  
municatio non excludit quem  
à Judicio . cap. *Engeltrudam .*

3. q. 4. c. *Si quem . de Sent. ex-*  
*commun.*

Hoc tamen verum est , quod  
si Actor appellavit à sententiâ ,  
non potest excommunicationis  
oppositæ prætextu à prosequen-  
tione appellationis excludi .  
Abb. in c. *Significavit . & in*  
*c. fin. eod. & in d. c. Pastoralis .*  
Et supradicta procedunt , quan-  
do Actori excommunicatio op-  
ponitur ; cæterùm si Reo op-  
ponatur , licèt reconvenire non  
possit , tamen admittitur ad  
proponendum suas legitimas  
defensiones . §. *Reus . hoc tit.*  
c. *Cum inter . eod. c. Intelleximus .*  
*de Judic.* ubi de hoc . Absur-  
dum enim esset , si Actore im-  
pugnante , defensionis copia  
Reo denegaretur ; quia sic mul-  
toties condemnaretur absol-  
vendus arg. l. *Absentem . ff. de*  
*Pœnis .*

Peremptoriæ autem litis fi-  
nitæ in ipso limine Judicii pro-  
ponuntur , utpotè quæ litis  
ingressum impediunt . §. *Ha-*  
*rum . hoc tit. c. 1. de Lit. contest.*  
*in 6. & ibi Gloss.* Quod pro-  
cedit quando in vim declina-  
toriarum proponuntur . Gloss.  
*in d. c. 1.* Aliæ verò Perem-  
ptoriæ possunt proponi quan-  
docunque ante sententiam ,  
sivè etiam antequàm sit in cau-  
sâ conclusum ; & possunt etiam  
pro-

protestari antè litis contestationem . *d. cap. Exceptionem . l. Exceptionem . C. eod. c. Auditis . de Præscript. c. De testibus . ext. de Testib. in fin. §. Cæteræ . hoc tit. Gloss. in d. c. Exceptionem . eod.*

Verùm ab hâc Regulâ excipiuntur quædam exceptiones , quæ etiam post sententiam proponuntur , ut exceptio Macedoniani , & Vellejani . *l. Tamen . ff. ad Maced. Item fallit in quâlibet peremptoriâ à Milite per simplicitatem omisâ , nam eam post sententiam opponere potest . l. 1. C. de Jur. & fact. Ignoran. Quod etiam procedit in Rusticis , si non potuerunt peritiores consulere ; ut l. Regula . §. Sed Juris . ff. de Juris , & fact. ignor. Item Fidejussor condemnatus in solidum etiam post sententiam implorare potest mandari sibi actiones contrâ confidejussores alios . l. Si fidejussores . §. Idem respondit . ff. de Fidejuss. Item exceptio falsi . c. Super eo . de crimine fals. l. Si Prætor . §. Marcellus . ff. de Jud. Et si quæ sunt hujusmodi . Et plures casus ponit Accursius in §. Appellantur . Inst. Civil. eod. & Speculator d. §. num. 14. eod.*

Quando autem tam Dilatoriæ , quàm Peremptoriæ exce-

ptiones probandæ sint ? dicas hoc modo . Quod dilatoriæ declinatoriæ sicut proponi debent in ipso litis exordio , itâ quoque eo tempore probandæ sunt : prius enim est , ut sciatur de Jurisdictione Judicis , & deinde ad consequentia procedatur : Verùntamen si per ignorantiam exceptiones hujusmodi omittantur , etiam post sententiam latam locum habent . *l. Ad probandum . de Sent. & Re Judic.*

Dilatoriæ verò proponendæ sunt , & probandæ ante litem contestatam . *d. c. Inter Monasterium . de Sent. & Re Judic. d. c. Pastoralis . eod. tit. Limita in dilatoriis solutionis , ut suprâ dixi , quæ probantur postquam Actor intentionem suam probavit . d. l. Exceptionem . C. eod. tit.*

Peremptoriæ autem probantur , postquam Actor intentionem suam probavit . *d. l. Si quidem . C. eod. l. Peremptorias . C. sent. rescindi non posse .*

Anomalæ autem exceptiones sunt , quæ proponuntur in eo casu , quando contendimus , Judicium nullum retrô fuisse ; atque idè dicuntur Anomalæ , quia non sequuntur Regulam , vel naturam aliarum exceptionum : nam locum habent an-



te litis contestationem, post litem contestatam, ante sententiam, & post; Ut sunt illæ, ne quis conveniatur, nisi in quantum facere potest, quæ Anomalæ dici possunt. Item exceptio non numeratæ pecuniæ, & exceptio non solutæ dotis. Istæ enim Anomalæ dici possunt; quia, cum alias exceptiones obijciens probare debeat, quod opponit. *l. In exceptionibus. ff. eod. tit. in prædictis duabus secus est, quia non is, qui excipit probare debet, sed qui petit. l. 3. C. de Non numeratâ pecun. Quod verum est intrâ biennium. l. In contractib. C. eod. tit. de non numeratâ pecun. Et de exceptione non solutæ dotis est textus in Autb. de Temp. non solut. dotis. collat. 7. Et in his duabus exceptionibus illud mirabile est; quod per oppositionem ipsarum lis quoque contestatur, quod regulariter secus est in aliis peremptoriis; ut per Goffred. in suâ Summâ. eod. de Except. n. 8.*

Similes sunt, quæ opponuntur adversus testes; ut putâ si quis Mevium examinatum infamem, excommunicatum, vel aliâs criminofum esse dicat; namque hujusmodi exceptiones neque dilatoriæ, neque perem-

ptoriæ sunt. Dilatoriæ non sunt, quia non differunt processum super principali, sicut faciunt dilatoriæ: nec necesse est eas proponere ante litem contestatam, sicut dilatorias. *d. c. Inter Monasterium. de Re Judic. Non Peremptoriæ, quia non concernunt actionem, nec ejus exclusionem, quod faciunt Peremptoriæ. l. 1. & 2. ff. de Exceptionib. Verùm istæ antè Sententiam proponendæ erunt, cum ad naturam peremptoriarum videantur accedere. §. Sunt & hoc tit. cum, nisi per directum, saltèm per obliquum perimant actionem; sublatâ enim probatione, remanet Jus partis inutile. cap. Sæpè. de Restit. Spo-liat. argum. c. Hermaphroditus. 4. q. 3.*

Et hîc obiter nota, quod in hoc casu multùm refert, an Testibus opponatur crimen, de quo nunquàm aliâs fuerunt convicti; vel crimen, de quo fuerunt convicti. Primo enim casu exhibenda erit probatio; & probato crimine, ordinariâ cessante poenâ, convicti repelluntur à Testimonio perhibendo. In secundo verò casu testis, cui obijcitur, debet se probare innocentem, aliâs repellitur. *§. Multùm. hoc tit. c. 1. ext. eod.*

Quor-

Quorsum tandem Præjudiciales? Circâ has dicas sic, quod Præjudiciales appellantur ex eo, quod alteri cognitioni præjudicium afferunt. Exempla habes in *g. Sunt etiam. hoc t.* ut si quæ mulier Titium in Virum petat, qui ad elidendam mulieris intentionem, consanguinitatis excipiat exceptionem, quâ probatâ, cum quæstio principalis perimatur, de ipsâ est cognoscendum, antequam ad definitionem causæ principalis procedatur. Item si petenti hæreditatem objecta sit natalium exceptio. *c. 1. de Ord. cogn. c. 3. eod. de Ord. cognit. & ibi per Gloss.* Item si spoliatus excipiat de spolio; nam hoc casu probationes super spolio primitus erunt audiendæ, atque si fuerit probatum spolium, reus non cogetur respondere Positionibus, donec integrè restitutus fuerit. *g. Sed etsi. b. t. c. Cum dilectus. de Ordin. cognit.* Ratio autem hujus Decisionis est, quia nec nudi contendere, nec inermes inimicis nos opponere debemus. *cap. 1. de Restit. spoliat. in 6.* Sunt tamen casus, in quibus hoc, quod hîc dicitur, non habet locum, ut per Gloss. in *d. g. Sed etsi.* & per DD. in *c. 2. de Ord. cognit.* Unum tamen nota, quod si in civili-

bus causis loquamur, hæc exceptio debet opponi hoc modo, ut spolium dicatur factum ab Actore; & hoc introductum est, ne calumniosè proposita causas Ecclesiasticas contingat impedire. *g. Sed quia. hoc tit. c. 1. de Restit. spoliat. in 6.* Alius enim Judex non debet superfedere in causâ principali. Quod secus est, si in criminalibus opponatur; quia in hoc casu si Reus excipiens fuerit privatus per violentiam ablativam, vel expulsiivam, vel totâ substantiâ, vel majori parte ipsius, propositâ hujusmodi exceptione, quod spolium à tertio sit factum, processus differtur, propositis pœnis expensarum, vel etiam Arbitrariis, nisi intra dies quindecim objiciens exceptionem probaverit. *g. In criminalibus. b. t. c. 1. & ibi not. de Restit. spoliat. in 6.* Sed tamen verum est, quod in hoc casu à Judice potest etiam tempus indulgeri, infra quod restitutionem Reus imploret; quo tempore transacto, nisi petierit Restitutionem, & causam ad finem perduxerit, non obstante exceptione, poterit accusari. *g. Inter scholares. hoc t. d. c. 1. g. Solet. de Restit. spoliat. in 6.* Et nota generaliter ad supradicta, quod si Reus oppo-



opponat exceptionem, quæ adversus se ipsum possit opponi; nullatenus talis exceptio est admittenda. *§. Cavebit. hoc t. c. Nihil. 32. q. 6. cum pluribus seqq. & c. fin. d. 26. c. Judicet. 3. q. 7.* Undè, si quis habens plura beneficia, de eadem pluralitate adversus alium excipiat; aut si periurium, aut excommunicationem is objiciat, qui perjuravit, aut excommunicatus est, non est audiendus. *d. §. Cavebit. c. Cum Ecclesiasticæ. b. t.* Quod tamen verum est, si quis proprio nomine conventus excipiat; secus verò est, cum aliquis suam defendens Ecclesiam, excipiat. *§. Hoc tamen. hoc tit. c. Dilecti. eod.*

Secundò nota, quod quis potest proponere non solum unam, sed etiam plures exceptiones etiam contrarias. *§. Postremò. b. tit. facit l. Nemo. ubi not. ff. eod.* Quod intellige secundum Abb. *in c. fin. in fine. De Relig. domib.* Ut scilicet procedat, quando aliquis proponit plures exceptiones contrarias eodem tempore non purè; sed sub conditione: veluti si excipiens dicat, propono talem exceptionem; & si hæc non procedat propono talem: ita inquit Abb. *loco suprâ allegato;* Et de aliâ declaratione vide

Bart. *in d. l. Nemo:* quem refert Abb. *in c. Pastoralis. eodem.*

Quo ad Postremum. Replicatio nihil aliud est, quàm exceptionis propositæ repulsio, vel exclusio quædam: sicut enim exceptio excludit actionem; ita & Replicatio excludit exceptionem. *§. fin. hoc tit.* Undè sicut probatâ intentione Actoris, deindè probanda est exceptio peremptoria, ut suprâ diximus; ita probatâ exceptione Replicatio probanda erit. *c. Illud. de Præscript. & Goffr. in Summ. de Probat. n. 14.*

Hucusque compendiosè dicta de Exceptionibus deserviant ad generalem earum cognitionem consequendam. Cæterum, ut specificam intelligentiam omnium, & singularum Exceptionum Studiosus Lector percipiat, legat ea, quæ traduntur ab Oinotimo, à Pichardo, & à Nicolio *in Lib. 3. Instit. Civil. tit. 8. de Exceptionibus;* & abundantius à Pace Jordano *Tom. 3. Lib. 14. tit. 23.* & novissimè à Carolo de Grassis in suo eruditissimo Tractatu *De Exceptionibus*, in quo earum quadragintâ tres species exponit, & declarat. At non benè discuntur, nisi Forus praticetur.

## TITULUS IX.

## De Mutuis Petitionibus.

**Q**Uoniam petitiones, quæ vicissim à Reis solent proponi, habent speciem quandam Exceptionis; ob id nunc de istâ materiâ disseritur: & pro expeditione tituli, videbimus:

- 1 *Quid sit Mutua Petitio?*
- 2 *Quando Reconventio sit facienda?*
- 3 *Coram quibus Judicibus fieri possit?*
- 4 *In quibus causis locum habeat?*
- 5 *Qui possint reconvenire?*
- 6 *Qui sint Reconventionis effectus?*

Quo ad Primum. Mutua petitio, ut nomen ipsum significat, est petitio facta hinc inde; & ex parte Actoris dicitur *Conventio*; ex parte verò Rei *Reconventio*; quoniam Reus conventus vicissim Actorem convenire videtur; ut notat Abbas in Rubr. extr. eod.

Quo ad Secundum. Propositâ actione ab Actore, & oblato libello, si fortè Reus Jus habet conveniendi ipsummet Actorem; tunc potest ipsemet Reus suam reconventionem proponere, ut not. in c. Sæpè.

de Sent. excomm. Et debet reconventio proponi illicd postquam fuerit Reus conventus. c. 1. eod. §. Propositâ. b. t.

Quo ad Tertium. Reconventio potest fieri coram quocunque Judice Ordinario, vel Delegato. d. c. extr. eod. c. Dispendia. §. Reus. de Rescript. in 6. §. Nec solum. hoc tit. Hinc fit postea, quod ipsemet Reus interdum vocat coram Judice sæculari personam Ecclesiasticam, quam aliàs vocare non posset. Glossa in c. 1. extr. eod. Cujus enim quis in agendo observat arbitrium, eundem habere contrâ se Judicem in eodem negotio dedignari non debet; ut hîc in princ. c. 1. §. Cujus. 3. q. 8. & l. Cum Papinianus in fine. C. de Sent. & Interl. omn. Jud. Undè etiam Actoris, & Rei reconvenientis æqualis debet esse conditio in Judicio; & ideò si causa appellatione remotâ committatur, si Reus Actorem reconvenierit; uno, eodemque Jure circâ appellationis remedium, uterque censendus erit. §. Utriusque. hoc tit. cap. fin. ubi Abb. eod.

Verùm coram Arbitris non habet locum reconventio; Ratio est, quia isti non possunt Judicare nisi de his tantum,



tum , super quibus in eos com-  
promissum fuerit . *J. de Arbi-  
tris . hoc tit.* Nec habent Juris-  
dictionem à Jure , sed tantum  
notionem . *l. Prætor. ff. de Re  
Judic. Abbas in cap. Cum dile-  
ctus . de Arbitr. & in c. i. eod.*

Quo ad Quartum . Recon-  
ventio habet locum in omni-  
bus ferè causis , exceptâ causâ  
Depositæ , & exceptis causis  
criminalibus . *J. fin. hoc tit.  
c. fin. extr. eod. l. Si quis vel pe-  
cunias . C. Deposit.* Item exci-  
piuntur causæ Spirituales , cum  
non possit Reus conventus co-  
râ Judice Laico in causâ Spi-  
rituali Actorem reconvenire ;  
ut sunt causæ Jurispatronatus ,  
Decimarum , Matrimonii , &  
hujusmodi . *J. Interdum . b. t.  
c. Ex tenore . & c. Si diligenti.  
De Foro compet. c. Quanto . de  
Judic. c. Tua . i. & 2. De De-  
cimis .*

Quo ad Quintum . Regula  
generalis est , omnes posse re-  
convenire , exceptis his , qui  
sunt excommunicati , licet  
possint excipere , ut vidimus  
titulo præterito . Ratio ea est ,  
ne quod in defensionis reme-  
dium sustinetur , ad impugna-  
tionis materiam extendatur .  
*J. Idem Juris . b. t. Innoc. in  
c. Si verè . de Sent. excom. & per  
Abb. in c. Cum inter . de Except.*

Quo ad Postremum . Re-  
conventionis effectus est , quod  
hâc viâ , atque ratione potest  
Reus conventus suum Jus con-  
sequi . Alter est effectus ; ut  
virtute Reconventionis efficiat-  
ur Judex competens , qui non  
est Judex . *d. c. i. & c. 2. extr.  
eod. d. l. Cum Papinianus . &  
Authent. Consequenter . C. de  
Senten. & Interloc. omn. Judic.*

## T I T. X.

### De Restitutione Spoliatorum.

**S**icut in illis casibus , quos  
suprà titulo proximo ex-  
posuimus , non habet locum  
Reconventio ; ita quoque non  
permittitur , quoties quis con-  
queritur de Spolio ; nam ab  
Adversario suo non potest con-  
veniri . *J. i. hoc nostro tit. &  
& idè de hâc materiâ tracta-  
tur in titulo nostro , pro cujus  
expeditione videbimus :*

- 1 *Quid sit Spoliatio ?*
- 2 *Quod remedium habeat Spo-  
liatus ?*
- 3 *Quando Restitutio facienda  
sit ?*
- 4 *Quæ sint restituenda ?*

Quo ad Primum . Spoliatio à  
possessione rei immobilis est  
violenta , & injuriosa dejectio ,  
vel mobilis rei ablatio : dicitur

que violenta; quoniam si concurrat consensus, spoliatio locum non habet. *c. Accepta. extr. eod. & notat in c. In litteris. eod.*

Quo ad Secundum. Quotiescunque quis spoliatus est, habet remedium Restitutionis, ut in pristinum statum reducatur; quod in tantum verum est, ut debeat omninò restitutio fieri, & spoliatus possessionem recuperare. *c. 1. c. 2. extr. eod.* Et debet recuperare actu ipso; nec sententia sola sufficit, ut not. *in c. Cum aliquibus. de Sent. & Re Judic. cap. Episcopi. §. 1. 3. q. 1. §. Nec restitutionis. eod.*

Quo ad Tertium. Est faciendâ Restitutio semper antè principalis causæ ingressum, cujuscunque generis sit ipsa causa, & quodcunque fuerit Judicium intentatum. *§. Sed exsi. hoc tit. c. Omnes. 2. q. 2. & c. Nullus. & per tot. 3. q. 1. cap. Reintegranda. & per tot.* Et hæc restitutio fit ad omnia, non solum ad damna, & expensas passas post spoliū; sed etiam ad factas in convenientis amicis, & parandis armis, ab eo, qui propulsavit vim incontinenti; & sic ab eo, qui nunquàm perdidit possessionem. *l. 1. §. Vim vi. l. 3.*

*§. Cum igitur. ff. de vi, & vi armat. & ibi Bart.* Dicitur antè ingressum ex eâ ratione, quia si proponitur exceptio Spolii, non cogitur Reus respondere Actori, nisi fuerit restitutus, ut habetur *in c. In his. & in c. Conquerente. eod. tit.* Et notandum est, quod quis dicitur etiam esse spoliatus, cum fuerit possessione privatus à Judice, qui sententiam nullam tulit, vel non servavit Juris ordinem, vel est Judex incompetens. *§. Spoliatus. b. t. DD. in d. c. Conquerente. & in c. Causam Matrimonii. de Off. delegat.* Item etiam spoliassè is intelligitur, qui mandavit spoliari; aut ratum habuerit spoliū suo nomine patratum; vel si in id vitium spoliatori succedit, ut quia rem indebitè occupatam scienter recipiat. *§. Is quoque. hoc tit. & in c. Cum ad sedem. extr. eod. & in l. 1. §. Quoties. ff. de Vi, & vi armat.* Undè etiam is ad restitutionem obligabitur. Ita notatur *in d. c. Cum ad sedem.* Et hujus occasione nota, quod si quis spontè post spoliū renunciaverit, non per hoc impeditur Restitutio; & hoc optimâ ratione, quia non est verisimile, quod spontè proprio Juri renunciaverit, qui renun-

ciat



ciat spoliatus. *§. Illud quæsitum* : *boc tit. cap. 2. extr. eod.* Quod secus est, si antè spolium facta sit hujusmodi renunciatio. *§. Testes* : *boc tit. c. Accepta* . *ext. eod.* Et hic est unus casus exceptus à regulâ.

Secundò excipitur casus , quando contrâ excipientem de spolio opponitur de aliâ spoliatio-  
ne . *c. fin. de ord. cogn.*

Tertiò si excipiens eodem tempore supèr spolio disceptari consenserit. *c. r. eod.*

Quartò si spoliatus in petitorio antè restitutionis postulationem succubuerit , ut per Legistas in *l. Naturaliter* . *§. Nihil commune* . *ff. de Acquirendâ possessione* .

Quintò excipitur, quando spoliator, non per contumaciam, vel per dolum abest ; nam si eo absente voluerit Actor probare spolium , & certus terminus sit ipsi spoliatori præfixus , intrâ quem spoliatus sit restituendus, hoc casu si Reus intrâ illud temporis spatium sese Judici exhibere non possit, nihilominùs spoliatus non erit restituendus . *§. Item si* . *boc tit. cap. Consultationibus* . *de Offic. delegat.*

Sextò excipitur casus, quando contrâ agentem spolio, opponitur exceptio , per quam

concludatur , illum non possedisse ; nam hoc casu differenda est restitutio , donec de tali exceptione cognoscatur. *§. Sed etsi* . *b. t.* Ubi traduntur exempla in Laico , qui spiritualia possidere non potest . *c. Causam* . *de Præscript.* Et in Sacerdote , qui non potest habere uxorem : & hanc exceptionem possumus opponere tam ad possessorium , quàm ad petitorium. Abb. in *c. Ex parte* . *col. fin. extr. eod.* facit quod ad hoc notat Bald. in *tit. de Pace Constant.* in *vers. restituitur* . Et ex hoc inferunt DD. quod exceptio specialis reservationis beneficii impedit restitutionem , etiamsi spoliatus justificare possit possessionem titulo colorato, quia reservatio Apostolica inficit titulum , & possessionem. *c. Si eo tempore* . *de Elect.* in 6. Rot. Roman. *decis. 3.* aliàs 16. *boc tit. in novis* . Et Abb. in *c. In litteris* . *num. 28. eod.*

Septimò : Excipitur casus , quando pro Spoliatore militat Juris præsumptio, nam etiam hoc casu Spoliatus ante omnia non est restituendus : exemplum habetur in *§. Quinimò* . *boc tit. c. fin. eod. in 6.* Quod intellige quando Præsumptio non solum ostendit injustitiam possessionis ex parte spoliati ,  
sed.

sed etiam justificat possessionem spoliatoris. *d. cap. fin.* De aliis intellectibus vide Gloss. in *d. §. Quinimmò . in verb. militat.* Item in casu *c. Significasti . de Divortis*, ubi notoria fornicatio uxoris privat eam restitutione. Item spoliatus illicò non restituitur, si hæresis labe pollutus deprehendatur. *cap. Quo jure . d. 8. §. 1. 13. q. 1.* Ratio est quia hæreticus nihil potest possidere. *c. 1. & 2. 23. q. 7.* Vel, si factâ restitutione, animæ periculum immineret, ut putâ quia quis spoliatus est uxore, quæ excipit de consanguinitate in gradu prohibito, quia potest timeri de illicitâ copulâ, incestuosâque. *cap. Litteras . eod. Gloss. in c. primo . eod. vel si scandalum timeri possit, quæ habentur in §. Plures: ita not. in c. In primis . 2. q. 1. & in Summ. 3. q. 1. & per Felin. in cap. Nihil. de Præscript.* Præter hos multi sunt etiam casus hujusmodi, de quibus tractant Legistæ in *l. Naturaliter . §. Nihil commune . ff. de Acquir. possessione.*

Quo ad Postremum. Restituenda sunt omnia illa, quæ spoliatus habuisset, si non fuisset ejectus: & planè hoc intelligendum est, ut habeat spoliatus à die spoliationis omnes

proventus, utilitates, commoditates, & demùm omne interesse, quod consecutus fuisset, nisi spoliatus esset. *l. 1. §. Ex die . & per totam legem ff. de Vi, & vi armat.* Et etiam suprâ tetigi. Et

Pro corollario hujus Rubricæ nota in *§. fin.* quod in odium spoliatoris introductum est, ut spoliatus suspenso petitorio, possit intentare possessorium, si tamen nondum sit renunciatum, vel conclusum in causâ. *d. §. fin. b. t. c. Pastoralis. extr. de Caus. poss. & propr.* Quod si conclusum sit in causâ, vel renunciatum, qui intentavit petitorium, non poterit possessorium uti, nisi causâ decisâ. *arg. c. Querelam . de Elect.* Et hîc nota differentiam inter petitorium, & possessorium: etenim qui intentat petitorium, dicit se dominum, & dominium petit; qui verò intentat possessorium, per illud interdictum possessionem petit. Sed in hoc non insisto, quia est materia ampla, & eam pertractant Doctores in *d. l. Naturaliter . §. Nihil commune . ff. de Acquir. possess.*

Sed quæret aliquis. Quid proderit redire ad possessorium, cum Sententia supèr proprietate trahat ad se Sententiam supèr



## TIT. XI.

## De Litis contestatione.

supèr possessione ? c. *Cum dilectus* . de Causâ possess. & propriet.

Sed responde, quod potest prodessè quo ad fructus, quos recuperat à tempore dejectionis. d. 5. *Ex die*. Item quia ex quo habuit possessionem, habebit commodum retentionis, nisi adversarius proprietatem probaverit. l. *Res alienas*. ff. de *Rei Vindic.* Et quia si spoliator rem petat, potest ei objici, quod amisit jus, quod habebat; per l. *Si quis in tantam*.

C. *Undè Vi*. Et quia hîc fit mentio conclusionis in causâ, & renunciationis, scias, quod secundum Innocentium, & Abbatem in d. c. *Pastoralis*, tunc dicitur quis renunciare, cum renunciat probationibus facti; concludit autem, cum renunciat probationibus tam facti, quàm allegationibus Juris: & de hoc videndus est Felin. in c. *Cum dilectus* de Probat. & per Dec. in c. 1. de Jud. De hâc materiâ qui plura scire desiderat, legat Pacem Jordanum Episc. Tragurien. in Tom. 3. lib. 14. tit. 12. ubi eam examinat, & declarat; & quidquid in Praxi occurrere potest, juribus, & auctoritatibus demonstrat. Sed pro perfectâ intelligentiâ Praxis est necessaria

**H**ucusque dictum est de his, quæ Præparatoria Judiciorum sunt; nunc perveniamus ad ea, quibus ipsum Judicium constituitur: & quia Judicia constituuntur per Litis contestationem, meritò de eâ tractatur in titulo nostro: pro cuius explicatione tituli, videbimus:

1 *Quid sit Litis contestatio?*

2 *Qualiter fiat?*

3 *A quo fiat?*

4 *Qui sint ejus effectus?*

Quo ad Primum. Litis contestatio est Judiciorum quasi fundamentum quoddam, quod prætermitti non potest, ut *bic in princ.* c. *Ex parte*. 2. de Verb. signif. c. *Relatum*. de Offic. delegat. Et potest dici, quod sit *Hinc inde apud Judicem negotii principalis facta narratio*, ut notat Goffr. de *Lit. contestat.* Quamvis à quibusdam impugnetur, ut apud Marant. in *Specul. Parte 6. de Lit. contestat. num. 5.*

Quo ad Secundum. Litis contestatio fit per Petitionem in Judicio propositam, & congruam Responsionem sequutam, animo contestandi litem fa-

factam, cum Judex per narrationem negotii causam audire cæperit. *§. Ea verò. hoc t. c. Unico. eod. cap. Dudum. de Election. l. i. C. eod.* Et nota, quod debet fieri Judice pro tribunali sedente; ut per Abb. *in d. c. Unico. in ult. notab. & in c. Cum causam. de Appell. in princ.* Undè infertur, quod si quis positionibus simpliciter respondeat, aut peremptoriam exceptionem proponat, per hoc nequaquam est facta Litis contestatio. *d. c. Unico.* ubi redditur ratio, quia qui ponit aliquid dictum, vel factum, nihil petit ab Adversario, nec etiam ostendit per hoc velle agere; & itâ per hoc non posset fieri sententia condemnationis, vel absolutionis, cum nihil petitum sit per positionem, sed ostendat aliquid esse factum, vel dictum, vel promissum; & sententia est ferenda secundum modum agendi. *c. Qualiter. de Accusat.* alias rationes vide per Abb. *in d. c. Unico. in princ.*

Quo ad Tertium. Litis contestatio fit per principales personas, vel etiam per Procuratorem, Tutorem, Syndicum, aut personam similem. *§. Fit autem. hoc tit. c. Cum ad Sedem. De Rest. Spoliat. c. Cum causam.*

*de Juram. calum.* Item per Advocatos, nisi enim illorum responsio fuerit statim revocata, per eam lis contestata dicitur. *§. An Advocati. hoc tit. c. Cum causam. de Appellat.* Hæc autem Litis contestatio habet locum non solum, quando per actionem Judicium instituitur, sed ubicunque Judicis officium pro actione proponitur. *§. Nec solum. hoc tit. c. fin. de Off. Jud.* Quod tamen secundum Abb. *in d. c. fin.* intellige procedere, quando principaliter imploratur Officium Judicis; cum distinctione tamen: Nam aut fit supèr jam liquido, itâ quod non est necessaria causæ cognitio; & tunc non debet fieri Litis contestatio. Exemplum cum filius petit alimenta à patre, vel contrâ, debet enim de plano procedi. *l. Nequaquam. §. De plano. ff. de Off. Procons.* Vel cum petitur executio sententiæ à Judice, qui judicavit: Aut petitur supèr non liquido; & tunc aut Adversarius, & certus est, & præsens, & procedit, quod dicitur *in d. §. Nec solum. & in d. c. fin.* Ubi datur exemplum, quando petitur restitutio in integrum adversus contractum: aut Adversarius est absens, & certus, & tunc si ali-



aliquid petitur dari, vel in præjudicium partis, & tunc à parte debet fieri contestatio, ita not. in d. c. fin. Aut non petitur aliquid dari, vel fieri: Exemplum cum minor vult abstinere ab hæreditate aditâ, & hoc casu potest procedi lite non contestatâ. *Auth. Si omnes. C. Si minor ab hæredit. se abstin.* Quod procedit etiam si adversarius sit incertus.

Quo ad Postremum. Multi sunt effectus litis contestationis: Et Primus ut eâ sequutâ litigantes subjiciantur Judicis potestati. *d. c. Relatum. c. Inter Monasterium. de Sent. & re Judic.* Secundus est, quod via præcluditur exceptionibus dilatoriis. *d. c. Inter Monasterium. l. Pomponius. §. Rati. de Procurat.* Tertius est, ut actiones perpetuentur. *l. Ordinata. de Lib. caus. l. Si eum. §. Qui injuriar. ff. Si quis caut.* Quartus, ut præscriptio interrumpatur. *l. More. C. de Rei vindicat. l. Si cut. ubi Baldus. de Præscript. 30. vel 40. annor.* Quintus est, ut constituatur Adversarius in morâ, itaut teneatur ad fructus. *l. Certum. d. l. Moræ. C. de Rei vindic. l. Litigator. C. de Fruct. & lit. expens.* Sextus, ut non possit revocari mandatum Procuratorium, postquàm lis est

contestata, nisi certis de causis. *l. Post litem. ff. de Procurat.* Septimus, Testes possunt recipi, qui aliâs examinari non valent. *§. 1. hoc nostro tit. Ut lit. non contest. per totum.* Nisi cum civiliter agitur, & timeatur probabiliter de morte testium, vel diuturnâ absentia, nam etiam lite non contestatâ possunt testes examinari. *§. Admonendi. hoc tit.* Ita Doctores in c. Quoniam frequenter. *Ut lit. non contest.* Undè nota, quod quando criminaliter agitur, quia tractatur de magno præjudicio, nunquàm recipiuntur testes ante litem contestatam. *cap. Epiphanius. §. q. 6. & l. fin. C. de Probat.* Sunt & alii effectus, de quibus tractatur in d. c. Quoniam frequenter. Et per Speculat. in tit. de Test. *§. Nunc tractemus.* Et adverte in materiâ testium, quod quando quis examinat testes ad perpetuam Rei memoriam, debet intrâ annum convenire adversarium, vel examen denunciare; alioquin attestations sic receptæ non valebunt. *§. Debet tamen. inf. hoc tit. c. Plerumque. de Rescript. c. Pastoralis. de Off. Ordin.* Et generaliter scias, quod ubicunque Libellus non exigitur, aut jus agendi contrâ certam personam

non dirigitur, litis contestatio non est necessaria, quod ex supradictis patet. *§. Finali. hoc nostro titulo.* Quemadmodum etiam haud obscurè notatur in *d. c. Quoniam frequenter. Ut lit. non contestat.* De hac eadem materiâ plenè disserit præcitatus Pax Jordanus in *d. tom. 3. libr. 14. Tit. 5. & 6.* ubi studiosus recurrat.

## TIT. XII.

### De Juramento Calumniæ.

**Q**uoniam publicè interesse videtur, ut lites non instituantur injustæ, idcirco statutum est, ut teneantur litigatores Jurare, quod justam credunt habere causam litigandi: ob id nunc de hac materiâ tractatur. Et pro tituli expositione videbimus:

- 1 *Quid sit Juramentum Calumniæ?*
- 2 *Qui Jurare debeant?*
- 3 *Quando sit præstandum tale Juramentum?*
- 4 *In quibus causis?*
- 5 *Qui sint effectus?*

Quo ad Primum. Juramentum calumniæ est affirmatio cum Religione, quâ quis se justam habere causam litigandi confirmat. *l. 2. §. 1. C. eod.*

atque in se continet quinque capitula. Quod jurans credit, se justam causam habere. Quod interrogatus non negabit, quod verum credit. Quod non utitur scientè falsâ probatione. Quod dilationem non petet in fraudem. Quod nec dedit, nec dabit, nec promisit, nec promittet aliquid pro causâ, nisi quibus leges dari permittunt *l. 2. circâ princ. & Authen. Principales. C. eod. & notat Gloss. in c. 1. extr. eod.* Speculator tamen in *§. Nunc videamus. eod.* consuluit, quod omittatur illud capitulum de dilatoriis frustratoriis non petendis; aliàs enim rarò eveniet, quod litigantes non sint perjuri, quod Abb. probat in *c. Primo. eod.*

Quo ad Secundum. Juramentum hoc præstat regulatè à principalibus personis, nempe ab Actore, & Reo. *d. Auth. Principales. c. ult. extr. hoc eod. titulo.* Jurant etiam Procuratores, & Syndici. *cap. Cum causam. eod. c. 2. §. 1. eod. in 6.* Et hoc Juramentum à Procuratore, vel Syndico emititur in animam propriam, non in animam Domini; Procurator enim non debet causam injustam suscipere. *l. Rem non novam. C. de Judic. de quo habe-*



habetur in c. 1. eod. in 6. Rota Romana decif. 1. aliàs 37. Incipien. *Quidam Procurator*. & decif. 2. hoc tit. in novis; quæ ita interpretatur d. cap. ult. Et quandocunque à Judice potest exigi; secundum quod magis expedire viderit. §. Et non tantum. hoc tit. d. c. 1. eod. in 6. Item Tutores, & Curatores tale Juramentum exhibent. l. 2. §. Quod observari. C. eod. tit. Et idem dicitur de his, qui præfunt Municipiis; nam etiam ipsi, vel major pars ipsorum jurare debent. d. l. 2. §. Hoc. l. Municipibus. ff. de Cond. & demon. facit tex. in c. Imperatorem. eod. Item Œconomi. c. In pertractandis. ext. eodem. Jurant Actores, & defensores Universitatum. c. Cum causam. ext. eod. Jurat Episcopus etiam in causâ Ecclesiæ, si per se ipsum agat propositis, sed non tactis Scripturis. c. Ult. ext. eod. Auth. Sed Judex. C. de Episc. & Cleric. Est tamen tex. in c. 1. ext. eod. ubi dicitur, quod nullus Clericus inconsulto suo Prælato potest jurare de calumniâ, nisi agatur de causâ suâ propriâ, quo casu non gaudet hujusmodi Privilegio; quod etiam extenditur ad Episcopum, vel alium Prælatum inferiorem, ut colligitur ex dicto cap. 1.

Undè videtur dicendum, quod Episcopus non possit jurare irrequisito Romano Pontifice; attamen de consuetudine potest procedere contrarium, itaut, sicut Episcopus inconsulto Romano Pontifice; ita inferiores Prælati, & Clerici non consulto Episcopo, poterunt jurare: ita traditur in d. c. 1. & Abb. ibi.

Quo ad Tertium. Ut habetur hic in princ. proponitur tale Juramentum in ipso litis exordio; tunc enim verè lis incipit. not. in l. 1. §. 1. ff. Si quis Jusdicens. non obtemper. c. Ex parte. il 2. de Verb. signif. Verùm frequentius receptum est, ut post litis contestationem proponatur tale Juramentum. §. Et non tantum. hoc tit. c. 1. eod. in 6. c. Cum causam. extr. eod. Et semel tantum præstatur in totâ lite. Auth. Hoc Sacramentum. C. eod. Quamvis Juramentum malitiæ pluries possit exigi, ut per Goffr. in suâ Summâ. eod. Qui ponit quatuor differentias inter hæc duo Juramenta.

Quo ad Quartum. Hoc Juramentum licet antiquitus non præstaretur in causis spiritualibus, ut in Ecclesiis, & Decimis, & similib. c. 2. eod. Attamen hodiè super quasunque causas præstatur. d. c. 1. §. fin.

*eod. in 6. §. in causis : hoc tit.* Quod etiam procedit in criminalibus. *l. 1. C. eod. tit.* Quamvis sint, qui contrarium teneant. Sed de hoc vide Goffr. *in suâ Summ. eod.* & Doctores *in l. 1. C. eod. & in cap. 1. eod.* Attamen quamvis in causis spiritualibus non præstetur tale Juramentum, tamen in his Juramentum decisorium habet locum, quod defertur Actore non probante propter periculum animæ. *c. Continebatur. & c. Attestationes : de Despons. Impub.* Quod etiam procedit in causis non spiritualibus. *l. Admonendi. ff. de Jur. Juran.* ubi de Materiâ. In causis autem Ecclesiasticis frequentatur Juramentum, quod vocatur de veritate dicendâ, quod etiam habet locum in spiritualibus. *c. Dudum. de Elect.* Et in hoc respondetur de veritate. *§. Prætereâ.* & ibi Gloss. *hoc tit.* Sed in Juramento calumniæ respondetur de credulitate. *§. Penult. & ult. Auth. De iis, qui ingred. ad appell.* Et hoc Juramentum præstatur etiam in causâ appellationis. *d. §. Prætereâ. cap. Ex ratione. de Appellat.*

Quo ad Postremum. Effectus hujus Juramenti est, ut qui illud recusat, cadat à cau-

sâ, seu ab actione, & Reus pro confesso habeatur, *ut bio in princ. c. Ult. eod. l. Ult. C. eod. tit. §. Ult.* Attamen verum est, quod si omittatur, non vitiatur processus. *§. fin. hoc tit. d. c. 1. eod. in 6.* Quemadmodum etiam hoc colligitur *ex l. 2. C. eod.* Alia multa congerit de hoc Juramento calumniæ Pax Jordanus *d. tom. 3. lib. 14. tit. 7.* ubi *num. 46.* ostendit, quomodo juret Judæus, qui litigat cum Christiano. Sciat tamen studiosus Lector, quod hodiè tale Juramentum calumniæ neque in Ecclesiastico, neque in Laico Foro exigitur; forsân quia experientia docuit, esse animabus perniciosum; dum homines ita fatagunt rerum Temporalium, ut æternæ salutis penitus obliviscantur.

### T I T. XIII.

*Ut lite pendente nihil innovetur.*

Quoniam institutâ lite, & præstitis satisfactionibus, & calumniæ Juramento exhibitio, ad probationes, & merita causæ deveniendum est, quo tempore cum lis pendeat, nihil est innovandum ob



id de hâc materiâ tractatur ,  
& videbimus:

1. *Lis quando pendere dicatur?*

2. *Qui sint effectus litis pendentiæ?*

Quo ad Primum . Lis tunc pendere dicitur , respectu Innovationis non faciendæ , non solum quando lis est contestata , verum etiam quando citatio ad notitiam partis pervenerit , vel si non pervenerit , per eam steterit ; dummodò tamen in citatione fuerit expressa causa , propter quam emanarit citatio . *Clem. 2. eod. §. Lis autem . hoc tit.* Et dicitur Lis pendere , quotiescunque Judicium agitur , & causa expeditur *c. 1. eod.*

Quo ad Secundum . Effectus litis pendentiæ est , ut usquequò lis pendet , nihil possit innovari , quod sit in alicujus præjudicium *c. 1. & 2. ext. eod.* Excipiuntur tamen Casus . Primus est , quando actorum communium , attestationum scilicet , & confessionum editio denegatur , vel Pronunciationis , Interlocutoriæ scilicet , vel fortè etiam Definitivæ illius Judicis , à quo est appellatum . *l. 2. C. eod. concordat c. Cum . G. perpetuus . de Fid. Instr. & Gloss. in c. Quoniam contrâ. in*

*verb. tempora. de Probat.* Namque his duobus casibus licet supplicare apud Judicem . Tertio licet supplicare , ut procedat Judex . Quarto ut alius associetur , cum fortè ille suspectus sit . *In Auth. in medio litis . §. Super hoc . coll. 8. Quinto excipitur casus , quando is , qui appellavit , fructus dissipat , nam non obstante litis pendentiâ , possunt sequestrari . §. Planè . hoc tit. c. fin. de Sequest. poss. & fruct. l. Ab exectore . C. Quorum appellat. non recipian.* Item quoque si super Matrimonio lis pendeat , & in ipsâ litis pendentiâ secundum Matrimonium sit factum ; si primum non tenuisse declaratum fuerit , secundum non poterit irritari pendentis litis obtentu . *§. fin. hoc tit. cap. Cum in Apostolicâ . de Sponsal.* Verum ei , qui ex contemptu contraxit , pœnitentia imponenda erit . *d. c. Cum in Apostolicâ .* Est & alius effectus , quia interim res litigiosa non potest alienari . *c. Ecclesia . 1. & 2. ext. hoc tit.* Alius effectus est , quia neque privilegium lite pendente impetratum prodest . *c. fin. hoc tit.* De hâc Rubricâ scribit copiosè Pax Jordanus *d. tom. 3. libr. 14. tit. 14.* ubi præcipuè agit de Attentatis ,

tis, quæ essent commissa lite pendente, in contemptum Judicis, ostendens quomodo, & quando sint prius revocanda. Et de jisdem integrum Volumen scripsit Robertus Lancellotus, cujus inscriptio est *de Attentatis*.

## T I T. XIV.

*De Probationibus.*

**P**ostquàm ea fuerunt explicata, quæ causæ cognitionem præcedunt, nunc de ipsâ causæ cognitione est agendum; & quia hæc ex probationibus habetur; idcirco de Probationibus tractatur; & pro tituli expeditione videbimus:

- 1 *Quid sit Probatio?*
- 2 *Quibus modis fiat?*
- 3 *Qui possint esse Testes?*
- 4 *Quibus Testibus credatur?*
- 5 *Quando sint Testes examinandi?*

Quo ad Primum. Probatio est rei dubiæ per argumenta ostensio, sive idoneis, & legitimis modis facta demonstratio. tex. *hic in princ.* & refert Goffr. *in Sum.* eod. num. 1. & dicitur probatio à *Probo* verbo, quod probè facit, qui ostendit, quod asserit: onus verò probandi ad

asserentem pertinet. *l. Ei. ff. eod. l. Actor. C. eod.* Et fit probatio Judici. *l. Quinquaginta in fin. ff. eod.* Sciat tamen studiosus Juvenis, quod etiam Neganti incumbit onus probandi suam Negativam, quando ipsa est fundamentum suæ intentionis, sive agendo, sive excipiendo, ut docent omnes DD. quos longâ serie congerunt Mascard. *de Probat. concl.* 1092. Pacian. *eod. tract. cap.* 51. num. 28. & Gabriel *Commun. Conclus. in Tit. de Probat. concl.* 6. Quorum Auctoritate Doctorum Ven. Congregatio Parochorum Paduæ obtinuit sententiam favorem contrâ Nob. Antonium Mariam Bagarottum, qui negabat, Dotem spiritualem Filiae Marci Antonii Bagarotti Avi sui paterni fuisse solutam cum pecuniâ ejusdem Ven. Congregationis, quam ab eâ Avus receperat ad livellum ad hunc finem. Et idè quia dictus Antonius Maria non probavit suam Negativam; Nob. Dom. Franciscus Gerardinus Judex ad Officiū Aquilæ Anno 1711. eum condemnavit ad solutionem dicti livelli: & causâ per appellationem devolutâ corâm Nob. Dom. Hieronymo Belgrado Vicario Prætorio, fuit ab eodem



dem prædicta sententia confirmata; quia tanquam Judices, integerrimi, & eruditissimi cognoverunt, non sufficere Negare, sed Negativam esse probandam ab illo, qui se fundat in ipsâ.

Quo ad Secundum. Probatio fit variis modis, ut *bic* in §. 2. Primò Partium confessione, quando scilicet Reus Positionibus respondendo, vel aliàs in Judicio de Intentione confitetur Actoris. §. *Partium*. *boc tit.* Et per Doctores in *Rubric. eod.* Positiones autem sunt quædam breves narrationes, facti seriem continentes, ad eliciendam veritatem conceptæ, supèr quibus quis petit ab Adversario responderi; quas ad facilitatem expeditionem litium propter partium confessiones, & probationum defectum, usus longævus in causis admisit, & juris probavit auctoritas. *c. 1. de Confessis in 6. c. Dudum. 2. de Elect.* Et differunt ab articulis, quia istæ fiunt per verbum *Ponit*; articulus fit per verbum *probare intendit*, & respicit probationes faciendas per testes, vel scripturas, casu quo positiones negentur; & de aliis etiam differentiis dic ut per Speculatorem in *tit. de Testib. §. Nunc videndum. col. 1.*

*Vers. sciendum est igitur.* Et habetur in *c. Præsentium. de Testib. in 6.* & vide Gloss. *bic* in §. 2. in *Verb. Positionib.* Igitur si quis Positionibus sibi factis respondere requisitus recusaverit, vel ne responderet, se per contumaciam subtraxerit, pro confessio habetur. §. *Si quis igitur. boc tit. c. fin. de Confess. in 6.* & notat. in *c. Nullus. de Præsumpt.* Et quod dicitur de contumaciâ, declara, quod hoc habeat locum, postquam à Judice respondere jussus est. §. *Tamen. boc tit.* & not. in *d. cap. fin. de Confess. in 6.* Si antea se absentaverit, non habetur pro confessio, sed contrâ eum tanquam contumacem procedendum erit. *c. Prout. de Dolo, & contum.* Et suprà diximus in *tit. de Dol. & contum.* Id tamen verum est, quod confessio per errorem facta, veritati non præjudicat; §. *Planè. boc tit. c. fin. de Confess.* & ibi Abb. Secundò fit Probatio depositione partium. *d. §. 2. boc tit.* quod patet ex supradictis. Tertiò fit testium examine, quando testes examinantur supèr assertionibus Actoris; & hoc casu semper Reus est citandus, ut videat testes jurare, & deponere. §. *Debet. boc tit. c. 2. de Test.* Undè nota; quod Testi

Testi non jurato non creditur.  
*§. Sed & . hoc tit. c. Nuper de Testib.* Undè si testes à Judice moniti sese vel odio, vel gratiâ, vel timore à ferendo testimonio subtraxerint, sub pœnâ excommunicationis erunt compellendi. *§. Quodsi. hoc tit. c. Super his. de Testib. cogend. & c. fin. eod. tit.* Nec in hoc casu valeret Juramentum de non testificando. *c. Intimavit. & c. Constitutis. de Testib. & c. Quia plerique. de Off. Ordin. in 6.* Igitur quando agitur de testibus examinandis, Judex debet esse diligens examinando illos super omnibus qualitatibus totius causæ. *§. Interrogabit. hoc tit.* Itaque inquireret de causis, personis, loco, tempore, Visu, Auditu, scientia, credulitate, fama, & certitudine. *l. 3. ff. de Testib. & §. Si testes. 4. q. 3.* Insupèr animadvertet, Quo vultu, quâ constantiâ, quâvè animi trepidatione testes deponent. *§. Illud. hoc tit. d. l. 3.* Undè Versus.

*Heu quàm difficile, crimen non  
prodere vultu?*

Et ea, super quibus examinari debent testes, clauduntur his versibus.

*Auditus, Visus, Persona,  
Scientia, Causa.*

*Fama, Locus, Tempus, ac*

*Certum, Credulitasque,  
Dum testes recipit, Judex hæc  
cuncta notabit.*

Verùm tamen nota, quod quandoque mittitur domum ad suscipiendas testimonium attestaciones, ut si sint valetudinarii, vel senes, vel debilitate confecti, vel etiam depressi paupertate. *c. Si qui. de Test. §. Si qui tamen. hoc tit. Clem. unic. de Off. deleg.* Et idem procedit in personis egregiis. *l. Ad egregias. de Jure Furan.* Ubi de materiâ, & de hoc tractat Abb. in *c. Quoniam frequenter. Ut lit. non contest.* & in *d. cap. Si qui.* Quartò fit Probatio per Instrumenta, quando scilicet illa exhibentur, quæ intentionem Actoris demonstrant; & hæc sunt ab Actore exhibenda, non autem à Reo, nisi illa sint communia cum Actore. *§. Non tamen. hoc tit. l. 1. C. de Edendo. l. Nimis. C. de Testib. c. 1. ubi de materiâ, extr. eod.* Fit etiam probatio aliis administriculis, ut notorietate rei, suspicione vehemente; atque aliis conjecturis; de quibus vide Goffredum in *Rubr. eod.* & communiter DD. *ibi.* Et de iis aliquid nos dicemus.

Quo ad Tertium. Regula traditur, omnes Testes esse posse, nisi fortè quis speciali ratio-



ratione prohibeatur. *l. 1. ff. de Testib. §. In Sum. hoc tit. c. 1. de Testib.* Testes autem reputantur Conditione, Naturâ, & Vitâ. Conditione, si liber sit testis, non servus; Servus enim per sepe metu dominantis testimonium supprimit veritatis. *c. Forus. §. Testes. de Verb. signif. c. Si testes. §. Item in criminali. in verb. liberi. 4. q. 3. l. Quem liberi. C. de Testib.* Naturâ reputatur testis, si vir sit, non fœmina. *c. Mulierem. 33. q. 5.* Et hoc procedit de jure Canonico in criminalibus, quod secus est secundum leges, ut notatur in *d. c. Forus.* Sunt tamen casus criminales, in quibus etiam mulieres admittuntur, etiam si sint malæ famæ. *c. Tanta. de Simon.* Et qui sint isti casus, vide Felin. in *c. Quam. ext. de Testib.* Ratio autem hujus dicti est, quia mulieris testimonium varium, & mutabile semper est. Ita Virgil. *lib. 4. Æneid.* & notatur in *d. c. Forus.* Ubi habentur versus isti:

*Quid levius fumo? Flamen.*

*Quid flamine? Ventus.*

*Quid vento? Mulier. Quid muliere? nihil.*

In his autem casibus; in quibus mulieres admittuntur ad testimonium, notandum est;

quod propter honestatem, & naturalem ipsarum pudorem, debet mitti domum ad testimonium earum recipiendum. *§. Cujus tamen. hoc tit. c. 2. de Jud. in 6.* Vitâ reputatur Testis, si innocens sit, & integer; ut si sit immunis à crimine enormi, ut per Abb. in *c. Testimonium. de Testib.* Secundò, ut sit procul ab infamiâ. Abb. *ibid.* Tertiò suspicione careat, ut scilicet non sit inimicus. *c. Accusatores. 2. q. 5.* Quartò, debet esse liber criminis suspicione, quia non debet in aliquo vacillare. *cap. Tantis. d. 81.* Et declarat Abb. in *c. 1. de Except. in 3. notab.* Si enim vita bona defuerit, fide carebit testis. *§. Vita. hoc tit. d. c. Testimonium. c. 1. de Accusat. d. c. Forus. in fine.* Item infidelis contrâ fidelem non admittitur. *§. Christianorum. hoc tit. c. Judei. de Testib. c. Si hæreticus. 2. q. 7. cap. Ipsa pietas. 23. q. 4.* Verùm quod dictum est de criminoso, quod non possit esse testis, recipit distinctionem, quia si perseverat in crimine tam in civili, quàm in criminali causâ à testimonio ferendo procul repellitur; qui si fuerit emendatus, in causâ civili admittitur. *§. Planè. hoc tit. d. cap.*

*Testimon. de Testib.* Et ibi tractatur materia. Item repelluntur à testimonio domestici testes, & similem habentes causam. *g. Domestici. b. t. l. penult. ff. eod. c. In litteris. ext. de Testib. c. Personas. eod. de Testib.* Item in causâ appellationis non potest esse testis is, qui fuit Procurator, vel Advocatus in primâ Instantiâ. *g. Is quoque. hoc tit. c. Insuper. de Testib.* Et notatur in *c. fin. de Testib. in 6.* Item Clerici in causâ Ecclesiæ suæ; & aliæ singulares personæ in causâ suæ universitatis repelluntur, si constituti sint principaliter ad agendum, respondendumvè. *g. In Summâ. hoc tit. d. c. Insuper. cap. Cum nuncius. & c. In tuis. eod. de Test.* In criminalibus tamen repelluntur. *c. Super prudentiâ. 14. q. 2.* Item Monachi, & quicunque sub alterius obedientiâ vivit, non admittuntur ad testimonium ferendum; nisi de licentiâ sui Præfulis. *g. Monachi. b. t. c. Monachi. 16. q. 1.* Si tamen non interveniat Superioris licentia, horum testimonium valebit. Ita tenet Speculator in *tit. de Teste. g. 1. Vers. Item excipitur. facit cap. Nuper. de Testib. c. Etsi Christus. de Jurejuran.* Item nemo admittitur ad testimonium in

causâ suâ principaliter, vel secundariò. *l. Omnib. C. eod. tit.*

Quo ad Quartum. Testibus illis creditur, qui probatæ sunt vitæ, & jurarunt, ut patet ex supradictis. Testi enim non Jurato non creditur, nisi fortassè remittatur Juramentum à partibus. *g. Sed & testium. b. t. c. Tuis. extr. de Testib.*

Quo ad Postremum. Testes sunt examinandi postquam Actor declaravit intencionem suam, antequàm tamen sit publicatus processus: concordat *c. Causam. il 2. & c. Constitutus. & c. Cum venisset. ext. de Testib. Clem. 2. de Testib.* Quod ampliatur, ut habeat locum etiam in causâ appellationis. *d. Clem. 2.* Hoc limita, nisi nova emergant capitula; hoc enim casu recepto solemnî Juramento testium, non obstante publicatione factâ, nec in primo, nec in secundo Judicio rejiciendi erunt. *g. Quod si nova. hoc tit. c. Cum Joannes. de Fid. Instrum. c. Ex tenore;* & ibi notatur *de Test. Clem. 2. de Testib.* Alios casus enumerat Abbas in *d. c. Causam. c. Constitutus. & in d. c. Cum venissent.* & alii in dictis Jurib.

Verùm sicut post publicationem super jisdem articulis non admittuntur testes; ita quo-



quoque post eam, non potest testibus objici. *§. Sed interdum. hoc tit. c. Nulli. de Elect. in 6.* Nisi is, qui vult objicere, sit paratus ostendere illud, quod vult objicere, post publicationem didicisse. *c. Pastoralis. de Exceptionib. §. Sed etsi. hoc tit. & notatur in c. Præsentium. de Testib. d. cap. Nulli.* Vel nisi sit protestatus. *§. Idem Juris. b. t. Abb. in d. c. Præsentium.*

Unum tamen nota, quod non solum testes probatorios, sed & reprobatorios probatoriorum reprobare licet, quamvis quarti testes contra tertios non admittantur, ne contingat negotium in infinitum protrahi. *§. Illud cum seq. hoc n. t. c. Licet. 3. de Testib.* Et licet Judici quodcumque usque ad sententiam interrogare testes super facto. *§. Quod si circa. hoc tit. c. Cum clamor. de Testib.* Quos etiam repetet super omnis. *§. Repetere. hoc tit. cap. Per tuas. de Testib.*

Modò, quia probationes fiunt non solum per testes, verum etiam & per Instrumenta, ut suprâ diximus; & tex. est in *§. At si partes*; idè secundum quod suprâ promissimus, aliquid de hac materiâ videamus.

Et in primis sciendum est, quod Instrumentorum appellatione etiam testes continentur. *c. Pervenit. il primo. de Testib. cogend. l. 1. ff. de Fid. Instrum.* Tamen secundum strictam significationem, appellatione instrumentorum, veniunt solummodò scripturæ, quæ in Judicio exhibentur. *d. §. At si partes. c. Cum Joannes. de Fid. Instrum. & cap. Fortè. in fine. 24. q. 4.*

Itaque Instrumenta possunt in Jure exhiberi non solum antè attestationum publicationem, sed & postea usque ad diffinitivæ sententiæ calculum, antè conclusionem in causâ. *§. Exhiberi. b. t. c. Cum dilectus. de Fid. Instrum.* Scripturæ autem, vel Instrumenta, quæ fidem faciunt, debent esse publica. Publica autem scriptura dicitur, quæ per manum publicam scripta fuerit, aut sigillò authentico munita. *§. Non tamen. b. t. c. 2. de Fid. Instrum.* Hoc idem habet locum in exemplis ab originalibus solemniter sumptis, cum scilicet originalia Ordinario, vel alteri, ab eo specialiter ad hoc Delegato, præsentantur, qui ex ijs per publicam personam exempla sumi præcipit. *§. Idem. hoc tit. c. 1. de Fid. Instrumentor.*

Quod extenditur ad ea exemplaria, quæ Notarius morte præventus non perfecit, sed in notis tantum reliquerit. *§. Eandem. b. t. c. Cum P. Tabelio. de Fide Instrum.* Et quamvis ista Instrumenta non debeant esse cancellata, aut abolita, neque ulla parte sui vitiata; attamen error unius litteræ haud præjudicat, quo minus Instrumentis sic excerptis fides habeatur. *§. Exhibentur. hoc tit. c. Ex parte. de Fid. Instrum. c. Ad audientiam. de Rescript.*

Huic probationi accedit ea, quæ fit per Jusjurandum; quæ probatio tunc demum locum habet, si Actor nec testibus, nec instrumentis intentionem suam probaverit; namque hoc casu permittente Judice suppletur per Jusjurandum. *§. Quod si. hoc tit. c. Ex litteris. & c. fin. de Jurejur.* Et hæc nota, quod Juramentum in hac materiâ duplex est: aliud *Necessarium*, aliud *Voluntarium*. Necessarium est, quod ad suppleendas probationes à Judice parti defertur. *d. c. Ex litteris. c. Et si. Christus. & c. fin. de Jurejurand.* Et dicitur necessarium, quia & necessario à Judice partibus deferri debet, neque à partibus aliquo modo

potest recusari, si ritè delatum sit. *§. Sed cum. b. tit. l. In bonæ fidei. C. de Reb. cred. Tradunt DD. in l. Admonendi. ff. de Jurejurand.* Et Canonistæ in *c. fin. de Jurejur.* Recusari autem potest hujusmodi Juramentum, ut si Actor plenè probavit, quando scilicet Judex ex his, quæ sibi ostensa sunt, est adductus ad fidem, & credulitatem ejus, quod intenditur. *l. Ad fidem. ff. de Testib. l. Quinquaginta. ff. de Probation.* Vel si rem non plenè cognitam sibi esse asserat, super quâ debet jurare; ita notatur in *d. l. Admonendi.* Et ideò hæredi non defertur, quia verisimiliter ignorat veritatem negotii. De aliis causis hujusmodi per Legistas videbis in *l. Manifestè. de Jurejurand.* & per Canonistas in *cap. fin. de Probat.* Defertur autem Reo, si pro eo fuerint præsumptiones, nisi inspectis personarum, & causæ qualitatibus, illud Actori deferendum censeat Judex. *§. Sed et si. b. t. d. c. fin.* Undè nota duo. Primum, quod non cuilibet defertur hoc Juramentum, sed tali, qui reputetur persona honesta, & bonæ vitæ; quia viri, & suspectæ de perjurio non defertur. *c. fin. §. Planè. de Jurejurand.* Secundum, quod hoc



hoc Juramentum in causâ arduâ , & criminali non deferitur , sed solummodò in causâ , quæ non sit magna , sed modica , ut traditur in *l. Admonendi . de Jurejuran. in l. In bonæ fidei . C. de Reb. creditis* . Et hæc sufficiant de Juramento Necessario : Modò

Voluntarium est , quod à parte parti in judicio deferitur , & hoc etiam decisorium dici potest , quia litem terminat ; & Voluntarium dicitur , quia pars non nisi volens deferit , & ab eo , cui deferitur , licetè recusari , & referri poterit . *§. Voluntarium . b. t. d. c. fin. l. Generaliter . §. Sin autem . C. de Jurejur. & Hostien. in d. c. fin. de Jurejuran.* Verùm , quod dictum est , Juramentum posse referri , id non semper locum habet , etenim in famosis actionibus , ut furti , injuriarum , & hujusmodi , non refertur Juramentum ; ratio est , quia non Actor , sed ipse , qui convenitur , facti proprii conscius esse debet . *§. Planè . hoc tit. not. Abb. in d. c. fin.*

Accedit Probatio , quæ fit inspexione Judicis , ut putâ si pro terminandâ lite , propriis oculis loca Judex subjicit , aut ex aspectu corporis ætatem colligit , aut cum ex litteris Or-

dinari , vel Apostolicis excommunicatus , aut honestatus quis apprehenditur ; vel cum ad probandam Virginitatem ab honestis , & prudentibus Matronis vice suâ Judex inspicere mulierem jubet . *§. Judicis . b. tit. c. Ex litteris . & cap. Causam . de Probation. l. Minor 25. annis adito Præsde . ff. de Minorib. c. r. eod. tit.*

Facti etiam notorietate contingit probatio ; ubi enim res notoria est , nulla aut testium , aut Instrumentorum probatio requiritur . *§. Sed etsi quid . b. t. c. Super eo . de Testib. cogend.* Nota nihilominus , quod quamvis notorium relevet ab onere probandi , non tamen relevat ab onere proponendi , & allegandi , ut not. in *Clem. Appellanti . in verb. alias . de Appell. Est Gloss. in c. 2. la prima. extr. Ut lite non context.* Notorium autem triplex est : *Facti , Juris , & Præsumptionis* . Facti Notorium dicitur , quod ita se exhibet hominum conspectui , ut nullâ tergiversatione possit celari . *c. Tua . & c. fin. de Cohabit. Cler. & Mulier.* Juris dicitur Notorium illud , de quo aliquis condemnatur , vel est in Jure confessus . *c. Vestra . & d. cap. fin.* Notorium præsumptum est paternitas , filia-

filiario . l. *Quia semper* . ff. de *In Jus voc.* Est autem differentia inter notorium , famosum , & publicum . Notorium enim ex scientiâ , & certo Auctore est ; probarique potest . Famosum est , quod communiter circumfertur ; sed ex evidentiâ facti , aut certo Auctore non procedit . Publicum est commune notorio , & famoso . c. *Tua nos* . de *Cohabit. Cler. & Mulier.* Ad faciendum autem Notorium necessarium est , ut constet , aut populo , aut majori parti viciniæ , vel vici , dummodò non sint pauciores decem . Abb. in d. c. *Tua* .

Notorio proxima est vehemens suspicio ; ut si quæraturne de carnali copulâ , & sint qui deponant , se vidisse solum cum solâ , nudum cum nudâ in eo lecto jacentem , locis secretis , & ad hoc commodis , & horis electis ; namque ex his suspicionibus tam vehementibus sequutam copulam pronunciari poterit . §. *Ad notorium* . b. tit. c. *Ex litteris* . cum seq. de *Præsumpt.* c. *Prætereâ* . de *Testib.* Omnibus autem his probationibus fama præstat adminiculum . §. *fin. b. t. c. Illud* . & ibi plenè notatur de *Præsumpt.* Ut si agatur de Matrimonio , & dicerentur Vir , &

mulier simul diu habitasse ; & se conjuges nominasse , & annulos detulisse ; hæc dicitur fama , quæ potest prodesse aliis probationibus . d. c. *Illud* . Et quoniam hæc materia est vastissima , in Praxi recurrendum est ad ampla Volumina tùm Mascardi , tùm Paciani , qui scripserunt latissimè de *Probationibus* .

## T I T. XV.

### De Sententiâ , & Re judicatâ.

Cum duo sint præcipue actus Judicii , Cognitio causæ , & ipsius Decisio , quæ fit per sententiam ; ob id nunc post Titulum de Probationibus , in quo est tractatum de cognitione , subnectitur iste titulus , in quo agitur de causæ decisione , idest de Sententiâ ; & pro expeditione tituli videbimus :

- 1 *Quid sit Sententia ?*
- 2 *Quot sint ejus species ?*
- 3 *Quomodo sit ferenda ?*
- 4 *A quibus ?*
- 5 *Qui sint effectus ?*

Quo ad Primum . Sententia est *Controversiæ propositæ à Judice ritè facta definitio* : ut *bic in princ. DD. in Rubricâ extr. eod.*



*eod.* Dicitur autem *ritè* facta, & non *rectè*, quia verbum *Rectè* respicit Justitiam ex causâ; *Ritè* verò Justitiam ex ordine. *l. Non putavit. §. Non quævis. ff. de Bon. poss. contr. tab.* Omis-  
sio autem Justitiæ ex causâ non reddit sententiam nullam. *l. 1. C. de Appellat.* Sed omis-  
sio Justitiæ ex Ordine itâ officit, ut pronunciatum non sit validum. *l. 4. §. Condemna-  
tum. ff. de Re Jud. & per Bart. in l. Prolatam. C. de Sent. &  
interloc.*

Quo ad Secundum. Duæ sunt Sententiarum species. Alia est *Interlocutoria*; Alia *Definitiva*. *§. Sententiarum hoc tit. & in c. fin. de Jud.* ubi ponuntur etiam aliæ Sententiarum species, sed hæ duæ sunt principales. *Interlocutoria* est illa, quæ intèr principium, & finem causæ fertur, supèr his, quæ incidunt, vel emergunt. *Gloss. in Clem. 1. de Se-  
quest. poss. & fruct. & sequitur Abbas, Host. & Goss. in Rubr. eod.* Exemplum, ut si Judex ad dandam, vel negandam dilationem ad examinandos testes, vel exhibenda instrumen-  
ta interloquitur: vel supèr exceptionibus dilatoriis, sive peremptoriis pronunciat, ut not. *in Clem. fin. de Appellat.* Et

*Sententia interlocutoria* non fertur in scriptis, & eam Judex antè definitivam sententiam revocare poterit. *l. Quod jussit. ubi Bart. ff. de Re Judic. & per Canonistas in c. Cum cessante. de Appellat.*

*Definitiva* autem *Sententia* est definitio Judicialis, quæ condemnando, vel absolvendo, principali controversiæ finem imponit. Quam Judex postquam tulerit, non potest retractare; sive æqua, sive injusta sit. *§. Definitiva hoc tit. facit c. Jurgantium. ext. eod. & est tex. in l. Judex postquam. ff. eod.* Nota nihilominus, quod etsi *Sententia* non contineat verbum condemnandi, vel absolvendi, attamen valet, si verbum æquipollens contineat. *§. Non tamen. hoc tit.* Non enim tam verba considerata sunt, quàm voluntas; cum non intentio verbis, sed verba inserviant intentioni. *c. Intel-  
ligentiâ. & c. Prætereâ. de Verb. signif. Abb. in c. In bis. de Verb. signif.*

Quo ad Tertium. *Definitiva* ferri debet citatis partibus; alias enim nisi citatio præcedat, *Sententia* est ipso Jure nulla. *c. Cum olim. de Testib. Clem. Pastoralis. de Re Judic. Loco, & tempore congruis.*

Locus

Locus autem congruus Judicis est is, in quo Predecessores sui sunt soliti Jus reddere . *l. Penult. ff. de Justitiâ, & Jure. & ibi. DD.* Quod intelligitur de Judice Ordinario, vel etiam de Delegato ad Universitatem causarum; quod secus est in Delegato ad causam particularem, quia is, ex quo non habet certum locum, potest ubicunque vult, etiam in Camera locum deligere; ut tetigi suprâ *De in Jus vocan.* Tempus autem congruum dicitur, si tunc Jus dicatur, aliàs non valeret Sententia . *l. fin. C. de Feriis. & l. 2. ff. Si quis in Jus voc. non ierit.* Item consideratur tempus, ut feratur Sententia non peremptâ instantiâ, ut per *DD. in l. Properandum. C. de Judic. & idem est in Arbitro. l. Si cum dies. §. Si intrâ. & l. Non distinguemus. §. Compromisso. & §. fin. ff. de Arbitr.* Item ut feratur de die, non de nocte; ut habetur in *l. More Romano. ff. de Feriis. & in c. Consuluit. de Offic. Delegat.* Item quod non feratur pendente dilatione . *l. Sivè pars. Cod. de Dilat.* Ac tandem requiritur, ut feratur à Judice sedente pro Tribunali; Anima enim sedendo, & quiescendo fit prudentior . *l. Quisquis. C.*

*de Postul. in fin. §. 1. in Auth. Ut ab Illustri. l. 2. §. Dies. ff. Quis ordo in bon. poss. servetur.* Et vide Gloss. in *l. 1. C. de Sent. ex periculo, (vel breviloq.) recit.* Quæ inquit; An Judex sedendo in curru, vel equo possit Judicare? Et tenet quod sic; & quod in Scripturâ redacta à Judice recitetur; *argum. l. p. Cod. de Sent. ex breviloq. recit. 2. q. 1. c. In primis. in fine. cap. fin. eod. in 6. cum ibi notatis.* Et hæc omnia habes in *§. Vocatis. hoc tit.* Episcopus tamen, cujus dignitas in Ecclesiâ magna est, ad instar personarum illustrium potest per alium Sententiam recitare . *§. Episcopus. hoc tit. l. 2. C. de Sent. ex breviloq. recitandis. in d. Auth. Ut ab illust. §. Sancimus.* Quod si plures sint Judices; sufficit, quod unus recitet Sententiam usus numero plurali . *c. Penult. hoc tit. in 6.* Quod secus est in Electione; in eâ enim, ut censeatur unica, & communis, est ab uno, vice omnium, sivè per compromissum, sivè per scrutinium procedatur, Electionis pronuntiatio per verba singularis numeri facienda . *d. cap. Penult.* In collationibus autem contrarium responde; ut notatur in *d. c. Penult.*



Sed quæritur : duo sunt Judices , qui diversas proferunt sententias , utra erit potior ? In quâ quæstione distinguendum est ; aut Judices sunt Ordinarii , & jurisdictione ordinariâ processerunt , & tenet illa sententia , quæ est favorabilis Reo , nisi Actoris sit favorabilis causa , ut Libertatis , Dotis , Matrimonii . *c. fin. ext. eod.* Et hoc intelligitur , si pares sint ; quod si impares sint , valet sententia plurium . *l. Pomponius. ff. de Re Judic. & l. Duo ex trib. ff. eod.* Si verò Judices sunt delegati , & tunc etiam sententia plurium tenet , dummodò omnes judicent . *l. Item si unus. §. fin. & l. fin. ff. de Arbitr.* Sed si pares sint , sententia stat in pendenti quòvisque delegans approbaverit . *d. c. fin. l. Duo Judices, ff. de Re Judic.* Vide Gloss. in *l. Cum Magistratus. C. Quando provocare non est necesse* . Quod si compromissarii sint , nulla sententia debet valere . *d. c. fin.* est tex. in *§. Ex facto . hoc tit.* Et hoc obtinet in compromissariis voluntariis , non autem in necessariis , & compromissariis Juris , ut per Abb. in *d. c. fin.* ubi etiam reddit rationem dicti . Et si plures Judices dati sint , & unus tantum pronunciave-

rit , sententia est nulla . *§. Quod si . hoc tit. §. Item si plures. 2. q. 6.* Et ibi plenè de hoc . Item ad hoc ut sententia valeat , debet ferri secundum Leges , & Canones , aliàs nulla est . *§. Sed si vè . hoc tit. c. 1. ext. eod.* Quod in tantum verum est , ut neque etiam Summus Pontifex possit recedere à Juris Ordine , nisi aliquid causâ necessitatis , aut utilitatis dispensativè duxerit statuendum . *§. In causis . hoc tit. c. In causis . extr. eod.* ubi de hoc . Quamvis autem sententia lata contrâ jus Constitutionis nulla sit , attamen secùs est , si feratur contrâ jus partis . *§. Si tamen . hoc tit. c. Cum inter . eod.* Et contrâ jus Constitutionis dicitur lata sententia , ut putâ cum defunctus , & minor quatuordecim annis fuisse asseritur , & testamentum jure fecisse pronunciatur . *§. Item si Sententia. 2. q. 6.* Contrâ jus verò litigatoris fertur , quando minor quatuordecim annis , annum quartodecimum complevisse decernitur , & per hoc Testamentum jure fecisse dicitur . *§. Dicitur . hoc tit.* Ratio autem diversitatis ea est , quia quando sententia fertur contrâ jus partis , nihil videtur expressum contrâ jus commune ,

quæ expressio requiritur ad inducendam nullitatem. *c. Cum inter . eod.* Sed quando nihil exprimitur contrâ Jus commune, præsumitur pro sententiâ, maximè cum pars videatur acquiescere non appellando. *d. c. Causam . cum sequenti . eod.* Quando verò exprimit causam contrâ jus commune, tollitur omnis præsumptio sententiæ; Ergo meritò tanquam notoriè injusta dicitur nulla.

Quo ad Quartum. Sententia fertur ab eo, qui causæ cognitionem habuit; & est Judex competens, ut vidimus suprâ *de Judiciis*.

Quo ad Postremum. Effectus Sententiæ definitivæ est, ut si intrâ decem dies appellatio non interponatur, transeat in rem judicatam, nec amplius possit ipsa Sententia retraheri. *§. Lata . b. t. In Auth. de Appellat. §. 1. coll. 8.* Hoc tamen non adfert præjudicium aliis, præterquàm illis, inter quos res est acta. *§. fin. hoc tit. c. Quamvis . eod. l. Sæpè . ff. de Re Judic.*

Excipiuntur tamen casus, in quibus favore animæ Sententia non transit in rem judicatam, ut in causâ Matrimonii; Itèm in causâ beneficiâli respectu Superioris. Abb. *in*

*in c. Cum Bertoldus . eod.* Item Sententia censuræ Ecclesiasticæ. Abb. *in c. Ad reprimendam . de Offic. Ordin.* Et vigintiquatuor casus similes enumerantur à Venufino in suo *Specul. Aureo in princ. 3. p. principalis*. Scias tamen, quod etiam in his omnibus casibus intrâ decem dies debet appellari, aliàs nisi per viam quærelæ poterunt tales Sententiæ revocari. Ita not. *in d. c. Ad reprimendam . & per Abb. in c. Consanguinei . & in c. Ex parte . de Restit. spoliat.* Et hæc sufficiant pro hujus tituli explicatione. Si plura studiosus Lector desiderat, recurrat ad Pacem Jordanum, qui novissimè collegit quidquid ab antiquis DD. scriptum fuit; & innumeras resolvit difficultates *in d. tom. 3. libr. 14. tit. 25. De Sententiâ*.

## T I T. XVI.

### De Executione Rei judicatæ.

**Q**Uoniam lata Sententia, si non interponatur appellatio, executioni mandatur, igitur de executione Sententiæ hîc tractatur. Pro cuius Tituli expeditione videbimus:

I Quid



1 *Quid sit Res judicata?*

2 *Quomodo mittatur executioni?*

3 *A quo?*

4 *Quæ executionem impediunt?*

Quo ad Primum. Res judicata dicitur, quando sententia latâ, ab eâ non est appellatum, itaut executio illius haberi possit. *cap. 1. & per totum extr. de Re Judic. l. 1. & tot. tit. C. de Execut. Rei Judic. & hîc in princ.*

Quo ad Secundum. Postquam sententia transivit in rem judicatam, tunc si actum est reali actione, potest illicd sententia mitti executioni. *c. Præsenti. de Off. deleg. §. Sed multum. hoc tit.* Si verò actum est personali, tunc quatuor mensium spatium solet concedi, quod tempus potest ex causâ prorogari, & restringi. Quinimmodò non attenditur, quando condemnatus suâ voluntate breviorum terminum receperit, nam hoc casu ipsi est imputandum, quod breviorum terminum maluerit sibi eligere. Itâ inquit *tex. in §. Item. b. t.* Et est *tex. in l. 1. C. de Confess. c. Cum apud. l. 1. q. 3. c. Quoad consultationem. ext. eod.* Hîc tamen nota, quod si modus executionis legitimus, vel canonicus excidatur, tunc ratione excessus

potest adhuc interponi appellatio, quæ aliâs ab executione non datur. *l. Ab executione. C. Quorum appellationes non recipiuntur. cap. Super quæstionibus. de Off. & potest. Jud. deleg.*

Quo ad Tertium. Ordinarii Judices sunt illi, qui possunt executioni mandare suam sententiam; item mandant executioni sententias etiam latas à delegato. Item delegatus Principis, vel Summi Pontificis potest infrâ annum executioni mandare suam sententiam; ita *text. in §. Sed si Ordinar. b. t. n. c. Quærenti. ext. de offic. & potest. Jud. deleg. & ibi notatur.*

Quo ad ultimum. Sciendum est, quod postquam Sententia lata est, non potest suspendi, nisi fortè fuerit postulata restitutio in integrum, & Princeps cognitionem commiserit; tunc enim executio suspenditur, itâ inquit *tex. in §. fin. hoc t. nostro. l. unica. C. Si sæpius restit. in integr. postul.* Item est alius casus, quando Papa commisit appellationem interpositam à suo Delegato cum clausulâ appellatione remotâ, & hoc facit scientèr, nam hoc casu Jurisdictio primi Judicis dicitur suspensa quo ad executionem. *§. Sed quod. primo. b. t. & c. Pastoralis. §. Præterea. de Off.*

*Off. deleg.* Ubi de materiâ . Et alios casus videas in citato *c.* *Quod ad consultationem. ext. eod.*

## T I T. XVII.

### De Appellationibus .

**Q**uia Appellatio impedit effectum Sententiæ , ne transeat in rem judicatam , idèd post titulum præcedentem de materiâ Appellationis subnectit Auctor . In cujus tituli explicatione videbimus :

- 1 *Quid sit Appellatio?*
- 2 *Cur sit inventa?*
- 3 *Quot sint ejus species?*
- 4 *Quot modis fiat?*
- 5 *Intrâ quod tempus sit appellandum?*
- 6 *A quibus Judicibus?*
- 7 *Ad quos Judices?*
- 8 *Quæ Sententiæ accipiant Appellationem?*
- 9 *Ad quid teneatur Appellans?*
- 10 *Quando Appellatio rejiciatur?*
- 11 *Qui sint Appellationis effectus?*

Quo ad Primum . Appellatio , ut inquit *textus. hic in princ.* est Jurisdictionis prioris Judicis per Superioris Magistratus invocationem legitime facta suspensio . Et hanc definitionem tradit Ho-

stiens. in suâ *Summâ. eod. tit. in §. Quid sit.* Vel dicamus secundo loco , quod sit *Provocatio ad Judicem majorem ratione gravaminis illati , vel inferendi . c. Bona : & c. Suggestio. ext. eod.* ubi de hoc .

Quo ad Secundum : Inventata fuit Appellatio ad corrigendam iniquitatem Judicis ; itâ inquit *tex. hic in princ.* & est *tex. in l. 1. ff. de Appellat.* Iniquitas autem *hic* capitur etiam pro imperitiâ sine dolo . *l. 1. C. eod. §. 1. Instit. de Injur.* Cum enim facilè sit errare , neque sit quisquam adèd prudens , ut sæpè non impingat ; ob id , ut injustitia Sententiæ per errorem fortè à Judice priori latæ , tollatur ; & ut corrigatur Injustitia hujus sententiæ , fuit inventum Appellationis remedium . *cap. Cum sit Romana .* & notatur in *c. De Appellationibus . extr. eod. de Appellat.* Undè etiam Abbas in *Rubric. ejusdem tituli* dicit , quod Appellatio est quædam defensio appellantis . *Ibi vide per eundem .*

Quo ad Tertium . Dux sunt species Appellationis , *Alia extrâ judicium ; Alia verò in Judicio :* Ita inquit *tex. in §. Appellationum . hoc tit. c. 1. eod. in 6. & c. Super . ext. eod.* Appel-  
latio



latio *Extrajudicium* est , quando quis ante litis ingressum ab aliquo gravamine appellat ; ut putâ ab Electionibus, Postulationibus, & similibus actibus extrajudicialibus . Et hujusmodi Appellationes de Jure Civili regulariter non admittuntur . Et de his est *tex. in cap. 1. §. Ante . 2. q. 6. d. cap. Super eo . ext. eod. c. Ad Romanam . Ut lit. non contest.* Et istæ propriè vocantur provocaciones , non autem Appellationes . *d. §. Appellationum* . Judicialis autem Appellatio illa dicitur , quæ fit jam cæpto Judicio , quæ rursûs subdividitur ; alia enim fit ante Sententiam definitivam , quando ab interlocutoriâ Sententiâ provocatur ; Alia verò à Sententiâ definitivâ interponitur . Et hæc distinctio procedit de Jure Canonico , secûs verò est de Jure Civili , secundum quod Jus Appellatio ab interlocutoriâ non datur . *l. penult. C. Quando Appell. non recipian.* Nota tamen , quod circâ Appellationem , quæ interponitur ab interlocutoriâ Concilium Trident. *in Sess. 13. in primo Decreto Reform.* determinat , hanc Appellationem indistinctè non permitti ; namque in causis Visitationis, correctionis, habilitatis , sive in-

habilitatis , necnon etiam in criminalibus, ab Episcopo , sive ejus Vicario Generali in Spiritualibus antè definitivam Sententiam ab interlocutoriâ , vel alio quocunque gravamine non appellatur : neque Episcopus , aut ejus Vicarius huic Appellationi tanquàm frivolæ tenetur deferre , nullo obstante stylo , vel consuetudine ; nisi gravamen hujusmodi per definitivam sententiam reparari ; vel ab ipsâ definitivâ appellari non possit . Per quod Decretum sunt correctâ multa jura , quæ de Appellatione , quæ à gravamine interponitur , loquuntur .

Quo ad Quartum . Appellatio potest fieri , & *Facto* , & *Verbis* . Appellare enim non solum is dicitur , qui verbum appellationis emisit ; sed etiam qui aliquo facto indubitato animum suum declaraverit , cum plus sit facto , quàm verbis provocare . *c. Dilecti . extr. eod.* Et hinc est , quod si fuerit excommunicatus ille , qui iter ad Sedem Apostolicam arripuit , excommunicatio nullius est momenti , quasi lata Appellatione pendente . *c. Dilecti Filii . il primo . ext. de Appellat.* Et sufficit , si fuerit quoquo modo animus ipse declaratus . Quo-  
cir-

circâ si ex simplicitate dum deberet appellare, se & Ecclesiam suam quis Romano Pontifici subjecerit, appellasse intelligitur. *c. Ad audientiam. ext. eod. de Appellat.*

Quo ad Quintum. Appellatio debet interponi intrâ decem dies, quod tempus currit à die scientiæ, & dicitur esse utile, licet antiquitus in propriâ causâ biduum tantum esset statutum ad appellationem interponendam, & triduum in causâ alienâ. *l. 1. §. Triduum. & §. Dies. ff. Quand. appell. cap. Biduum. 2. q. 6.* Et hinc est, quod si pronunciatum sit alterâ parte absente, non currit tempus ad appellandum, ita notatur *in d. c. Biduum.*

Quo ad Sextum. Appellatio fit à Judice minori ad Judicem majorem, & regulariter fit à quocunque Judice, excepto Papâ, vel Principe. Papa enim de omnibus judicat, neque ipse judicatur. *c. Cuncta per mundum 9. q. 3.* Item non appellatur à Senatu, neque à Sententiâ Præfecti Prætorii. *l. 1. ff. A quibus appell. non licet.* Insuper non appellatur ab executione sententiæ, nisi executor modum in exequendo exceßerit. *l. Ab executione. C. Quorum appell. non recip.* Item à correctio-

ne non appellatur. *cap. Ad nostram. ext. eod.* Nisi in correctione Superior modum excedat. *cap. Reprehensibilis in ult. responso. c. Cum speciali. in fine. & d. c. Ad nostram. eod.*

Quo ad Septimum. Appellatio fit ad Judicem Superiorem. *l. 1. ff. Quis, & à quo.* Hinc in causâ Ecclesiasticâ appellatur ad Judicem Ecclesiasticum, non autem ad Sæcularem; Sæcularis enim Judex in hujusmodi causis non potest esse Superior. *c. Ecclesia Sanctæ Mariæ. extr. de Constit.* Neque è converso regulariter Sæcularis judicatur ab Ecclesiastico, quoniam jurisdictiones sunt distinctæ, neque debet alter ponere manus in alterius Jurisdictionem. *c. Novit. ext. de Jud. c. Cum ad verum. 96. d.* At de hoc plenè tractavimus suprà *de Ecclesiast. Constitut. & DD.* ponunt *in d. c. Ecclesia S. Mariæ.* Fiet igitur Appellatio in Ecclesiasticis ad majorem Ecclesiasticum; in Sæcularibus verò ad majorem Judicem Sæcularem. *c. Si duobus. §. 1. extr. eod. tit.*

Quo ad Octavum. Appellatio secundum Jus Canonicum potest fieri à quâcunque Sententiâ, sive sit definitiva, sive interlocutoria, ut jam dictum est



est suprâ . Nisi fortasse causa fuerit commissâ Appellatione remotâ ; tunc enim Sententia lata à Judice appellationem non recipit . *c. Cum contrâ . de Testib. cog. d. c. Cum sit Romana .*

Quo ad Nonum . Ille , qui appellat , debet in scriptis libellum Appellationis afferre ; præsertim si ab Interlocutoriâ appellet . *§. Multum autem . hoc nostro tit. cap. 1. eod. in 6.* Et debet Appellationem ex aliquâ justâ causâ interponere ; quæ causa debet exprimi . Et deindè debet petere intrâ tres diès litteras à Judice A quo ad Judicem Superiorem ; deindè Judex Superior in causâ procedet , & Appellationem prosequetur . *c. Ab eo . de Appell. in 6. d. c. 1. & d. §. Multum .* In Appellatione verò à definitivâ secundum aliquos non est necessarium causam inferere . *d. c. 1. §. Post hoc . eod. in 6. c. Romana . cum ibi notatis . eod. in §. Cum autem . & in §. In appellationibus . hoc nostro tit. Quod si appellans hæc non observaverit , dicitur Appellatio deserta , & potest Judex à Quo Sententiam executioni mandare : ut dictis Juribus . Quomodo dicitur etiam deserta , si intrâ annum , vel biennium Appellans appellationem non pro-*

quatur . *c. Ei qui . 2. q. 6. cap. Oblatæ . ext. eod. d. cap. Cum sit Romana .*

Illud tamen verum est , quod iste terminus anni , vel biennii potest per Judicem ex causâ abbreviari , vel prorogari . *d. c. Oblatæ . c. Ad aures . c. Ad hæc . ext. eod. Quinimò ad prosequendam appellationem pars potest sibi ipsi hunc terminum abbreviare . §. Pars quoque . b. tit. c. Personas . extr. eod. Sicuti etiam hoc tempus ad prosequendum non currit , si partium consensu id actum sit . Clem. Quandiu . eod. tit. de Appellat. .*

Quo ad Decimum . Appellatio tunc rejicitur , quotiescunque est nimis generalis , vel notoriè constat , eam esse injustam , veluti si pro notorio crimine interponatur . *c. 2. c. Consuluit . cap. Dilecti . 2. ext. eod. Fuit enim Appellatio inventa ad præsidium Innocentiæ , non ad iniquitatem defendendam . c. Cum sit speciale . §. Porro . c. Suggestum . c. Ad nostram , ext. eod. .*

Quo ad Ultimum . Effectus interpositæ Appellationis ille in primis est , ut eâ interpositâ Judex , qui tulit sententiam , non possit amplius quicquam efficere ; quinimò interim di-

citur suspensa Jurisdictio *Judicis Aquo* : & si pendente appellatione aliquid innovetur , illud revocatur , dummodò de veritate constiterit . *c. Non solum . eod. in 6. d. c. Romana . §. Si verò . cum sequenti . §. eod. in 6.* Si verò apparuerit , Appellationem injustè fuisse interpositam , tunc ille , qui appellavit , præterquàmquod condemnatur in expensis , remittitur etiam ad *Judicem Aquo* , & tenetur ejus mandatis obtemperare . *c. Ut debitus . ext. eod.* Plura , & quidem utilia differit *Pax Jordanus d. Tom. 3. Lib. 14. tit. 26. de Appellationibus* ; necnon *Sigismundus Scaccia* , qui integrum Volumen edidit de hoc titulo ; in quo tanquàm in mari vastissimo piscari possunt *Advocati* necessarias defensiones causarum .

## T I T. XVIII.

### *De Restitutione in integrum.*

**Q**uoniam interdùm evenit , ut non solum illud , quod est gestum , possit per Appellationem rescindi , ut dictum est , sed extrâ ordinem possit etiam , per beneficium restitutionis in integrum emendari ; idcirco de hâc materiâ differitur ; Et

pro tituli expeditione videbimus :

- 1 *Quid sit Restitutio in integrum ?*
- 2 *Quibus concedatur ?*
- 3 *Adversus Quos ?*
- 4 *Qui restituantur ?*
- 5 *Intrâ quod tempus peti debeat ?*
- 6 *Qui sint effectus Restitutionis in integrum ?*

Quo ad Primum . Restitutio in integrum *Est prioris status , vel Juris reintegratio* , per quam alicui subvenitur , præcipuè autem minoribus , Ecclesiæ , & similibus personis privilegiatis : ita *Goff. in Rubr. eod. n. 12. & hic in princ. c. Constitutus . c. Tàm ex litteris . eod. l. Restituere . ff. de Verb. signif.*

Quo ad Secundum . Restitutio in integrum datur Minoribus Ecclesiis , & cæteris personis , quæ ex aliquâ causâ non habent integram , & legitimam personam standi in judicio , si se graviter dicant læsas : pro modicâ enim læsione non datur Restitutio in integrum . *l. Scio . ff. eod. l. Ex causâ primâ . ff. de Minorib. c. penult. de Reb. Eccles. non alienan.* Et adeò verum est in his casibus locum habere restitutionem in integrum , ut procedat etiam si à Summo Pontifice Sententia sit lata :



lata : non enim negatur , Romanæ Sedis sententiam posse in melius emendari . *g. Quod quidem . b. t. c. Sententiam . 35. q. 9. d. c. Tum ex litteris . ext. eod.* Item quoque Ecclesia adversus aliam Ecclesiam in integrum restituitur . *c. Auditis . ext. eod. g. Sed etsi . b. t.* Neque in hoc habet locum illa regula , Quod Privilegiatus non potest uti privilegio adversus pariter Privilegiatum . *l. Sed & milites . ff. de Excusat. tutor.*

Quo ad Tertium . Restitutio conceditur adversus quemlibet , qui cum personis supra-relatis contraxit , seu contrahenti consenserit , & datur contrâ alterum minorem , & , ut dixi , contrâ aliam Ecclesiam , quotiescunque quis restitui petit , & se læsum probat ; si læsio , ( ut dictum est ) sit alicujus momenti . *d. l. Scio.*

Quo ad Quartum . Restituere possunt Judices Ordinarii ; Item delegati à Principe , Papâ , vel etiam ab Ordinariis . *g. Hujusmodi . infrâ eod. c. penult. extr. eod.* & novissimè explicat Pax Jordanus *d. Tom. 3. Lib. 14. tit. 29.* ubi agit de duplici Signaturâ *Gratiæ* , scilicet , & *Justitiæ* ; ad quam in Curiâ Romana recurritur pro habendâ restitutione in inte-

grum adversus Sententias : Et ante illum latè scripsit Sfortia Oddus in suo celebri tractatu *de Restitutione.*

Quo ad Quintum . Restitutio in integrum , quæ locum habet quoties aliud non competit remedium . *l. In causæ . seconda . ff. de Minorib.* solet , quotiescunque intentatur , peti intrâ quadriennii spatium , nisi fortè aliqua sublit causa , propter quam hujusmodi tempus prorogetur ; & hoc tempus est continuum , loco unius anni , qui antiquitùs compete- bat , & erat utilis . *l. fin. C. de Intempor. in integ. restit. g. Sed sine . hoc tit. c. 1. eod. in 6. Clem. 1. eod.*

Quo ad Postremum . Effectus Restitutionis est , ut omnia in statum priorem reponantur , itaut si est contractus celebratus , irritus fiat ; si sententia lata est , eâ non obstante , de causâ cognoscatur ; & possit ille , qui ex ipsâ Sententiâ est læsus , de suis juribus adducere . *l. Quod si minor . ff. de Minoribus . in g. Restitutio.* Nota tamen , quod etiam per supplicationem potest rescindi Sententia , quæ supplicatio infrâ decem dies debet proponi post Sententiam : tex. est in *Auth. Quæ supplicatio . C. de Ec* *Præc.*

*Præc. Imperat. offer.* Hâc enim supplicatione propositâ, non aliter Sententia executioni mandabitur, quàm si altera pars fidejussionem idoneam dederit tantumdem restituendi cum legitimis augmentis,

quantum fuerit in condemnatione, si legitimâ retractatione Sententia retractetur. *d. Auth. Quæ supplicatio.* Et cum his sit absolutus titulus iste, & cum eo Liber Tertius hujus Voluminis.

*Institutionum Juris Canonici Libri Tertii  
Finis.*



# INSTITUTIONUM JURIS CANONICI.

## LIBER QUARTUS.

### TIT. I.

#### *De Accusationibus, Denun- ciationibus, & Inqui- sitionibus.*

**A**ctum est in titulis  
precedentibus, & in  
superioribus Libris  
de Civilibus Judi-  
ciis; nunc de Criminalibus  
agendum est, quæ cum insti-  
tuantur per Accusationem,  
Denunciationem, vel Inqui-  
sitionem, ut *hic in principio*, ob  
id nunc de his tractatur. Et  
pro Tituli expeditione videbi-  
mus:

- 1 *Quid sit Accusatio?*
- 2 *Qui possint accusare?*
- 3 *Qui possint accusari?*
- 4 *Quid sit Inquisitio?*
- 5 *Ubi, & quomodo sit facien-  
da?*
- 6 *Quid sit Denunciatio?*
- 7 *Qui sint effectus Accusatio-  
nis, Denunciationis, &  
Inquisitionis.*

Quo ad Primum. *Accusatio*

*est alicujus criminis delatio, quæ  
solet fieri cum solemni præce-  
dente inscriptione. §. 1. b. tit.  
c. Qualiter. & c. Licet Heli. de  
Simon. Solemnis autem inscri-  
ptio tunc dicitur fieri, quando  
Accusator se obligat ad ean-  
dem pœnam, si non probave-  
rit, quam Reus debuit pati  
ipso Accusatore probante. c.  
Quisquis. 2. q. 8. & c. Qui cri-  
men. ead. caus. c. Tuæ. de Pro-  
curat. & Gloss. in c. Super bis.  
extr. eod.*

Quo ad Secundum. Regula  
generalis constituitur, omnes  
posse accusare, nisi quis specia-  
li ratione prohibeatur, sicut  
idem de Teste, & Procuratore  
dicitur. l. 1. de Testib. l. Mutus.  
ff. de Procurat. Itaque quidam  
prohibentur propter ætatem.  
c. Prohibentur. 2. q. 1. l. Qui  
accusare. ff. eod. & l. 2. §. Pu-  
pillus. ff. eod. Alii propter se-  
xum, ut fœminæ, nisi in qui-  
busdam casibus. d. cap. Prohi-  
bentur. d. l. 2. ff. eod. tit. l. In  
quæstionibus. ff. ad leg. Jul. ma-

jest. §. Consequens. Civil. Instit. de Suspect. tutor. Item alii propter Magistratum, ut Consules. d. c. Prohibentur. d. l. Qui accusare. quia nec ipsi possunt in jus vocari. l. Si maritus. ff. ad l. Jul. de Adult. Hoc tamen intelligendum de illis Magistratibus, qui merum habent Imperium, secus in modicis. l. Nec Magistratibus. ff. de Injuris. Alii propter Sacramentum, ut Milites, qui jurant, se non evitatueros mortem propter Rempublicam. d. c. Prohibentur. Nisi suam, vel suorum injuriam prosequantur. l. Non prohibentur. l. Si crimen. C. Qui accusare non poterunt. Alii propter delictum, ut Criminosi, & infames. c. In primis. 2. q. 1. circâ fin. Nisi contrâ infames in exceptis criminibus, ut ibi. Alii propter suspicionem turpis quæstus, ut qui duos reos in diversis Judiciis accusavit; judicio nondum finito. l. Cum rationibus. C. qui accus. non poterunt. Nam istertium accusare non potest, nisi suam, vel suorum injuriam prosequatur. l. Inter liberos. ff. ad l. Jul. de Adult. §. ult. l. Nos accusare. ff. eod. tit. §. Legge Juliâ. Item Qui propter accusandum, vel non accusandum nummos accepit, qui in-

cidit in legem Juliam Repetundarum. l. Eadem. §. ult. ff. ad Leg. Jul. repetund. Et in legem Corneliam. c. Concussio- nis. 1. q. 1. Alii propter conditionem suam, ut Liberti contrâ Patronos. Alii propter paupertatem, ut qui minùs, quàm quinquagintâ aureos habent in bonis. d. c. Prohibentur. d. l. Qui accusare. & l. Alii. & l. Nonnulli. ff. eod. Item illi non admittuntur, qui ad fortilegos, magosque concurrunt. c. Quisquis. 2. q. 8. Hi autem omnes, si suam, vel suorum injuriam prosequantur, admittuntur, ut l. Hi tamen. ff. eod. c. Omnibus. 4. q. ult. Item in criminibus exceptis, ut est crimen Majestatis læsæ, Hæresis, Simonix, fraudati census, fraudatæ annonæ, dilapidationis. c. Sanè. 15. q. 3. ext. de Simon. c. Nemini. Item sunt alii, qui propter reverentiam non possunt accusare eos, quibus reverentiam debent, ut liberi, liberti, beneficiati, familiares, servi; quibus, si hoc fecerint, imponuntur variæ pœnæ. d. l. Qui accusare. in fin. l. Hi tamen. §. prima. C. eod. l. Iniquum. & l. Si quis ex familiaribus. & l. Contrâ Ecclesiam. c. Liberti. & c. Octava. 12. q. 2. Idem procedit in Clerico beneficia-



ficiato . *c. ult. de Postul.* Item socii , & participes criminum non possunt accusare . *cap. Veniens . de Testibus . l. Si filium . C. de Liberali caus.* Item ab alio delatus alium accusare non potest . *d. c. Prohibentur . c. ult. extr. de Testib.* Itaut non possit nec etiam suum accusatorem accusare , nisi de majori crimine agatur . *c. Neganda . 2. q. 11.* Quod procedit multò magis in condemnato , cum sit infamis , nisi suam injuriam prosequatur . *l. Qui iudicio . ff. eod.* Verum non denegatur ei accusare suum accusatorem , nisi per sententiam amiserit libertatem , & Civitatem . *l. Is qui . ff. de Publ. judic.*

Quo ad Tertium . Hic itidem Regula generalis est constituenda , Omnes scilicet posse accusari , quibusdam exceptis propter excellentiam dignitatis , ut Papa , & Imperator ; ipsi enim suprâ Jus sunt , legibusque soluti . *c. Proposuit . suprâ . de Præbend. l. Digna vox . C. de Legib.* Papa enim Superiorem non habet , nisi Deum . *c. Nemo aliorum . 9. q. 3.* Excipitur crimen hæresis ; ut *in d. c. Si Papa* . In hoc enim habetur pro minori quolibet Christiano . Item Magistratus non accusatur , intellige de supre-

mo , ut suprâ dictum est .

Quo ad Quartum . Inquisitio nil aliud est , quàm *Investigatio à Judice facta ex officio* ; cum præcedente diffamatione , ac quasi famâ denunciante Judex ad aliquod crimen investigandum procedit . *g. Per inquisitionem . hoc tit. d. cap. Qualiter , & quando . de Accusat.* Inquisitionis autem plures sunt species . Generalissima , ut cum Prælatus inquit super statu totius Provinciæ ; de quâ *in c. Sicut . eod. & in c. Romana . de Censib.* Et per Abb. *in c. Qualiter . il secondo . eod.* Et in hac non est necesse infamiam præcedere : quinimmò Prælatus tenetur quolibet Anno hanc inquisitionem facere . *cap. Cum venerabilis . de Censib.* Quædam Generalis ; ut cum inquiritur super statu Civitatis , Castri , vel alterius particularis loci ; & in hoc etiam casu non exigitur , ut diffamatio præcedat . *c. 1. de Offic. ordin. l. Congruit . ff. de Offic. Præsid.* Quædam est Specialis contrâ certam personam : Et hæc interdum fit non ad pœnam imponendam , sed ex debito officii ; ut putâ ne carnale Matrimonium , stante legitimo impedimento , contrahatur , vel non confirmetur Electus ; & nec etiam hoc casu .

su exigitur infamia, quia non agitur ad pœnam, ex quo fit ex debito officii. *c. Postquam. & c. Cum dilecti. & cap. Nihil. cum similibus. de Elect. & c. fin. de Clanden. despons. Innoc. in c. 1. de Excess. Prælat. Host. in c. Unico. Ut Eccles. Benefic. & Abb. in d. c. Qualiter. & c. penult. eod.* Quandoque autem ista specialis Inquisitio fit ad pœnam imponendam, & tunc si fit ad Denunciationem publici officialis, non est necessarium, ut fama præcedat. *l. Et quidem. C. eod. c. Prætereâ. de Testib. cogendis.* Quamquàm dici possit, quod hoc casu præcedat fama, quia non denunciatur nisi notoria, alioquin denunciationi non creditur secundum Abb. *in d. c. Qualiter.* Et notatur in *g. Aliquando. 4. q. 4.* Quandoque fit speciali famâ deferente; & tunc habet locum, quod hîc dicitur. Quod tamen recipit aliquas distinctiones, & limitationes, de quibus habetur *in d. cap. Qualiter. & in l. 2. g. Si publico. ff. de Adult. de quibus aliisque multis videndus est Farinacius in tract. de Inquisitione. d. quæst. 2. & seqq.*

Et quantum spectat ad Inquisitionem scito, quod quamvis in eâ præcedere debeat dif-

famatio; attamen si quis coram Inquisitore crimen aliquod fuerit confessus, non poterit iste suam confessionem revocare, eo prætextu, quod fama non præcesserit Inquisitionem. *g. Si quis. hoc tit.* Etenim hoc casu crimen factum est notorium per confessionem. *c. fin. de Cobabit. Cleric. & mulier.* Alius casus est, quando Inquisitor præsentem inquisito, nec excipiente de non diffamatione procedit. *g. Idem. hoc tit.* Quod intellige si sit præsens, & sciens; aliàs enim si ignoret testes deponere super causâ principali, omisâ Inquisitione infamiæ, sibi non præjudicat. *c. Inquisitionis. g. Quinimò. ext. eodem.* Alios casus vide in *c. Unico. Ut Eccles. Benefic. sine dim. conferant. d. g. Si publico. facit c. 1. ext. eod. in 6.*

Quo ad Quintum. Inquisitio, si de Speciali tractetur, est facienda in eo loco, ubi crimen patratum dicitur: & si sit respectu particularis personæ, fit in eo loco, ubi illa persona, de quâ inquirendum est, conversatur. *c. Paratus. 22. q. 1. c. Pudenda. 24. q. 1. c. Postquam. supr. de Elect. cap. Quosdam. de Præsumpt.* Et citatur is, contrâ quem inquiritur, & significantur ei crimi-



na, de quibus est inquirendum . c. Si primates . 5. q. 2. d. c. Qualiter . 5. Debet . ext. eod. Qui poterit opponere contrâ Inquirentem de suspecto . c. Ad petitionem . extr. eod. Et quod sit criminofus . c. Judicet . 2. q. 7. Et etiam poterit opponere contrâ Testes . ext. eod. c. Cum oporteat . & c. Qualiter de Simon. cap. Licet Hely . & c. Per tuas .

Quo ad Sextum . Denunciatio nihil aliud est , quàm Delatio criminis , ad Judicem facta ; nullâ præcedente inscriptione , sed tantum charitativâ admonitione . d. 5. i. boc tit. d. c. Qualiter . 5. fin. c. Cum dilectus . boc eod. Atque idèd in Denunciatione non est necessaria Inscriptio , quia est faciendâ ad correctionem ; Accusatio verò ad depositionem instituitur , 5. Idèd . boc tit. c. Super bis . extr. eod.

Quo ad Postremum . Effectus Accusationis est Depositio . Effectus Inquisitionis est Remotio ab administratione . Effectus verò Denunciationis est Pœnitentia , seu Correctio ; quod ex jam dictis apparet , & itâ tradit Goffred. in suâ Summ. eod. num. 11. Quandoque tamen etiam ex Denunciatione sequitur amotio , ut per Goffr. ibi.

dem. Et est notandum , quod si Accusator defecerit in probatione , eam pœnam incurrit , quam si probasset , Reus sustinere debebat , quæ pœna talionis dicitur . 5. Accusator . boc tit. c. 1. & 2. 5. q. 6. Et de hoc traditur 2. q. 3. per totam . Denuncians verò si non probet , suspendendus erit ab officio , & beneficio , donec suam purgaverit pœnitentiam . c. fin. de Calumn. d. 5. Accusator . Plura qui cupit scire de Accusatione , Denunciatione , & Inquisitione , legat Julium Clarum in sua Practicâ Criminali libr. 5. 5. fin. quæst. 7. quæst. 11. & quæst. 12. Necnon Ant. Conciolum in suis Resolutionibus Criminalibus . Verb. Accusatio & Verb. Inquisitio .

## T I T. II.

### De duplici Purgatione .

Quoniam sæpissimè inter- venerit , ut accusati propter aliquam suspicionem contrâ eos existentem , debeant se purgare ; idcirco nunc de hâc materiâ tractatur ; & videbimus :

- 1 Quid sit Purgatio ?
- 2 Quot sint ejus species ?
- 3 In quibus casibus inducatur ?
- 4 Cui ?

4 Cui?

5 Quomodo?

6 Qui sint effectus?

Quo ad Primum. Purgatio est Demonstratio Innocentiæ super objecto crimine; ut hic in princ. & ita dicit Goffr. in sua Summ. de Purgat. Canonica.

Quo ad Secundum. Duæ sunt species Purgationis; *Vulgaris* scilicet, & *Canonica*. *Vulgaris* est, quam vulgus, vel invenit, vel sequitur; ut cum aquæ frigidæ, vel candentis ferri, vel duelli, & singularis certaminis, quis subijt judicium. cap. Ex tuar. de Purgat. Canon. c. fin. de Purgat. vulg. c. 1. eod. c. Monomachiam. 2. q. 4. Sed hæc reprobatur à Jure Canonico, ut c. 1. de Purgat. vulg. d. c. Monomachiam. Et est Decretum Concilii Tridentini in sess. 25. de Reformat. cap. 19. Ubi non solum volentibus Duellum facere, verum & Principibus, Patrinis, Advocatis magnæ pœnæ apponuntur; item & spectatoribus. Idem sciendum, quod usque ad undecimum sæculum erat in usu hæc Purgatio vulgaris, quæ ad probandam innocentiam infamati ex delicto, cogebat illum vel pugnare in Duello; vel ferrum igneum manibus stringere, vel super

vomeres ignitos ambulare; vel aquam ferventem bibere, ut scribunt DD. quos cumulant Barbosa, & Emanuel Gonzalez in Comment. ad cap. 1. & seqq. de Purgat. vulgari. Ubi referuntur multa miracula personarum innocentium; quibus addendum est illud Sanctæ Chunegundis Augustæ, Uxoris Sancti Henrici Imperatoris, quæ licet Virginitatem illibatam servaret, calumniosè accusata de incontinentiâ super ardentes vomeres nudis pedibus illæsa ambulavit; ut scribit Surius in ejus Vitâ die 3. Martii. Canonica purgatio est illa, quæ fit per Juramentum, ut putâ si is, qui est crimine infamatus, jurat, se non esse tali crimine vel maculâ inquinatum; & hæc Sacris Canonibus comprobatur. §. Canonica. hoc tit. de Purgat. Canon. per tot. tit. & 2. q. 4. per tot. & 15. q. 5. Vulgari penitus prohibitâ.

Quo ad Tertium. Purgatio inducitur in jis casibus, in quibus non adsunt Testes, qui possint convincere suspectum de crimine; quando enim crimen est notorium, non inducitur purgatio. c. Cum dilectus. de Purgat. Canon. c. Evidentia. de Accusat. §. Planè. hoc tit.

Et



Et tunc inducenda est, quando infamatus est apud bonos, & graves; & infamia non habuerit ortum ab inimicis. *extr. de Purg. canon. c. Cum in Juventute*. Et quamvis generalitèr ratione criminis purgatio inducatur; aliquando tamen inducitur ratione defectus. *c. Accedens. extr. eod.* Aliquando propter surreptionem. *c. Ex parte. extr. de Offic. Ordin.* Aliquando in merè civilibus Purgatio inducitur. *c. Quod ad consultationem*, secundum unam lectionem, *extr. de Sent. & re Jud.*

Quo ad Quartum. Ex jam dictis patet, Purgationem illi indici, qui de crimine est infamatus; sed non convictus; ut in nostro tit. in princ. Et docet Goff. in sua Summa. de Purgat. Canon. *c. De hoc autem. de Simon. & c. Nos inter. De Purgat. Canon.*

Quo ad Quintum. Purgatio fit hoc modo: Ille, qui est suspectus aliquo modo ob famam de crimine; jurat, se innocentem, & sine aliquâ culpâ de crimine objecto; & adducit purgatores, qui jurejurando affirmant, se verè credere, ab eo, qui se purgat, verum esse Juratum. *c. Constitutus. de Purgat. Canon. c. Cum dilectus. c. Cum P. Manconella.*

*eod. tit. d. §. Canonica*. Et isti compurgatores debent esse bonæ famæ, & opinionis, nec de aliquo crimine condemnati; & ab Ecclesiâ approbati; nec debent esse Vicini; aut habere conversationem cum purgando, ut in dictis Juribus.

Quo ad Postremum. Effectus Purgationis est; ut sequutâ Purgatione, legitimè factâ; pro Innocente habeatur Qui se purgavit. Qui si fortasse in Purgatione defecerit; tunc habetur pro convicto, seu confesso, nisi aliud judicantis discernet æquitas. *§. Quicumque. hoc tit.* Itâ notatur in *c. Ex tuarum. ext. de Purgat. Canon. d. c. Cum P. Manconella.*

## T I T. III.

## De Simoniâ.

**D** Elictorum alia offendunt Deum principalitèr: Quædam verò hominibus damnum inferunt. Deum offendunt Simonia, Apostasia, Sortilegium, Maledicentia, Sacrilegium. Hominibus verò læsionem inferunt Homicidium, Adulterium, Stuprum, Rapi-  
na, Furtum, Usura, Falsum, Injuriam. Itaque de his omnibus distinctè intendit tractare

Auctor : Et primo loco de Simoniâ : videbimus igitur :

- 1 *Quid sit Simonia?*
- 2 *Undè dicta?*
- 3 *Quot species?*
- 4 *Quomodo committatur?*
- 5 *Quis possit hoc crimen deferre?*
- 6 *Qui sint effectus hujus Accusationis?*

Quo ad Primum . Simonia nihil aliud est , quàm *Studiosa voluntas , seu cupiditas emendi , aut vendendi spiritualia , vel spiritualibus annexa* . Ut *hic in princ.* Et not. *in c. Consulere . ext. eod.* Et per Host. *in suâ Summ. eod. tit. §. 1.* Spiritualibus autem annexa sunt , ut Jus percipiendi fructus perpetuò , secundum Host. *in Summ. eod. d. §. 1.* Vel jus Patronatus . *c. Quanto . de Jud. & c. Quia Clerici . de Jure Patron.* Et de hâc definitione notat Abbas *in c. Nemo . extr. eod.* Alia autem definitio traditur *hic in princ.* Ut per te videre poteris .

Quo ad Secundum . Simonia dicta fuit à Simone Mago , qui fuit primus hujus sceleris Inventor : ut *hic in princ.* & apparet in Actis Apostolorum . *cap. 8. c. Qui studet . 1. q. 1.*

Quo ad Tertium . Simoniæ duæ sunt species *Conventionalis , & Mentalis* . Conventionalis est ,

cum aut aliquid datum est , vel de dando imposterum tractatus intercesserit , & conventio . *§. Simoniæ . inf. b. tit. c. Sunt nonnulli . 2. q. 1.* Mentalis est , cum nullum quidem intercessit pactum , sed sola prava dantis , & recipientis mens , & intentio concurrit . *d. §. Simoniæ.* Et de hâc dist. vide Abb. *in d. c. Nemo . Vers. Sed oppon. & in c. Consulere . ext. eod.* Morali-  
stæ tamèn , & communiter omnes DD. addunt tertiam Speciem , & est Simonia *Realis* , quando scilicèt pactiones Simoniacæ sunt effectuatæ . *Reginald. Lib. 10. cap. 27. n. 419.* & ego dixi in meis Decisionibus *Miscellaneous . Decis. 22. per totam .*

Quo ad Quartum . Simonia committitur quotiescunque pro Re spirituali , vel spirituali annexâ , pecunia , vel aliud recipitur ; ut suprà in definitione patet ; Vel si quis favor promittatur , *§. Contrahitur . b. t. d. c. Sunt nonnulli . 1. q. 1.* Vel obsequium humanum præstetur , *d. c. Sunt nonnulli . & cap. Cum essent . eod.* Quod intellige si principalitèr id præstetur propter beneficium Ecclesiasticum . Secundariò tamèn benè potest sperari , & concedi beneficium hoc modo ; ita nota-

tur



tur in c. *Consuluit*. d. 74. & in c. *Quid proderit*. d. 61. & per Innoc. in c. *Venerabilem*. de *Elect.* in fin. in Verb. *Fiducia*. Unde infertur, quod Episcopus promanuum impositione; ita nec Minister, nec Notarius pro Ordinatione potest aliquid recipere. *g. Et sicut*. b. t. c. *Totum*. r. q. 3. & est tex. in *Extravag. Urban. Pontif.* Sanè in vinea in communibus. Etiam si spontè oblatum sit, per Concil. Trid. sess. 21. cap. 1. de *Reform.* Hinc etiam Simonia committitur si quis pro personis Ecclesiasticis deducendis in Sedem, vel Sacerdotibus instituendis, vel sepeliendis mortuis, seu pronubentium benedictionibus aliquid accipiat. *g. Sed tunc quoque*. b. t. c. *Cum Ecclesiæ*. eod. & 1. q. 3. c. *Si quis objecerit*. c. *Suam*. ext. eod. Nisi aliquid gratis concedatur; ita notatur in d. c. *Suam*. & ibi Abbas. *g. Sciendum*. b. t. Alius casus est, quando aliquid datur pro liberando se à molestia, quæ indebitè infertur. *g. Idem*. hoc titulo.

Quo ad Postremum. Varii sunt effectus hujus criminis. In primis autem Episcopus non potest dispensare cum electo simoniacè, etiam si ignorante electo sit commissæ Simonia; un-

dè si eo reclamante aliquid datum sit non committitur Simonia. *g. Planè*. hoc tit. cum simil. *g. Sed videamus*. hoc tit. c. *penult.* de *Elect.* Cum eo autem, qui simoniacè simplex beneficium obtinuit, potest Episcopus dispensare, tribus tamèn intervenientibus. Primò quod Simonia sit commissæ ignoranter ab eo, cum quo dispensatur. Secundò, quod beneficium sit simplex. Tertiò quod præcedat liberâ Resignatio. d. *g. Sed videamus*. d. c. *penult.* & in cap. de *Simoniacè*. eod. Secundus effectus est, quod Simoniacè ordinans cum suo ordinato, & Clerico mediatore est deponendus; quod si mediator Laicus fuerit, excommunicatur. *g. Ac veluti*. b. tit. c. *Si quis Episcopus*. & c. *Si quis à Simoniacis*. & c. *De cætero*. 1. q. 1. c. *Cum satis*. ubi Abb. eod. & c. *Per inquisitionem*. de *Elect.* Si quis verò beneficium Simoniacè fuerit consequutus, si per accusationem fuerit convictus, privatur beneficio, & deponitur. Si verò per inquisitionem, tunc privatur quidem beneficio, sed tamèn post peractam pœnitentiam permittitur in suo ordine ministrare. *g. Quod si non*. b. t. c. *Presbyter*. 1. q. 1. Secundus casus

probatur in *d. c. Generaliter . il secundo . de Accusat. & est tex. in c. Dilectus . 2. eod.* Et quod dicitur de beneficio sic obtento, habet locum etiam in dignitate simoniacè impetratâ; ut per Goffr. in *suâ Summ. eod. n. 20. argum. c. Dudum Rotbomag. extr. de Elect.* Unum tamen hîc à nobis notandum venit; quod si quis parvulus propter parentum cupiditatem per pecuniam Ecclesiam sit consecutus, post liberam resignationem, cum eo poterit dispensari. Cætera videri possunt apud Goffredum in *suâ Summâ eod.* Et quoniam sæpè sæpiùs Beneficiati in suorum permutatione Beneficiorum faciunt ad invicem pacta Simoniaca; ad ea cognoscenda, legantur meæ Discordiæ Forenses, tùm *de Beneficiis . Discord. 51. tùm de Jurisdictione . Discord. 51.* in quibus planè, & plenè ostenditur, quæ Pacta sint licita? & quæ sint Simoniæ vitio infecta?

#### T I T. IV.

#### De Hæreticis, Schismaticis, & Apostatis.

V Idimus de uno crimine, quod continet Dei læsio-

nem, ut in *g. fin. supr. de Dupl. purgat.* sequitur nunc de aliis videre; & in hoc titulo videbimus:

- 1 Qui dicantur Hæretici?
- 2 Qui dicantur Schismatici?
- 3 Qui dicantur Apostatæ?
- 4 Quid sit Apostasia, & quod duplex?
- 5 Quæ sint horum delictorum pœnæ?

Quo ad Primum. Hæretici sunt, qui vanæ gloriæ, principatusque sui causâ, vel alterius temporalis commoditatis, falsas opiniones gignunt, aut sequuntur; ut *hic in princ. & in cap. Hæreticus . 24. q. 3.* Et horum sex species enumerantur à Goffredo in *suâ Summ. in tit. de Hæret.* Primò, novas opiniones sequendo, & tunc dicitur *Hæresiarcha*, sicut Arrius, Sabellius, & Macedo, quorum Sectatores & ipsi hæretici dicuntur vel Arriani, vel Sabelliani, vel Macedoniani. *c. Quid . g. Sabelliani, & g. Arriani. & g. Macedoniani. 24. q. 3.* Secundò, Scripturam aliter interpretando, quàm sensus Spiritus sancti flagitat. *cap. Hæresis . d. 24. q. 3.* Tertio loco dicitur hæreticus, qui à Sacramentis Ecclesiæ, & communione fidelium est divisus. *cap. Quod autem . 4. q. 1.* Quartò, hæ-



hæreticus dicitur Sacramento-  
rum perversor, ut Simoniacus.  
*c. Patet. 1. q. ult.* Quinto loco  
dicitur hæreticus, qui dubius  
est in fide. *c. 1. ext. de Hæret.*  
Sexto modo dicitur hæreticus,  
qui Romanæ Ecclesiæ privile-  
gium, ab ipso Summo Eccle-  
siarum capite traditum, aufer-  
re conatur. *cap. 1. 22. d.*

Quo ad Secundum. Schif-  
matici sunt illi, qui se ab uni-  
tate Ecclesiæ per inobedien-  
tiam separant, ut *hic in princ.*  
& Abb. in *c. Tua. de Schismat.*  
Schisma enim est illicita disces-  
sio eorum, inter quos unitas  
esse debet. *c. Schisma. 24. q. 1.*  
Et differt Schisma ab hæresi,  
quia hæresis in principio habet  
perversum dogma, quod non  
habet Schisma, sed in fine  
contingit aliqua hæresis. *c. In-  
tèr hæresim. 24. q. 3.* ita ut ex  
his possimus etiam concludere,  
quod idem sit hæresis, & schif-  
ma, quia nullum schisma est,  
quod sibi aliquam tandem hæ-  
resim non confingat. Ut *hic  
in princ.* & per Abb. in *Rubr.  
eod.* & per Host. in *Summ. eod.*  
*de Schismat.* & per Archid. in  
*d. cap. Intèr.* & notatur in *cap.*  
*Quia diligentia. de Elect.*

Quo ad Tertium. Apostatæ  
sunt illi, qui à statu Fidei,  
Obedientiæ, vel Religionis,

quam se tenere professi sunt,  
temerariè recedunt. *S. Aposta-  
tæ. inf. hoc tit.* Et hinc etiam  
dicitur Apostasia, quasi post  
status, idest retrogradus status:  
& Apostata, quasi retrôstans,  
vel retrôabiens. *c. Non obser-  
vetis. 26. q. 7. & c. fin.*

Quo ad Quartum. Tres sunt  
Apostasiæ species, ut in *d. S.*  
*Apostatæ*; & per Host. in *Summ.*  
*eod. S. Quod species.* Et per  
Glossam, & DD. in *cap. primo  
de Apostat.* Prima est perfidiæ,  
cum quis scilicèt à fide recedit.  
*c. Non potest. 2. q. 7. & cap. Qui-  
dam. de Apost.* Et in *c. Contrâ  
Christianos. de Hæret. in 6.* Alia  
est inobedientiæ, cum scilicèt  
quis præceptum sui Superioris  
spontè transgreditur; sive Pa-  
trum regulis, vel Constitutio-  
nibus non obtemperat. *c. Alie-  
ni. 3. q. 4. & c. Alieni. 2. q. 7.*  
& *c. Si quis. & cap. Illud. de  
Majorit. & obed.* Tertia, Irregu-  
laritatis, & ea est, cum quis  
ab ordine suo, sive assumptæ  
Religionis recedit. *cap. fin. dist.*  
*50. & c. Legi. 16. q. prima.*

Quo ad Postremum. Hære-  
tici, si Clerici sint, deponun-  
tur, & traduntur iudicio sæcu-  
laris Judicis puniendi; & in-  
tellige, quod Ecclesia tradit  
hæreticum clericum sæculari  
Judici, eum relinquendo. *cap.*

Ad

*Ad abolendam*. ext. eod. de Hæret. §. 1. & c. Cum non ab homine. ext. de Judiciis. cap. Novimus. de Verb. signific. cap. Ad falsariorum. ext. de Crimin. fals. Ecclesia enim pro damnandis corporaliter supplicat. c. Reos. 23. q. 5. l. Adjector. C. de Episc. audit. Et privantur officio, & beneficio. §. In hæresi. hoc t. d. c. Ad abolendam.

Laici verò puniuntur ad arbitrium Judicis sæcularis ad requisitionem Episcopi. cap. Cum secundum. eod. in 6. & cap. Ad abolendam. eod. Primò enim bona hæreticorum post sententiam publicantur. §. Bona. b. tit. c. Negantis. & cap. Excomm. eod. d. c. Cum secundum. Quod extenditur etiam ad dotem uxoris ipsius hæretici, si scintèr cum hæretico contraxerit. §. Sed &. hoc eod. c. Accusatus. §. penult. eod. in 6. l. Quisquis. Ad l. Jul. majest. §. Interdum. Instit. de Hæred. quæ ab Intest. defer. Et propter criminis enormitatem etiam post mortem hæretici, ipsius bona confiscantur. §. Post mortem. inf. b. tit. d. cap. Accusatus. §. penult. Secundò privantur Sepulturâ Ecclesiasticâ. §. Ecclesiastica. b. t. Et tumultantes eos scienter excommunicantur, nec antè absolvuntur, quàm pro-

priis manibus eos exhumaverint; & locus, ubi hæreticus est positus, perpetuò caret sepulturâ. d. §. Ecclesiastica. Et de hoc notatur in cap. Potest. de Re Judic. in 6. c. Quibusdam. de Pœnis. & c. Ubi periculum. §. Civitas. de Elect. in 6. cum similibus. Tertio descendentes ab hæretico usque ad secundum gradum, & descendentes ab hæreticâ usque ad primum beneficio Ecclesiastico, & officio publico privantur. §. Sed & eorundem. hoc tit. d. c. Ad abolendam. c. Filius. §. Quod si quis. de Pœnit. in 6. c. Statutum. 2. eod. in 6. Hoc tamen non habet locum in filiis, & descendentibus eorum, qui emendati sunt, & unitati Ecclesiæ reincorporati; idest qui ab Ecclesiâ receperunt poenitentiam; vel saltèm eam recipere sunt parati. §. Hoc tamen. cum seq. hoc tit. d. c. Statutum. & facit c. Ex tenore. de Temp. ordin. & c. fin. de Furt. Et nota, quod suspecti de hæresi, nisi se purgent, sunt excommunicandi, & si in excommunicatione inforduerint, condemnantur tanquàm hæretici. §. Si verò. b. t. c. Excommunicamus. §. Qui verò. & d. cap. Ad abolendam. eod. Et si quis postquàm hæresim abjuraverit, ite.



iterum in eam inciderit, sæculari Curiaè puniendus traditur, non tamen ei pœnitentia denegatur. *§. Quod si. hoc tit. d. c. Ad abolendam. & c. Super eo. eod. tit. in 6.*

Pœna autem Schismatici est, ut excommunicetur, deponatur, bona ei confiscentur, & quæ ab eo gesta sunt, nulla declarantur. *§. Utcumque. hoc tit. c. Quoniam in fine. de Off. Ord. c. 1. de Schismat. in 6.* Et quomodo gesta per schismaticum nulla sint, vide per Abb. in *c. 1. de Schism. in fine.*

Apostatæ autem puniuntur, quia efficiuntur infames, & excommunicantur; & etiam aliis plectuntur pœnis secundum diversitatem Apostasiæ. *§. fin. hoc tit.* Ita Abb. magistraliter in *c. 1. de Apost. & per Host. in sua Summ. de Apostat. §. Qualiter.* & per Goffr. in *summ. eod. num. 3.*

## T I T. V.

De Sortilegis, Maledicis,  
& Sacrilegis.

**A**bsolutis antedictis speciebus delictorum, nunc ad alias species fit transitus, & agitur de delictis, quæ secundum Canones possunt etiam

puniri respectu Laicorum in foro sæculari; Et pro tituli expeditione videbimus:

1 *Qui dicantur Sortilegi?*

2 *Qui Maledici?*

3 *Qui Sacrilegi?*

4 *Quæ pœnæ sint contra hos delinquentes statuta?*

Quo ad Primum. Sortilegi illi appellantur, qui prætextu Religionis per quasdam sortes divinationis scientiam profitentur, aut quarumcunque scripturarum inspectione facta, futura promittunt, ut sunt Arioli, Aruspices, Incantatores, & similes personæ, quæ quasi inito pacto cum Demone inter homines fidem aucupari contendunt. *§. Sunt autem. hoc tit. c. Sortilegi. 26. q. 1. & q. 5. c. Aliquantis.*

Quo ad Secundum. Maledici illi appellantur, qui impurâ linguâ in Deum, vel in ejus Sanctos blasphemias inferre non erubescunt. *§. Diversa. hoc tit. Abb. in c. 2. de Maled.*

Quo ad Tertium. Sacrilegi illi appellantur, qui vel circâ personas, vel circâ res, aut loca sacra delinquant, ut sunt illi, qui res furantur sacras, Ecclesias incendunt, vel simili modo delinquant. Committitur enim sacrilegium vel ratione

tione rerum, vel ratione personarum. Ratione rerum, veluti cum quis sacrum de non sacro, vel sacrum de sacro, vel non sacrum de sacro aufert. Gloss. est in l. Divus. ff. ad l. Juliam peculat. & c. Quisquis. 17. q. 2. Vel etiam si intrâ certos passus aliquid furatur. d. c. Quisquis. §. Sacrilegium. hoc tit. Immo committitur sacrilegium per turbationem solum rerum Ecclesiasticarum. c. Conquestus, ubi Abb. de Foro compet. Contrahitur etiam per invasionem rerum patrimonialium ipsius Clerici, ut notat Abb. in c. Cœterum. vers. nota ergo ex omnib. de Jud. Ratione personarum sacrilegium perpetratur, cum quis in Clericum, vel Monachum violentas, & impias manus injicit. c. Si quis suadente. 17. q. 4. Vel cum personæ Deo dicatæ appetantur per coitum. c. Impudicas. 27. q. 1. §. Personarum. inf. hoc tit. Sed de hoc cap. infrâ dicetur in §. Penult. de Adult. & in §. Si quis igitur. cum plurib. seqq. inf. de Sent. excomm.

Quo ad Postremum. In primis scias, quod Sortilegium semper saltem hæresis suspicionem inducit, sive committatur sortilegium circâ aras Ido-

lorum, si thura, nefariæ preces emittantur, sacrificia offerantur, demones consulantur, & si eorum responsa accipiantur. c. 11. q. 26. q. 2. Item si quis associet sibi ad sortes exercendas hæreticos, vel facit prædicta cum Corpore, & Sanguine Christi; vel si, ut in sortibus possint habere responsa, puerum rebaptizant, ut refert Paulus Ghirlandus in suo Tractatu, quem de hac materiâ facit; sive si quis pro sortibus habendis non adoret demones, sed solum ad tentandam mulieris pudicitiam invocet, vel poculum amatorium misceat: quamobrem contrâ sortilegos antedictos Inquisitores hæreticæ pravitatis cognoscunt; ut hic in princ. facit tex. in d. §. Sanè. Et tradit Abb. in c. Cum sit. Vers. item & addo. de For. compet. Ad rem nostram, Sortilegi, & Incantatores dejiciuntur ab Ecclesiâ, & nisi resipiscant, perpetuo anathemate feriuntur. §. Ariolorum. hoc nostr. tit. §. Ex præmissis. 26. q. 5. c. Illud sanè. in fin. 26. q. 2. Et si Clerici existant, degradantur. d. c. Aliquantum. 26. q. 5. & c. Si quis ariolos; & c. Admoneant. 26. q. 7. & per Host. in Summ. eod. §. Quæ sit pœna. Et de eorum puni-



punitioe extat Constitutio 46. Gregor. XV. Quæ incipit : *Omnipotentis Dei &c.* edita die 20. Martii 1623. Illis autem , qui sunt maledici , debet pœnitentia injungi , quam si facere recusent , ab Ecclesiâ arceantur , & post mortem careant Ecclesiasticâ sepulturâ . *S. Diversa. hoc tit. c. 2. de Maled. c. de Viro. 12. q. 2. c. Frater. 17. q. 4.* Blasphemare autem est attribuere aliquid Deo , quod illi non convenit ; vel negare de eo , quod ipsi convenit ; vel attribuere creaturæ , quod convenit soli Deo . Ita D. Thomas 2. 2. q. 13. art. 1. ubi etiam Cajet. *in Verb. Blasphemia* . Et eâdem penâ puniuntur etiam sacrilegi . Sed tamen advertendum est , quod Sacrilegus quandoque pro modo delicti gravius punitur ; interdum enim ultimo damnatur supplicio ; ut per Host. *in Sammâ. eod. in fin.* Nunc Sacrilego pœnitentiæ beneficium penitus denegatur , quod intellige in illo tantum crimine , super quo non vult satisfacere ; namque in aliis imponitur Pœnitentia , quæ licet non sit fructuosa quæ ad vitam æternam ; tamen valebit admitius supplicium subeundum . *c. Ult. S. Ult. de Pœnit. d. 4. & not.*

*in c. 2. de Raptor.* Quandoque anathemate vincitur . *c. Conquæstus . de For. competen. d. c. Quisquis. 17. q. 4. c. Nulli. 12. q. 2. & c. Prædia.* Nunc perpetuâ infamiâ damnatus carceri traditur . *cap. Attendendum. 17. q. 4. c. In primis. 2. q. 1.* Nunc exilium ei imponitur , aut depositione coercetur . *cap. Si quis deinceps. 17. q. 4.* Aliquando etiam pecuniariâ pœnâ mulctabitur . *d. c. Quisquis. c. In literis. de Rapt.* Sed non modò delinquentes his pœnis puniuntur , sed etiam consentientes , & cooperantes . Item Sacerdotes ipsis Pœnitentiam dantes , vel sepulturæ eorum intervenientes pari pœnâ puniuntur ; vel & si ab jis eleemosynam recipiant . *S. Non solum. hoc tit. c. Omnes. 17. q. 4. & ibi not. & vide notata in c. Ex transmissa de Decim. facit. c. Super eo. de Rapt.*

## T I T. VI.

## De Furtis.

**P**ostquàm suprâ *in S. fin.* tractatum est de quâdam specie *Furti* , nempè de Sacrilegio , nunc in genere de *Furtis* tractatur , & circâ tituli expeditionem videbimus :

Gg

I Quid

- 1 *Quid sit Furtum?*
- 2 *In quibus Rebus consistat?*
- 3 *Quæ sit pœna canonum in Fures?*
- 4 *Qui hâc pœnâ teneantur?*

Quo ad Primum. Furti nomine quæcunque illicita Rei alienæ usurpatio continetur; sed nunc de his agitur Furtis, quæ speciali nomine destituta, generali Furti appellatione continentur, ut *hic in princ. §. Item objicitur. & c. Pœnale. 14. q. 5.* Furtum verò est *contrectatio Rei alienæ, quæ fit animo lucrandi, invito Domino; & dicitur à Furvo, idest nigro; eò quod clàm, & obscure, & plerùmque de nocte fit; vel à fraude, vel à ferendo, idest auferendo. l. 1. ff. eod. & refert Goffr. in Rubr. ext. eod.*

Quo ad Secundum. Furtum committitur in rebus mobilibus, & corporalibus, non autem in immobilibus, vel incorporalibus, quæ nec tradi, nec contrectari possunt. *§. Quod autem Instit. Civil. de Usucapien.*

Quo ad Tertium. Præter Leges Civiles, de Jure Canonico est constituta pœna in Fures, ut si fuerint hâc infamiâ notati ad Ordines sacros promoveri non possint, quinimò si sint promoti, ab iisdem

dejiçendi sunt, & si depositi fiunt incorrigibiles, excommunicantur, & demùm potestati sæculari tradi debent. *§. Fures. hoc tit. c. Cum non ab nomine. de Jud. c. Tue. de Pœnis.* Et si Fures in prædando, vel furando occidantur, non est pro eis orandum. *c. Fures. ext. eod. §. Et si dum. hoc tit.* Et ratio est, quia præsumitur, quod decedant in peccato mortali. *c. Placuit. 23. q. 5. c. Neque. 88. dist. c. Pro obeuntibus. 13. q. 2.* Qui si vulnerati confessi fuerint, communio eis non est deneganda. *d. §. Et si dum. c. Pœniteres. 50. dist.* Et illis etiam sepultura conceditur. *c. fin. 13. q. ult. & not. in c. 2. eod.* Et dictum est suprâ *de Sepult.* Et hoc procedit non solum si confessi sint Sacerdoti, verùm etiam si Diacono, imò etiam Laico. *c. Sanctum est. de Consecrat. dist. 4. c. Quem pœnitet. circâ finem. de Pœnit. dist. 1. c. 1. in princ. dist. 6.* Sed advertas, quod hoc casu Laicus non potest absolvere, quia non habet potestatem clavium, sed Deus remittit peccatum per contritionem; ut per Abb. *in c. 2. eod.* Nec Papa posset dare talem potestatem non Sacerdoti, de quo notatur *in c. Pervenit. dist. 95.* Verùm à pœnâ



pœnâ excusatur, qui propter necessitatem cibaria, vestem, vel pecus furatus fuerit. *§. Sed hæc . . . hoc tit. c. Si quis propter. eod.* Etenim propter necessitatem omnia fiunt communia. *c. Discipulos . de Consecrat. d. 5. & c. 1. dist. 42. & 12. q. 1. c. 2. & c. Quod autem . 23. q. 8. & c. Sicut . d. 47.* Qui tamen tali casu furatur, debet credere Dominum permissurum. *§. Furtum . Inst. Civil. de obl. quæ ex del. nasc.*

Quo ad Postremum. Non solum tenetur furti is, qui ipsum committit, sed etiam ille, qui consilium ad furtum, aut auxilium dederit. *§. fin. hoc tit. & not. in c. 1. de Offic. delegat. facit. §. Si verò opem. Inst. Civil. de Obligat. quæ ex delict. c. Penult. eod.* Et nota secundum Goffr. in suâ Summ. eod. n. 8. Quod consilium dat, qui persuadet, impellit, & instruit aliquem ad furtum faciendum; opem verò fert, qui ministerium, & auxilium præbet ad surripiendas res. *Inst. Civil. §. Interdum. eod. l. In furti actione. §. Rectè ff. eod.* Et tenetur furti non manifesti. *l. Is qui opem. ff. eod. tit.* Non tamen de consilio quis tenetur; nisi furtum secutum sit. *d. l. Is qui. §. Si tu.* Item no-

ta ex supradicto *§. fin.* quod ille quoque reus est, qui furti conscius domino quærenti non indicat. *c. Qui cum fure. ext. eod.*

## TIT. VII.

### De Usuris.

**S**uperiori titulo de Furtis dictum est, sed quoniam Furtum quodammodo committit, qui usuram exercet. *c. Si quis usuram. 14. q. 4.* idè de Usuris hîc tractatur; & videbimus:

1. Quid sit Usura?
2. Undè dicatur?
3. Quot sint ejus species?
4. In quibus rebus committatur?
5. Quæ pœnæ statuantur contra Usurarios?
6. Qui teneantur pœnis istis?

Quo ad Primum. Usura est quidquid ultrâ sortem mutuam percipitur; ut hîc in princ. *c. Plerique. & c. Usura. 14. q. 3.* Cui descriptioni adde, sive pædò, sive intentione aliquid sorti accedat. *c. 1. ext. eod. & c. Consuluit. cap. Si fœneraveris. 14. q. 3.*

Quo ad Secundum. Usura dicitur *ab usu*, quia scilicet pro usu pecuniæ recipitur, ut hîc

*in princ. & per Abb. & Goffred. in Rubric. ext. eod. vel ab usu aris*, nam principaliter in usu pecuniæ committitur.

Quo ad Tertium. Duæ sunt species Usuræ. Alia est corporalis, & iniqua, quæ committitur inter homines, dum contractus exercent; & hæc subdividitur; Alia enim est *fœnus sortis*; Alia est *fœnus fœnoris*.

Qui hanc secundam speciem exercent, etiam secundum leges infamiâ notantur. *l. Improbum fœnus. C. Ex quibus causis infam. c. Infames. §. Tria. 3. q. 7.* Sed secundum Jura Canonica in utrâque specie ipso Jure infamia irrogatur; cum in utrâque committatur peccatum mortale. *6. q. 1. c. Infames*. Altera species est spiritualis, & æqua: ut quando aliquid misericorditer tribuimus, ut à Domino multiplicetur, & in perpetuum tributam mensuram recipere valeamus. *c. Sicut non suo. 46. dist. arg. c. In singulis. 76. dist.*

Quo ad Quartum. Usura in solo mutuo propriè committitur, ut dicit Goffr. *in tit. præcit. n. 5.* Mutuum autem consistit in jis rebus, quæ pondere, numero, vel mensurâ continentur, ut æs, argentum, & aurum; vel quæ ad mensu-

ram dantur, ut frumentum, vinum, & oleum: Sed nihilominus præter has res committitur etiam Usura, ut si ego mutuem tibi aliquid ex his, quæ consistant in pondere, numero, vel mensurâ, & tu pro usurâ promittas mihi equum, vestem, prædium, vel quid aliud; hoc enim casu Usura dicitur. *d. c. Plerique. 14. q. 3.*

Quo ad Quintum. Variæ sunt pœnæ à sacris Canonibus in usurarios statutz, nempe infamia, excommunicatio, amissio Beneficiorum, & officiorum, & ecclesiasticæ sepulturæ privatio. *§. Multiplicibus. b. t. c. Quia in omnibus. eodem c. Quamquam. eod. in 6.* Immo nec domus debent locari exercentibus usuras. *cap. primo. eod. in 6. c. Si verò. de Sent. Excomm.* Accedat, quod testamenta istorum non valent, etiamsi disponent in pias causas. *§. Testamenta. cum sequenti. b. t. d. c. Quamquam. eod. in 6.* Sed postquam usuræ sunt extortæ debent restitui, vel ab his, qui receperunt, vel ab hæredibus, etiamsi non adsint personæ, quibus sit facienda restitutio, tunc enim in pauperes usuræ erogantur; quinimmo de necessitate debet fieri hujusmodi erogatio in pauperes; nisi pau-



pertas evidentèr excuset eum, qui debet facere restitutionem. *J. Planè. hoc tit. cap. Cum tu.* ubi Abb. extr. eod. Et nota, quod in quantum dicimus, paupertatem excusare; suppleas, quod si venerit ad pinguiores fortunam, tenetur, ut antea tenebatur. *c. Odoardus. de Solution. arg. l. Si debitoris. ff. de cessione bonor. & c. Si quis de corpore. 26. q. 6. & notatur in c. Cum tu.* Illud etiam advertendum est, quod Judex censurâ Ecclesiasticâ potest præcipere, ne fœnerator usuras conventas exigat, & ut exactas restituat, quamvis fuerit Juramentum interpositum de non repetendis usuris. *J. Sed & si quis. hoc tit.* Et Regula generalis est apud Theologos, & Canonistas, quod Usurarius in Sacramento Pœnitentiæ absolvi non potest, nisi factâ Usurarum restitutione, ut videre est apud Leotard. *de Usuris. quæst. 96. num. 19. & apud Mastrium in Theolog. Mor. disp. 5. n. 93.* Si quidem Usura est gravissimum peccatum, obligans ad restitutionem; & qui aliter asserit, hæreticus est. *Clem. unic. J. fin. de Usuris.* Idèd Usurarius non est capax Sacramentalis absolutionis ante factam restitutionem, vel idoneam cautionem

præstitam de illâ faciendâ. *cap. Quia in omnibus. De Usur. cap. Quamquam. eod. tit. in 6.* ubi etiam statuitur, ne tradatur Ecclesiasticæ Sepulturæ, etsi pœnitens decesserit, ante factam ipsam Usurarum restitutionem. *Concord. Clem. 1. Verb. Manifestos. De Sepultur.* Quinimod. etiam Judæi publici fœneratores sunt puniendi, & excommunicatione mulctandi; scilicet eis interdicendo commercium cum Christianis. *J. Judæi quoque. hoc tit. cap. Post miserabilem. & c. Quanto. de Usuris.* non enim licitum est Judæis exercere Usuram cum Christianis, ut probat Leotardus *de Usur. quæst. 100. num. 32. & tenet Rota Romana part. 5. recentior. Decis. 301. à num. 31. & seqq. & notant mea Erotemata cap. 79. n. 48. usque in fin.*

Quo ad Ultimum: Omnes tenentur pœnis supradictis, qui in mutuo recipiunt aliquid supra sortem, tribus casibus exceptis; videlicet, Damni emergentis, vel lucri cessantis, vel periculi rei mutuatae in se suscepti. Primus casus est *Damni emergentis*, idest, quod qui mutuum dat suam pecuniam alteri, hâc de causâ sentiat aliquod damnum; sunt tamen neces-

sa-

sariæ tres conditiones, ne Usura committatur; *Una*, quod nihil exigatur ultrâ damnum; *Alterâ*, quod damnum sit verum, non autem fictum; & *Tertiâ*, quod Mutuatarius ab initio sit monitus de hoc damno, & consentiat illud compensare. Card. Toletus in *Summâ. libr. 5. cap. 32. & 33.* & alii, quos ego allegavi in meis *Decisionibus Miscellan. decis. 33. n. 1. & 2.* Secundus casus est *Lucri cessantis*; illud scilicet, quod Mutuans, lucratus, esset cum eâ pecuniâ, quam mutuò dedit; & in hoc pariter tres concurrere debent conditiones: *Una*, quod illa pecunia verè esset destinata ad negotiationem; *Alterâ*, quod Mutuans non habeat aliam pecuniam otiosam; & *Tertiâ*, quod non exigatur, nisi tantum, quantum verè lucratus fuisset ipse mutuans, detractis expensis solitis fieri in negotiatione, & hoc post annum, & volente, ac consentiente mutuuario, ut latius in *d. Decis. Miscellan. 33. n. 3. & 4.* ubi DD. Tertius casus est, si mutuans post datam pecuniam mutuò suscipiat in se periculum ejusdem pecuniæ, vel mercium, quas mutuarius cum eâdem pecuniâ emeret ad negotiandum; nam ra-

tione *Periculi* potest licitè lucrum recipere; sed hæc una conditio necessaria est, ut non detur pecunia Mutuatario cum hâc obligatione, persolvendi aliquid plus, ratione *Periculi*; sed relinquatur in suâ libertate ineundi contractum Affecurationis *Periculi*, ut benè advertit Leotardus de *Usur. q. 23. n. 5.* ubi DD. cumulat; quibus addendi sunt Emanuel Gonzalez in *cap. Naviganti. n. 8.* & *ibid.* Fagnanus *n. 19. de Usuris*; & alii à me allegati in meis *Discordiis Forensibus de Jurisdictione. Discord. 31.* in quâ plenè disserui de sœnore Nautico, de Cambiis maritimis, & de Contractibus Affecurationis, ostendens, quando sint liciti? & quando non? sed Usurarii.

## TIT. VIII.

### De Adulteriis, & aliis Conjunctionibus illicitis.

**Q**uemadmodum in Vitiis capitalibus post Avaritiam sequitur Luxuria, ita hic post tractatum de Usuris, quod est magnum Avaritiæ scelus, subnectitur Adulterium, tanquàm præcipuum Luxuriæ flagitium, & agitur de aliis illicitis conjunctionibus; & pro Titu-



Tituli declaratione videbimus:

1. *Quid sit Adulterium?*
2. *Quotuplex?*
3. *Quo jure puniatur?*
4. *Quibus poenis?*
5. *Quot sint species illicitarum Conjunctionum?*
6. *Quibus poenis earum singule mulcentur?*

Quo ad Primum. *Adulterium est alieni thori violatio. Vel ut scribit S. Thom. 2. 2. q. 154. art. 8. Est illicitus concubitus conjugati, vel conjugatae: & dicitur Adulterium, quasi ad alieni thori accessus. cap. Lex illa. §. Quam ergo. 39. q. 1. & cap. Non mœchaberis. 32. q. 5.*

Quo ad Secundum. Duplex est Adulterium. *Spirituale, & Carnale. Adulterium Spirituale est quodlibet mortale peccatum hominis Christiani; quoniam quælibet Anima Christiana est desponsata Christo, juxta illud Osee 2. 20. Et sponsabo te mihi in fide. Adulterium carnale est illud supra definitum, quod subdividitur in Simplex, & Duplex: Primum est, quando unus tantum ex Adulteris est conjugatus. Alterum, quando uterque habet conjugem; & hoc gravius est; potissimum si adultera est conjugata. Mastrius in Theol. Moral. disp. 11. num. 125. & gra-*

*vitas consistit, quia offenditur Lex Divina; nempe Matrimonium, quod est Sacramentum Ecclesiæ. Læditur Lex Naturalis, quæ præcipit, Quod tibi non vis, alteri ne feceris. Peccat in Legem Canonicam, quæ adeo detestatur hoc scelus, ut in primitivâ Ecclesiâ Adulteros non admittebat ad Sacram Communionem, nisi post Pœnitentiam Annor. 15. ut testatur S. Basilius Epist. 3. ad Amphiloeb. & facit cap. Quid in omnibus. 32. q. 7.*

Quo ad Tertium. Sciendum est ex communi DD. consensu, Adulterium esse delictum mixti Fori; & ideo puniri posse tam à Judice Ecclesiastico, quàm à Judice Sæculari. *cap. fin. 32. q. 5. cap. Tuæ. de Procurator. cap. 1. ubi Gloss. Verb. Canones. Abb. num. 3. & Alciatus num. 18. De Offic. Ordinar. Quod tamen est intelligendum, ut Sæcularis Judex procedere possit, quando agitur ad puniendum delictum Adulteri tantummodò; Judex autem Ecclesiasticus tum ad dictam punitionem; tum ad sentiendum super thori separatione, in quâ Laicus Judex non potest judicare. d. cap. Tuæ. de Procurator. cap. Plerumque. De Donat. Abb. in d. cap.*

*cap. 1. num. 3. & in cap. Cum sit. n. 23. De Offic. Ordinar.*

Quo ad Quartum . Variis pœnis Adulterium punitur , tùm de Jure Divino , tùm ex Legibus humanis . De Jure Divino punitur Adulter in animâ , quæ cœlesti privatur beatitudine , juxtâ illud *Prov. 6. 3. Qui adulter est , perdet animam suam* . Ex Legibus humanis gravissimis pœnis castigantur Adulteri ; nam ex Lege Mosaycâ hi lapidabantur , ut legitur *Levit. 20. 10. ubi itâ : Si Mœchus quis fuerit cum Uxore alterius , & adulterium perpetraverit cum Conjuge proximi sui , morte moriantur Mœchus , & Adultera* . Hinc Susanna ducebatur , ut lapidaretur , ob impetum à Senibus Adulterium . *Dan. 13. 62. & Mulierem deprehensam in Adulterio Judæi duxerunt pro hac pœnâ ad Salvatorem* . *Joan. 8. 5. Ex Jure Canonico Adulteri excommunicantur. cap. Intelleximus . De Adulter* . Decernitur Divortium ad instantiam Conjugis innocentis . *cap. Significasti . & cap. Ex Litteris . De Divort.* Et Uxor adultera , si Maritus itâ petat recluditur in Monasterio toto tempore Vitæ suæ . *cap. Gaudemus . de Convers. Conjugat.* Item amittit Dotem . *cap. Ple-*

*runque . De Donat. inter Vir. & Uxor.* Ac si inter ipsos Adulteros facta sit promissio de futuro Matrimonio post mortem Conjugum suorum , insurgit Impedimentum Criminis dirimens , quo stante iidem non possunt inter se Matrimonium contrahere . *cap. 1. & 2. De eo , qui duxit in Matrim. quam poluit per Adulter.* Summa Diana *Verb. Impedimenta Matrimon. num. 9.* Si verò Clericus committat Adulterium , deponitur ab officio , & beneficio ; & detruditur in Monasterium ad agendam Pœnitentiam . *Gloss. in cap. Lator . 7. q. 7. cap. Si quis Clericus . & cap. Romanus . 81. dist. Decian. lib. 6. cap. 23. num. 18. & Menoch. De Arbitr. Jud. cas. 419. num. 60.* Hodie tamen hæc pœna non est in usu ; sed arbitrio Episcopi Clericus Adulter est puniendus . *cap. At si Clerici . §. De Adulteriis . extr. de Judiciis . & notat Antonellus de Regimine Milit. Eccl. lib. 6. cap. 33. num. 9. ubi DD. Illud etiam sciendum est , quod si maritus aggrediatur Clericum repertum in Adulterio , & Clericus pro suæ vitæ defensione occidat Maritum , remanet irregularis . cap. Petrus . & ibi Abb. & DD. de Homicid. Sylvester Verb. Homicidium .*



*cidium*. 3. q. 4. Bellettus *Disquis. Clerical. part. 1. §. 5. num. 40. De Disciplin. Cleric.* Ex Jure autem Civili Adulteri puniuntur poenâ mortis. *l. Quamvis. in fin. C. de Adulter.* Auth. *Sed bodiè. C. eod. tit.* Hæc tamen poena non est in usu; sed secundum qualitatem adulterantium, eos Judex punit vel fustigatione, vel carcere, vel exilio, aut poenâ pecuniariâ. *Jul. Clarus in §. Adulterium. num. 7.* Et tandem non ignorandum, quod Adulterii delictum quinquennio præscribitur, adeo ut transactis annis quinque de eo non recipitur accusatio. *l. Mariti. §. Quinquennium. ff. de Adulter. l. Adulter. ubi Glossa. C. eod.*

Quo ad Quintum: Præter Adulterium sunt aliæ novem species illicitarum Conjunctionum carnalium; videlicet *Fornicatio*, quæ est conjunctio soluti cum soluta; sed vaga; idest modò cum unâ; modò cum alterâ foeminâ. *Concubinitus*, dum retinetur domi, vel extrâ domum Mulier soluta ad effectum coeundi cum illâ, tanquàm si esset Uxor. *Stuprum*; & est defloratio Virginis ipsâ invitâ; quamvis largo modo stuprum dicatur etiam copula carnalis

per vim habita cum Viduâ; vel aliâ Muliere honestè vivente. *Raptus*, & est violenta abductio foeminæ ex ejus domo, causâ libidinis. *Incestus*; quando quis se carnaliter conjungit cum Consanguineâ, vel Affine usquè ad quartum gradum inclusivè. *Sacrilegium*, dum quis exercet carnalem copulam vel cum personâ, Voto solemni Deo consecratâ; vel cum quâcunque aliâ, sed in loco Sacro. *Pollutio*, seu *Mollities voluntaria*; quæ est emissio seminis, delectationis causâ manibus, vel alio modo, spontè facta. *Sodomia*; & est congressus libidinosus duorum ejusdem sexus; vel maris cum foeminâ, sed extrâ istius vas naturale. Et *Bestialitas*, quæ est coitus hominis cum animalibus irrationabilibus. Hæ tres ultimæ species dicuntur conjunctiones carnales contrâ naturam; primæ sex, etsi illicitæ, secundum naturam. Itâ omnes Theologi, & Canonistæ; quos allegant mea Erotemata Ecclesiastica *De Sexto Præcepto Decalogi. cap. 66. & seqq.*

Quo ad Ultimum: Omnes supradictæ illicitæ Conjunctiones carnales, tanquàm enormia delicta; gravissimis poenis

in utroque foro puniuntur. Siquidem, licet simplex Fornicatio de Jure Civili nec prohibita, nec punibilis sit. Jul. Clar. in §. Fornicatio. num. 1. & Farinacius de Delictis Carnis. quæst. 137. num. 41. ipsa tamen prohibetur tum Jure Divino, ut Exod. 20. Deuter. 5. Num. 25. & exclamat Apostolus Paulus ad Thesalon. 4. ad Ephes. 5. & 1. ad Corinib. 5. & 6. tum Jure Canonico. cap. Nemo. 32. q. 4. cap. Audire. 34. dist. cap. Nubendi. in fin. 27. q. 1. & in cap. Fornicari. 80. dist. eâ ratione, quia ipsa est peccatum mortale, privans Fornicarios Regno Dei; quod aded verum est; ut asserentes contrarium sint hæretici. Clem. Ad nostram. De Hæretic. & habetur in Propositionibus damnatis ab Innocentio Papâ XI. Proposit. 48. de quâ Cardenas In Crisi Theolog. Dissert. 29. cap. 1. Neque obstat, quod in Foro externo Fornicatores simplices, & Meretrices non puniantur; quia permittuntur ad nefandas libidines avertendas, ut ajunt DD. quos citat Barbosa in Collect. ad cap. Omnis. dist. 4. n. 4. Clerici tamen, ob simplicem Fornicationem, in Foro Ecclesiastico ad arbitrium Judicis puniuntur, etiam depositione,

& beneficiorum privatione, ut probat Farinacius d. quæst. 137. à num. 14. & seqq. & Bellettus de Pœnis Clericor. §. 2. num. 4. Porro Laici Concubinarij quamvis de Jure Civili non castigentur. toto tit. ff. & Cod. de Concubin. De Jure tamen Canonico olim puniebantur arbitrio Episcopi. Antonell. de Regim. Milit. Eccles. lib. 8. cap. 29. num. 3. Hodie ex Concilio Trid. sess. 24. de Ref. Matrim. cap. 8. si post trinam monitionem Concubinas non ejiciant, debent ab Episcopis excommunicari; & mulieres etiam exilio possunt mulctari, præviâ invocatione Bracchii sæcularis, vel aliis juris remediis juxtâ usum Regionis, ut plenè probat Pignatellus tom. 9. Consult. 139. Clerici verò Concubinarij olim de Jure Canonico censebantur ipso Jure suspensi. cap. Quæsitum. De Cohabit. Cleric. & Mulier. & celebrando fiebant irregulares. Gloss. in cap. Cum dilectus. de Accusat. Sed nunc servandum est Concilium Trid. sess. 25. cap. 14. de Ref. ubi est sancitum, quod ab Episcopo moneantur, ut Concubinas dimittant; qui si post primam monitionem non parverint, tertiâ parte fructuum beneficiorum, & Pen-

sio.



sionum mulctentur; & si contumaces erunt etiam post secundam monitionem, fructus omnes amittant; & sint ab administratione beneficiorum suspensi. Quod si inemendati persistant, post tertiam monitionem priventur in perpetuum Beneficiis, ac Pensionibus. Si verò Concubinas dimittant, at earum consortium repetant, excommunicentur. Antonell. *d. libr. 6. cap. 29. num. 3.* Thefaur. *de Pœnis Eccles. part. 2. Verb. Concubinatus. cap. 1.* & Pignatell. *d. tom. 9. Consult. 139.* Ubi autem Clerici tenentes Concubinas non habuerint Beneficia, vel Pensiones, puniendi sunt carcere, & aliis pœnis ad arbitrium Episcoporum, ut in Concil. Trid. *d. sess. 25. cap. 14. de Ref.* & notat Pignatell. *ubi supra*; & mea Erotemata Ecclesiastica *d. cap. 68. à num. 9. & seqq.* ubi plura de hâc materiâ, & præcipuè quod in foro conscientie Concubinarij non sunt absolvendi, nisi prius ejiciant Concubinas; & ad eas ejectas non revertantur sub quovis prætextu, non solum ad effugiendum periculum incontinentie; sed etiam ad scandalum evitandum.

Laicus, qui *Stuprum* commisit cum violentiâ, punitur pœ-

nâ mortis, si sit completum. *l. 1. §. fin. ff. de Extraord. Crimin.* Glossa in *cap. 2. Verb. ple-tendus. de Adulter. & Stupr.* At si completum non sit, infligitur pœna extraordinaria arbitrio Judicis. Barbosa in *cap. 2. n. 6. de Adulter.* Et hæc de Jure Civili: At de Jure Canonico Stuprator tenetur Virginem stupratam vi, aut dolo in Uxorem ducere, vel dotare. *cap. 1. & 2. de Adult. & Stupr.* Navar. in *Manuali cap. 16. n. 16.* Si verò stuprum commissum sit à Clerico, punitur pœnâ depositionis, remanet infamis, & irregularis, tenetur dotare puellam, ac aliis pœnis corporali-bus punitur arbitrio Judicis. Abb. in *cap. 1. & 3. de Adulter.* Farinac. *de Delictis Carnis. q. 147. n. 108.* & Diaz in *Praxi cap. 85. n. 2.*

Contrâ Raptores honestarum Mulierum, & eas per vim carnaliter cognoscentes infligitur de Jure Civili pœna mortis, Clarus in *§. Raptus*, Boerius *de Raptu Mulier. n. 7.* De Jure autem Canonico, jidem Raptores sunt ipso Jure excommunicati, tenentur raptam Mulierem dotare; & invalidum est eorum Matrimonium cum rapta, quandiù ipsa in potestate Raptoris steterit; ex

Concilio Trid. *sess. 24. de Matr. cap. 6.* Antonell. *d. libr. 6. c. 30. num. 7.* Quod si iidem Raptores sint Clerici privantur beneficiis, & usu Ordinum, remanent infames, & irregulares. Thesaur. *de Pœnis Eccl. part. 2. Verb. Raptus Mulieris. cap. 2.*

*Incestuosi* de Jure Civili privantur dignitate, & puniuntur ad arbitrium Judicis. Riccius in *Collect. part. 1. Decis. 151. & part. 5. Decis. 1869.* De Jure Canonico sunt infames. *cap. Consanguineorum. 3. q. 4. c. Infames. 6. q. 1.* Sunt excommunicandi. *cap. Incestuosi. 35. q. 8.* & privantur facultate contrahendi Matrimonium. *cap. In Lectum. & cap. seq. 34. quæst. 2.* Quod si de facto contrahant Nuptias incestuosas, idest in gradibus prohibitis, sunt ipso facto excommunicati. *c. Non debet. de Consanguin. & Affinit. Clem. Unica. & ibi Gloss. eod. tit.* Filii sunt illegitimi, nec parentibus succedunt. *cap. 1. 35. q. 7.* & Jus non habent Conjuges incestuosi petendi debitum, nam semper committunt peccatum. Si autem in hoc delictum *Incestus* incidant Clerici, vacant ipso Jure eorum beneficia, & ab Ordinibus deponuntur, remanent infames, ac Irregulares. Guid. Papa *decis. 239.*

Farinac. *quæst. 149. à num. 1. & seqq. de Delict. Carn.*

*Sacrilegium* committens per copulam carnalem cum Moniali, si laicus est, pœnâ mortis est puniendus. Farinac. *d. quæst. 146. §. Sacrilegium.* Si verò Clericus, est omninò deponendus, & gravi pœnâ ad arbitrium Episcopi castigandus; remanet infamis, & irregularis. Farinac. *ibid. n. 26.* Menoch. *de Arbitrar. Judic. lib. 2. casu 360. n. 58.* Qui verò copulam carnalem exercent in Loco sacro, pœnâ arbitrariâ tam Jure Civili, quàm Jure Canonico puniuntur. Antonell. *d. libr. 6. cap. 36. n. 4.* Confessarii autem, qui in Sacramento Pœnitentiæ sollicitant Mulieres ad turpia, sunt Sacro Inquisitionis Officio denunciandi, & ibi graviter puniendi, ut probant mea *Erotemata Ecclesiastica per tot. cap. 72. ubi DD.*

Tandem committentes illicitas Conjunctiones contrâ naturam, de Jure Civili feriuntur pœnâ mortis. *l. Cum Vir nubit. C. Ad leg. Jul. de Adult. & de consuetudine igne comburuntur, & eorum bona confiscantur. Clarus in §. Sodomia. vers. Sed quero.* Et eâdem pœnâ plectuntur Jure Canonico. Quarant. in *Summ. Bullar. d. verb.*



## TIT. IX.

## De Crimine Falsi.

*Sodomia*. adeo ut si Clerici sint, degradentur, & tradantur Iudici sæculari morte puniendi, ut latè notant Criminalistæ agentes de delictis contrâ naturam; & novissimè Conciolus in *Resolutionibus criminalib. d. Verb. Sodomia. resolut. 1. 2. & 3.* Notant tamen Criminalistæ, quod delicta voluntariæ pollutionis, vel molliciei, pœnâ extraordinariâ puniuntur, quamvis & ipsa sint enormia, & contrâ naturam. Ita Caball. in *Resol. Crimin. casu 16. n. 6.* ubi tales impudicos vocat *Mastrupatores*. Farinacius de *Delictis Carnis. quæst. 148. num. 39.* & Menoch. de *Arbitrar. casu 286. num. 47.* In tremendo autem Dei iudicio severissimè corripuntur, tùm privatione æternæ Beatitudinis, quia teste Apostolo. 1. Cor. 6. 9. *Neque adulteri, neque molles, neque masculorum concubitores Regnum Dei possidebunt.* tùm celeri morte temporali, ut legitur de duobus Filiis Judæ, maritis Thamar, quos Dominus juvenes Vitâ privavit, eò quod rem detestabilem facerent, semen effundentes supèr terram. Genes. 38.

**H**omo ditatus est à Deo in hâc vita thesauris tribus, videlicèt Honore, ac bonâ famâ; Bonis temporalibus; ac ipsâ Vitâ; in Superiori titulo actum est de Delictis carnis, quæ proximorum honorem, & bonam famam prædantur; in præsentì agendum est de Crimine Falsi, quod committunt illi, qui bona temporalia proximi sui sibi satagunt usurpare. Et pro expeditione Tituli videbimus:

- 1 *Quid sit Falsitas?*
- 2 *Quotuplex?*
- 3 *Quot modis committatur Falsum in contractibus, & in Iudicio?*
- 4 *Quibus pœnis puniantur Falsarii de Jure Civili?*
- 5 *Quibus de Jure Canonico?*
- 6 *An detur Falsitas impunibilis?*

Quo ad Primum. *Falsitas est actus dolosus, veritatis mutandæ gratiâ, ad alterum decipiendum factus. l. Nec exemplum. 20. C. Ad legem Cornel. de Falsis. Nicolius Instit. Civil. libr. 4. tit. 18. num. 80.* Ex quâ definitione colligitur, tria esse necessaria in falsitate, ut sit punibilis.

Pri.

Primò, quod commissâ sit ex dolo, scientèr, & ex pravâ voluntate; secùs enim est, si committatur ex ignorantia, vel ex inadvertentiâ. Secundò, quod ipsa Falsitas noceat alicui: si enim ex eâ nullum nocumentum resultaret, nulla infligeretur pœna. Et tertio, quod immutata sit Veritas; siquidem absque veritatis immutatione, falsum non intrat. DD. quos cumulat Ant. Conciolus in suis *Resolut. Criminalib. Verb. Falsum. resol. 2. n. 1.*

Quo ad Secundum. Duplex est Falsitas; Una, quæ committitur in contractibus, seu commerciis: & Alia, quæ patrat in judiciis; & de utrâque in sequenti Quæsito.

Quo ad Tertium. In contractibus, & in commerciis Falsitas committitur, ut plurimum, in numerando; in ponderando; in mensurando; & rem vitiosam scientèr tanquàm rem bonam, & perfectam tradendo. In omnibus casibus, qui dolosè Falsitatem committit, peccat mortalitèr; & tenetur ad restitutionem; reficiendo scilicèt proximum suum pro damno, quod ex tali fraude, & falsitate passus est, ut docet S. Thomas 2. 2. q. 62. art. 6. & Rebellus de *Oblig. Just. part. 1.*

lib. 2. quæst. 13. In judicio autem committit falsitatem, qui utitur scripturis falsis; vel in publicis Instrumentis, aut literis Apostolicis, vel aliis authenticis Chartis aliquas litteras radit, vel mutat ad occultandum earum verum tenorem, & sensum Veritati contrarium indicandum. *l. Majorem. C. de Falsis. cap. 1. & tot. tit. extr. de Crimin. Fals.* Item qui utitur falsis testibus in comprobandâ suâ intentione in judicio; ut latè docent Criminalistæ; & novissimè Antonell. de *Regim. Milit. Eccl. lib. 6. cap. 26.* atque Nicolius *Instit. Civil. d. lib. 4. tit. 18. à num. 80. & seqq.* ubi sub num. 85: explicat plures modos, quibus Litteræ Apostolicæ dicuntur falsificari, non solum per rasuram; sed etiam per appositionem alterius canapis, chordulæ, vel plumbi, ut ibi per eum; & per The-saur. de *Pœnis Ecclesiastic. part. 2. Verb. Falsum. cap. 4.*

Quo ad Quartum. Cum crimen Falsi sit mixti Fori; sive committatur in re Ecclesiasticâ, sive in re prophanâ, ut notant DD. in c. *Cum sit generale. de Foro compet.* Pœna falsi de Jure Civili in homine libero est deportatio, & bonorum publicatio; in Servo autem est  
ulti.



ultimum supplicium . l. 1. §. *Pœna falsi*. ff. ad Leg. Cornel. de falsis. Sed quia hodiè tales pœnæ non sunt in usu; sunt illæ infligendæ, quæ per statuta loci decernuntur; seu ad Judicis arbitrium, idest Fustigatio, seu condemnatio ad triremes, attentâ gravitate, vel levitate falsitatis. l. *Saccularii*. §. *Sunt quædam*. ff. de Extraord. crimin. l. *Hodiè*. ff. de Pœnis. Antonell. d. libr. 6. cap. 26. ubi n. 2. scribit, quod pars ipsa, falsitatem in causâ committens, causam perdit. l. *In fraudem*. §. *Quoties*. ubi Glossa Verb. cadat. ff. de Jure Fisci. & num. 8. subdit varias pœnas, quibus plectuntur Testes falsum deponentes tum in causâ criminali; tum in causâ civili; ac etiam eos subornantes secundum gravitatem causæ, prout DD. ibi per eum allegati.

Quo ad Quintum. De Jure Canonico, præter supradictas pœnas de Jure Civili statutas, Falsarii si sint Clerici deponuntur. cap. *Ad Audientiam*. De Crimin. falsi. cap. *Ad falsariorum*. eod. tit. Glossa in c. *Cum non ab homine*. Vers. postmodum. De Judic. Falsificantes verò Litteras Apostolicas incurrunt in Excommunicationem Papæ reservatam per Bullam in Cæ-

na Domini can. 6. Fautores verò, consulentes, aut mandantes falsificationem, ligantur excommunicatione contentâ in d. cap. *Falsariorum*. de Crim. falsi. quæ tamen non est Papæ reservata, ut tradunt Theologi, ac Canonistæ apud eundem Antonell. d. libr. 6. cap. 26. n. 2. & Thesaur. de Pœn. Eccles. d. Verb. *Falsum*. cap. 4. ubi n. 4. innuit novam Constitutionem Innocentii Papæ X. diei 8. Aprilis 1653. quæ confirmat prædictas Censuras, & addit alias gravissimas pœnas contrâ falsificantes Litteras Apostolicas tam datas sub plumbo, quàm in formâ Brevis sub Annulo Piscatoris. Tandem qui falsificant Litteras Ordinariorum, aut Dimissorias, & cum eis promoventur ad Ordines, sunt ipso Jure suspensi; cumque de hoc crimine fuerint convicti; & condemnati, fiunt infames, ac irregulares. Thesaur. ibid. c. 5. & in Verb. *Ordo*. cap. 16.

Quo ad Sextum, & ultimum. Falsitas non punitur in duobus casibus. Primus est, quando non est *dolosa*, idest quando fuit commissâ ex ignorantia, vel inadvertentiâ, absque culpâ. cap. *Inter dilectos*. de Excessibus Prælat. Gloss. in d. cap. *Ad falsariorum*. Verb. *dixerunt*. De Crim.

*Crim. fals.* ut si quis uteretur Scripturis apud suos majores repertis, quæ non continerent veritatem; & ipse crederet, eas esse veras; vel si quis expenderit monetam falsam, ab alio habitam tanquàm bonam; adeò ut, deficiente dolo semper falsitas sit impunita, tam penâ ordinariâ, quàm extraordinariâ. Jul. Clar. in §. *Falsum.* num. 33. Farinacius de *Falsitate.* q. 150. n. 273. & num. 278. Menochius *cas.* 309. n. 2. & alii plurimi adducti per Conciol. *Verb. Falsum.* resol. 2. n. 2. & 3. Secundus casus est, quando Falsitas non est nocibilis; & nullum damnum alicui causare potest; ad hoc enim ut sit punibilis, debet esse non solum *Dolosa*; sed etiam *Damnosa*; ut si quis scriberet in proprio Libro se esse creditorem Titii Ducatorum centum; quia Scriptura non probat pro scribente; vel si quis in Testamento nullo, & invalido per alium factò, adjiceret legatum ad sui favorem; in his enim, & similibus casibus, quia Falsitas non nocet, remanet impunita. Castrensi. *conf.* 130. per tot. lib. 1. Natta *conf.* 588. per tot. part. 4. Farinac. *d. quæst.* 150. num. 320. Conciol. *ubi supr.* Resol. 4. & Antonell. de *Regim. Mil. Eccl. d. lib.*

6. cap. 26. num. 12. Sed utrùm sint punibiles, qui fabricant Aurum Chemicum, seu Alchymicum, & illud pro vero auro expendunt? disputant DD. quos allegat Thesaur. de *Pœnis Eccl. d. part. 2. Verb. Falsum.* c. 2. ubi plurimi pro utrâque opinione; sed affirmativa est probabilior, quia Alchimia prohibita est per *Extrav. Unic. de Crim. falsi.* Vide mea Erotemata cap. 22.

## T I T. X.

## De Homicidio.

**T**Ria sunt bona temporalia, quibus homo à Deo in hac vitâ ditatur, videlicet Facultates, Honor, & Vita; cumque suprâ actum sit de delictis, quibus proximus læditur in facultatibus, nempe Furtis, & Usuris; necnon in honore, scilicet adulteriis, & falsitatibus; in præsentī agitur de crimine, quo offēditur in vitâ; quod est Homicidium; pro cuius criminis explicatione videbimus:

- 1 *Quid sit Homicidium?*
- 2 *Quotuplex?*
- 3 *Quale sit Homicidium necessarium?*
- 4 *Quale sit Casuale?*
- 5 *Quale sit Culpabile, & quot-*



*modis committatur?*

6 *Quibus poenis Homicidium puniatur?*

7 *An in aliquo casu licitum sit Homicidium sui ipsius?*

Quo ad Primum: Homicidium communiter diffinitur à Canonistis, & Theologis, quod sit *injusta Hominis occisio*. Ita Card. Toletus *libr. 5. cap. 6. num. 1.* Dicitur *Injusta*, ad denotandum, quod mors, quæ infertur per ministros Justitiæ malefactoribus, pro executione sententiæ à competentibus Judicibus contrâ eorum vitam servatis servandis, & juxtâ leges prolatae, non dicitur Homicidium; Principes enim, & Judices ab eis delegati in suis Regnis ad regendos populos habent à Deo facultatem inferendi mortem committentibus delicta; contrâ quos leges hanc legem mortis decernunt; prout præcepit Deus per Moysen *Exod. 22.* in illis verbis: *Maleficos nè patiaris vivere.*

Quo ad Secundum: Scendum est, plures à DD. assignari Homicidii divisiones. Prima est, quod aliud est ex Publicâ, & aliud ex privatâ potestate. Ex Publicâ est mors illata malefactoribus per sententiam Judicis ritè, ac rectè, & secundum leges prolatam,

ut dictum est suprâ. Item quando Reges, & Principes coacti sunt ad Jura suorum Regnorum defendenda committere bellum; omnes enim qui moriuntur, ex publicâ Auctoritate necati dicuntur. Ita Thesaur. *de Poenis Eccles. part. 2. Verb. Homicidium. cap. 1.* Homicidium ex privatâ potestate est illud, quod ab Homine privato committitur; & hoc subdividitur; nam aliud vocatur inculpabile; nempe si sit casuale, vel necessarium; & aliud dicitur culpabile; quando ex odio, seu privatâ vindictâ in proximum committitur, vel per se, vel per alios; vel ex manifestâ violentiâ, vel proditoriè. Thesaur. ubi *supr. d. cap. 1.*

Quo ad Tertium: Homicidium necessarium, & inculpabile est illud, quod quis committit ad defensionem propriæ Vitæ, vel Honoris, seu bonorum, magni momenti, cum moderamine tamen inculpatae tutelæ; videlicet cum tribus requisitis; *Uno*, quod sit æqualitas armorum, quia non licet pugione ferire illum, à quo quis pugnibus fuit impetitus. *Altero*, quod percussio fiat incontinenti; si enim intercesserit aliquod temporis spatium,

erit vindicta ; non necessaria defensio . Tertiò , quod aggressus non possit aliter salvare suam vitam , vel suum honorem , aut bona magni valoris ; si enim aliter potest sibi , honori suo , vel bonis prospicere , si occidat aggressorem , reus erit Homicidii . Bordonus *Decis. Miscellan.* 81. & ibi *texx. & DD.* & mea *Erotemata Eccles. cap. 58. à num. 6. & seqq.* ubi plura , & curiosa quæsitâ circâ Homicidium necessarium commissum cum moderamine inculpatae tutelæ .

Quo ad Quartum : Homicidium Casuale est illud , quod casu , & præter intentionem agentis committitur , quia ut ait Aristoteles *libr. 7. Physicor.* *Casus est causa agens præter intentionem* . Et de hoc casuali Homicidio loquitur *l. i. §. Divus . ff. Ad Leg. Corn. de Sicar. & l. Si putator . ff. Ad Leg. Aquil.* ac de eodem habentur *texx. in cap. Presbyterum . cap. Continebatur . cap. Significasti . extr. de Homicidio .* Necnon *in cap. De his . cap. Clerico . cap. Eo verò . cap. Si quis voluntate . cap. Is , qui arbore . & cap. Sæpè . 50. dist.* Circâ quod Casuale Homicidium , ut sit punibile , quamvis alii distinguant , an illud committens dabat ope-

ram rei licitæ ; vel rei illicitæ ? Verior tamen opinio est , quod in utroque casu non mereatur pœnam ; quando adhibuit sufficientem diligentiam ; & tunc solum sit punibile , quando agens fuit in latâ culpâ , vel levi , aut levissimâ , ut innuunt *texx. in cap. Quæsitum . cap. Quantum . 50. dist. & in cap. Lator . cap. Ex litteris . cap. Significasti . & cap. Exhibita . De Homicidio .* prout etiam *in cap. fin. De his , qui filios occiderunt .* Quod latè demonstrat Emanuel Gonzalez *in Comment. ad cap. De cætero . num. 8. De Homicid.* ubi plurima dat exempla Homicidiorum Casualium , quæ cum culpâ , vel sine culpâ committuntur , ibi à Studiosis videnda .

Quo ad Quintum : Homicidium culpabile est illud , quod ex voluntate directâ committitur ab habente animum occidendi , vel causam dante actioni voluntariæ , ex quâ sequitur homicidium . *l. i. & l. Divus . ff. Ad Leg. Cornel. de Sicar. l. Cum autem . ff. De Ædilit. Edicto . cap. Sicut dignum . De Homicid. cap. i. §. Si quis hominem . De pace tenendâ in usib. Feudor.* Idcirco requiritur ad homicidium voluntarium , quod dolo malo , animoque occi-



occidendi perpetretur ; & sequatur actus occisionis . Unde infertur , quod scæviens in cadaver inimici , aut illud obtruncans , etiam eo animo , ut si vivum reperisset , occideret , non dicitur committere homicidium , ut notant DD. quos citat , & sequitur Eman. Gonzalez in d. cap. De cætero . num. 5. De Homicid. Duobus autem modis hoc Homicidium culpabile , & injustum solet committi . Primò manifestè in rixâ , motu cholerae , & aperta , ac violentæ aggressione ob vindictam in manifestum inimicum . Secundò proditoriè , clàm , seu per occultas insidias . Quare sciendum est , illum dici proditorem , qui occidit aliquem , cui tanquam socium , seu amicum se adjunxerat in viâ ; nullâ rixæ causâ interveniente ; & habetur pro regulâ , quod Homicidium commissum sinè præcedentibus inimicitiis , dicatur proditorium . Nicol. in Instit. Civil. lib. 1. tit. 8. num. 31. ubi id ampliat , etiam si non occidat ferro , sed veneno , vel quolibet alio modo ; & non solum per se , sed per assassinos . Dicuntur autem Assassini , qui pecuniâ , vel alio pretio accepto , seu promisso , occidunt homi-

nes incautos , nihil tale ab eis præcogitantes . Mascard. Concluf. 138. n. 1. & alii DD. apud Farinacium Consil. 96. talesque dicuntur non tantum exequentes , sed etiam mandantes . cap. 1. de Homicid. lib. 6. Conciolus in Resolut. Criminal. Verb. Homicidium . resol. 5.

Quo ad Sextum : Homicidium commissum ex necessariâ defensione aut vitæ , aut honoris , aut bonorum nullâ penâ punitur . Clem. Si furiosus . de Homicid. Farinac. quæst. 125. num. 27. & num. 130. ubi text. & DD. Sed utrum in tali homicidio incurratur saltèm Irregularitas ex defectu lenitatis ? Sunt discordes DD. alii enim negant , sed alii affirmant , ut ostendit Thesaur. de Pœnis Eccles. Verb. Homicidium . cap. 1. ubi notat in principio , quod dictam Irregularitatem ex defectu lenitatis incurrunt Judices condemnantes Malefactores ad mortem ; & Milites in bello justo pugnantes ; quod latius idem Thesaur. probat in Verb. Bellum . cap. 1. & in Verb. Judicis laici munus . Homicidium autem privatum voluntarium commissum ex odio , seu vindictâ punitur penâ mortis . tot. tit. ff. & Cod. Ad Leg. Cornel. de Sicariis . Et de Jure Cano-

nico cauat Irregularitatem ; itaut homicida promoveri non possit ad Ordines. *cap. fin. ubi DD. De Tempor. ordin. cap. 1. & seqq. De Homicid. Concil. Trid. sess. 14. de Ref. cap. 7. & sess. 24. de Ref. cap. 6.* etiamsi homicidium fuerit occultum , & supèr eo publicata non sit sententia . *Glossa in cit. cap. fin. de Tempor. Ordin. Farinac. quæst. 119. num. 56.* Et si homicida sit Clericus, ipso facto incurrit privationem beneficiorum Ecclesiasticorum, quæ possidet ; & fit incapax ad alia beneficia consequenda ex *d. cap. 7. sess. 14. Conc. Trid. de Ref. & ostendit Thesaur. de Pœnis Eccles. d. part. 2. Verb. Homicidium cap. 1. num. 4.* Quod si Homicidium commissum sit in personam Clerici, seu Sacerdotis, homicida incurrit excommunicationem Papæ reservatam , prout etiam si tantum vulneraverit, vel percusserit. *cap. Si quis suadente. 17. q. 4.* & si sit Patronus Ecclesiæ amittit Juspatronatus. *cap. In quibusdam. De Pœnis. Thesaur. ubi suprâ cap. 4.*

Homicidium autem Casuale, commissum sinè dolo , & sinè culpâ , nullâ pœnâ punitur de Jure Civili ; ut tradunt omnes Criminalistæ , quos allegat Farinacius *quæst. 126. num.*

57. novissimè Conciolus *d. Verb. Homicidium. Resol. 4. num. 1.* Neque de Jure Canonico , quia neque ex eo incurritur Irregularitas. *cap. Lator. cap. Ex litteris. cum seq. cap. Significasti. cap. Exhibita. & cap. Joannes. De Homicid.* Qui tamen textus intelligendi sunt , quando Homicidium accidit absque aliquâ committentis culpâ , & dummodò dabat operam rei licitæ ; quia si rei illicitæ vacabat , DD. sunt discordes, alii enim tenent adhuc non incurri in Irregularitatem ; sed alii docent, Irregularitatem incurri ; & idè in facti contingentiam videndi sunt DD. quos congerunt Thesaur. *de Pœnis d. part. 2. Verb. Homicidium. cap. 1. num. 1. in fin. Emanuel Gonzalez in Comment. ad d. cap. De cœtero. num. 8. de Homicid. & Fagnanus in cap. Ad Audientiam. à num. 1. & seq. De Homicid. tom. 6.*

Quo ad Ultimum: Dicendum est , nunquam esse licitum occidere seipsum. *Farinac. quæst. 128. num. 25. Menoch. de Arbitr. casu 284. num. 5.* & idè qui sibi ipsi mortem infert , privatur Ecclesiasticâ sepulturâ, oblationibus , & suffragiis Ecclesiæ. *cap. Placuit & ibi DD. 23. q. 5. & si sit Clericus, incur-*



incurrit excommunicationem Papæ reservatam, ut demonstrat Thesaurus de Pœnis Eccl. d. part. 2. Verb. Manus. cap. 1. num. 1. ubi sub num. 5. limitat prædictas penas, ut non procedant contrâ eum, qui ex furore, vel dementiâ sibi manus violentas intulit; & idem dicendum est de infirmo, qui recusat sumere medicinas à Medico præscriptas; vel nimiâ inediâ, vel immoderatis corporis afflictionibus sibi accelerat mortem, si ob finem mortificationis, & ob acquisitionem virtutum id agat; ut dicunt mea Erotemata Eccles. cap. 11. quæf. 7. & cap. 58. quæf. 2.

T I T. XI.

De Injuriis, & Damno dato.

**Q**Uoniam proximus offenditur non solum per homicidia, vulnera, & mutilationem membrorum; de quibus suprâ disseruimus; sed etiam per injurias, & illationem damnorum; idcirco de his in præsentia breviter est agendum; & videbimus:

1 Quid sit Injuria?

2 Quot modis committatur?

3 Quæ actio competat pro injuriis?

4 Quibus competat?

5 Quibus pœnis puniantur injuriantes?

6 Damna illata quomodo resciantur?

Quo ad Primum. Injuria est verbum genericum, significans omne id, quod contrâ Jus committitur, ut notant DD. in l. 1. ff. de Injur. propriè tamen est Contumelia illata contrâ bonorem, vel bonam famam alicujus, ad eum contemptibilem reddendum. Bart. in l. Eum, qui. eod. tit. Pichardus in Instit. Civil. lib. 4. tit. 4. n. 17. cap. Quid dicam. 14. q. 4.

Quo ad Secundum. Tribus modis infertur contumelia, & committitur injuria in aliquem, videlicet Verbis, Calamo, & Factis. Injuriatur Verbis ille, cui impropertur aliquid, quod ejus famam gravat apud bonos, & reddit eum contemptibilem, etiam si impropertium illud non sit criminofum; ut si quis appellet aliquem spurium, vel bastardum; aut confimili injuriofo titulo nominet. l. 3. ff. de Liber. & posthum. l. Turpia legata. ff. de Leg. 1. Abb. & Felinus in c. Cum te. De Jurèjurand. etiam si quod obicitur, verum sit; quando per

per modum contumeliæ profertur. *l. 2. C. de Offic. Rector. Provinciae.* Et Hostien. in *tit. de Injur. n. 6.* Exemplum habemus in Scripturâ Sacrâ de Semei injuriante Regem David fugientem à seditione populi, excitatâ per Absalonem filium ejus; ita enim improperabat Regi: *Egredere, egredere Vir sanguinum; & Vir Belial. Reddidit tibi Dominus universum sanguinem Domus Saul; quoniam invasisti Regnum pro eo. 2. Reg. 16. 8.* Præcipuè autem quis injuriatur, cum ab alio ei datur *Mentita*; & ei dicit, *Tu mentiris*; hæc enim verba sunt valdè injuriosa, & contumeliosa; significant enim, & inferunt, Tu es homo falsus, mendax, tristis, ac impius. *Clar. in §. Injuria. post princ. & ibi Bajard. num. 20. Farinac. quæst. 105. num. 310. ubi DD. & Menochius conf. 41. n. 8. & 9. Novissimè Conciol. in Resolut. crimin. Verb. Injuria. resol. 2.*

Secundò, quis injuriatur Calamo, quando alter contrâ eum scribit libellum famosum; vel componit carmina, aut cantilenas, historias, vel alias scripturas infamatorias. *l. 5. §. fin. ff. de Injur.* Item si quis in judicio vel agendo, vel excipiendo, objecerit Adversario rem

aliquam, quæ ejus lædat æstimationem; & non probaverit, eam esse veram. *l. Item apud §. Ait Prætor. & ibi Glossa. ff. hoc eod. tit.* Prout etiam mittens Litteras ad Superiorem sine subscriptione, ac nomine scribentis, in quibus narrentur defectus alicujus personæ, qui probari non possint; ideòque his litteris, quæ vulgò dicuntur *Lettere Orbe*, nulla fides est præstanda. *cap. Inquisitionis. De Accusationib. Nicol. Instit. Civil. lib. 4. tit. 4. num. 4.* Quamvis Superior non malè agat, si stet attentus super contentis in illis; & secretas informationes sumat extrajudicialitè pro veritate sciendâ, pro bono regimine populorum; ut pluries respondisse Sacram Congregationem notat Nicolius. *d. lib. 4. tit. 4. n. 5.*

Facto autem infertur injuria; si quis alteri det alapam in faciem; vel pileo, aut birretto alterius faciem percutiat; vel pedem injiciat in ventrem; aut lapides in alium mittat, ut contrâ Regem Psalmistam faciebat præcitatus Semei, qui *2. Reg. 16. 6. Mittebat lapides contrâ David, & contrâ universos Servos Regis David.* Ulteriùs Injuria dicitur factò inferri etiam per nutus, & signa, ut si quis



si quis contrâ Uxoratum erigat duos digitos, indicem scilicet, & auricularem in formâ duorum cornuum; vel ad ostium ejus domus appendat cornua; tunc enim committit in eum atrocem injuriam, ac majorem, quàm si ei dixisset cornutum, vel adulteræ maritum. Nicol. ubi sup. sub num. 6. Vers. 4. Qui simul Vers. 4. subdit, quod injuriam facit ille, qui honestam mulierem tacitus insequitur, & cum eâ adambulat quôcunque vadat; assidua namque frequentia præbet, quasi nonnullam infamiam; prout etiam illi, qui tempore bacchanalium utuntur cappâ Eremitarum, vel veste aliorum Religiosorum; quasi in eorum contemptu; & ided jidem agere possunt contrâ ipsos actione injuriarum. d. l. Item apud. §. Ait Prætor. Vers. Generaliter. ff. de Injuriis.

Quo ad Tertium. Pro injuriâ competit duplex actio; nempe Civilis, & Criminalis. Hæc datur ad penam; illa vero ad æstimationem damni; ut tradunt Jul. Clarus in §. Injuria. num. 5. Vers. Scire debes. Farinacius quæst. 105. num. 28. & Conciol. d. Verb. Injuria. Resol. 1. ubi num. 2. declarat hanc conclusionem, dicens, quod si

in judicio prius sit intentata per injuriatum actio Civilis ad injuriæ æstimationem; non potest postea per eundem intentari actio Criminalis ad penam Fisco applicandam; quia per unam censetur alteri præjudicatum, cum utrumque judicium tendat ad vindictam ad text. in l. Prætor edixit. §. Si dicatur. & §. seq. ubi Glossa ff. hoc tit. & notat Abb. in cap. Cum te. num. 24. De Sent. & re judic. Hoc tamen limitant DD. ut habeat locum, quando fuit intentata actio Civilis ad injuriæ æstimationem; secus tamen est, si illa sit intentata ad damna, & interesse tantum; tunc enim potest adhuc intentari actio Criminalis ad penam. d. l. Prætor edixit. §. Quid ergo. & ibi Gloss. ff. de Injur. Farinac. d. q. 105. num. 30. ubi DD. & Thesaur. decis. 18. num. 11. Porro omnis altercatio cessat, quando qui intentat actionem Civilem, protestatur id facere sine præjudicio actionis Criminalis; & è contrâ; tunc enim post intentatam unam actionem potest deveniri ad aliam. Conciol. d. Resol. 1. in fin.

Quo ad Quartum. Actio injuriarum non solum competit ei, cui facta est injuria; sed

sed etiam illis, in cujus potestate est ipse injuriatus. Hinc si injuria illata sit Filiofamiliâs, agere potest actione injuriarum non solum ipse Filius, sed etiam illius Pater, vel Avus; prout etiam, si injuriata fuisset Filia habens Patrem, Maritum, & Socerum, quatuor sunt personæ, quæ possunt uti actione injuriarum contrâ injuriantem; nempe ipsa Filia, ejus Pater, ejus Maritus, & ejus Socer. *l. Cum qui. §. fin. & l. Sed si unius. ff. de hoc tit.* Nicolius *Instit. Civil. d. libr. 4. tit. 4. à num. 9. & seqq.* ubi num. 15. infert, quod sicut olim Dominus exercebat hanc actionem pro injuriâ factâ Servo suo. *l. Item apud. §. Ait Prætor. ff. de Injur.* itâ nunc Herus agere potest pro injuriâ illatâ famulo suo; dummodò ipse gerebat officium, vel negotium ejusdem Heri sui. *d. l. Item apud. §. Si quis Virgines. Vers. Comitum. & l. Quisquis. ff. Ad Leg. Jul. Majest.* Et ex his inferunt DD. quod pro injuriâ factâ Clerico, Monacho, Doctori Collegiato, vel Discipulo, agere potest ad vindictam, & ad æstimationem Episcopus, Abbas, Collegium, atque Magister. Nicolius *ubi suprâ. num. 16. in fin.* Guido

Pap. *decis. 464. Graff. part. 1. libr. 2. cap. 62. n. 32. & Antonellus de Regim. Milit. Eccl. lib. 6. cap. 13. n. 2.* ubi alios cumulat.

Quo ad Quintum. Injuriam alicui inferentes puniuntur de Jure Civili penâ arbitrariâ, secundum majorem, vel minorem injuriæ gravitatem. *§. Pænâ autem. Instit. Civil. de Injuriis*; itaut aliquando qui injuriam fecit, mulctetur exilio, vel carcere, vel penâ pecuniariâ, Fisco applicandâ, vel ad petendam veniam ab injuriato, seu ad compensandam alio modo injuriam illatam. Julius Clarus *in d. §. Injuria. Vers. Sed quæro. Riccius in Collect. decis. 1841. part. 5. Gratian. Decis. 199. & Surd. Decis. 89. n. 9.* De Jure autem Canonico variorum sunt pænæ secundum varietatem personarum, quibus facta est injuria. Siquidem generaliter statutum est, ut qui condemnati sunt actione injuriarum sive civiliter, sive criminaliter, incurrant infamiam Juris. *cap. Cum te. De Sent. & re judic.* ubi Abbas *n. 1.* quod est conforme etiam dispositioni Juris Civilis. *l. 1. ff. de His, qui notant. infam. & per consequens remaneant Irregulares*; dummodò injuria non fuerit le-



levis, sed pertingat ad peccatum mortale. Innocent. Hostien. & Felin. in d. c. *Cum te*. In eâ tamen Episcopus potest dispensare. *cap. At si Clerici*. *§. De Adulteriis*. *De Judic.* Thesaur. de Pœnis Eccles. d. part. 2. in Verb. *Injuria*. cap. 1. per tot. Si verò injuria illata sit non solum verbis, sed factò in Ecclesiasticas personas; si injuriatus fuerit Clericus, aut Monachus, aut Religiosus, tunc qui injuriam intulit, remanet excommunicatus per text. in *cap. Si quis suadente diabolo*. 17. q. 4. non tam percutiendo Clericum vivum, sed etiam mortuum. Felin. in *cap. A nobis*. il. 2. num. 4. & Barbosa *ibid.* num. 47. *De Sent. Excom.* Ac eandem Excommunicationem incurrunt non solum injuriose percutientes, sed etiam mandantes, consulentes, incitantes, consentientes, & percussionem ratam habentes, si eorum nomine sit facta. c. *Cum quis*. *De Sent. Excommun.* in 6. Thesaur. d. Verb. *Injuria*. cap. 2. *Ampliat.* 6. ubi notat, absolutionem esse reservatam Papæ, nisi percussio, & injuria esset levis; ab hâc enim Episcopus posset absolvere. *cap. Pervenit*. ubi Abb. & DD. *de Sent. Excommun.* Quod si injuria facta

sit in personam Episcopi, non solum, qui eam intulerit, est excommunicatione Papæ reservatâ illigatus per *Clem. 1. de Pœnis*. & per *cap. 11. Bullæ in Cœnâ Domini*, sed etiam remanet privatus Feudis, locationibus, officiis, & beneficiis spiritualibus, ac temporalibus, quæ obtinet ab Ecclesiâ, cui Episcopus offensus præest; & ejus filii, per lineam masculinam descendentes, usque ad secundam generationem redduntur ipso factò inhabiles ad Ecclesiastica beneficia in Civitate, & Diœcesi ejusdem Episcopi obtinenda, omni spe dispensationis ademptâ, ut latè demonstrat idem Thesaur. d. part. 2. Verb. *Injuria*. cap. 3. Easdem pœnas multò magis incurrunt, qui injuriam gravem inferunt in personas Nunciorum Apostolicorum, seu S. R. E. Cardinalium; & (quod nunquam eveniat) in personam Summi Pontificis; *cap. Felicis. de Pœnis in 6. d. can. 11. in Bullâ Cœnæ Domini*; & tradit Thesaur. *ubi supr.* cap. 4. & Antonell. *de Regim. Milit. Eccl.* d. lib. 6. cap. 13. §. 2. ubi n. 21. notat, quod licet Clerici Laicos injuriantes debeant eis competentè satisfacere; non tamen decet, quod ipsi Clerici genua

flectant , vel aliud faciant , quod tendat in opprobrium Cleri . *cap. Quando . 86. dist. Graff. part. 2. lib. 2. c. 17. n. 38.*

Demùm , si injuria illata sit calamo , idest per libellum famosum , carmina , aut alias scripturas infamatorias , de Jure Civili Auctores earum veniunt plectendi pœnâ capitis per *text. in l. Unic. C. de Famos. libell.* quamvis Julius Clar. *in Pract. Crimin. §. fin. quæst. 68. Vers. Libelli famosi* notet , quod tam rigorosa pœna non sit in usu ; sed prædictos Auctores puniri pœnâ extraordinariâ , videlicet vel fustigationis , vel ictuum funis , vel ad summum pœnâ triremium juxtâ facti ; & personarum qualitatem . De Jure autem Canonico tales excommunicantur , ac verberibus corripuntur . *c. Qui in alterius . 5. q. 1.* Et si Clerici sint , depununtur . Sylvest. *in Verb. Libellus . num. 5.* Quod si Libelli famosi compositi sint contrâ statum Ordinis Prædicatorum , vel Minorum , aut aliarum Religionum habentium communicationem Privilegiorum , Auctores eorundem Libellorum sunt ipso Jure excommunicati ex Constitut. Alexandri Papæ IV. Incipien. *Ex alto* ; quam refert Bonacina , relatus ab An-

tonello *de Regim. d. lib. 6. cap. 14. num. 4.* ubi alias ampliationes , ac limitationes ponit circa hanc pœnam .

Quo ad Sextum . Si quærimus , quomodo resarciantur damna illata ? advertendum est , nos loqui de damnis , non dolo , fraude , aut injuriosè commissis , sed de illatis ex merâ negligentia , vel ex culpâ levi tantum ; ut si quis negligat custodire sua animalia ; & hæc damnum inferant in campis alienis , vel aliquis nesciens frenare equum ferocem , super quem ascendit , ab eo aliquis in viâ impetu , vel calcibus impetatur , aut murator reficiens tegetes domus projiciat saxa , vel ligna , non appposito signo , quibus Viatores offendantur ; aut alius è fenestrâ projiciat in viam publicam aquam maculosam , vel brodium , quo trans-euntis vestes maculentur ; sive dominus canis rabidi non teneat illum benè alligatum , ad-eunt insiliat in transeuntes , eosque mordeat , aut feriat . In his omnibus , & similibus casibus datur actio tam Civilis , quàm Criminalis contrâ auctorem damni ; in quem Judex pro suo arbitrio profert Sententiam ad resarciendum damnum , attentâ quantitate ejus , & qua-



& qualitate personæ, cui damnum fuit illatum. *l. Si Servum meum. ff. Ad Leg. Aquil. l. Interdum. ff. de Public. judic. l. Prætor edixit. ff. de Injur. l. Qui Ædes. & l. penult. ff. de Incend. ruinâ, & naufrag. l. 1. §. Sed & si canis. & l. 2. ff. Si quadrupes pauper. sec. dic. Nicoli-  
us, & DD. in libr. 4. Institut. Civil. tit. 3. De Lege Aquilia. ubi latè agunt de damnis ex merâ negligentia, & solâ levi culpâ illatis.*

## T I T. XII.

### De Ecclesiasticis Censuris.

**Q**Uoniam de Jure Canonico delicta, de quibus hucusque egimus, ut plurimum Ecclesiasticis Censuris plectuntur, & castigantur, idè de his in presenti est agendum; & pro intelligentiâ earundem videbimus:

1. *Quid significet hoc Vocabulum Censura?*
2. *Quid sit Censura Ecclesiastica?*
3. *Quotuplex sit?*
4. *Qui possint fulminare Ecclesiasticas Censuras?*
5. *Contrâ Quos possint fulminari?*
6. *Quæ sint necessaria pro va-*

*liditate Censuræ?*

7. *Quæ causæ excusent ab incurrendis Censuris?*

8. *Quis possit absolvere ab Ecclesiasticis Censuris?*

Quo ad Primum. Hoc Verbum *Censura*, generalitèr sumptum, judicium innuit de aliquâ re, dignâ laude, vel vituperatione; hinc Revisores librorum vocantur Censores; & hoc nomine appellabantur apud Romanos illi, ad quos spectabat indagare mores populorum; ne indigni admitterentur ad honores. Sic etiam in Serenissimâ Republicâ Venetâ creantur Censores, quorum officium est observare, ne Leges, quibus ipsa regitur, ab aliquo offendantur. Specialitèr autem sumpta hæc Vox *Censura* significat aliquam pœnam correctivam, & medicinalem alicujus transgressionis, ut notat Navarr. in *Summâ. cap. 27.* & olim etiam vocabatur *Pressura*; ut eam nominat Rabanus in *cap. Non in perpetuum. 24. q. 3.* & etiam *Claustra*; ut in Regulâ S. Benedicti *cap. 6.* Magrius in *Hierolex. jisdem Vocibus.*

Quo ad Secundum. Censura Ecclesiastica est *Pœna Spiritualis, & medicinalis*, privans usu aliquorum bonorum spiritualium,

lium, *imposita per Ecclesiæ potestatem, à Deo sibi concessam, ut fidelis baptizatus à contumaciâ discedat, & à culpâ, propter quam infligitur, emendetur.* Dicitur *Pœna*, idest *punitio Spiritualis*, ad differentiam *punitionum corporalium*. *Medicinalis*, quia intentio Ecclesiæ est *mederi animabus per Censuras.* cap. 1. *De Sent. Excomm.* in 6. Dicitur *privans usu aliquorum Spiritualium bonorum*, quæ sunt *Sacramenta, Sacrificia, Orationes*; non autem *supernaturalium*; utpotè *Fides, Spes, Charitas, Character*, quæ omnia retinere potest, qui aliquâ censurâ est irretitus. Dicitur *imposita per Ecclesiæ potestatem, à Deo sibi concessam*, ut legitur *Matth. 18.* in illis verbis Christi: *Si peccaverit in te frater tuus &c. dic Ecclesiæ: Si Ecclesiam non audierit, sit tibi sicut Ethnicus, & Publicanus.* Amen dico vobis; quæcunque alligaveritis super terram, erunt ligata & in Cælo. Quæ verba intelliguntur de foro externo per Censuras. cap. *Solitæ de Major. & Obed.* S. Thom. 3. p. 1. art. 2. & Scotus in 4. dist. 19. §. *De quinto.* quod demonstrat *Mastrius in Theolog. Mor. disp. 13. num. 4. & 5.* ubi probat etiam ab Apostolis fuisse

fulminatas Censuras; & auctoritatem eas fulminandi esse de *Jure Divino.* cap. *Nemo.* in 9. 3. & in *Extravag. Unam Sanctam. De Major. & Obed.* Hanc autem potestatem censuras fulminandi in toto orbe, & contrâ quosunque habet eminentè Pontifex Romanus, tantquam Christi Vicarius; alii autem Episcopi, & inferiores Prelati in eorum Diæcesibus tantum, ac dependenter à Papâ, ut ego ostendi in *meis Decisionibus de Pœnitentiâ. decis. 19. à num. 22. & seqq.* Dicitur in definitione, *Ut fidelis baptizatus à contumaciâ discedat*; quia non baptizati non possunt censuris puniri, sed tantum qui sunt fideles, ac in Ecclesiâ, ad hoc ut à propriis excessibus emendentur. Subditur, & à culpâ, propter quam Censura infligitur. Siquidem non est fulminanda Censura contrâ aliquem nisi ob culpam, & culpam gravem. cap. *Nullus.* in 15. 9. 3. cap. *Sacro. De Sent. Excommunic.*

Quo ad Tertium. Quintuplex datur divisio Censuræ à Doctoribus, tum Theologis, tum Canonistis. Una est, quod Censura est triplicis generis, nam alia vocatur *Excommunicatio*, alia *Suspensio à Divinis*, & alia



& alia *Interdictum*; ut legitur in *cap. Quærenti. de Verb. Signific. in cap. 1. & in cap. Statutum. de Sent. Excommun. in 6.* Altera, quod Censura alia est à Jure; quæ scilicet statuta est in Canonibus Sacris; & alia est ab homine; videlicet quam fulminant Judices Ecclesiastici juxtâ factorum contingentiam. Tertia, quod alia Censura est comminatoria; & alia latæ Sententiæ: illa non incurritur, nisi Judex proferat suum Decretum, quo declaret reum illegitimum censurâ: hæc verò afficit ipso Jure, vel ipso facto, cujus causâ est fulminata. Quarta divisio est, quod alia Censura dicitur justa; & alia injusta; & hæc talis est, si Judex eam infligat non servato Juris ordine. Quinta tandem; quod alia est valida, & alia invalida; & hæc ita dicitur, Si Judex non habeat legitimam auctoritatem; vel procedat absque justâ causâ, aut nullâ præmissâ monitione, ut latè demonstrant DD. quos citat, & sequitur Mastrius in *cit. disp. 13. num. 8.*

Quo ad Quartum. Omnes sequentes possunt fulminare Ecclesiasticas Censuras, videlicet; Primò Papa, ut dictum est, per totum orbem, & con-

trâ quoscunque. *cap. Unam Sanctam. de Major. & Obed. c. Decreto. 2. q. 3. cap. Multum. 3. q. 6.* Secundò, Concilia generalia, & Provincialia. *cap. Grave nimis. de Præbendis.* Illa in universos; hæc in sibi Subditos. Tertiò, Cardinales in Ecclesiis suorum titularum. *cap. Unic. de Majorit. & Obed. in 6.* Quartò, Legati à Latere per Summum Pontificem creati. *cap. Legatus. de Offic. Leg. in 6.* Quintò, Archiepiscopi, Patriarchæ, & Episcopi, ac alii Prælati, habentes territorium cum quasi Episcopali Jurisdictione, respectu suorum subditorum. *cap. Ad reprimendam. cap. Cum Episcopus. de Offic. Ordin. in 6. Concil. Trid. sess. 6. cap. 3. & sess. 14. cap. 4. de Reform.* Sextò, eorundem Vicarii Generales. *cap. Licet. de Offic. Vicar.* Septimò, Capitulum Sede Episcopali vacante, sive ejus Vicarius Capitularis. *d. cap. unic. de Majorit. in 6. Concil. Trid. sess. 24. cap. 16. de Reform.* Et Octavò, omnes Superiores Religionum in habitantes intrâ eorum Monasteria. *cap. Cum in Ecclesiâ. de Præbend.* Ex his sequitur, Parochos non posse fulminare Censuras in suos Parochianos, quia non habent Jurisdictionem.

nem in foro exteriori, sed tantum in interno, ac poenitentiali. *Gloss. in cap. Nemo. 2. q. 1.* Nisi consuetudo, eam illis contulisset. *Abb. in cap. 3. num. 10. de Offic. Ord. Mastrius d. disp. 13. num. 11.* Vel nisi specialiter talis facultas eis committatur; siquidem omnes supradicti Pontifices, ac Prælati possunt delegare eorum auctoritatem ferendi censuras, dummodò eam delegent homini baptizato, & Clerico non conjugato; nam non baptizati, laici, Clerici conjugati, & scemina non sunt capaces talis delegationis. *cap. 1. & cap. 3. de Presbyt. non baptiz. c. Dilecta. de Major. & obed. cap. de Monialib. de Sent. Excomm. cap. In nova. 16. q. 7. & cap. Sanè. de Cleric. Conjug.* Nisi à Papâ eis talis facultas demandaretur. *Mastrius d. disp. 13. n. 12.* ubi DD.

Quo ad Quintum. Tàm Theologi, quàm Canonistæ firmant hanc Regulam, quod soli homines vivi, baptizati, rationis, ac doli capaces, & subditi illius, à quo fertur Censura, possunt Censuris ligari. DD. apud Mastrium *d. disp. 13. n. 16.* Hinc bruta, homines mortui, non baptizati, pueri, amentes, & non sub-

diti, non possunt censuris feriri. Et quamvis aliquando locustæ dicantur excommunicari, id improprie dicitur, nam proprie maledictioni submituntur, ut scripsi in meis Decisionibus *de Sacrific. Missæ. decis. 42. num. 39.* quemadmodum mortui, qui in vitâ incurrun-  
t censuram, possunt declarari incursum in eam; prout etiam post mortem, si prius dedissent signa poenitentiae, possunt ab eâ absolvi, & absolutos declarari, ut tradantur Ecclesiasticæ Sepulturæ; *cap. A nobis. & cap. Sacris. De Sent. Excomm.* Sed utrùm Communitas, vel Collegium possit Censuris irretiri? Distinguunt DD. dicentes, quod Suspensione, vel Interdicto irretiri possunt. *cap. de Sede Vacante. de Sent. Excomm.* Secus autem Excommunicatione. *cap. Romana. eod. tit. in 6. & dicunt mea Erotemata cap. 147. à num. 16. & seqq.* ubi alii Casus excepti ponuntur, ibi à Studiosis videndi.

Quo ad Sextum. Ad validitatem Censuræ necesse est, ut ea infligatur ob peccatum mortale; & idè ubi non committitur culpa mortalis, ibi Censura infligi non potest. *cap. Nemo Episcoporum. cap. Nullus Sacerdotum. 11. q. 3. Conc. Trid.*



*sess. 23. cap. 3. de Ref.* Mastrius *d. disp. 13. num. 23.* ubi notat, quod ipsum peccatum debet esse exterius, nam propter merè internum Censura ferri non potest; quia Ecclesia non judicat de occultis. *cap. Eru- bescat. & cap. Sicut tuis. de Si- mon. cap. Christiana. 32. q. 3.*

Est tamen verum, quod minor Excommunicatio, & levis Suspendio potest infligi ob culpam venialem. Toletus, Bonacina, & alii apud Mastrium: *d. disp. 13. num. 23. & 24.* ubi subdit, quod neque pro delicto præterito, vel non completo Censura ferri potest, quia debet præcedere monitio, & subsequi contumacia, ac inobedientia.

Quo ad Septimum. Quatuor sunt causæ principales, quæ excusant ab incurso Censuræ. Prima est ignorantia invincibilis tum Juris, tum facti habentis annexam Censuram. *cap. Si verò. de Sent. Excomm. cap. 2. eod. tit. in 6.* Secunda est impotentia faciendi id, quod sub poenâ censuræ faciendum præcipitur; sive illa sit physica, sive moralis tantum. Mastrius *d. disp. 13. num. 27.* Tertia est appellatio legitimè interposita à comminatione Censuræ ad Superiorem. *cap. Si à Judice. de Appellat. in 6.* Quar-

ta est remissio, quam facit Creditor in favorem debitoris; quapropter si Clericus suspendatur à Divinis, nisi intrâ mensem debitum solvat; si Creditor prorogaverit ei dictum terminum, Clericus non erit suspensus. DD. apud Mastrium *d. disp. 13. n. 29.*

Quo ad Ultimum. Distinguere oportet, An Censura sit lata à Jure, vel ab homine? Primo casu; si nulli sit reservata; in foro exteriori ab eâ absolvit Superior censurati; in foro interiori omnis Confessarius. *cap. Nuper. de Sent. Excomm.* Si verò sit reservata Papæ, tunc si delictum est publicum, solus Papa absolvere potest; at si sit occultum ex concessione Concilii Tridentini *sess. 24. de Ref. cap. 6.* Episcopo licitum est absolvere; exceptis tamen Censuris fulminatis in Bullâ Cœnæ Domini, & inflictis ob hæresim, ob Duellum, ob Simoniam realem, ob violatam Clausuram Monialium ob malum finem; & ob violationem Ecclesiasticæ Immunitatis; quia etsi hæc delicta sint occulta, Episcopi non valent ab eis absolvere, nisi irretitus Censurâ non possit ob senium, vel morbum, aut paupertatem accedere ad Papam, ut proba-

vi in meis Decisionibus *de Pœnitent. decis. 45. à n. 5. & seq.*

Secundo casu ; Si Censura lata sit ab homine , nullus ab eâ absolvere potest , nisi qui eam fulminavit , vel ejus Superior ; aut ejus Successor , vel Delegatus ; excepto semper articulo mortis , in quo omnis Confessarius potest absolvere pœnitentes à quibuscunque Censuris . Concil. Trid. *sess. 14. de Ref. cap. 7.* sub condicione tamen , ut sic absolutus , si periculum mortis evadat , teneatur comparere coràm Superiore , & facere quod sibi præscripserit ; aliàs reincadat in Censuram . *cap. Eos. de Sent. Excomm. in 6.* Corollarii loco notandum est , quod qui pluribus est alligatus Censuris potest absolvi ab unâ , & non ab aliâ ; ad differentiam peccatorum , quorum absolutio non potest dimidiari ; sed vel à nullo , vel ab omnibus eâdem vice est concedenda . Mastrius *d. disp. 13. num. 31.* ubi quod absolvendus à Censuris debet priùs præstare debitam satisfactionem ; & aliquando jurare de eodem delicto non amplius committendo . *c. Ex tenore. de Sent. Excomm.*

## T I T. XIII.

*De Sententiâ Excommunicationis .*

**D**ictum est suprâ circâ divisionem Censurarum , quod tres sunt , nempè Excommunicatio , Suspendio à Divinis , & Interdictum ; idcirco in præsentì titulo agendum est de Excommunicatione , ac pro hujus Tituli explicatione videbimus :

- 1 *Quid sit Excommunicatio ?*
- 2 *Quotuplex sit ?*
- 3 *Quæ requirantur pro validitate Excommunicationis ?*
- 4 *Qui sint effectus tùm majoris ; tùm minoris Excommunicationis ?*
- 5 *An aliquando liceat communicare cum Excommunicato , etiam non tolerato ?*
- 6 *Quis possit absolvere ab Excommunicatione ?*
- 7 *Quæ causæ excusent ab incursu Excommunicationis ?*

Quo ad Primum . Duæ sunt definitiones Excommunicationis apud Theologos . Una est , quod *Excommunicatio est Ecclesiastica Censura , quâ homo Christianus bonis fidelium communibus privatur .* Ita Emin. Card. Tolletus in *Sum. lib. 1. cap. 4. n. 1.* ubi



ubi declarat, tria esse bona communia fidelium, quibus per Ecclesiæ potestatem Christianus privari potest; nempe exterior conversatio; Sacramentorum participatio; ac Orationes, Suffragiaque Ecclesiæ. *cap. Omnis Christianus. 11. q. 3.* Alia est, quam ponit Scotus in 4. dist. 19. §. De quinto. Videlicet: *Excommunicatio est Censura, quâ quis ab Ecclesiasticâ Communione fidelium separatur.* Dicitur *Censura* tanquam genus; quia sub hâc voce comprehenduntur etiam suspensio à Divinis, & Interdictum. Dicitur, *quâ quis separatur ab Ecclesiasticâ communionem fidelium*, ad differentiam prædictæ Suspensionis, ac Interdicti; quæ privant exercitio vel activo, vel passivo Divinorum Officiorum; non autem exteriori conversatione. Dicitur *Ecclesiasticâ*; non autem Spirituali; quia privatio comprehendit illa tria bona à Cardinale Toletio explicata; non autem Fidem, ac alias Christianas virtutes, ut latè demonstrat Mastrius in *sua Theolog. Mor. disp. 13. n. 33.*

Quo ad Secundum. Duplex datur divisio Excommunicationis. *Una*, quod alia est major, alia est minor. *Alterâ*, quod alia est à Jure, & alia ab Ho-

mine. Circâ primam divisionem; Major Excommunicatio est illa, quæ infligitur ob grave peccatum; vel ob contumaciam, & inobedientiam; & hæc privat antedictis tribus bonis, quæ continentur in hoc carmine: *Orare, Vale, Communio, Mensa negatur.* Minor illa est, quæ contrahitur per conversationem cum Excommunicatis majori Excommunicatione non toleratis. *cap. Nuper. de Sent. Excommunicat.* & privat solâ passivâ participatione Sacramentorum. *cap. Si celebrat. de Cleric. excommunic. ministr. & cap. penult. de Sent. excommunic.* Porro Excommunicati non tolerati sunt duo tantum, nempe Notorii percussores Clericorum; & illi, qui nominatim denunciati sunt excommunicati à Superiore. Idè ex Decreto Concilii Constantiæ, cui præfuit Martinus Papa V. & quod legitur apud Card. Toletum in *Summ. libr. 1. cap. 12. num. 2.* prædicti duo sunt tantummodò vitandi; non autem alii; etsi sciamus, eos incurrisse in aliquam majorem excommunicationem, ut tenent DD. apud Mastrium *d. disp. 13. num. 34.* quamvis contrarium scribat Fagnanus in *c. Quod à Prædecessore. n. 55. de*

*Schismatici* tom. 6. ubi ait, omnes notorios esse vitandos. Igitur minori excommunicatione affectus validè ministrat aliis Sacramenta; etsi venialitèr peccet. *cap. ult. de Clerico excomm. ministran.* & celebrando non fit irregularis; at Pœnitentiæ Sacramentum recipere non potest; nisi prius ab eâdem minori excommunicatione à Confessario absolvatur. Mastrius *d. disp. 13. num. 36.* ubi quod omnis Confessarius approbatus potest ab eâ absolvere. Circâ secundam divisionem Excommunicationis sciendum est; quod illa dicitur à *Jure*, quæ infligitur per Canonem; aut per Ecclesiasticam Constitutionem; quæ durat etiam post mortem Legislatoris. Illa verò vocatur ab *Homine*, quæ per Judicem ex legitimâ causâ promulgatur contrâ reos; & hæc expirat per mortem Judicis, aut per ejus remotionem ab Officio; ut docet Mastrius; alios DD. cumulans *d. disp. 13. num. 37.*

Quo ad Tertium: Ut valida sit Excommunicatio; tria sunt necessaria; nempe *Auctoritas* in Superiore Excommunicante; *Peccatum grave*, seu contumacia; & inobedientia scandalosa in Excommunican-

do; atque *Solemnitates* à Jure præscriptæ in ferendâ Excommunicatione; scilicet præcedens monitio; ac citatio; ut tradunt DD. apud eundem Mastrius *d. disp. 13. num. 38.* & 67. Est tamen verum; quod aliquando major Excommunicatio infligi potest ob levem culpam; si ex hac scandalum soleat generari; ut notat Volpi in suis *Resolut. Moralib. resol. 14. num. 4. & 5.*

Quo ad Quartum. Effectus majoris Excommunicationis sunt sequentes: 1. Quod Clericus Excommunicatus exercens aliquem Ordinem fit irregularis. 2. Quod si per annum in Excommunicatione inforDESCAT, sit suspectus de hæresi. Glossa in *cap. Contingit. de Dolo*, & contum. Conc. Trid. sess. 25. de Ref. cap. 3. in fin. 3. Quod venit privandus Ecclesiasticis beneficiis. II. q. 3. cap. Rursus. & cap. Cum bonæ. de Etate, & qual. 4. Ut sit incapax suffragiis Ecclesiæ, nempe Sacrificiis, Orationibus, & Indulgentiis. cap. A nobis. & cap. Sacris. de Sent. Excomm., exceptâ Feriâ 6. in Parasceve, in quâ ob mortem Redemptoris nostri, & ex nimîâ pietate Ecclesiæ, ipsa orat etiam pro Hæreticis, ac Schismaticis;



ticis, qui sunt Excommunicati. Mastrius *d. disp.* 13. num. 41. 43. & 44. notans, Orationes publicas non esse faciendas pro Excommunicatis non toleratis; privatas autem pro eorum conversione non esse prohibitas. *cap. Alma Mater*, ubi DD. *de Sent. Excomm.* 5. Sacerdos excommunicatus, etsi toleratus, ministrans, aut recipiens Sacramenta, peccat mortaliter. *cap. Cum illorum*; *cap. Si quem*. *de Sent. Excomm.* *cap. Si celebrat*. *de Clerico excomm. ministr.* & 3. *quest.* 4. *cap. Engeltruda*. 6. Ministrans fit etiam irregularis. *cap. Licet*. & *cap. ult.* *de Clerico excomm. ministr.* ac 11. q. 3. *cap. Si quis*. necnon *cap. Is, qui*. & *cap. Is, cui*. *de Sent. Excomm.* Nisi excusetur ignorantia invincibili, aut metu mortis, infamiae, jacturae bonorum, vel periculo alicujus gravis damni. *cap. Apostolicæ*. *de Clerico excomm. ministr.* & DD. quos cumulat Mastrius *d. disp.* 13. num. 45. & 46. 7. Si verò ipse accedat ad Sacramentum Pœnitentiæ, invalidè illud suscipit; ut ego ostendi in meis Decisionibus *de Pœnit. decis.* 31. num. 9. & 10. 8. Similiter si Excommunicatus sit Sacerdos, & audiat Confessiones, invalidè absolvit, quia privatus est

omni Jurisdictione. c. *Ad probandum*. *de Sent. & re judic.* c. *Romana*. *de Offic. Vicar.* in 6. & 24. q. 1. *cap. Audivimus*. At id est intelligendum de Excommunicato non tolerato, vel publico Clerici percussore: nam cæteri ob *Extravag. Ad evitanda*. *Concilii Constant.* validè absolvent. Mastrius *d. disp.* 13. num. 50. & 51. Ego in Decisionibus meis *de Pœnitentiâ. decis.* 45. num. 2. 9. Si Excommunicatus non toleratus, vel publicus Clerici percussor se immisceat in Divinis Officiis cum aliis Clericis, est ab eis expellendus; nam prædictus non est admittendus in Ecclesiâ; nisi ad audiendas Conciones. *cap. Si quis Episcopus*. 4. q. 3. *cap. Is, qui*. *de Sent. Excomm.* in 6. *cap. 1. de Sentent. & Re judic.* in 6. 10. Moriens Excommunicatus non toleratus, vel Clerici publicus percussor absque pœnitentiâ privatur Ecclesiasticâ sepulturâ. *cap. Sacris*. *de Sepult.* & *Clem. 1. eod. tit.* 11. Quilibet excommunicatus majori excommunicatione ad beneficia, seu Ecclesiasticas Dignitates non potest validè promoveri. *cap. Pastoralis*; ubi DD. *de Clerico excomm.* Circâ autem obtenta antè Excommunicationem non est eis privatus, an-

tequàm publicetur à Judice privationis Sententia . *cap. Pastoralis . §. Verùm . de Appellat.* At tenetur restituere fructus . *ibid. §. fin. & cap. Quod autem . 23. q. 7. & cap. Præter . 22. dist. 12.* Si à non tolerato conferantur beneficia , collatio est invalida ; & provisus censetur intrusus , ac ea dimittere debet , & fructus restituere . *c. Quia diversitatem . de Concess. Præb. cap. Tanta . de Excessib. Prælat. & cap. 1. Ne Sede Vacante in 6.* 13. Tandem Excommunicati non tolerati non possunt stare in Judicio . *cap. Præsidentes . de Hæretic. c. Dacernimus . de Sent. excom. cap. 1. de Except. in 6. cap. Veniens . de Testib. cap. Intelleximus . de Judic.* Si tamen de facto Matrimonium contrahunt ; aut Professionem religiosam faciant ; validè agunt . *cap. Significasti . & cap. Cum illorum . de Sent. excom. eâ ratione , quia nullo canone illa irritantur . Mastr. d. disp. 13. num. 56. ubi idem tenendum sentit de validitate privatorum contractuum , ac activæ , & passivæ factionis testamenti , nisi insequutus fuisset hostiliter Cardinales , aut protector hæreticorum . c. Felicitis . de Pœnis in 6. c. Excommunicamus . de Hæreticis in 6.*

Effectus autem Minoris Excommunicationis est peccatum mortale , si communicatio cum Excommunicato non tolerato , vel publico percussore Clerici fiat in rebus divinis ; venialis verò culpa , si communicatio fiat in rebus humanis tantùm ; & absque contemptu Clavium Ecclesiæ . *cap. Si celebrat . De Clerico excom. ministr. Mastrus ubi supr. num. 58.*

Quo ad Quintum . Licitum est communicare cum excommunicatis etiam non toleratis , quando communicatio prædicta sit vel ex ignorantia , vel ex utilitate , aut ex necessitate , juxtâ casus contentos in hoc carmine , videlicet :

*Utile , Lex , Humile , Res ignorata , Necessè*

Quorum verborum sensus talis est . *Utile* , idest monendo , & hortando Excommunicatum ad poenitentiam . *Lex* , ut in Uxore , vel in debitore . *Humile* , ut in Filiis , ac Servis . *Res ignorata* , quando verè quis nescit , illum esse excommunicatione majiori irretitum . *Necessè* ; si verè urgeat gravis aliqua necessitas spiritualis , vel temporalis , tùm in ipso communicante , tùm in eodem excommunicato . *cap. Quoniam multos . II. q. 3. cap. Inter alia . §. II.*



*g. Illud. de Sent. Excomm. Mastrius d. disp. 13. num. 60.*

Quo ad Sextum. Ad sciendum, quis possit absolvere ab Excommunicatione, quatuor sunt Regulæ observandæ. Una est, quod si Excommunicatio sit reservata Papæ, solus Papa potest ab eâ absolvere. Si sit reservata ab Episcopo, solus ipse Episcopus. Si sit lata à Judice, solus ille Judex, vel ejus Superior in causâ appellationis. Quæ autem Excommunicationes sint reservatæ Papæ? vel Episcopis? notant Card. Toletus *lib. 1. cap. 18. & seqq.* Buserbaum *lib. 7. cap. 2.* Abelly *cap. 6. de Censuris sect. 2. & Mastrius d. disp. 13. à n. 69. & seqq.* Altera Regula est, quod in articulo mortis omnes Confessarii possunt absolvere à quâcunque Excommunicatione cuicunque reservatâ. Mastrius *d. disp. 13. num. 61. & seq.* Tertia Regula est, quod Episcopi possunt absolvere etiam ab Excommunicationibus Papæ reservatis, si delictum sit occultum. Exceptis tamen illis contentis in Bullâ Cœnæ Domini; ac illis inflictis ob Hæresim, ob Duellum, ob Simoniam realem, ob violatam Monialium clausuram ad malum finem; & ob læsam Ecclesiasti-

cam Immunitatem; ut dictum est suprâ in *Tit. præced. Quarta Regula* est, quod publicus percussor Clerici absolvi potest ab Episcopo, si sit Impubes; vel Senex, vel Mulier, vel Filiusfamilias, vel Regularis, vel si ob grave impedimentum accedere non possit ad Apostolicam Sedem; ut docent DD. quos citat Mastrius *d. disp. 13. num. 63.* & alii, quos allegavi in meis Decisionibus *de Pœnitentiâ. decis. 45. à n. 5. & seqq.* ubi hæc tertia, & quarta Regula fuit concludentissimè comprobata.

Quo ad Ultimum. Quatuor sunt causæ, quæ excusant ab incurrendâ Excommunicatione, quas retuli suprâ in *Tit. anteced. in respons.* Ad Septimum, videlicet Ignorantia invincibilis, Impotentia vera, Appellatio legitima, & Remissio ejus, quam faceret ille, ad cujus instantiam esset inflicta excommunicatio; & ided ad dicta ibidem studiosus Lector recurrat.

## TIT. XIV.

*De Excommunicatione contrâ  
pugnantes in Duello.*

**I**Nter præcipuas Excommunicationes à Jure latas, satis conspicua, ac frequens reputatur illa, quâ plectuntur pugnantes in Duello: idcirco post explicitam materiam Excommunicationis in genere, agendum est in specie de hâc Excommunicatione ob Duellum; & pro ejus intelligentiâ videbimus:

1 *Quid, & Quotuplex sit Duellum?*

2 *Quo Jure prohibitum sit Duellum?*

3 *Quæ poenæ sint statutæ contrâ pugnantes in Duello?*

4 *An aliquando sit licitum pugnare in Duello?*

5 *Quis possit absolvere ab Excommunicatione incursâ ob Duellum?*

Quo ad Primum Duellum est duorum, vel etiam plurium singulare certamen, quod ex condicito, uno indicente, & altero acceptante, suscipitur, præviâ designatione loci, temporis, & armorum. Ita Bonacina tom. 1. de Censuris. disp. 2. q. 6. punct. 1. & Mastrius in Theolog. Moral. disp. 10. num. 12. Dicitur duo-

rum, vel plurium singulare certamen, ad differentiam belli; quod consistit in multitudine Militum; & in pugnâ universali. Dicitur ex condicito, idest ex provocatione ad pugnandum in Duello per unum factâ, & per alterum susceptâ; & ided si ex calore iracundiæ aliqui se invitent ad pugnandum, & statim pugnent, non dicuntur committere Duellum, neque incurrunt penas contrâ pugnantes in Duello inflictas; quia hi pugnant non præmeditatè, neque præviâ conventionione, sed ex furore animi irati. Antonellus de Regimin. Milit. Eccl. lib. 6. cap. 16. n. 4. Marcellus Vulpes in Praxi. c. 1. num. 49. Dicitur præviâ designatione loci, temporis, & armorum, quia hæc tria necessaria sunt ad quidditatem Duelli; quâpropter si quis dixerit suo Adversario, pugnabis mecum, cum te invenero in tali loco; etiamsi postea eum ibi inveniat, & secum pugnet, non censetur committere Duellum. Antonellus d. cap. 16. num. 5. Lezana in Summâ. tom. 3. Verb. Duellum. num. 3. Collegium Salmanticens. tom. 12. tract. 10. de Censur. c. 4. num. 33. Similiter qui ex condicito pugnant non armis, sed pugnis, non videntur Duellum



lum facere ; nec pœnas incur-  
rere contrâ Duellistas latas .  
Salmanticen. *ibid.* num. 34. &  
Naldus *Verb. Duellum* n. 2.

Duplex autem est Duellum  
secundum Theologos , & Mora-  
listas . Unum *Solemne* ; & est  
illud , quod fit in aliquibus lo-  
cis ex publicâ auctoritate ; &  
Principe permittente . Alterum  
*Minus solemne* , seu *Privatum* ;  
quando duæ personæ privatæ ,  
aut tres , vel quatuor ex con-  
dicto conveniunt ad pugnan-  
dum simul , loco , tempore , &  
armis inter se conventis . The-  
saur. *de Pœnis Eccl.* part. 2. *Verb.*  
*Duellum.* cap. 1. & Sanchez in  
*Decalog.* lib. 2. cap. 39. num. 22.  
Utrunque tamen est illicitum ,  
& damnatum .

Quo ad Secundum . Duel-  
lum est prohibitum : *Primò* de  
Jure Divino ; nam ab eo veti-  
tum est hominibus exponere  
propriam vitam periculo mor-  
tis absquè urgentissimâ causâ .  
Mastrius *d. disp.* 10. n. 112. ubi  
DD. *Secundò* de Jure Civili  
per text. in l. *Unicâ* . Cod. *de*  
*Gladiator.* *Tertiò* de Jure Ca-  
nonico in cap. *Monomachiam* . 2.  
q. 5. in cap. 1. & 2. *de Clericis*  
*pugnan. in Duello.* Ex Bullâ Pii  
Quarti Incipien. *Ea , quæ à*  
*Prædecessoribus* , &c. & est in  
Bullario *Const. XXI.* Ex Con-

cilio Tridentino *sess.* 25. *de Ref.*  
*cap.* 19. Ex Bullâ Gregor. XIII.  
Incipien. *Ad tollendum &c.* &  
est inter ejus *Constitut.* 78. Et  
ex Bullâ Clementis VIII. quæ  
incipit , *Illius vices &c.* ac est  
*Const. XI.* inter illas ejusdem  
Pontificis , de quibus omnibus  
latè differunt Thesaur. *d. part.*  
2. *Verb. Duellum.* à cap. 1. *us-*  
*que ad cap.* 3. & Novarius in  
Summâ Bullarii *part.* 1. *Com-*  
*mentar.* 51. & *part.* 2. *Comment.*  
62. ubi plures DD. allegantur .

Quo ad Tertium . Pugnan-  
tes in Duello , *Primò* commit-  
tunt peccatum mortale gravis-  
simum . *Secundò* incurrunt in-  
famiam , & proscriptionem bo-  
norum ; ac alias pœnas contrâ  
Homicidas statutas ; & *Tertiò*  
ex suprâ citatis Pontificiis Con-  
stitutionibus tùm ipsi pugnan-  
tes in Duello , tùm eorum Fau-  
tores , Consultores , Patrini ,  
atque Spectatores incurrunt in  
excommunicationem latæ Sen-  
tentiaë , Summo Pontifici re-  
servatam ; & morientes ex vul-  
nere in Duello inflicto carent  
Ecclesiasticâ Sepulturâ . *Quartò*  
ulteriùs si prædicti pugnantes ,  
vel consulentes , aut coadjuvan-  
tes Duellum , sint Clerici , re-  
manent infames , irregulares ,  
& privati Beneficiis , ac Pensio-  
nibus ultrâ pœnas supradictas ,  
ut

ut latè ostendunt Novarius , & Thesaur. *ubi supr.* ac Antonellus *de Regim. Milit. Eccl. d. lib. 6. cap. 16.* nec non Mastrius *d. disp. 10. n. 114.*

Quo ad Quartum. Si quærimus , An aliquando liceat acceptare Duellum , & in eo pugnare ? Firmanda est Regula negativa ; itaut neque Vir Nobilis provocatus ad Duellum sub pœnâ infamiæ , possit illud acceptare ; quia cum sit actus prohibitus tùm Jure Divino , tùm Constitutionibus Ecclesiasticis , ac Legibus Civilibus , debet respondere provocanti : *Te non formido ; & si in aliquo loco me invaseris , me defendam . Tuum autem Duellum non accepto , quia Deum timeo , & Ecclesiæ obedio ; ac Legibus Divinis , Ecclesiasticis , & Humanis contraire non debeo .* Idcirco hîc notanda est Propositio damnata ab Alexand. VII. Anno 1665. *la 2.* quæ asseribat ; quod *Vir Equestris ad Duellum provocatus , potest illud acceptare ; nè timiditatis notam apud alios incurrat .* Ita Colleg. Salmanticen. *d. cap. 4. n. 38.* ubi DD. qui tamen ab hâc Regulâ tres casus excipiunt . *Primus* est , si quis provocetur ad Duellum ab inimico associato à Sicariis , à quibus statim sit con-

fodiendus , nisi acceptet Duellum ; talis enim acceptatio esset ad necessariam suæ vitæ defensionem . *Secundus* est , si quis innocens sententiaretur à Judice ad acceptandum Duellum ; aliàs à carnifice occideretur . *Tertius* est , si ad finendum bellum , & ad parcendum toti exercitui , proponatur Duellum inter duos , vel aliquos particulares Milites habendum ; ut legitur in Vitâ Sancti Wenceslai Ducis Boemiæ die 28. Septembris in Breviario Romano . *Diana part. 3. tract. 6. resol. 1.* Et Colleg. Salmanticen. *d. tom. 12. tract. 10. de Censuris cap. 4. n. 39.*

Quo ad Quintum , & Ultimum requirens , *Quis possit absolvere ab excommunicatione incursâ ob Duellum ?* Regula est pariter firmanda , quod solus Papa potest ab eâ absolvere , quia per Constitutiones Pontificias suprâ relatas , ei soli est absolutio reservata . Nihilominus Moralistæ dant duas exceptiones huic regulæ : *Una* est , si Duellum fuisset occultum ; tunc enim Episcopus vigore Concilii Tridentini *sess. 24. de Reform. cap. 6.* posset absolvere . At ego hanc exceptionem confutavi in meis Decisionibus *de Pœnitentiâ . decis. 45. num. 6.* ubi



ubi Studiosus Lector videat .  
*Altera est, si Duellista ex legitimo impedimento non possit recurrere ad Papam, nam tunc eum absolvit Episcopus. Lezana d. Tom. 3. Verb. Duellum. n. 13. & Pellegrinus in tract. de Duello. quæst. 37.*

T I T. XV.

*De Excommunicatione contrâ violantes Clausuram Monialium, & Virorum Regularium.*

**A**ctum est de Excommunicatione inflictâ ad retrahendos Laicos ab interitu corporis, & animæ per Duellum; restat agendum de aliâ Excommunicatione latâ pro corporali, & spiritali salute Virginum, quæ se dedicaverunt Deo per Vota solemnia Paupertatis, Castitatis, ac Obedientiæ, cum obligatione vivendi in perpetuâ Clausurâ: pro cujus intelligentiâ videbimus:

- 1 *Quid, & Quotuplex sit Monialium Clausura?*
- 2 *Quo tempore, & quo Jure sit introducta?*
- 3 *Quot modis violetur Monialium Clausura?*
- 4 *Quæ poenæ sint inflictæ con-*

*trâ violantes Monialium Clausuram?*

- 5 *An sint casus, in quibus liceat Monialibus exire de Clausurâ.*
- 6 *Qui possint absolvere ab Excommunicatione incursâ ob violatam Monialium Clausuram.*

Quoad Primum. Duplex est Clausura Monialium, *Materialis* scilicet, & *Formalis*. Clausura Materialis est locus clausus, ac muris septus, & ostiis occlusus, in quo habitant Virgines Deo consecratæ; & in quem hominibus non est liber ingressus. *l. 3. §. Subvenitur. ff. Ad Senat. Consult. Syllan. GIBBALLINUS de Clausurâ Regular. disquis. 1. in princ.* Formalis Clausura est Lex prohibens Monialibus egressum de Monasterio; ingressum in illud, & accessum ad colloquendum cum Monialibus absque necessariâ causâ, & legitimâ licentiâ cuicumque personæ. *cap. Perniciosam. 18. q. 12. cap. 1. de Statu Regular. in 6. Bonacina de Clausurâ Monial. q. 3. punct. 1. & 2.*

Quo ad Secundum. Clausura Monialium Deo consecratum est antiquissima; tùm quia erat in usu etiam in Lege Mo-

tio Divino mancipatæ, morabantur in exedris Templi, ut legitur 2. *Machab.* 3. 19. & de Annâ Prophetissâ filiâ Phannuel; quæ, ut scribit S. Lucas 2. 36. *non discedebat de Templo, jejuniis, & obsecrationibus serviens nocte, ac die.* tum etiam quia ab initio Ecclesiæ fuerunt in usur Monasteria Virginum, Deo addictarum; quas salutat S. Ignatius Martyr *Epist.* 10. 12. & 15. & de eis meminit S. Clemens Papa apud S. *Epiphan. Hæres.* 30. ac de illis testantur S. Ambrosius *libr. 3. de Virginib.* S. Hieronymus *lib. 1. advers. Jovinian.* & S. Augustin. *Epist.* 109. Quamvis tunc clausura non esset omnino absoluta; quia ex urgente causâ, & cum debitâ licentiâ, ac convenienti comitatu poterant Moniales aliquâ vice de Monasterio exire. S. Antonin. *in Summ.* 3. p. tit. 20. cap. 2. §. 3. *Vers. Egressum autem Monialium.* & Giballin. *de Clausur. d. disquis.* 1. cap. 1. §. 2. Absoluta verò, & de necessitate imposita est Clausura Monialibus Deo professis per Legem Ecclesiasticam; *Primò*, per Constitutionem Bonifacii Octavi Summi Pontificis circâ finem tertii decimi sæculi, quæ habetur *in cap. Periculoso. De Statu Regular.* cum enim eo

tempore vel ob excedentem malitiam hominum, vel ob nimiam calamitatem temporum, Synodalia Decreta, & Prælatorum inferiorum Leges pro custodiâ Virginalis innocentiae non sufficerent, prædictus Bonifacius Octavus Papa indixit omnibus, & quibuscunque Monialibus perpetuam Clausuram; itaut jisdem non liceret amplius egredi de Monasteriis, nisi ex causâ morbi contagiosi; neque ad eas daretur Virorum accessus, vel ingressus, nisi ex rationabili causâ, & cum legitimâ Episcopi licentiâ. *Secundò* hanc Constitutionem Bonifacii VIII. confirmavit Concilium Trident. *sess. 25. de Regular. cap. 5.* additâ poenâ Excommunicationis ipso facto incurrendæ ab inobedientibus. *Tertiò*, easdem clausuræ Monialium Leges innovavit Sanctus Pius V. Papa Anno 1566. per Bullam Incipien. *Circâ Pastoralis.* & per aliam Anno 1570., quæ incipit, *Decori, & honestati.* additâ pariter poenâ excommunicationis Sedi Apostolicæ reservatâ contrâ transgredientes. *Quartò* tandem ad majorem firmitatem prædictæ Monialium Clausuræ emanarunt aliæ Constitutiones Gregorii XIII.



Gregorii XV. & Pauli V. qui etiam revocaverunt quascunque licentias sublimibus personis ab Apostolicâ Sede concessas ingrediendi Monasteria Monialium; quas omnes Constitutiones referunt Barbosa in Collect. DD. ad d. cap. Periculoso. de Statu Regular. in 6. & Tamburin. de Jure Abbatissar. disp. 16. quæst. 2. & 3.

Quo ad Tertium. Tribus modis violatur Monialium clausura: per egressum earundem de Monasterio; per ingressum Viro- rum in Monasteria ipsarum; & per accessum ad ostia, vel Crates Monasteriorum ad colloquendum cum ipsis Monialibus; deficiente tamen rationabili causâ, & legitimâ licentiâ in omnibus tribus modis supradictis; ut notat Barbosa in d. cap. Periculoso. De Statu Regular. & DD. ibi per eum collecti, ac citati.

Quo ad Quartum, in quo quæritur, Quæ pœnæ sint inflictæ contrâ violantes Monialium clausuram? Respondetur Primò, quod si violatio sit per egressum à Moniali factum (exceptis casibus à Jure permissis, de quibus infrâ) ipsa incurrit duas pœnas; Una est Excommunicatio latæ sententiæ, cujus absolutio est Papæ

reservata, per Bullam Incipien. *Decor. la* 8. Sancti Pii Quinti; ut notant Barbosa in d. cap. Periculoso. num. 20. De Statu Regular. in 6. Thesaurus de Pœnis Ecclesiast. part. 2. Verb. Clausuram violans. cap. 8. Sanchez in Decalogum. lib. 6. cap. 15. à n. 63. & Donatus de Regularib. tom. 4. tract. 4. q. 8. Altera pœna est privatio omnium Dignitatum, si quas habebat; necnon amissio suæ Dotis, tùm de Jure Civili. l. Deo nobis. 54. §. Hujus autem. C. De Episc. & Cler. & in Auth. Si qua mulier. C. de Sacrosanct. Eccl. tùm de Jure Canonico, ut per cap. Abbat. 18. q. 2. cap. Verùm. De Conditionib. apposit. & docent tùm Moralistæ. Lezana in Sum. tom. 3. Verb. Dos Monialium. num. 6. Donatus tom. 1. part. 2. tract. 5. q. 58. & tom. 4. tract. 4. q. 19. tùm Canonistæ. Navarr. Commentar. 4. de Regularib. n. 24. Vers. Undecimò. & Surdus de Alimentis. tit. 9. quæst. 27. tùm etiam Criminalistæ Decian. lib. 5. cap. 73. n. 16. atque Farinacius de Hæresi. quæst. 183. §. 8. num. 114. quorum omnium verba ego retuli in meis Discordiis Forensibus part. 4. de Regularib. Discord. 44. à num. 5. & seqq. Et non solum incurrunt prædictas pœnas ipsæ Moniales &

Mm. 2 clau-

clausurâ egredientes, sed etiam illas comitantes, ac receptantes. *Thefaur. d. part. 2. Verb. Clausuram Monialium. c. 8. Vers. Aliter.* & Barbosa in *Collect. DD. ad d. cap. 1. de Statu Regular. num. 20. Secundò*, si violatio clausuræ Monialium fiat per ingressum, omnes ingredientes, & eos introducentes, ac recipientes, (extrâ casus licitos, ac necessarios, & cum debitâ licentiâ) paritèr incurrunt excommunicationem Summo Pontifici reservatam, tum ex *Concil. Trid. d. sess. 25. de Regular. cap. 5.* tum ex Constitutionibus Gregorii XIII. incipien. *Ubi gratiæ*, ac Pauli V. quæ incipit *Monialium status*; ut demonstrat Donatus *d. 10. 4. tract. 5. quæst. 1. & 2.* & declaravit Sacra Congregatio Episc. & Regular. apud Pignatellum *tom. 6. consult. 85. n. 251. & 252.* & tantò magis si ingressus sit ad malum finem, ut ego ostendi in meis Decisionibus *de Eucharistiâ. decis. 18. num. 30. & 31.* ubi quod neque Superioribus licitum est intrare Monasteria Monialium absque legitimâ causâ, aliàs incurrunt eadem pœnas. *Tertiò*, si violetur Monialium clausura per accessum ad crates, & collocatoria Monasterii à personis pro-

hibitis, hæc ultrâ peccatum mortale incurrunt pœnas, ac Censuras per Ordinarios locorum inflictas, etiam si accedentes, & colloquentes cum Monialibus sint Regulares.

Quo ad Quintum. Circâ casus, in quibus licitum sit Monialibus exire de Clausurâ; quamvis Sanctus Pius V. in præcitatis suis Constitutionibus expresse tantum tres Casus, scilicet *Magnum incendium*, morbum *Lepræ*, & morbum *Epidimiæ*; & disputent Doctores, an hi tres Casus expressi sint taxativè, vel exemplificativè, ut scribit Barbosa *alleg. 102. num. 16.* & Giballin. *Disquis. 1. cap. 6. num. 33.* verior tamen opinio est, quod dicti tres casus stent exemplificativè, ut probant Sanchez in *Decal. lib. 6. cap. 15. num. 37.* Novarius in *Summ. Bullar. part. 1. Comment. 41. num. 14.* Ventriglia *tom. 1. Annot. 5. §. 2. n. 25.* & Zacchias in *QQ. Medicoleg. libr. 3. tit. 3. quæst. 6. n. 10.* necnon in *Consil. 64. per tot.* Idcirco communiter DD. addunt alios casus licitos pro egressu Monialium de clausurâ, nempe Alluvio fluminis, vel procellæ, ac Sæviens Bellum, ex quibus immineret ruina Monasterii, vel directio Monialium. Giballin. *d. Disf.*



*d. Disquis. 1. cap. 6. num. 33.* & quodcunque aliud periculum influens in totam Monialium communitatem. Ex quâ doctrinâ colligitur, quod si morbus, vel periculum immineat alicui particulari ex Monialibus, ei non licet è clausurâ exire; quod si morbus esset pestilentialis petenda esset licentia à Sacrà Congregatione, & non sufficeret permissio Episcopi; nisi temporis angustia aliud suaderet. *Ventriglia d. tom. 1. Annot. 5. punct. 2. n. 29.* Prout etiam ejusdem Sacræ Congregationis licentia est necessaria, si agatur de egressu Sanctimonialis profundando alibi Monasterio; vel pro corrigendâ aliquâ Moniali contumaci, quæ ibi ob factiones corripì non posset. *Giballin. d. cap. 6. à num. 37. & seqq.*

Pro ingressu autem Virorum in Clausuram Monialium casus liciti sunt tùm illi, qui concernunt bonum commune totius Monasterii, in rebus necessariis pro alimentis, ac sustentatione totius Communitatis; & sic ingrediuntur, præviâ licentiâ Episcopi, bajuli, rustici, vectores curruum cum bladis, & uvis, ac alii operarii, & artifices. *Gloss. in cit. cap. 1. de Statu Regular. in 6. tùm illi*

casus, qui respiciunt bonum particulare alicujus Monialis; & hâc de causâ si aliqua sit infirma, intrant in clausuram Confessarius, Medicus, Chirurgus, & aliquando ancillæ, ac mulieres laicæ, quæ ministris vilioribus; & operosioribus inserviant; aut Moniali morbo diuturno, ac periculoso affectæ assistant, ad tradita per *Barbosam d. Allegat. 102. n. 60. Bonacinam de Clausurâ. quæst. 4. punct. 4. num. 10. & Crispinum de Visitat. Pastor. part. 2. §. 42. num. 99.* Ulteriùs etiam ob bonum consanguineorum conceditur ingressus puellarum educandarum; et si & hoc concernat bonum Monasterii ad propagandam successionem Sanctimonialium; imò permitti solet ingressus alicujus Mulieris nobilis Uxoratæ, ad evitanda scandala ob dissidia cum marito; circâ quæ pollet arbitrium Episcopi in concedendâ licentiâ, ut tradunt *Giballin. de Clausurâ. d. disp. 1. Tamburin. de Jurè Abbatissar. disp. 24. quæst. 1. & Donatus d. tom. 4. tract. 5. quæst. 19.*

Pro accessu tandem ad Crates pro colloctione cum Monialibus requiritur bonum nomen accedentium, & eorum parentela in primo, & secundo

do gradu; dummodò non sint Regulares; his enim interdictum est ab Apostolicâ Sede accedere ad colloquendum cum Monialibus, nisi quater in anno, & cum consanguineis in primo, vel secundo gradu tantum, & cum licentiâ Episcopi; cui propterea data est facultas puniendi Regulares transgressores etiam Censuris, & etiam in Monasteriis exemptis, ut ex Bullâ Gregorii XV. *Inscrutabili*, &c. Ex Decreto Urbani VIII. de Anno 1623. & ex alio Decreto Clementis Noni de Anno 1669. quæ leguntur apud Pignatellum *tom. 6. Consult. 85. num. 165.*

Quo ad Ultimum. Absolvere ab excommunicatione incursâ tam per egressum, quàm per ingressum illicitum in Clausuram Monialium, cum sit reservata Papæ, spectat tantummodò ab ipsum. Disputant nihilominus DD. an absolutio obtineri possit vel ab Episcopo, vel à Confessariis Regularibus? Et affirmant de Episcopo, si egressus, vel ingressus sit occultus, & hoc vigore Concilii Tridentini *sess. 24. de Ref. cap. 6.* Ita Bonacina *de Censur. disp. 1. q. 22. punct. 2. num. 2.* & de Clausurâ. *quæst. 1. punct. 5. num. 2.* Thesaurus d.

*part. 2. Verb. Clausuram. cap. 8. Vers. Absolvere.* & alii, quos ego citavi *de Eucharist. decis. 18. num. 22.* De Confessariis verò Regularibus negant ob Decretum Clementis VIII. in quo noluit, eosdem posse absolvere à septem casibus Papæ reservatis; & inter eos est violatio clausuræ Monialium; & dictum Decretum legitur apud Donatum *tom. 2. part. 3. tract. 11. quæst. 17.* & apud Pignatellum *d. tom. 6. Consult. 85. n. 165. & 166.*

Corollarii loco notandum est, aliam pariter Excommunicationem Papæ reservatam latam esse contrâ Mulieres violantes Clausuram Regularium Virorum per ingressum in eorum Monasteria, non solum ad malum finem, sed etiam ex merâ curiositate; ut in Bullâ Sancti Pii V. *diei 24. Octobris 1566. Incipien. Regularium Personarum &c.* quæ in Bullario Cherubini habetur *tom. 2. Consult. 20.* de quâ agunt Fagnanus *in cap. Nuper. num. 35. de Sent. Excommun. tom. 7.* Antonell. *de Loco Legali lib. 1. cap. 10. n. 57.* Novarius *in Summâ Bullarii part. 2. Comment. 39. n. 6.* & alii, quos ego allegavi in meis *Discordiis Forens. de Regular. Discord. 27. n. 4. ubi n. 15. & 16. ostend.*



ostendi; Confessarios Regulares ab hac Excommunicatione absolvere non posse.

TIT. XVI.

De Ecclesiastico Interdicto.

**Q**UONIAM Ecclesiasticum Interdictum valde fraternizat cum Excommunicatione, quia & istud solet infligi tam contra Clericos, quam contra laicos; idè statim post illam agitur de ipso; pro cuius intelligentiâ videbimus:

1. *Quid sit Interdictum Ecclesiasticum?*
2. *Quotuplex sit?*
3. *Qui possint infligere Ecclesiasticum Interdictum?*
4. *Ob quas causas?*
5. *Qui teneantur observare Ecclesiasticum Interdictum?*
6. *Qui sint effectus hujus Interdicti?*
7. *Quas pœnas incurrant violentes Interdictum?*
8. *Quis possit tollere Interdictum?*

Quo ad Primum. Interdictum est Ecclesiastica Censura, per quam fidelibus prohibetur participatio Sacramentorum; Divinorum Officiorum; & Ecclesiasticæ Sepulturæ. Hæc definitio colligitur ex cap. Non est nobis,

De Sponsalibus. & ex cap. Quod in te de Pœnitent. & remiss. Aliam definitionem tradit Scotus in 4. dist. 25. q. 1. G. ita dicens. Interdictum est probhibitio, vel arctatio à quibusdam actibus Ecclesiasticis exercendis, vel ab assistendo quibusdam talibus. Videatur Mastrius in Theol. Moral. disp. 13. num. 106. ubi alias definitiones ponit.

Quo ad Secundum. Ecclesiasticum Interdictum est triplex, *Locale, Personale, & Mixtum*. Interdictum *Locale* est, quando prohibetur, ne in tali loco divina Officia celebrentur. *Personale*, quando prohibetur aliquibus personis assistere activè, vel passivè divinis Officiis in quocunque loco. *Mixtum* Interdictum est, quando locus simul, & personæ interdicuntur. cap. Præsenti. De Sent. Excommun. in 6. cap. Sententia. eod. tit. & Mastrius d. disp. 13. num. 107. & 108. ubi duas alias dat divisiones. *Una*, quod aliud est Interdictum generale, quando totum Regnum, vel Provincia interdicitur. Et aliud est particulare, quando aliquod Templum, vel Ecclesia tantum interdicitur. *Altera* divisio est, quod aliud Interdictum est à Jure, & aliud ab homine. Ex his resultat hæc differentia.

rentia inter Interdictum locale generale ; & Interdictum generale personale : quod scilicet in Interdicto generali locali poterit populus illius Regni audire Divina in Ecclesiis extrâ illud Regnum : At in Interdicto generali personali eadem personæ nec extrâ Regnum poterunt audire Divina ; advenæ verò advenientes in loco personalis Interdicti poterunt Divina audire ; quia eos hoc Interdictum non afficit . *d. cap. Si Sententia . de Sentent. Excomm.* Mastrius *d. disp. 13. num. 109. & n. 110.* subdens , quod in Interdicto generali Mixto comprehenduntur tam nocentes , quam innocentes ; itâ tamen , ut si hi discedant à loco Interdicto , poterunt alibi Divina audire ; non etiam culpabiles , & nocentes . *d. c. Si Sententia ;* & ibi Glossa *de Sent. Excomm. in 6.* Illud etiam notandum , quod Interdicto populo non censetur interdictus Clerus . *c. Quia periculum . de Sent. Excomm. in 6.* Et interdicto Clero non comprehenduntur Regulares , & Moniales . Mastrius *d. disp. 13. num. III.*

Quo ad Tertium . Potestas Ecclesiastici Interdicti indicendi residet apud Ecclesiasticos

Superiores ; ideòque apud Papam in universo Orbe , Regnis , & Provinciis ; apud Legatos Apostolicos in locis eorum Legationis ; & apud Episcopos in suis Diœcesibus . *cap. Episcoporum . de Privil. in 6. cap. Sanè . de Offic. Deleg. cap. Cum inter . de Consuetud.* Mastrius *d. disp. 13. num. 110.* ubi limitat circâ Interdictum inflictum generaliter ab Episcopo , quod non afficiat Hospites , & Scholares , qui in ejus Diœcesi reperiuntur .

Quo ad Quartum . Regula est certa , & nullam patiens limitationem ; quod Ecclesiasticum Interdictum fulminari non potest , nisi ob peccata gravia ; quæ annexam habeant contumaciam , ac inobedientiam in delinquentibus ; sive omnibus de Communitate ; sive Principalibus tantum ejusdem ; ut *in cit. cap. Si Sententia . de Sent. Excomm. in 6.*

Quo ad Quintum . Pariter datur Regula generalis , quod si Interdictum locale sit universale , ac illimitatum totius Regni , Provinciæ , vel Diœcesis ; omnes habitantes ibi tenentur illud observare , tam culpabiles , quam innocentes ; necnon tam præsentis ; quam post latum Interdictum super-



venientes. *d. cap. Si Sententia.* & ibi Glossa *de Sent. Excomm. in 6.* Et idem habet locum si Interdictum sit personale; ita tamen, ut hoc non afficiat nisi illos, qui sunt culpabiles, & contumaces, ut latè explicat Mastrius. *d. disp. 13. n. 110.*

Quo ad Sextum: Effectus Interdicti desumendi sunt ab intentione Superioris illud infligentis, expressâ in verbis, quibus fuerit ab ipso inflictum. Quod si sit generalitèr fulminatum absque ullâ restrictione, tunc tres sunt ejus effectus; nempe privatio Sacramentorum, Divinorum Officiorum, & Ecclesiasticæ Sepulturæ. Bonacin. *de Interdicto disp. 5. punct. 3.* & Mastrius *d. disp. 13. num. 112.* Porro circâ Sacramenta, non omnia censentur prohibita; sed tantum Eucharistia; excepto articulo mortis, per Viaticum. *cap. Quod in te de Pœnitent. & remis. cap. Permittimus de Sentent. Excom.* Item prohibita est Extrema Unctio, Confirmatio, Collatio Ordinum, & celebratio Matrimonii cum solemnibus benedictione, non autem eâ omisâ. Idcirco Baptismus, & Pœnitentia nunquam sunt prohibita; tanquàm prorsus necessaria ad salutem; & quando-

cunque possunt jisdem Interdicto affectis ministrari. *c. Quoniam. & cap. Alma Mater de Sentent. Excomm. in 6.* Mastrius *in cit. disp. 13. n. 113.* Quo verò ad Divina Officia; si Interdictum sit merè locale; Tunc si est particulare, ea celebrari non possunt ullo tempore in Ecclesiis particularitèr interdictis; sed utique in aliis. Si sit locale generale; nullibi officia Divina celebrantur, exceptis diebus festis Natalis Domini, Paschæ, Pentecostes, Assumptionis, & Conceptionis B. M. Virginis. Mastrius *d. disp. 13. num. 115.* suadens, quod Clerici januis clausis, & absque pulsatione campanarum possunt ea recitare. At si Interdictum sit Personale, seu Mixtum sive in genere, sive in specie, nulla die possunt Officia Divina in Ecclesiis celebrari. *cap. Si civitas. & cap. Si Sententia de Sent. Excom. in 6.* Non est tamen prohibitum tempore generalis Interdicti pulsare, & recitare Angelicam Salutationem; benedicere Mensam; adorare Crucem in die Parasceves; commendare animam moribundis, prædicare Verbum Dei, docere pueros Doctrinam Christianam; & actus spiritualis, ac temporalis Jurisdictionis,

nis exercere, ut docent DD. quos citat, ac sequitur Mastrius *ead. disp. 13. n. 117*. Tandem quo ad Sepulturam; ad eam non admittuntur, qui sunt personali Interdicto perculsi. *d. cap. Si Civitas. de Sent. Excomm. in 6.* Nisi habeant speciale Privilegium. *cap. Quod in re. de Pœnit. & Remiss.* At si Interdictum sit locale tantum, illa nulli morienti denegatur, nisi dederit causam Interdicto. Mastrius *ubi supr. n. 116.*

Quo ad Septimum. Pœnæ, quas incurrunt violantes Interdictum, sunt sequentes. *Primò*, ministrantes, ac suscipientes Sacramenta prohibita peccant mortaliter. *Secundò*, committunt Sacrilegium. *Tertiò*, Clerici illa ministrantes fiunt Irregulares. *cap. It, cui. de Sent. Excomm. in 6.* *Quartò*, qui recitant publicè, & audiunt Divina, & ipsi mortaliter peccant. *Quintò*, Laici cogentes Clericos ad celebrandum in loco, vel tempore Interdicto, incurrunt in Excommunicationem. *Clem. 2. de Sent. Excomm.* Et *Sextò* sepelientes defunctos in Loco Sacro interdicto pariter excommunicationem incurrunt. *Clem. 1. de Sepult.* Mastrius *d. disp. 13. num. 118.*

Quo ad Ultimum; in quo quæritur, Quis possit tollere Interdictum? DD. distinguunt; Vel Interdictum est ab Homine, & absque præfinitione temporis? & ab eodem est tollendum vel per relaxationem, vel per absolutionem. Vel est à Jure? Et tunc subdistinguunt: Vel est locale reservatum Papæ? Et à solo Papâ tollitur. Vel non est alicui reservatum? Et à solo Episcopo tolli potest. Vel est Interdictum personale nulli reservatum? Et hoc quilibet Confessarius tollere potest per absolutionem, datâ satisfactione; vel præstitâ cautione de satisfaciendo, si necesse sit. Ira DD. apud Mastrius *ead. disp. 13. num. 121.* qui *num. 125.* advertit, quod per Appellationem ab Interdicto, ejus effectus non suspenditur; quia debet plenè observari, donec Superior servatis servandis, & causâ cognitâ illud revocet. *cap. Ad hæc quoniam. De Appellat.*

Corollarii loco notandum est, ultrâ Interdictum dari *Cessationem à Divinis*, quæ est quædam prohibitio ob mœrorem facta, ne in aliquo loco Divina Officia celebrentur; & habet analogiam cum Suspensione, & Interdicto, sed verè



rè non est Censura Ecclesiastica ; idèdque inobedientes non fiunt Irregulares , etsi incurrant Excommunicationem , de quâ in Clem. 1. De Sentent. Excommuni. ac eâ durante , non est prohibitum sepelire fideles in loco Sacro , dummodò in eis sepeliendis non fiat recitatio Divinorum Officiorum . Mastrius ibid. num. 124. & numer. 125.

T I T. XVII.

De Suspensione à Divinis .

CUM tres esse Ecclesiasticas Censuras suprâ notatum sit ; & de duabus egerimus , scilicèt de Excommunicatione , & de Interdicto ; remanet , ut de tertiâ verba faciamus , nempe de Suspensione à Divinis ; pro cuius explanatione videbimus :

- 1 Quid sit Suspendio à Divinis ?
- 2 Quotuplex sit ?
- 3 Quis possit eam infligere ?
- 4 Qui sint ejus effectus ?
- 5 Quas pœnas incurrat , qui illam non servat ?
- 6 Quæ , & Quot sint Suspensiones à Jure inflictæ ob malam Ordinum suspensionem ?

7 Quæ sint causæ excusantes ab incurso Suspensionis ?

8 Quis possit ab eâ absolvere ?

Quo ad Primum . Duæ dantur à Theologis definitiones . Una est ; quod Suspendio à Divinis est Ecclesiastica Censura , quâ Minister Ecclesiæ arcetur ab aliquo actu Ecclesiastico , aliâs sibi conveniente ; & hoc ad tempus . Ita Scotus in 4. dist. 25. q. 1. H. Dicitur Censura Ecclesiastica tanquàm genus ; cum , ut dictum est , existant aliæ duæ Censuræ . Dicitur Minister Ecclesiæ ad differentiam aliarum duarum ; quæ possunt infligi tam in Clericos , quàm in Laicos ; hæc autem fulminatur tantum contrâ Ecclesiæ Ministros ; videlicèt Clericos ; tam post susceptos Ordines , quàm in eorum susceptione ; ut in eo , qui , etiam ignorantèr ordinatur antè legitimam ætatem . cap. Vel non est compos . de Temp. ordinat. Dicitur ab aliquo actu Ecclesiastico , aliâs sibi conveniente ; quæ verba comprehendunt tam Sacrificia , quàm Divina Officia ; tam universalitèr , seu in Choro ; quàm particularitèr extrâ Chorum ; siquidem ad differentiam Excommunicationis , suspendi potest à Divinis totum Capitulum Canonicorum , etsi illud

excommunicari non possit .  
 Mastrius in Theol. Moral. *disp.*  
*13. num. 91.* ubi DD. docen-  
 tes, tunc illos de Capitulo ef-  
 se suspensos solummodò in jis,  
 quæ spectant ad Capitulum in  
 commune; secùs in illis, quæ  
 propria sunt unius cujusque  
 particularis personæ; nisi fortè  
 omnes essent in culpâ. *Altera*  
*definitio Suspensionis à Divinis*  
*est, quam ponit Mastrius ibid.*  
*num. 86. nempe eam esse Censu-*  
*ram, quâ Clericus impeditur, ne*  
*functiones exerceat sui Officii, vel*  
*beneficii. & coincidit cum illâ*  
*Scoti jam explicatâ.*

Quo ad Secundum: Plures  
 dantur Suspensionis à Divinis  
 divisiones. Una est, quod alia  
 dicitur à Jure, & alia ab Ho-  
 mine. Illa est à Jure, quæ in-  
 flicta legitur in Sacris Canoni-  
 bus, vel in Constitutione Ec-  
 clesiasticâ, seu generali Edi-  
 cto. Ista est, quæ per Senten-  
 tiam à Superiore profertur.  
 Mastrius *ubi supr. n. 87.* *Altera*  
*divisio est, quod Suspendio à*  
*Divinis vel est ab Officio tan-*  
*tum, vel à Beneficio tantum;*  
*vel simul ab Officio, & Bene-*  
*ficio. Prima prohibet admini-*  
*strationem Sacramentorum.*  
*Secunda vetat exactionem fru-*  
*ctuum beneficii. Tertia privat*  
*potestate tam Sacramenta mi-*

nistrandi, quàm in fructibus  
 prædictis se ingerendi; quod  
 idem est, ac reddere suspen-  
 sum inhabilem ad gerenda spi-  
 ritualia, ac temporalia sui of-  
 ficii, & beneficii. DD. apud  
 Mastrium *d. disp. 13. num. 87.*  
 Tertia divisio est, quod Suspen-  
 sio à Divinis alia est illimita-  
 ta; alia verò ad limitatum  
 tempus; putâ ad sex Menses,  
 seu ad Annum. Illa eget ab-  
 solutione; hæc autem absolu-  
 tione non indiget; siquidem  
 transacto tempore, ad quod  
 erat limitata, statim Clericus,  
 qui ipsâ erat ligatus, potest of-  
 ficium sui Ordinis exercere.  
 Glossa in *cap. Sacro. de Sent.*  
*Excomm.* Mastrius *d. disp. 13.*  
*n. 94. & n. 101.*

Quo ad Tertium. Brevitèr  
 est dicendum, quod solus Su-  
 perior Ecclesiasticus potest in-  
 fligere in suum subditum Su-  
 pensionem à Divinis, legiti-  
 mâ aliquâ præcedente causâ;  
 quæ proveniat vel à culpâ gra-  
 vi; ut si Clericus sit crimino-  
 sus; vel etiam à culpâ levî,  
 velut si esset negligens, vel de-  
 sidiosus in aliquo suo officio;  
 imò etiam nullâ subsistente  
 culpâ, sed solâ ignorantia; ut  
 dictum est de eo, qui suscipit  
 ordines antè legitimam aeta-  
 tem inscianter. *d. cap. Vel non*  
*est.*



est compos. de Temp. Ordin. Mastrius d. disp. 13. n. 90. & 100. ubi alii DD.

Quo ad Quartum. Effectus Suspensionis à Divinis sunt sequentes. *Primò*, Suspendus si celebret, aut actum Ordinis exerceat, peccat mortaliter. *Secundò* fit Irregularis. *Tertiò* actus Jurisdictionis sunt nulli in utroque Foro, interiori scilicet, & exteriori. *Quartò*, si eligatur ad aliquod beneficium, electio est irrita, ac invalida. *Quintò*, non est admittendus in Choro ad recitandas divinas laudes. *Sextò*, si suspendus sit à beneficio, & fructus exigit, peccat mortaliter, quamvis non incurrat Irregularitatem. Et *Septimò*, si suspensio Sacerdotis à Divinis sit generica, neque Evangelium, neque Epistolam poterit cantare in Missâ absque peccato, & incurfu in Irregularitatem. Ita DD. quos citat, & sequitur Mastrius d. disp. 13. à num. 93. & seqq. ubi num. 96. notat, quod Suspendus ab Officio potest exercere actus Jurisdictionis, & quod Episcopus suspendus à Pontificalibus non est prohibitus celebrare Missam privatam.

Quo ad Quintum. Clericus suspendus à Divinis, si suspensionem non servet, sed actus

Ordinis exerceat, peccat mortaliter, ut dictum est, atque incurrit in Irregularitatem. cap. 1. & cap. 1. cui de Sent. Excomm. in 6. Antonell. de Regim. Eccl. Milit. libr. 2. cap. 10. num. 1. ubi num. 3. addit; quod fit incurfus in supradictas pœnas, quando exercetur actus Ordinis Sacri secundum communem Doctorum sententiam; secus si tempore Suspensionis exerceatur actus Ordinis minoris; quia tunc Irregularitas non incurritur; nam de consuetudine actus minorum ordinum à Laicis etiam cum solemnitate exercentur; ut post Tolet. Avilam, & alios observat Bonacina de Censur. disp. 7. q. 3. punct. 5. num. 1. Diana part. 4. tract. 2. resol. 56. & 92. quæ in opere ejus Coordinato habetur tom. 5. tract. 5. resol. 25. in §. 4. & alii recentiores communiter: quamvis contrarium teneant Navarr. in Manuali. cap. 25. num. 76. & cap. 27. n. 163. Quaranta in Verb. Ordo. Vers. *Secundò limita*. Et Belletus Disquis. Clerical. Tit. de Discipl. Cleric. §. 5. num. 62. Sed utrùm Canonicus, qui est suspendus à Divinis, possit stare in Capitulo, in quo agitur de eligendis Canonicis, & dare Votum suum? Respondetur, Affir-

Affirmativè; quia non est actus Ordinis electio Canonici activa. *cap. Cum Vintomiensis de Elect.* Mastrius *d. disp. 13. n. 98.*

Quo ad Sextum. Suspensiones à Divinis de Jure inflictæ contrâ Clericos, qui suscipiunt Ordines, non servatis de Jure servandis, sunt duodecim sequentes; videlicet: 1. Si recipiant Ordines ab Episcopo, qui renunciavit Episcopatu. 2. Si ab alieno finè licentiâ proprii Ordinarii. 3. Si ipsos Ordines recipiant à proprio Episcopo; sed in alienâ Diœcesi absque licentiâ Diœcesani. 4. Si illos recipiant ab Episcopo Excommunicato, vel Suspenso. 5. Si non habeant legitimam ætatem. 6. Si ordinentur extrâ tempora finè dispensatione. 7. Vel interstitiis non servatis. 8. Vel finè Titulo in Sacris. 9. Si ordinentur per saltum. 10. Si post contractum Matrimonium, etsi non consummatum. 11. Si ipsi Clerici sint Excommunicati, vel Suspenso, aut Interdicti. 12. Si ordinentur cum Litteris Vicarii Capitularis intrâ annum à Sede vacante. *cap. Neminem & cap. Sanctorum. 70. dist. cap. Cum secundum de Præben. & novissimè Constitutio Urbani VIII. Incipien. Secretis æternæ*

*Providentiæ de quâ Barbosa De Offic. & potest. Episc. part. 2. alleg. 20. n. 33. & 34.*

Quo ad Septimum. Causæ excusantes ab incurfu Suspensionis à Divinis sunt duæ. *Prima* est ignorantia invincibilis sive Juris, sive facti; cujus causâ lata sit hæc censura Suspensionis. *cap. 2. de Constitutionibus. & cap. 2. ubi DD. eod. tit. in 6. Thesaur. de Pœnis Eccles. part. 1. cap. 15. n. 1. Secunda* est metus gravis alicujus mali, sive in corpore, sive in famâ, & honore, sive etiam in bonis temporalibus, quando opus, cui est annexa Suspendio, non est aliàs prohibitum jure naturali. *cap. Discretionem. de Eo, qui cognovit. c. Sacris. ubi Abb. & Barbosa, de His, quæ vi, metusve caus. Thesaur. d. part. 1. cap. 18. & Mastrius d. disp. 13. n. 101.*

Quo ad Ultimum. Ad sciendum, quis possit absolvere ab hac Censurâ Suspensionis à Divinis? oportet distinguere: nam vel lata est ab homine per Sententiam? Et tunc ipse solus absolvit, nisi lata sit ad prænitum tempus, vel sub conditione; nam expleto tempore; vel conditione adimpletâ, cessat Suspendio; & non est opus aliâ absolutione secundum magis.



TIT. XVIII.

De Irregularitate.

gis communem opinionem. Mastrius *d. disp. 13. num. 103. & 104.* Vel Suspendio inflicta est à Jure? & in hoc casu si est reservata Papæ, vel Episcopo? ab ipsis tantum potest absolutio impertiri. Vel nulli est reservata? Et in hoc casu altercatio est inter DD. Alii enim dicunt, omnem Confessarium posse ab eâ absolvere: Alii vero tenent à solo Episcopo absolutionem esse elargiendam, ut videre est apud Diam *part. 5. tract. 10. resol. 23.* quæ in ejus Opere Coordinato habetur *tom. 5. tract. 3. resol. 9.* & secundam opinionem esse veriorē ait Antonellus *de Regim. Eccl. d. libr. 2. cap. 10. n. 26.* quia Suspendio non impedit absolutionem à peccatis, sicut impedit Excommunicatio: unde ab Excommunicatione nemini reservatâ omnis Confessarius potest absolvere. *cap. Nuper. de Sent. Excomm.* Tum etiam quia Suspendio pertinet ad forum contentiosum; & idē est auferenda ab habente Jurisdictionem in foro exteriori. Sylvest. *in Verb. Suspendio num. 8.* & Bonacina *de Censur. disp. 3. quæst. 5. punct. ult. n. 6.*

Quoniam illi, qui Suspendionem à Divinis non observant, & quamvis illâ affecti, & illigati audent Ministeria Sacra celebrare, inter alias poenas incurrunt in gravissimam illam, quæ vocatur Irregularitas, quæ etiam contrahitur ob aliarum violationem Censurarum; idcirco pro hujus operis complemento, & pro explicatione hujus materiæ videbimus:

- 1 Quid, & Quotuplex sit Irregularitas?
- 2 Quot, & quæ sint Irregularitates ex defectu?
- 3 Quot, & quæ sint Irregularitates ex delicto?
- 4 Quot, & Quibus modis tollatur Irregularitas?
- 5 Qui possint dispensare super Irregularitate?

Quo ad Primum: Irregularitas communiter definitur tam à Theologis, quam à Canonistis, quod sit *Impedimentum Canonicum impediens Ordinum suspensionem, vel eorundem susceptorum administrationem.* DD. apud Mastrium *in Theol. Mor. disp. 13. num. 127.* Ex quâ definitione colligunt, Irregularitatem non esse

esse Censuram Ecclesiasticam; sed solam inhabilitatem, ob decentiam servandam, tùm in suscipiendis, tùm in exercendis Sacris Ordinibus. Porro duplex est Irregularitas; alia ex Defectu; & alia ex Delicto. Mastrius *ibid.* n. 130. ubi DD.

Quo ad Secundum. Irregularitates ex Defectu sunt decem. Prima est ex defectu Animæ, & comprehendit Lunaticos, Epilepticos, perpetuò Amentes; ac Neophytos in ætate adultâ baptizatos; hi enim omnes prohibentur ad Ordines promoveri. *cap. Neophytus. dist. 61.* Mastrius *d. disp. 13. n. 168.* Secunda est ex defectu scientiæ, ac illiteraturæ. *cap. Illiteratos. 36. Concil. Trid. sess. 25. de Reform. cap. 4.* Tertia est ex defectu Corporis, vel ob deformitatem, ut in nanis, claudis, & gibbosis; vel ob debilitatem in aliquo membro principali. *cap. 1. & seqq. dist. 25.* & toto titulo *extr. de Corpore vitiatis.* necnon ob notabilem aliquam infirmitatem, qualis est lepra, morbus gallicus, apoplezia, & aliæ similes, circâ quas Jus se remittit prudentiæ, ac arbitrio Episcopi. *cap. Tua nos. de Cleric. agrot.* His accedunt Hermaphroditi; de quibus videndus est Mastrius

*ubi supr. num. 170.* & meæ Decisiones de Pœnitentiâ. *decis. 43.* Quarta est ex defectu Natalium, ut in spuris, ac illegitimis, extrâ Matrimonium natis; nisi sint dispensati, vel per subsequens Matrimonium legitimated. *cap. 1. & 2. & cap. Is, qui. de Filiis Presbyteror.* aut nisi sint in Religione professi; tunc enim possunt ad Ordines promoveri; non autem ad Prælaturas. *cap. ult. ubi Glossa, & DD. eod. tit. de Filiis Presbyter.* Infantes verò expositi, nisi probentur naturales, præsumuntur legitimi. *cap. 1. de Infantib. expos.* Mastrius *ubi supr. num. 172.* & ibi Bulla Gregorii XIV. in praxi observandâ. Quinta est ex defectu Ætatis. *cap. ult. de Tempor. Ordination. Clem. unic. de Ætate, & Qual. & Concil. Trid. sess. 23. de Ref. cap. 12.* in quibus juribus præfigitur ætas necessaria ad Ordines suscipiendos. Quod si quis ordinetur antè debitam ætatem, non incurrit novam Irregularitatem; sed solam suspensionem; quæ cessat debitâ ætate adveniente, dummodò antea non exercuerit Ordinem. *Gloss. in d. Clem. Unic. de Ætate, & qual.* Sexta est ex defectu Libertatis, quæ urgebat antiquis temporibus, quando homi-



mines erant in servitute ; Servi enim erant Irregulares , & ordinari prohibebantur , nisi ab eorum Dominis manumitterentur . *cap. Servorum . & seqq. dist. 54.* Nunc eâ sunt affecti , qui reperiuntur obligati ad publicâ ratiocinia ; ut sunt Thesaurarii , seu Depositarii æris publici , nec non Tutores , & Curatores divitum pupillorum ; hi enim , nisi redditis rationibus , ordinari non debent . *cap. Unic. de Oblig. ad ratiocin. Septima* est ex defectu lenitatis , complectens omnes , qui cooperantur ad Sententiam sanguinis , & justum homicidium ; ut sunt Judices , Notarii , Accusatores , ac Testes . *cap. 1. dist. 51. cap. 3. Ne Clerici , vel Monachi . cap. 3. de Homicid. in 6.* Nec non omnes pugnantes in bello aggressivo , etsi justo : nam si esset injustum , insurgeret Irregularitas , ex delicto Homicidii , de quâ dicemus infrâ . In bello autem justo defensivo pugnantes nullam contrahunt Irregularitatem , etsi feriant , vel occidant ; quia ex absolutâ necessitate , & ad necessariam defensionem censentur ferire , & occidere . *Mastrius d. disp. 13. n. 163. & 164.* Item comprehenduntur sub hâc Irregularitate Chirurghi ,

qui abscindunt , vel urunt membra ; non etiam Medici Physici ; qui debitâ diligentia curant infirmos . *cap. Ad aures . de Ætate , & qualit. Mastrius ubi antè num. 167.* Octava Irregularitas est ex defectu Sacramenti , & est illa , quæ provenit ex Bigamiâ ; idest ex multiplici contractu Sacramenti Matrimonii . *cap. 1. & seqq. de Bigam. non ordin.* Sivè si quis viduam duxisset in Uxorem ; non enim potest repræsentare Christum unicum Sponsum unius Virginis Ecclesiæ . *cap. Si quis Viduam . dist. 50.* & procedit etiam in Bigamiâ , quæ contracta esset antè Baptismum . *Mastrius d. disp. 13. num. 179.* Nona Irregularitas nascitur ex defectu bonæ famæ ; & afficit Histiones , Mimos , Comædos , ac filios publicæ Meretricis . *Mastrius ibid. num. 180.* Decima tandem provenit ex Publicâ Pœnitentiâ impositâ ob grave peccatum . *cap. Placuit . & c. Quicunque . dist. 50. c. Pœnitentes . dist. 59.* sed nunc cessat hæc Irregularitas , quia publicæ Pœnitentiæ non sunt amplius in usu , ut ostendi in meis Decisionibus *de Eucharistiâ . decis. 62. num. 9. nec non de Pœnitentiâ . decis. 38. nam. 32.*

Quo ad Tertium: Irregularitates provenientes ex delicto pariter sunt decem. *Prima* est ob iteratum Baptismum serio, & scienter; & hæc afficit tam rebaptizantem, quam rebaptizatum. *cap. Ex litterarum. de Apostatis, & reiter. baptism.* *Secunda* est ob violatam Censuram in susceptione, vel exercitio Ordinum; & idem Clericus Excommunicatus, vel Suspendus, aut Interdictus si Ordines exercent, fit Irregularis. *cap. Si quis Episcopus. 11. q. 3. cap. Is, qui. de Sent. Excomm. cap. Illorum. eod. tit. in 6.* Et idem est, si ad altiores Ordines ascendat, cum sit Excommunicatus; secus autem si sit Suspendus, vel Interdictus, quia de his duabus Censuris nullus Canon infligit Irregularitatem in Clericum eis irretitum Ordines suscipientem. *Mastrius d. disp. 13. num. 146.* *Tertia* est, si quis ordinetur ab Episcopo excommunicato, vel suspendo, vel hæretico denunciato; & non tolerato. *cap. Daibertum. 1. q. 7. cap. 1. & 2. de Schismat.* *Quarta* est, si quis ordinetur per Simoniam. *Extravag. 2. de Simon.* *Quinta*, si recipiat Ordines furtivè. *cap. 1. & 2. ubi Glossa. De eo, qui furtivè ordin. suscept. id.*

est se intrudendo inter Ordinandos, licet ab Episcopo non fuerit examinatus, & approbatus. *Sexta* est, si Clericus solemniter exercent actum Ordinis, quem non habet. *cap. 1. & 2. de Cleric. non Ordin.* ut si Diaconus Missam celebret, vel Sacerdos Ordines conferat; & multò magis si Laicus hæc facere præsumat. Non autem oritur hæc Irregularitas ex exercitio Jurisdictionis; quam quis non habet; ut si Confessiones quis audiat. *Mastrius dict. disp. 13. num. 150. in fin.* *Septima* est ex delicto Hæresis, vel Apostasiæ; quia omnes Hæretici, & Apostatæ à fide sunt Irregulares, sive sint Clerici, sive sint Laici. *cap. Qui in aliquod. cap. Presbyteros. dist. 5.* quibus addendi sunt fautores, receptatores, consilium, aut favorem dantes, ac omnium prædictorum filii, & nepotes. *cap. 2. de Hæretic.* *Octava* est per Apostasiam à Religione; & idem Regularis fugitivus non potest ad Ordines promoveri. *cap. fin. de Apostat.* *Nona* est ob infamiam commissorum delictorum, quæ sunt Adulterium, Incestus, Raptus Virginum, Sodomia, Veneficium, Duellum, Sacrilegium, Simonia, & Perjurium;



jurium ; dummodò sint notoria vel de facto , vel per Judicis sententiam . *cap. Infames* . 16. *quæst. 1. Decima* Irregularitas est , ob homicidium , vel mutilationem membrorum , sive voluntariè factum , sive casualiter , quando non fuit adhibita debita diligentia , præcipuè si dabatur opera rei illicitæ . *cap. ult. de Homicid. in 6. Clem. Si furiosus. eod. tit.* Quod si homicidium sit omninò involuntarium , & fuit adhibita diligentia , ne fieret ; tunc nulla incurritur Irregularitas ; secùs autem si debita diligentia adhibita non fuit . *cap. Dilectus . cap. Significasti . cap. Ad audientiam . & cap. fin. de Homicid.* At si quis dabat operam rei illicitæ , quamvis adhibuerit diligentiam , si homicidium sequatur , fit Irregularis . *cap. Suscepimus . cap. de Cætero . de Homicid.* Hoc tamen plures DD. intelligunt , si opus illicitum aptum erat de per se , causare homicidium ; ut verberare aliquem , ludere cum armis bellicis . Secùs autem si aliam rem illicitam committeret , ut adulterium . Horum tamen opinio respuitur à doctissimo Mastrio *d. disp. 13. num. 158.* ubi fusè de hâc materiâ , & *num. 159.*

addens , quod irretitur hâc Irregularitate non solùm homicida ; sed quivis alius secum cooperans quovis modo , juxtâ sequentes versus :

*Jussio , Consilium , Consensus , Palpo , Recursus ;*

*Participans , Mutus , Non obstans , Non manifestans .*

Et ratio fundamentalis est , illa Juris regula , quæ dicit , facientem , & consentientem par pœna constringit . *cap. Notum sit . 2. quæst. 1.* De supradictis autem casibus Irregularitatis ex Homicidio provenientibus videndus est idem Mastrius *ead. disp. 13. à n. 143.* usquè ad *num. 167.* ubi doctè differit , & plures casus examinat , qui in praxi solent occurrere .

Quo ad Quartum . Irregularitas tollitur quatuor modis . *Primus* est per Baptismum ; intelligendo de Irregularitatibus provenientibus ex delicto ; nam illud Sacramentum delet omnem culpam , & omnem pœnam . Concil. Trident. *sess. 14. cap. 2.* Idcirco Irregularitates , quæ sunt ex defectu ; durant etiam post Baptismum , donec tollatur ille defectus ; prout etiam illa , quæ provenit ex Bigamiâ . *Secundus* modus est per Professionem reli-

giosam, quæ tollit omnes Irregularitates quo ad ordines; sed non ad Dignitates, & Prælaturas. *Tertius* est per remotionem causæ, ut in defectu ætatis cum debita ætas advenerit, & in ignaro si Litteratus studendo evaserit. *Quartus* est per legitimam Dispensationem concessam ab eo, qui habet potestatem dispensandi super Irregularitatibus; cujus dispensationis forma solet esse in his verbis: *Dispensatio tecum super Irregularitate, quam ob talem, vel talem causam incurristi &c.* Mastrius *d. disp.* 13. n. 181.

Quo ad Ultimum: Quinque sunt personæ, quæ possunt ab Irregularitatibus dispensare: videlicet Summus Pontifex, Metropolitanus, Episcopus, Prælatus Regularis, & Confessarii Regulares. *Primò* Summus Pontifex dispensat in omnibus Irregularitatibus, quia omnes sunt pœnæ à Jure Canonico statutæ; Papa verò est suprâ omne Jus Canonicum. Concil. Trident. *sess.* 14. *de Sacrament. Pœnitent. cap.* 7. & *sess.* 25. *de Reform. cap.* 21. Mastrius *d. disp.* 13. num. 188. *Secundò* Metropolitanus dispensat cum subditis omnium suorum Suffraganeorum, sed tan-

tum in Visitatione; vel in gradu appellationis. Mastrius *ibid. num.* 182. & ibi Bonacina, Suarez, & alii DD. *Tertiò*, Episcopus potest dispensare cum ejus subditis super Irregularitatibus in casibus sibi permissis, qui sunt sequentes. *Primò* in Irregularitate ex defectu Natalium quò ad ordines minores, & beneficium simplex tantum. *cap.* 1. *de Fil. Presbyter. in* 6. *Secundò* in illâ, quæ provenit ex Bigamiâ similitudinariâ tantum, etiam pro Sacris Ordinibus. *cap.* *Sanè. de Cleric. Conjug. & cap.* 1. *Qui Clerici, vel voven.* Est autem Similitudinaria, quando Subdiaconus de facto contrahit Matrimonium; aut Laicus Uxoratus aliam Uxorem ducit. Card. Tolet. *lib.* 1. *c.* 67. num. 1. & 2. Fagnan. *in cap. Nupèr à Nobis. de Bigam. à num.* 40. *usquè in finem.* Rota *decis.* 1. *de Bigam. in novis.* *Tertiò* in defectibus ex corpore, vel ex scientiâ, quando dubium est, an sint graves, vel leves? tunc enim Episcopus potest arbitrari, & pronunciare, eos esse leves, & sic tacitè dispensare tum ad ordines suscipiendos, tum ad beneficia simplicia obtinenda. Pax Jordan. *tom.* 1. *lib.* 3. *tit.* 6.



de Sacram. Ordin. num. 228. & tom. 2. libr. 9. tit. 1. de Dispensat. num. 201. Quartò Episcopus dispensat vigore Concilii Trident. sess. 24. de Ref. cap. 6. in omnibus Irregularitatibus provenientes ex delicto occulto, eâ exceptâ, quæ provenit ex homicidio voluntario; & aliis delictis, quæ pervenerunt ad forum contentiosum. Mastrius d. disp. 13. n. 182. Porro, delictum si sit ad forum deductum, sed in eo non fuit probatum, vel ex defectu testium, vel ex eorum taciturnitate, Episcopus dispensare potest. Mastrius ibid. n. 184. Quintò dispensare potest Episcopus super Irregularitate ortâ ex homicidio casuali; vel commisso ad defensionem propriæ vitæ non servato moderamine inculpatæ tutelæ; in his enim casibus homicidium propriè non est voluntarium. Idem Mastrius ibid. num. 184. ubi DD. Et Sextò dispensat Episcopus super Irregularitate ob occultam mutilationem alicujus membri; quia & hæc non est homicidium voluntarium. Mastrius num. 186. ubi sic declaratum refert à Sacrà Card. Congregat. Ex his colligere debemus, quod Episcopus viceversâ dispensare non potest

ab Irregularitate, quæ provenit ex Hæresi, quamvis occultâ; quia ubi non potest absolvere à culpâ, neque à pœnâ valet dispensare. cap. Cum illorum. de Sent. Excomm. At à peccato Hæresis quamvis occultæ Episcopus non absolvit, quia est Papæ reservatum. DD. quos cumulat Barbosa ad Concil. Trident. sess. 24. de Reform. cap. 6. num. 52. & ego dixi in meis Decisionibus de Pœnitentiâ. decis. 45. num. 6. Quartò Prælati Regulares absolvent suos subditos, & cum eis dispensant ab omnibus Irregularitatibus, (exceptis ortis ob homicidium voluntarium, etsi occultum, & mutilationem membrorum, ac bigamiam.) vigore Privilegiorum Clementis IV. Bonifacii IX. & Eugenii IV. de quibus videndus Mastrius ubi supr. disp. 13. num. 186. & Lezana in Summâ tom. 1. cap. 18. num. 4. necnon tom. 3. Verb. Abortus. num. 14. & Verb. Irregularitas. num. 72. Imò Bordonus tenet, eos dispensare posse etiam super Irregularitatibus ex homicidio voluntario, si sit occultum; & ex casuali, quamvis publico, ut latè scribit in suis Resolutionibus part. 1. Resol. 13. num. 15. ad quem Le-  
cto-

ctorem remittimus ; & ad ea ,  
quæ ego de hoc dixi in meis  
Decisionibus *de Pœnitentiâ*. *De-*  
*cif. 46. num. 15.* Quintò , & ul-  
timò , etiam Confessarii Re-  
gulares virtute suorum Privi-  
legiorum dispensant Pœniten-  
tes , qui ad eos accedunt , ab  
omnibus Irregularitatibus pro-

venientibus ex delicto , in fo-  
ro tamen conscientia ; & ex-  
ceptis illis , quæ sunt ex homi-  
cidio voluntario , quamvis oc-  
culto , mutilatione membro-  
rum , & bigamiâ , ut tenent  
Doctores , quos à me fuerunt  
allegati in *d. Decif. 46. de Pœni-*  
*tentiâ. num. 20.*

F I N I S.



## I N D E X

## Verborum, &amp; Rerum Notabilium.

## A

**A**ccusatio quid sit? *pag.* 219. Qui possint accusare? & accusari? *ibid.* & *pag.* 220. 221.

Adulterium quid? & quotuplex sit? *pag.* 239. Quo Jure puniatur? *ibid.* Quibus poenis. *pag.* 240.

Alienationis nomine, quæ comprehendantur? *pag.* 138. Alienari quando possint res Ecclesiæ? *ibid.* Quæ requirantur in earum alienatione? *pag.* 139.

Altare quid sit? *pag.* 110.

Apostasia quid sit? & undè dicatur? *pag.* 229.

Apostatæ qui sint? *pag.* 229. Quibus poenis puniantur? *pag.* 231. & *pag.* 290.

Appellatio quid sit? & cur inventa? *pag.* 212. Quot ejus species? & quot modis fiat? *pag.* 213. Intrà quod tempus sit appellandum? *pag.* 214. A quibus Judicibus? Et ad quos Judices? *ibid.* A quibus sententiis liceat appellare? *ibid.* & *pag.* 215.

Appellatio quando rejiciatur? *pag.* 215.

Appellationis qui sint effectus? *pag.* 215. 216.

Arbitri qui sint? & qui esse possint? & super quibus rebus? *pag.* 163. & 164.

Archidiaconus quis sit? *pag.* 30. Quæ ejus Jurisdictio? & quale ejus officium? *ibid.*

Archipresbyter quis sit? *pag.* 31. Quot species Archipresbyterorum? *ibid.* Quale eorum officium? *ibid.*

Auctoritas totius Juris Canonici; & Ecclesiasticarum Constitutionum, quæ? & quanta sit? *pag.* 11. & *seqq.*

Auctoritas Declarationum S. Congreg. Emin. S. R. E. Cardinalium. *pag.* 13.

Auctoritas ex traditione Pallii quæ? *pag.* 27.

## B

**B**aptismus quid, & quotuplex sit? *pag.* 73. Qui baptizari? & qui baptizare possint? *pag.* 74. & 75. Quæ sint necessaria in baptismo? *ibid.* Quo in loco sit conferendus baptismus? *pag.* 76. Qui sint ejus effectus? *ibid.*

Beneficium Ecclesiasticum quid sit? *pag.* 51. Quibus conferendum? & à quibus? *ibid.* necnon Quibus modis? *pag.* 52. Ac intrà quot tempus? *pag.* 56.

Beneficiorum in collatione, quæ à Summo Pontifice impetrantur; quid observandum? *pag.* 56. & 57.

Bestialitatis crimen quodnam sit? *pag.* 241.

Bigamia quid? & quotuplex sit? *pag.* 48.

Bigamia similitudinaria quæ sit? *pag.* 292.

Bigami cur ordinari non possint? *ibid.* & *pag.* 49. necnon *pag.* 289.

## C

**C**anonica Portio quid? & quotuplex sit? *pag.* 129. Cui debeat? & ex quibus rebus? *pag.* 130. & 131. A quibus debeat? *pag.* 132.

Capellæ Monachorum quæ dicantur. *pag.* 124. Cui ipsæ subsint? *ibid.*

Carnalium culparum species novem. Et quæ? *pag.* 241. Quibus poenis puniantur? *pag.* 242. & *seqq.*

Casiniensium Privilegiorum tomi duo. *pag.* 9.

Causæ degradationis Presbyterorum quæ? & quot sint? *pag.* 40.

Censura Ecclesiastica quid, & quotuplex sit? *pag.* 259. & 260. Qui possint fulminare Censuras? *pag.* 261. Contrà quos? *pag.* 262. Quæ sint necessaria pro

- pro validitate Censuræ? *ibidem*. Quæ causæ excusent ab incurſu Censurarum? *pag.* 263. Quis ab illis possit absolvere? *ibid.*
- Census, exactio, & Procuratio, quæ datur Prælati, quid sit? *pag.* 121. & 122. Quis possit Censum imponere? & quibus ex causis? *pag.* 123.
- Chrismatis Sacramentum quid sit? *pag.* 76. Quibus? & à quibus conferatur? *pag.* 77. Quà formâ? *ibid.* Qui sint ejus effectus. *d. pag.* 77.
- Citatio in Jus quid sit? *pag.* 165. Qui possint citare? Et qui citari? *ibid.* & *pag.* 166. Quibus ex causis citatio sit nulla? *d. pag.* 166. & *seqq.*
- Clandestina desponsatio quæ sit? *pag.* 98. Qui ejus effectus? *ibid.* Quæ observanda, ne desponsatio sit clandestina? *pag.* 99.
- Clausura Monialium quæ? & quotuplex sit? *pag.* 273. Quo tempore, & quo Jure sit introducta? *ibid.* Quot modis violetur? *pag.* 275. Quæ pœnæ sint inflictæ contrâ violantes illam? *ibid.* Quis possit absolvere ab ipsis? *pag.* 278. An sint casus, in quibus liceat Monialibus exire de Clausurâ. *pag.* 276. Qui possint eam Clausuram ingredi? *pag.* 277.
- Clausuram Regularium si Mulieres ingrediantur, quas pœnas incurrant? *pag.* 278.
- Clerici sunt in tres classes distincti. Et quæ sint? *pag.* 13. & 14.
- Clericorum peculium quid? & quotuplex sit? *pag.* 139. An possint de illo dispo-  
nere? *pag.* 140.
- Coadjutor quis dicatur? *pag.* 33. Quibus detur? & ex quibus causis? *pag.* 34. A quo detur? Et quæ sit Coadjutoris potestas? *ibid.*
- Cognatio quid? & quotuplex sit? *pag.* 94. & 95. Usque ad quem gradum dirimat Matrimonium? *pag.* 96.
- Collatio beneficiorum quid sit? *pag.* 52. Quot modis fiat? *pag.* 53. Qui possint eam facere? & de quibus Ecclesiis? *pag.* 54. & *pag.* 56. Intrâ quæ tempora sit facienda? *pag.* 56. Quæ sint in collatione beneficiorum observanda? *ibid.* & *pag.* 57. & 58.
- Compromissum quid sit? *pag.* 164. Qui possint compromittere? *ibid.* Quando, & quomodo finiatur Compromissum? *pag.* 165.
- Conciliorum Generalium, & Provincialium quot Tomi? *pag.* 9.
- Concubinatus crimen quid sit? *pag.* 241. Quibus pœnis coerceatur? *pag.* 242.
- Confessiones si Laicus audiat, An fiat Irregulares? *pag.* 290.
- Confessarii Regulares ab possint absolvere suos pœnitentes à reservatis Papæ? *pag.* 294.
- Confirmatio Electionis quid sit? Et quomodo fiat? *pag.* 23. Quæ necessaria pro ejus validitate? *ibid.* Intrâ quod tempus sit facienda? *pag.* 23. & 24. Qui sint ejus effectus? *ibid.*
- Congregationum S. R. E. Cardinalium Decreta, & Declarationes quam auctoritatem habeant? *pag.* 13.
- Consecratio Episcopi à quibus? & quibus solemnitatibus fiat? *pag.* 24. & 25. Intrâ quæ tempora sit facienda? *ibid.* Qui sint ejus effectus? *pag.* 26.
- Constitutio quid? & quotuplex sit? *p.* 7. Quam vim obligandi habeat? *ibid.*
- Constitutiones, & Leges Civiles an obligent in conscientia? & sub pœnâ peccati mortalis? *d. pag.* 7.
- Constitutiones Ecclesiasticæ quæ sint? & undè collectæ? *d. pag.* 7. & 8. Quam auctoritatem habeant? *pag.* 11.
- Consuetudo quid? & quotuplex sit? *pag.* 6. Quæ, & quot requirantur, ut sit valida; ac vim obligandi habeat? *ibid.*
- Controversiæ, de quibus in Libris Juris Canonici agitur, quæ? & quotuplices sint? *pag.* 10.
- Contumacia quid sit? Et quis Contumax dicatur? *pag.* 171. Quibus pœnis plectatur? *ibid.* Qui sint contumaciæ effectus? *pag.* 172.
- Corepiscopi qui essent? *pag.* 34. Quale eorum officium? *pag.* 35.



D

**D**amna illata quomodo resarciuntur? pag. 258.

**Decimæ** quid sint? & quo Jure sint introductæ? pag. 133. Quot earum species? *ibid.* Quorum rerum Decimæ debeantur? pag. 134. Qui teneantur eas solvere? pag. 135. Quibus sint solvendæ? *ibid.* Quibus? pag. 136. Quâ formâ? & sub quibus pœnis? pag. 137.

**Degradatio** Clericorum quid? & quotuplex sit? pag. 38. & 39. A quibus fiat? Quomodo, & quibus de causis? *ibid.* Ad quem effectum? pag. 40.

**Denunciatio** quid sit? pag. 223. Ad quem effectum sit faciendâ? *ibid.*

**Diaconi** qui sint? pag. 42. Qui possint ad Diaconatus ordinem promoveri? *ibid.* Quæ sit eorum potestas, & officium? d. pag. 42.

**Dispensatio** cum inhabilibus ad suscipiendos Ordines à quo? quando? & in quibus impedimentis concedatur. pag. 46. & seqq. & pag. 292.

**Divortium** quid sit? pag. 101. Ex quibus causis fiat? & quando? pag. 102. & seqq. Quot modis Uxor repetatur? pag. 105. Qui sint effectus divortii? pag. 108.

**Dolus** quid sit? pag. 171.

E

**E**cclēsia quid significet? pag. 110. Quid sit eam construere? vel reficere? *ibid.* Ex quibus causis sit construenda? pag. 110. & 111.

**Ecclesia** quando sit consecranda? A quo? & quomodo? pag. 112. Quæ impediunt Ecclesiæ consecrationem? *ibid.*

**Electio** quid sit? pag. 16. Quæ in electione desiderentur? *ibid.* & pag. 17. Quot modis fiat? pag. 18. & 19.

**Eligere** qui possint? pag. 20. Qui possint eligi? *ibid.* Intrâ quot tempus sit faciendâ electio? pag. 21.

**Electi** confirmatio à quo faciendâ? Quomodo, & quando? pag. 23. Ad quem effectum? pag. 24.

**Episcopi** nomen quid significet? & quas

personas denotet? pag. 14. & 15. Episcoporum ordines quot sint? pag. 15. Quæ, & qualis sit eorum auctoritas? *ibid.*

**Episcopi** in quibus Irregularitatibus possint dispensare? pag. 292. & p. 293.

**Eucharistiæ Sacramentum** quid sit? & ex quibus constet? pag. 80. & 81. Quis illud conficiat? & ministretur? d. p. 81. Quibus sit ministrandum? *ibid.* Qui sint ejus effectus? pag. 82.

**Exceptio** judicialis quid sit? & quot ejus species? pag. 176. Quomodo, & quando proponenda sit in judicio? p. 179.

**Excommunicatio** quid, & quotuplex sit? pag. 264. & 265. Quæ requirantur pro ejus validitate? pag. 266. Qui sint effectus ipsius? *ibid.* Quis possit ab illâ absolvere? pag. 269. Quæ, & quot causæ excusent ab ejus incurso? *ibid.*

**Executio** rei judicatæ quomodo, & à quo fiat? pag. 211. Quæ executionem impediunt? *ibid.*

**Extrema Unctio** quid sit? pag. 82. Quot ejus species? Et ex quibus constet? pag. 83. A quibus ministretur? Quibus personis? Et ad quem effectum? *ibid.*

F

**F**alsitas quid sit? pag. 245. Quotuplex? pag. 246. Quot modis committatur, tam in contractibus, quàm in Judicio? *ibid.* Quibus pœnis puniatur? pag. 246. & pag. 247. An detur Falsitas impunita? *ibid.*

**Feriarum** tempore an liceat citare in judicio? aliosve actus judiciales expedire? pag. 167. & pag. 168.

**Fornicatio** quid sit? pag. 241. An sit peccatum mortale? pag. 242. Cur non puniatur de Jure Civili? *ibid.* In Clericis an de Jure Canonico puniatur? *ibid.*

**Furtum** quid sit? & in quibus rebus consistat? pag. 234. Quâ pœnâ puniantur Fures tam de Jure Civili, quàm de Jure Canonico? *ibid.* An extendatur etiam ad consilium, vel auxilium dantes? pag. 235.

## G

**G**ravia ob peccata. An publicæ Pœnitentiæ sint imponendæ? *pag.* 289.

## H

**H**æresis quid sit? Et qui Hæretici dicantur? *pag.* 228. Horum sex species; & quæ? *ibid.* & *pag.* 229.

Hæresis à peccato, etsi occulto, nullus potest absolvere, nisi Papa. *p.* 293.

Historia Conciliorum ab Episcopo Nucerino confecta; & Anno 1686. Venetiis, per Andream Poleti typis impressa, laudata. *pag.* 9.

Homicidium quid, & quotuplex sit? *pag.* 249. Necessarium quale sit? *ibid.*

Casuale quando non sit culpabile? *pag.* 250. Quibus pœnis Homicidæ plectantur? *pag.* 251. An alicui liceat seipsum occidere? *pag.* 252.

Homicidium ob involuntarium, & casuale. An quis fiat Irregularis? *p.* 291.

## I

**I**mmunitas Ecclesiarum. quid sit? & quot ejus species? *pag.* 117. Quæ prohibita sint fieri in Ecclesiis? *ibid.* Delinquentes. An possint capi in Ecclesiis? *pag.* 118. & 119. Clericorum personæ, & bona quâ gaudeant Immunitate? *pag.* 119. & *seqq.*

Incestus crimen quid sit? *pag.* 241. Quâ pœnâ puniatur: tam de Jure Civili, quàm de Jure Canonico; & tam in Laicis, quàm in Clericis? *p.* 244.

Injuria, quid sit? & quot modis committatur? *pag.* 253. Quæ actio competat pro injuriis? & quibus competat? *pag.* 253. Quibus pœnis puniuntur injuriantes? & ad quæ resarcienda damna teneantur? *pag.* 256. & *seqq.*

Inquisitio quid sit? *pag.* 221. Ubi? quomodo? & quando sit facienda? *pag.* 222. Ejus effectus qui sint? *p.* 223.

Institutio in beneficiis quid sit? *pag.* 59. In quo differat à collatione? *ibid.*

Interdictum Ecclesiasticum quid? & quotuplex sit? *pag.* 279. Qui possint illud

insligere? Et ob quas causas? *p.* 280. Qui teneantur illud observare? *ibid.* Qui sint ejus effectus? *pag.* 281. Quas pœnas incurrant illud violantes? *pag.* 282. Quis possit illud tollere? *ibid.*

Interdictus Clericus si ad majores Ordines ascendat, An fiat Irregularis? *p.* 290.

Irregularitas quid, & quotuplex sit? *pag.* 287. Quot? & quæ sint Irregularitates ex defectu? *pag.* 288. Quot? & quæ ex delicto? *pag.* 290. An fiant Irregulares consentientes, aut non impedientes homicidium? *pag.* 291. Quot? & quibus modis tollatur Irregularitas? *ibid.* Qui possint super eâ dispensare? *pag.* 292.

Judex quis dicatur? *pag.* 146. Quot sint Judicium species? *ibid.* Qui possint esse Judices? & qui eos dare? *pag.* 147.

Judicium quid sit? & quot Judiciorum species? *p.* 143. Quot eorum sint partes? *pag.* 145. Quæ ad Judicium constitutendum sint necessaria? *ibid.* Quis Ordo in Judiciis servandus? *pag.* 150. De quibus rebus Judicium consistat? *pag.* 152. Quomodo Judicium solvatur? *ibid.*

Juramentum calumniæ quid sit? *p.* 194. Qui illud teneantur præstare? *ibidem.* Quando sit præstandum? Et in quibus causis? *pag.* 195. Qui sint ejus effectus? *pag.* 196.

Jus Canonicum quid sit? *pag.* 1. Quis primus ejus Auctor? *pag.* 2. Quando incoeperit? Et quis ejus finis? *ibid.* Ex quibus Præceptis emanaverit? *p.* 3.

Jus Divinum quid? & quotuplex sit? *pag.* 4.

Jus Patronatus quid sit? *pag.* 59. Qui possint illud habere? & quomodo constitutur? *pag.* 60. Quomodo acquiratur? & amittatur? *ibid.* & *p.* 61.

## L

**L**ibellus quid sit? & quot ejus species? *pag.* 174. Cui? & in quibus causis sit offerendus? *pag.* 175. Quæ debeat continere? *ibid.*

Litis contestatio quid sit? Et qualiter fiat? *pag.* 191. A quo fiat? *pag.* 192. Qui



Qui sint ejus effectus? pag. 193.

Litis pendentia quid sit? pag. 197. Qui ejus effectus? *ibid.*

Luctus intra Annum An liceat nubere? pag. 107. & 108.

M

**M**aledici qui sint? pag. 231. Quâ pœnâ sint puniendi? pag. 233.

Materiæ, de quibus agit Jus Canonicum quæ? & quoruplices sint? pag. 10.

Matrimonium quid sit? & ex quibus constet? pag. 85. Qui possint illud contrahere? & quæ sint ejus bona? *ibidem.*

Quæ? & quot ejus impedimenta? pag. 91. Qui illud accusare possint?

Et quid sit talis Accusatio? p. 99.

Mollitijs crimen quodnam sit? pag. 241.

Quàm graviter à Deo puniatur? pag. 245. ubi exempla Maritorum Thamar.

Monachi qui sint? pag. 63. In quo differant ab alijs Regularibus? pag. 64.

Quomodo quis fiat Monachus? p. 65. Eorum obligatio? p. 66.

Monialium Clausura quid, & quoruplex sit? pag. 273. Quo tempore introdu-

cta? *ibid.* Quot modis violetur? pag. 275. Quæ pœnæ inflictæ contrâ violantes illam? *ibid.* An aliquo in casu

Moniales possint ab eâ exire? p. 276. Quis possit absolvere violatores prædictæ Clausuræ? p. 278.

Mutua Petitio quid sit? p. 186. Coràm quo? & quibus in causis fieri possit?

*ibid.* Qui sint ejus effectus? p. 187.

N

**N**otorium triplex, Facti, Juris, & Præsumptionis. pag. 205. Quæ requirantur ad Notorii probationem? pag. 206.

Nuptiæ quid sint? & undè dictæ? p. 89.

Qui possint eas contrahere? Et quibus temporibus? p. 90. Quando sint invalidæ? *ibid.*

O

**O**rdines majores, seu Sacri qui sint? pag. 42. Ordines minores quot sint?

& quales eorum officium? p. 43. & 44.

Quæ sint communia Majoribus, & Minoribus? *ibid.* & pag. 45. Qui prohibeantur eos suscipere? p. 46.

Ordinis Sacramentum quid sit? & cujus sit virtus, ac potestas? p. 84.

P

**P**actum quid sit? & quot Pactorum species? pag. 160. & pag. 161. De quibus rebus possit pacisci? *ibid.* Qui sint Pactorum effectus? p. 162.

Pallium quid sit? p. 27. Cui? A quo? & quo tempore detur? *ibid.* Qui sint ejus effectus? p. 28.

Personarum quæ sit præcipua divisio? pag. 13.

Petitio Mutua quid sit? pag. 186. Vide suprâ Mutua Petitio.

Pœnitentiæ Sacramentum quid sit? Et ex quibus constet? pag. 78. Ejus virtus, & effectus? p. 79. A quibus ministraretur? *ibid.*

Pollutio voluntaria quàm grave peccatum? p. 241. Severè à Deo punitum. pag. 245.

Pontifex Summus quis sit? p. 14. Quæ ipsius potestas? p. 15.

Portio Canonica quid, & quoruplex sit? p. 129. & seqq. Ex quibus rebus debeat? Cui? & à quibus? p. 130. & seqq.

Postulatio Prælatorum quid sit? p. 21. Qui possint postulare? & qui postulari? & apud quos? p. 22.

Præbenda beneficiæ quid sit? pag. 51. Cui? A quo? & quot modis conferatur? *ibid.*

Præcepta Legis Divinæ triplicia. Et quæ? pag. 5.

Prælati nomen quid significet? p. 28. Quæ debeant exhibere? & quæ evitare? p. 29.

Prælati Regulares an absolvant suos subditos ab omnibus culpis? Et cum eis dispensent super Irregularitatibus? p. 293.

Probatio quid sit? *pag.* 198. Quot modis fiat? *pag.* 199.

Procuratio debita Episcopo quænam sit? *pag.* 122. A quibus sit præstanda? *ibid.*

Procurator quis? & quotuplex sit? *p.* 154.

Quis? & à quo fiat? *pag.* 157. Quibus in causis? *ibid.* Quot modis revocetur? *pag.* 159. Quæ Actiones inter hos oriantur? *pag.* 160.

Professionis Regularis Virtus in tollendis Irregularitatibus. *pag.* 292.

Purgatio Canonica quid? & quotuplex sit? *pag.* 224. In quibus casibus detur? Cui? & à quo? *ibid.* Ejus vis, & effectus? *pag.* 225.

## Q

Qualitatis error quando reddat Matrimonium nullum? *pag.* 91.

## R

Raptus Mulierum quid sit? *pag.* 241. Quæ pœnæ contrâ ipsarum Raptores infliguntur? *pag.* 243.

Reconciliatio Ecclesiæ quid sit? *pag.* 113. Quot, & in quibus casibus fiat? *ibid.*

Regulares qui sint? Et qui tales fieri possint? *pag.* 63. & 64. Quæ sint eorum obligationes? *p.* 66.

Regularium Clausuram Mulieres ingredientiæ quam pœnam incurrant? *pag.* 278.

Renunciatio beneficii quid sit? *pag.* 36. A quo? & quibus ex causis fieri possit? *p.* 37. Qui sint ejus effectus? *p.* 38.

Replicatio Judicialis quid sit? *p.* 185. Ejus virtus, & effectus? *ibid.*

Rerum Ecclesiasticarum divisio quæ sit? *pag.* 69.

Residentia beneficiatorum quid sit? *p.* 62. Qui teneantur residere? *ibid.* Quibus pœnis irresidentes puniantur? *p.* 63.

Res judicata quæ? & quando talis dicatur? *p.* 211. Quomodo executioni mandetur? *ibidem.*

Res, quæ dicantur, Sanctæ, Sacræ, & Religiosæ? *pag.* 108. Quibus subiciantur? *p.* 109.

Restitutio Spoliatorum quid sit? *p.* 187.

Qualiter à Judice sit facienda? *p.* 188.

Restitutio in integrum quid sit? *pag.* 216.

Quibus? adversus quos? & quo concedatur? *p.* 217. Intrâ quod tempus petenda? *ibid.* Qui sint ejus effectus? *ibid.*

## S

Sacerdotes qui sint? *pag.* 40. Qui possint esse tales? *p.* 41. Quæ eorum potestas? *ibid.*

Sacramentum quid sit? *p.* 70. Quot sint Sacramenta? & à quo instituta? *p.* 71.

Ex quibus consistant? *p.* 72. Qui possint ea ministrare? *ibid.*

Sacrilegi qui sint? *pag.* 231. Quot modis Sacrilegium committatur? *pag.* 232.

Quibus pœnis puniantur? *pag.* 233. & *pag.* 244.

Schismatici qui sint? *p.* 229. Quæ pœnæ in eos infliguntur? *pag.* 231.

Sententia quid? & quotuplex sit? *pag.* 206. & *segg.* Quomodo? & à quibus ferenda? *p.* 207. & 208. Qui sint ejus effectus? *p.* 210.

Sepultura Ecclesiastica quæ sit? *p.* 127. Ubi? & à quibus constitui possit? *ibid.*

Qui sint illâ privandi? *p.* 128.

Simonia quid sit? Et quot ejus species? *p.* 226. Quibus, & quot modis committatur? *ibid.* Quæ pœnæ sint contrâ eam statuta? *p.* 227.

Sodomia quid sit? *p.* 241. Quâ pœnâ plectantur committentes hoc crimen? *p.* 244. *in fin.* & *p.* 245.

Sortilegi qui sint? *pag.* 231. Quàm grave sit crimen? *p.* 232. Quibus pœnis puniantur? *ibid.*

Spoliatorum restitutio quid sit? *pag.* 187. A quibus? & quomodo concedenda? *p.* 188. & *p.* 189.

Sponsalia quid, & quotuplicia sint? *pag.* 86. Quot modis contrahantur? Et inter quos? *ibid.* & *p.* 87. Qui sint eorum effectus? *d. pag.* 87. Quot modis dissolvantur? *p.* 88.

Stuprum quid sit? *p.* 241. Quâ pœnâ puniatur? *p.* 243.

Subdiaconi qui sint? Et qui ad Ordinem Subdiaconatus promoveri possint? *pag.* 42.



pag. 42. Quale sit eorum Officium ?  
*ibid.*

Suspensio à Divinis quid ? & quotuplex sit ? pag. 283. Quis possit eam infligere ? & qui sint ejus effectus ? pag. 284. & 285. Quas poenas incurrat, qui eam non servat ? *ibid.* Quæ, & quot Suspensiones sint à Jure inflictæ ob malam Ordinum susceptionem ? p. 286. Quæ causæ excusent ab ejus incurso ? *ibid.* Qui possit ab illâ absolvere ? *dict.* pag. 286. & 287.

T

Testes qui possint esse ? p. 200. Quibus sit credendum ? p. 202. Quomodo, & quando sint examinandi ? *ibid.* Transactio quid sit ? p. 161. De quibus rebus transigi possit ? *ibidem.* Qui sint Transactionis effectus ? p. 162. Translatio Prælatorum quid sit ? & cur inventa ? pag. 35. Quæ in eâ faciendâ sint necessaria ? Et in quibus Ecclesiis permittatur ? p. 36. Tridentinum Concilium vocatur Octavum Volumen Juris Canonici. pag. 9. & 10. Eo regitur Catholica Ecclesia in regimine Animarum. *ibid.* Ejus Vis,

& Auctoritas ? pag. 12. in fine. & pag. 13.

V

Via Lactea quid sit in Firmamento ? Et cur sic vocata ? In Præfat. Quot, & quibus de causis eidem assimilentur hæ Canonicæ Institutiones ? *ibid.* Vicarius quis sit ? pag. 32. Quot Vicariorum species ? *ibidem.* Qui possint esse Vicarii in Ecclesiis ? d. pag. 32. in fin. Quæ eorum potestas ? pag. 33. Unio Ecclesiarum quid sit ? & quot ejus species ? pag. 114. Ex quibus causis fiat ? & à quo ? pag. 115. Quæ sint necessaria in eâ faciendâ ? & qui sint ejus effectus ? *ibid.* Quando unio solvatur ? pag. 116. Vocatio in Jus quid sit ? pag. 165. Qui possint in Jus vocare ? & qui vocari ? *ibid.* & pag. 166. Quibus ex causis vocatio nulla sit ? pag. 166. & 167. Usura quid sit ? & unde dicta ? pag. 235. quot sint ejus species ? & in quibus rebus committatur ? pag. 236. Quæ poenæ sint statutz contrâ hoc crimen ? Et qui illis afficiantur ? *ibidem.* & pag. 237.

F I N I S.

Handwritten text, likely bleed-through from the reverse side of the page. The text is mostly illegible due to fading and bleed-through.


2 1 M 1 9













93-B14435







